



— 80. H<sup>c</sup>. 2040. X. 2.

54

---

1253





GLORIOSUS SANCTUS



ROMEDIUS

*Ex Comitibus de Thaur Andek, &  
Altæ Guardiae Dominis,*

Vallis Annaniae in Tyroli Apostolus, Magnus Thau-  
maturgus, & Anachoreta,

Quem

*Similem fecit Dominus in gloria sanctorum, & beatificavit illum  
in gloria Eccli. 45.*

Nec non

GLORIOSA  
DOMUS COMITUM  
DE  
THUN,

Illo Aggaei Prophetæ condecorata vaticiniò:

*Magna erit Gloria Domus istius. Cap. 2.*

Calamò Panegyricò exornata,

à

R. P. AMANDO FRIEDENFELS, S: Ord: Præmonstratensis Regiæ Ecclesiæ  
Strahovvienſis Canonico, Philosophiæ & SS. Theologiæ Professore,  
nec non Collegij S: NORBERTI Vice-Rectore.

\*\*\*\*\*  
Vetero-Pragæ, Typis Archi-Episcopilibus, in Collegio S. NORBERTI,  
per Georgium Samuelem Beringer, 1699.

# VOTUM CHRONOGRAPHICUM

*Ad Augustissimum Cæsarem  
Magnum*




## LEOPOLDUM.

Pa **X** grata est orb **I**, **M** ars ferre **V** s, a **V** rea pa **X** est:

F **L** oreat **I** n terr **I** s pa **XL** eopo **LD** e t **VI** s

*Vaticinium Chronographicum de Augu-  
sto Rege Romanorum*



## IOSEPHO.

Sa **LV** ator **MV** n **DII** Ioseph Re **X** a **V** ree f **I** es,

Et Fa **V** stè regnans T **V** q **V** oq **V** e **C** æsar er **I** s.

SUB  
AUSPICIIS

*ILLUSTRISSIMI*

*AC*

*EXCELLENTISSIMI*

*DOMINI DOMINI*



ROMEDII




ONSTAN-

TINI,


SACRI ROMANI IMPE-  
RII COMITIS

DE




*Domini in Choltitz, Castelfund, Superi-  
ori & Inferiori Marckersdorff, Ledetz,  
& Svogschitz, Sacrae Cæsareæ Maje-  
statis Intimi Actualis Consiliarij, Came-  
rarij, & in Inclyto Regno Boëmiæ Re-  
gij Locumtenentis, Sumptuosissimæ  
Capellæ S. ROMEDII in Arce Choltit-  
zensi Munificentissimi Fundatoris.*

*Domini Patroni Sui, ac Me-  
cænatis Gratosissimi.*



THUN.



# THUN!



**I**N hoc unico Nomine omnia dixi. Hoc solum nomen est instar laudis, hoc solum dum profertur encomiorū volumen est, hoc solum dum scribitur grandis est elogiorum bibliotheca. Tale est nomen **THUN**, quod nec sæculorum decas, nec sexcenti proavi sufficienter explicant. Amplitudo **THUNIANI** nominis, vincit eloquentiam *Factis*, minus est quod tota *dicit* Rhetorica, quàm quod unica hæc Domus *facit*. Huic glorioso Nomini maxima totius orbis stemmata incorporantur: non enim forent illa magna, nisi gloriosis suis *factis* de **Thun** fuissent. Magna ergo est hæc Illustrissima Domus, quæ magna fecit, & adhuc facit, nec potest cessare gloriosa facere, nisi cum *facto* nomē **THUN** cessaret. Hoc nomen nemo plenè capit, nisi capiat quidquid præterita fecerunt sæcula, nemo plenè illud eloqui potest, nisi jungat *dictum* cum *facto*, nemo sufficienter exprimere potis est, nisi *factis* loquatur; nemo hanc Illustrissimam Domum satis explicare valet, nisi ipsa se ipsam. Gloriosi vocandi sunt Comites de **THUN**, quia *Gloria eorum à partu, & ab ubere, & à conceptu*. Gloriosa vocanda est hæc Familia, quæ deprehenditur esse coro- osea. 9.  
nata inter Imperatores, armata inter Heroës, togata inter Consiliarios, infulata inter Episcopos, purpurata inter Cardinales. Dedit illa Catholicæ Ecclesiæ Atlantes,

):(

Im-

Imperio columnas, Regionibus fulcra, Cæsaribus & Regibus Confiliarios, Urbibus ac Provinciis Gubernatores: ità ut illi applicari possit illud Aggæi Prophetæ vaticinium:  
*Aggæi. c. 2. Magna erit Gloria Domûs istius.* Hæc omnia pertinent ad Te Illustrissime ac Excellentissime Domine Comes. Extollit Te Majorum Gloria, & Tu illis augmentum adfers. Tu crescis ex illorum Gloria, & vicissim illis Gloriæ incrementum superaddis, mutua est laus vestra, & honorifica Gloriæ æmulatio. Majorum laus Tibi cedit in Gloriam, & laus Tua illorum Gloriæ est additamentū. Magna certè est Majorum Gloria, habere posteros Gloriosos. Verbô, illi Tibi amplissimum præbent encomium, & Tu illorum in Te exhibes compendiatam panegyrim, & sic invicem estis alternum elogium. Favet Tibi Illustrissime ac Excellentissime Domine Comes Cælum propitium, videtur hoc ordinare, ut in Gloria succedas Majoribus Tuis, imò multis Majoribus fias major: & postquam illi Tibi contulerunt primum gradum Gloriæ, Tu illis superaddas supremum. In felici sanè constellatione natus esse comprobaris, quia paucis mortalium, major pars Planetarum est amica: erga Te verò se omnes ostenderunt esse propitios, ac liberales. Ut autem à summo Planetarum ad inferiores descendam: SATURNUS grandævus ille senecio Tibi contulit vetustæ profapiæ antiquitatē. MARS bellorum DEUS Tibi heroicos animos contra rebelles Cæsaris in Hungaria inspiravit. Summus Deorum JUPITER, Te dignitate Regij Locumtenentis in Boëmia honoravit, & inter Regni Proceres sedere fecit. SOL luminis fons & origo, nobilitatem Generis Tui illustravit, & fulgidissimis honorum titulis Te Illustrissimum effecit. MERCURIUS Scientiarum & Artium Patronus, vertici Tuo maturam indidit prudentiam, Téque ad intimum Cæsaris Confilium promovit. Alma VENUS Tibi de optatissimo prospexit matrimonio, obtulitque lectissimam Conjugem BARBARAM FRANCISCAM  
 Comi.

Comitissam de Salm, in cujus unica persona, omnes virtutes Matronales concentratæ spectantur, quæ etiam Te Juniore ROMEDIO magnæ spei Filiô beavit. LUNA plena quæ suis influentijs in orbe sublunari rebus penè innumeris augmentum confert, illa Tibi pariter favit, & rei domesticæ, nec non facultatibus Tuis per inexpectatam hæreditatem incrementum dedit. Verbô, factus es benedicente DEO, parvum magnæ felicitatis compendium. Proinde cum Davide viro secundum cor DEI, ità Divinam alloqui potes Majestatem: *Cæpisti benedicere Domui servi tui, ut sit semper coram Te. Te enim Domine benedicente benedicta erit in perpetuum.* Hujus igitur à DEO benedictæ Domûs de THUN, uti & S. ROMEDII ingentem gloriam, à me rudi calamo adumbratam, Tibi consecro Illustrissime ac Excellentissime Domine Comes. Exsolvo debitum meum, quod promittendo contraxi, Tibique opus meum dedico, quod me aggredi iussisti. Nec potui id non facere, à THUN & à FACTO ad hoc ipsum faciendum animatus. Ad Te ergo Excellentissime Domine Comes recurro, & scriptioni meæ Gloriosum Nomen de THUN in fronte præfigo. Multum enim calamitosus foret meus calamus, parùmq; efficeret, nisi illi THUN assisteret, & in nomine THUN explanando aliquis de THUN eundem adjuvaret. Nec mea pena careret temeritatis suæ poenâ, nisi ad Castellû THUN tanquam ad *Civitatem refugij* se salvaret; neque debiles mei digiti rectam possent formare lineam, nisi tremulam manum duceret Gratia THUNIANA. Hoc clarissimo confortatus Nomine, bono omine præsumo Illustrissimam Domû de THUN obtusô calamô delineare. THUN facit ut faciam, & THUN me facere facit, quidquid facio THUNIANA est creatura, unde facto meo rectè inscribere possum THUN FIERI FECIT.

*Illustriss: ac Excellentissimæ Dom: Vestræ*

*Humillimus Servus, & devotissimus Client*  
Pater Amandus Friedenfels, Canonicus  
Strahovientis.

*Paral. 17*





# AD ILLUSTRISSIMAM FAMILIAM DE THUN.



Arcite *COMITES ILLUSTRISSIMI* quod rudi penicillō gloriam Vestram adumbrare præsумam. Quæ de Vobis scribo umbra tantum sunt illorū quæ Vos gessistis. Umbrae tamen etiam pictoribus placent, & in ipsis umbris artificium Apellis quandoque consistit. Magna est Domus Vestra *COMITES ILLUSTRISSIMI: GRANDIBUS*, Hispaniæ æquales jactat moles, & *PARIBUS* Franciæ non impares ædes ostentat. De hac Illustrissima Domo verificatur illud, quod Gallicus adulator Regio Palatio inscripsit: *Par Domus est Urbi*. Ego verò ex hac amplissima Urbe vix unam plateam rectè delineavi. Illustrissima hæc Familia clarissimus Sol est: ego ex illo tantum unicum radium adumbravi. Altissimus Gloriæ Olympus est: ego ex illo unicum tantum exhibui gloriæ *Thunianæ* arenulam. Flagrantissima virtutum Ætna est: ego unicum expressi scintillam. Ingens Magnificentiae circulus est: & ego vix unum *punctum honoris* rectè attigi, & nec quidem punctum totum, sed punctum puncti, vel potius punctuli umbram. Est Illustrissima hæc familia vastissimus laudum Oceanus, in quo flumina eloquentiæ absorbentur: ego verò unicum tantum Gloriæ *THUNIANÆ* guttulam

lam delibavi. Multa & magna Comites Illustrissimi de vetustissima Domo Vestra scribenda forent. Illa quæ in hoc opusculo extremis veluti digitis attingo, minima pars sunt illorum, quæ à Vobis gloriosè acta sunt. Quod longè plura honoris Vestri non produxerim monumenta; diversa id impediverunt obstacula. Et primò quidem in causa est Vestræ Nobilissimæ Familiæ antiquitas, & originis vetustas. In hanc longa ætas desævijt, & plurimorum memoriam devoravit. De hoc edacissimo monstro lamentatur Seneca;

Omnia tempus edax depascitur, omnia carpit,  
Omnia fedè movet.

De illius insatiabili voracitate ità conqueritur Musa Ovidiana:

Tempus edax rerum, tūque insidiosa vetustas,  
Omnia destruitis, vitiataque dentibus ævi  
Paulatim lentâ consumitis omnia morte.

Nondum natus est tam fortis Hercules, qui hujus belluæ nocivos dentes excutere valuerit. Per temporis diuturnitatem consumptæ sunt veterum **THUNIADUM** memoriæ, stupentē Poëta:

Quid non longa dies, quid non consumitis anni?

Quis enim tam absurdi judicij sit homo, qui sibi persvadeat Nobilissimam hanc Familiam, quæ in maximo flore Romæ Orbi imperantis, Patritiorum gaudebat titulô, usque ad tempora S. Vigiliij Episcopalem Tridentinæ Urbis sedem occupantis (antequam in Comitatu Tyrolensi circa Annum Domini sexagesimum supra Trecentesimum Sedem fixisset) nihil laudabiliter egisse? quis tam invidi est oculi, ut livore suo fascinare audeat hujus strenuissimæ Familiæ gloriam, quasi ab ætate Divi Vigiliij, usque ad **ALBERTINUM** de Thun (cujus nomen primùm posteritati innotuit, & qui circa Annum Christi 1050. floruit) ni-

hil  
):( ):(

hil ab his Heroibus per septem propè sæcula gloriosè actū fuisset? Si Illustrissima hæc Familia splendidissimus Sol est: quomodo erit credibile per tot sæcula nullum Virtutis radium sparsisse? Si ardentissima Martis Ætna est, quis sibi imaginetur, nullam Heroici facinoris scintillā per septem propè annorum centurias in illa emicuisse? Si vastissimus rerum præclarè gestarum Oceanus est, quo modo fiet vel apparenter verisimile, per centum & triginta octo lustra nullum gloriæ rivulum ex hoc mari magno promanasse? Si nos plurima Heroum de THUN digna æternitate acta latent: Vetustatis hoc vitium est, nam ut præclarè loquitur, apud Stobæum Euripides *tempus obscurat omnia, & oblivione involuit.*

Alterum obstaculum posuit ferrei huius sæculi immanis truculentia, in quo sub Constellatione Martis & Mortis tam funesta edita sunt spectacula, ut memoriam illorum recolentibus vehemētissimum incutiant horrorem. O quàm verè cecinit elegantissimus Poëtarum Tibullus.

Lib. I.  
Eleg. 10.

*Quis fuit horrendos primus qui protulit enses,  
Quàm ferus, & verè ferreus ille fuit.*

Pallas, licèt sit armata, connubium Martis respuit, inter arma silent leges, evertuntur Urbes, solo æquantur Academiae, exuruntur Bibliothecæ, incenduntur Archiva, & maximam rerum memoriam vorax Vulcanus depascitur; & sic militia non procul distat à malitia? Hoc execrabile malum, etiam invasit gloriosam Domum THUNIANAM, dum præclara illius monumenta, & documenta magna ex parte ad diem cinerum condemnavit. Sed quis miretur hanc Nobilissimam Domum ab hoc infortunio non mansisse illæsam cum Roma Urbium Regina, ab illo non fuerit immunis. In supplementum tamen incinerati Archivi Illustrissimæ Familiæ de Thun, sequētia omni exceptione majora adduco testimonia, & publica instrumenta.

**Wir Leopold von Gottes**  
**Gnaden / Herz- u. Herzog zu Oesterreich /**  
**Herzog zu Burgund / Steyr / Kärnten / Crain / und**  
**Württemberg / Fürst zu Schwaben / Marggraf des Hei-**  
**ligen Römischen Reichs zu Burgau / Gefürster Graff zu**  
**Habsburg / Tyrol / Pfürdt / Rhyburg / und Görz /**  
**Landgraff in Elsas / Herr auf der Windischen**  
**Mark / zu Portenaw und Salins &c.**

**W**Eßnen hiemit und thun kundt Männiglich ; Demnach Uns der  
Röm: Kayserl: Mant: gehaimer Rath / auch Königl: Bd: zu Hun-  
garn und Böhaimb / Obrister Hoffmeister Christoph Simon Frey-  
herr von Thun &c. unterthänigst zuerkennen geben / was massen  
Ihnen von Thun in der vor Jahren fürgangnen leidigen Brunst /  
Ihr Stammhaus / sambt Ihren besten Documenten / darinnen Ihres  
Geschlechts Ursprung und Herkommen begrieffen : Im Rauch auf  
und zu Verlust gangen / Sie aber auf alle Begebenheit un- zustehende  
Fall / gern mit Beweißthum Ihres ansehnlichen Herkommens  
so viel möglich gefast seyn möchten / sich dessen zu Ihrer Nothdurfft  
zubedienen ; Derowegen Uns unterthänigst ersucht und ge-  
betten / weil kein Zweifel / daß in Unserm Tyrolischen Archivis un- Regi-  
stratur / deren Vor- Eltern Un- und Einkunfft in dieses Land Nach-  
richtung zuerlangen seyn möchte ; Daß Wir der Befindung glaub-  
würdige Zeignus gnädigst mitzutheilen / geruhen wolten. Und  
nun männlichen zu steur der Warheit in keinen Fall Zeignus zu-  
verweügeren ; Dahero wir soviel mehr und billicher hiezulnsern  
und Unsers Hochlöblichen Hauses Treu- gehorsambsten ansehn-  
lichen Land- Ständen billich gewogen / Daraufhin auch bey Un-  
sern / Archiv und Registratur nachschlagen lassen ; Ist in bemeld-  
ten Unsern glaubwürdigen Archiven zwar des allerersten des Ge-  
schlechts Tauf- Nahmen und Anfang noch zur Zeit nicht / doch soviel  
befunden worden / daß gedachter von Thun Vor- Eltern mit dem  
H. Vigilio Bischoffen zu Trient / und dessen Mutter Maxentia und bee-  
den Brüdern Claudiano und Maioriano im Drenhundert acht und  
achtzigsten Jahr / nach Unsers HERRN und Seeligmachers Ge-  
burth / wie die verhandene Documenta zuerkennen geben / in dieses  
): ( 2

Land der Fürstlichen Graffschafft Tyrol kommen. Wann dann  
darauf soviel erscheint / daß mehr gedachte von Thun von vielen  
Hundert Jahren hero ansehnlichen Uralten Geschlechts / ruhmi-  
lichen Stammens und Herkommens / und noch dieser Zeit unserer  
Fürstlichen Graffschafft Tyrol vornehme Land-Stand und Mit-  
glieder / Als haben wir auf obgemeldte Ihre Bitt / Ihnen gegen-  
wärtige Zeugnus zuertheilen / nicht unterlassen wollen oder können ;  
Damit Ihnen solche zu allen Belegenheiten ersprießlich und für-  
ständig seyn köndte / nicht zweifelnd in weiterm Nachschlagen sich  
noch mehrere und ältere Gezeüchnussen an Tag geben / deren künfti-  
gich mehrer Attestation zuertheilen / auf Begehren zugleich erbietig  
seyn ; Dessen alles zu wahren Urkund / haben Wir uns mit Ersfürst-  
licher Hand unterschrieben / und unser Secret-Insiegel anzuhängen /  
gnädigst befohlen : Geben in unserer Statt Insprugg den sech-  
zehenden Tag des Monaths May. Nach Christi unsers lieben  
HERREN und Seeligmachers Geburt / im Sechzehnhundert  
Neun und zwanzigsten Jahr.

**Leopold.**

Ad mandatum Serenissimi Domini  
Archi-Ducis proprium

**S: Hamprecht.**




*Attestatio Illustrissimi & Reverendissimi: Episcopi &  
Principis Tridentini.*

**N**OS CAROLUS EMANUEL MADRUTIUS  
DEI Gratia Episcopus, & Princeps Tridenti, Comes Chia-  
lanti &c. Nec non N. & N. Capitaneus, Consiliarij, & Lo-  
cumtenentes prælibati Illustrissimi & Reverendissimi Prin-  
cipis, &c. Attestamur tenore præsentium, ex relatione plurium fide,  
dignitate, & authoritate insignium personarum, notum esse, & pro no-  
torio haberi in hac Regione, tam ex publica voce, & fama, quam ex  
majorum traditione, quod Nobilissima Familia de Thonno, ex alma  
Urbe Romæ oriunda, ex antiquissima, & Patritia Stirpe in hunc Epi-  
scopa-

scopatum, unâ cum Glorioso Sancto VIGILIO Martyre, Episcopo, & Protectore nostro, de Anno salutis CCCLXXXVIII. se contulit: constituendo domicilium, & habitationem in Valle Annaniæ, ubi plura insignia, atq; nobilia Feuda, & pro parte Jurisdictionalia, Decimas, & alia stabilia amplissimos introitus reddentia, nec non subditos, servos, cum mero, & mixto Imperio possidet. Quæ propterea inter præcipuas antiquissimas, & opulentissimas huiuscæ Provinciæ Prosapias connumeratur; quam etiam maximè exornârunt, & exornant quàm plurimi ex ea continuata serie descendentes; diversis dignitatibus Ecclesiasticis, & Sæcularibus, summisq; honoribus perfuncti, & præditi Viri. In quorum fidem, & testimonium præsentis fieri, nostriq; Sigilli iussimus, & fecimus appensione communiri Datum Tridenti, in Arce Boni Consilij, die 13. Mensis Junij. M. DC. XXIX.

Ad Mandatum Illustriss & Reverendissimi  
Dñi. D. Epif. & Principis prop. & in Conf.

Felix Alberti.



*Attestatio aliquot Illustrissimorum Procerum  
Comitatûs Tyrolensis.*

**N** Os omnes inferiùs descripti. Quibuscunque expedit, quavis præfulgeant Dignitate, hâc nostrâ testimoniali scripturâ sincère, & pro rei veritate, ex lectura, quam fecimus plurium librorum impressorum, publicorum documentorum, & aliarum scripturarum, insignium relatione Virorum, præcessorum traditione, publicâ voce, ac famâ, rei q; notorietate attestamur Illustrissimam Familiam D. D. Baronum de Thunno, Romæ ex antiquissima Patritia Stirpe oriundam, Anno à Christo nato CCCLXXXVIII. illinc migrando, cum Sancto VIGILIO, Episcopo postmodum Tridentino, & Martyre Glorioso, Sancta Maxentia Matrôna Romana ejusdem Matre, & Beatis Claudiano, & Majoriano fratribus, patriâ relictâ ad Civitatem Tridentinam pervenisse, secum plures conducendo servos, constituto in Valle Annaniæ D. Tridentinæ Diæcesis domicilio; etsi constet quæ potestas, & quæ Jura Dominis in servos legibus Romanis concessa sint, at tamen continuatâ legitimâ successione, accedentibus ad id cum Illu-

);( );( );(

stris-



striffimis & Reyerendiffimis Episcopis. & Principibus Tridentinis compactationibus, in dictos cum suis peculijs sibi subiectos servos natos, & nascituros, etiam si extra proprium territorium in aliena Jurisdictione deliquissent, pium, & Christianum imperium exercuisse, & exercere, quin etiam ex mero arbitrio nonnullos eorum servorū Romano olim more manumittendo, eosq; servituti, manui, & potestati suppositos liberando, & liberasse comperimus: quo quidem, vel consimili jure aliorum in hac Regione Procerum, seu Magnatum nullus gaudere reperitur. Caterum hanc eandem Illustrissimorum D. D. Baronum de Thunno prosapiam plurium Jurisdictionum possessione, & rerum affluentia florentem complures anteaetis temporibus, & nostra quoque ætate produxisse Heroës, pace belloq; præclaros, Viros graves, & singulares, præcipuis dignitatum, & functionum, honoribus successive à summis, etiam Orbis Christiani Principibus decoratos palam est.

\* Quæ omnia veritati consona per nos reperta, sic requisiti, præsentem fieri in fidem jussimus, & nostris subscriptionibus, & sigillis communivimus. Dabantur die xxviii. Mensis Septembris Anni salutis nostræ M. DC. XXIX.

Ludovicus Comes  
Lodroni

Albertus Baro  
à Wolkenstein.

Udalricus Baro  
in Firmiam.

Sigismundus Dominus  
Spori.

Ernestus Trapp Baro  
Dominus Biseni, & Caldona-  
natij Canon: Tridentinus.


Cum singulorum Dominorum  
sigillis appensis.


**T**ertium impedimētum adjecit mea rerum gestarum ignorātia; quāvis enim ex probatissimis Authoribus, ex antiquissimis & Authenticis manuscriptis, ex fide dignissimis relationibus, ex propria oculari experientia, jam plurima gloriæ Thunianæ promovendæ inservientia collegissem: nihilominus tamen, pro majoris honoris augmento, apud rerum Thunianarum apprimè peritos suppliciter institi, ut ignorantia meæ benevolā succurrerent informatione. Sed quia hætenus in plerisque meis conatibus, fata mihi inimica reperi, etiam huic meo desiderio for-



fortunam adversam obfistentem inveni, proinde optatis documentis destitutus, illubenti animo non pauca Glorïæ Thunianæ monumenta altô silentiô præterire compulsum, quem defectum per ignorantiam invincibilem cupio haberi excusatum. Invitâ mente coactus sum ignorare plurima egregia Thuniadum facta. *Ignorantia autem* Reg. 13. Juris in VI. *facti, & non Juris excusat.*

Tandem quòd Cedro digna Thunianæ Familiæ acta obtusô meô penicillô ad vivum non expresserim, obstitit à Comitibus de THUN rerum gestarum magnitudo: neque enim facili negotio inveniri poterit tam acurat, Apelles, qui Nobilissimi hujus stemmatis gloriam ad unguem possit delineare: Si Historiam Illustrissimæ Familiæ de THUN enucleatè enarrare tentaret Curtius, profectò esset nimis curtus, & se fateretur pro rei dignitate scribere curtiùs. Florus non esset satis floridus, & facundissimus Tacitus, cogeretur tacere, ac gloriam Thuniani Nom. inis tacitus venerari. Imò ipse Princeps oratorum Cicero, qui pro Domo sua eloquentissimè peroravit, si illi de Domo Thuniana differendum foret, brevè vela dictionis suæ contraheret, & valde citò oratoribus consuetâ uteretur Clausulâ DIXI.





## AD BENEVOLOM LECTOREM.



*Is ad limam semel ad linguam*, antiquo cautum est proverbio. Si verba volantia ad limam bis vocantur, quoties limanda erit illa litera, quæ scripta manet? Si pro politura lingvæ, lima bis est adhibenda, certè pro pennæ cultu, ter admovendus est culter, nè incircumcissus calamus, calamitosos effundat conceptus.

Misera Matrum, misera scribentium est conditio, libri enim teste Clemente Alexandrino, *filij sunt animorum*, adeoque multum inter se conveniunt conceptiones ventris, & conceptus mentis. Magno conatu effunditur partus ventris, magno labore eluctatur partus mentis. Patrino indiget proles ventris, Patrono opus habet proles mentis. Novem mensibus delitescit in utero filius ventris, pluribus sæpe annis in cerebro velut Pallas latet filia mentis. Recens nato nomen imponitur filio ventris, novus Titulus inscribitur filio mentis. Pestilens oculus fascinat fructum ventris, invidus oculus intoxicat sobolem mentis. Sæpe de utero transfertur ad tumulum proles ventris, frequenter vix editus suppressitur filius mentis. Incerta est fortuna librorum, sed magis ambigua fors est librorum, in hoc tamen discrepant fructus ventris & mentis, quod liberi nascantur in diversis signis Zodiaci, libri autem semper in Libra, & hinc fortassis à librando libri dicti sunt. Diu igitur deliberans, & vires meas librans, illud Horatij monitum animo meo revolvebam :

Sumite materiam vestris qui scribitis æquam  
 Viribus, & pensate diu quid ferre recusent,  
 Quid valeant humeri ?

Proinde exilitatem tenuitatis meæ agnoscens, statueram  
 ab omni scriptione pennam meam avocare, nisi eandem  
 non mediocria motivorum momenta ad scribendum re-  
 vocassent. Et in primis hoc pij laboris obsequium exegit  
 Divus ROMEDIUS in cujus sacra æde Choltitzij per oct-  
 ennium Capellani munere fungebar, adeoque necesse  
 fuit evenire, ut ferè quotidie se se oculis meis objicerent  
 acta Divi ROMEDII, eleganti penicillô in sumptuosissi-  
 mo hoc Sacello repræsentata. Hæc adeo vivacem re-  
 rum ab illo gestarum menti meæ impresserunt ideam, ut  
 piâ æmulatione præsumpserim vitam illius laboriosô ca-  
 lamô describere, quam artificiosus penicillus eleganter  
 expresit. Decens omnino fuit, ut aliquo Religiosæ meæ  
 devotionis anathemate humillimus Capellanus Patro-  
 num meum in cælis venerarer.


Post hunc efficacissimus hujus opusculi concipiendi,  
 Motor, Promotor, & Impulsor accessit Illustrissimus ac  
 Excellentissimus Dominus Comes ROMEDIUS CON-  
 STANTINUS de THUN, qui ex summa erga Sanctum  
 ROMEDIUM Patronum specialissimum pietate, pro ma-  
 jori cultûs illius augmento, & devotionis incremento,  
 me ad hunc laborem subeundum nervosis adhortationi-  
 bus, & oblatis liberali pietate pro necessarijs in rem Ty-  
 pographicam faciendis sumptibus, potenter exstimula-  
 vit. Nec potuit tanto meo Mecænati quidquam denega-  
 re, cujus desiderium mihi semper instar imperij fuit. Et  
 meritò quidem, cùm enim per octo annorum circula in  
 Aula Choltitzeni existens, propè innumeris, à sua Ex-  
 cellentia affectus fuero beneficijs, profectò forem in-  
 gratus *ut octo*, si id præstare negligerem, quod Excellen-  
 tissimo Domino Comiti gratum fore existimarem. Nec

minus incitamentum mihi ad scribendum addidit Gloriosa Familia de THUN, cujus specialem erga meam indignam personam favorem, in diversis locis, & occasionibus expertus sum, quæ cum sub speciali sancti ROME-DII Patrocinio floreat, ansam mihi præbuit, aliquô gratitudinis signô obligationi meæ satisfaciendi; nec meliori modo poteram, gratitudinem meam testatam facere, nisi Illustrissimæ hujus Domûs Gloriam stylô Panegyricô luci publicæ exponendo; quod ita præstare conatus sum, ut Gloria Thuniani stemmatis, cum Gloria Divi ROME-DII, & acta illius, cum præclaris Thuniadum facinoribus symbolizarent, & quodammodo sibi invicem cohærent.

Acribus pariter stimulis me excitabat erudita bonorum Amicorum importunitas, qui repetitis exhortationibus aures meas obtundebant, ut calamus arriperem, & stylum meum scribendo exercerem, nè longô otio rubiginem contrahendo hebesceret, & inter antiqua ferra-menta retruderetur. His tantisper morem gerere placuit; pro quibus etiam digressiones morales conscripsi: ut in illis si non subtilem intellectum, saltèm bonam pascèrent voluntatem. Quod si tamen avido curiositatum Lectori undique non fuerit satisfactum, ille noverit, me frequentius gravi sacrarum sententiarum ictu, potiùs conscientias penetrare, quàm semper subtilibus argutiarum acuminibus volatile ingenium Lectoris titillare voluisse. Non tamen huic opusculo sui defunt sales, nam hujus sæculi Genio me subinde accommodavi, qui omne id quod argutiarum sale caret, insipidum & insulsum putat.

Cæterùm quod meam scribendi methodum attinet, non sum vestigia illorum scriptorum secutus, qui in suis Historijs singulis rebus & minutijs explicandis, tam operosè inhærent, ut multùm Mercurij habeant, sed parum Apollinis; & tam inutili diligentia sunt occupati, quasi  
culi-

culicem exenterare laborarent. Mihi substantiam rei & Historiæ enarrâsse satîs fuit. Ità tamen egi Historicum ut simul miscuerim Oratorem: non studui stylo phaltrato, sed claritati, ità ut mea scriptio etiam à Lectore mediocriter latinitate tincto, intelligi possit. Quid juvat oratorijs ampullis & sesquipedalibus verbis ac constructionibus, ultra stadium excurrentibus, sensum extendere, si interim mentem Lectoris scribeutis vix ad unum passum assequatur. Fateor me ad latinitatem culinariam subinde descendere, nè rudioris Minervæ Lectores, qui styli sublimitatem nauseant, dimittam planè jejunos. Verbò conabar fieri *omnibus omnia*, illudque ex sacra pagina libro 2. Machabæorum, capite ultimo, secutus sum oraculum, quo hunc librum sacer claudit Historicus ità scribens. *Ego quoque in his faciam finem sermonis. Sin autem minùs dignè, concedendum est mihi. Sicut enim vinum semper bibere, aut semper aquam contrarium est, alternis autem uti delectabile; ità legentibus si semper exactus sit sermo, non erit gratus. Hic ergo erit consummatus.*



## *Ad Zoilum.*

Zoile non timeo morsum, dentésque caninos,  
Pro me ROMEDII fortior Ursus adest.

## *Ad Momum.*

Ursus, ROMEDII quondam laceravit asellum,  
Illi cùm similis sis, tibi Mome cave.

CEN-

# CENSURA.

**O**pus cui Titulus: *Gloriosus Sanctus ROMEDIUS,*  
*nec non Gloriosa Domus Comitum de THUN, Calamô*  
*Panegyricô exornata,* diligenter perlegi; & sicut in eo nihil  
 bonis moribus, aut Fidei Catholicæ adversum inveni, ita  
 insignem Authoris Eximij Doctrinam, & sublime inge-  
 nium, cum admiratione suspexi. Proinde Typis dignif-  
 simum judico.

*Joannes Maria Hložek, C. R. Theatinorum Pragæ*  
*Præpositus, & Venerab: Archi-Episcopalis*  
*Consistorij Assessor.*

## IMPRIMATUR.

Wenceslaus Bilek à Bilenberg  
 Officialis.

J. F. Liepure Cancellarius.



### FACULTAS

*Reverendissimi ac Amplissimi Domini, Domini*

## V I T I,

Sac: Ord: Præmonstratensis Regiæ Ecclesiæ Strahovvien-  
 sis uti & Milovicensis ABBATIS, nec non per Bohemiam, Austriam,  
 Moraviam & Silesiam VISITATORIS GENERALIS ac Perpe-  
 tui, Sac: Cæs: Regiæq; Majestatis Consiliarij.

**C**um Opus sub Titulo: *Gloriosus Sanctus ROMEDIUS &c.* à R.  
 P. Amando Friedenfels, Regiæ Eccles: Nostræ Strahovvien-  
 sionico Regulari compositum, debitâ censurâ discussum, & approba-  
 tum, Nobis ab eodem humiliter oblatum fuerit, pro eo quo fungimur  
 munere liberam ei facultatem (quantum in Nobis est) illud Typis man-  
 dandi concedimus & impartimur. Pragæ 21. Octobr. Anno 1698.

VITUS ABBAS Strahovvien-  
 sis & Ordinis Visitator.

EPI.

# EPITOME VITÆ S. ROMEDII.



Romedius ex Illustrissima Comitum de THAUR Familia oriundus, à prima statim pueritia virtutem conjunxit Nobilitati, & exemplari suâ conversatione futuræ prælusit sanctitati. Adolescens comis omnibus, sed sibi durus fuit: frequenter enim ad subjectam Arci suæ speluncam se recipiens, tenerum corpusculum acribus flagellis dilaceravit. Factus grandior, cum de certo vitæ statu amplectendo deliberaret, & ad servitium Christi animò inclinaret, malus Geni, in persona Aulici illius objectis excellentis formæ mulieribus, & connubium ejus appetentibus, illum à sancto proposito avertere conabatur. Vicit tamen omnes Stigij Alastoris technas ROMEDIUS, nam consilia Evangelica amplexatus, facultates suas pauperibus distribuit, ac unà cum Davide, & Abrahamo, Nobilibus adolescentibus (qui ROMEDIUM imitati mundum contempserant) Romam peregrinari instituit. In via Tridentum divertentes, aliquot diebus apud Sanctum VIGILIUM illius Urbis Episcopum sunt commorati, à quo frugali mensa excepti, ac pijs & doctis illius sermonibus confirmati, iter suum Romam sunt prosecuti. Ad Urbem Orbis Dominam postquam ROMEDIUS cum socijs suis pervenisset, ibi non parvò temporis spatiò commoratus, orationum & jejuniorum exercitijs, ac eleemosynarum largitionibus incubuit, nec non pia devotione visitandis Marty-

:():():():():() rum



rum memorijs est immoratus. Acceptâ tandem Summi Præsulis benedictione, ad Urbem Tridentinam est reversus. Nec infructuosum fuit illud iter, nam in reditu plusquam mille gentilium animas efficaci suâ prædicatione ad Christum convertit. De illius adventu factus certior Divus VIGILIUS, sub festivo resonantium campanarum plausu, Clerô suô, & innumerâ populi ad spectaculum confluentis multitudine stipatus, ROMEDIO honorificè obviam processit, & accedentem expansis brachijs est pio amore amplexatus. Postquam autem vidisset sanctus Pontifex in comitatu ROMEDII tantum ab illo ad Christianam fidem neo-converforum numerum, in Triumphale illud prorupit Canticum: *percussit Saul Mil-*  
*1. Reg. 18. le, David autem decem Millia:* & Sanctum prædicatorem tanquam infidelitatis Triumphatorem ad Urbem Tridentinam cum gaudio deduxit. Post hæc usus Divi VIGILII familiari consuetudine, eam cum ipso morum similitudinem contraxit ROMEDIUS, ut geminus VIGILIUS videretur, unde inter illos coaluit firmissima amicitia, culta per omnem vitam. Utque affectum suum ROMEDIUS in effectu demonstraret, Sanctissimo Præsuli ex suarum copia facultatum pro construenda Ecclesia sanctorum GERVASII & PROTASII, amplissimos sumptus, & circiter millena hominum capita resignavit. Hoc tam sanctum cum Divo VIGILIO contubernium effecit, ut ROMEDIUS firmiter decreverit mundo valedicere: prius tamen à facerrimo Antistite edoctus de loco in quo sancti Martyres Capadoces olim sibi familiares, Martyrij coronam sunt assecuti, coram erecta ab eodem sancto Præsule Triumphali Cruce supplex procubuit, & sanctorum Martyrum cineres devotè est veneratus, nihil magis exoptans, nisi ut potuisset fieri socius Martyrij & consors Triumphi. His peractis non diu distulit conceptum animi sui propositum deducere in effectum, nam consentiente Divo VIGILIO in horridam Vallis Annaniæ secessit soli.

solitudinem, soli DEO omnium factorum suorum gloriam litaturus, nè mortalium aspectus vel approbatio quicquam ex ea laudis decerperet. In hac vasta eremo cum socijs suis ROMEDIUS in quodam edito colle parvum oratorium construere aggressus est. Contigit autem Divinâ ordinatione, ut quidquid illi diurnâ conferrent & exstruerent diligentia, id totum grandiores volucres, vel potius in illarum specie cælestes Genij, nocturno tempore in editiorem collem transferrent. Intellexit igitur Vir DEI, Divinæ voluntatis evidentissimam dispositionem, & in divinitus præmonstrato saxo Capellâ erexit, & in hac rupe sedem suam fixit Beatissimus Eremita, austerissimam ducens vitam; utque eorum habitationi hic locus commodior esset, limpidissimum fontem precibus suis ex petra elicuit. In hac solitudine delitescensem & honores hominum fugientem, feroces belluæ honorârunt; famosâ enim traditione refertur: cùm ursus jumentum, quô sanctus Vir propter senium utebatur, devorâset, ipsô Ursô quoties opus esset usum fuisse, cùm David illum fræno ori imposito jubente ROMEDIO ad ipsum tanquam mitissimum agnum adduxisset. Compluribus alijs miraculis glorificavit Dominus sanctû suû, cùm enim vigilijs & jejunijs fractus, extremam vitæ diem non longè abesse perspexisset, amicissimo sibi Sancto VIGILIO ultimum vale dicere ante obitum suum desiderans, sese ex eremilatebris proripuit & Tridentum perrexit. In hoc itinere adolescentulam à dæmonio vexatam invocato Christi Nomine liberavit, & alteri gravissimè ægroto, cui nulla medicorum ars succurrere potuit pristinam restituit sanitatem. Nec minus miraculum fuit, quòd in hac via constitutus, dum de munusculo, tanquam affectûs sui pignore Divo VIGILIO præsentando sollicitus esset, maxima repente ante pedes sancti, tanquam mortua conciderit avium multitudo, quasi se ipsas obsequiosæ volucres pro munusculo ad servitia stitissent, sed mansuetissimus RO-

MEDIUS impertitâ illis benedictione, omnes dimisit liberas, quæ vicissim accepti beneficij memores, supra sanctum Virum densissimè volitantes, umbrâ suâ Tridentum usque protexerunt. Hunc adventum Thaumaturgi ROMEDII Divus VIGILIUS in spiritu præcognoscens, illi cum discipulis suis obviam processit, & gratissimum hospitem, benevolentissimè suscepit. Consumptis apud sanctum Antistitem inter colloquia plus cælum quam terram sapientia diebus plusculis, eidem valedicens, hanc ultimam sanctæ suæ confidentiæ reliquit testetram; ut quàmprimùm VIGILIUS tinnitum campanulæ suæ sponte sonantis audiret, ROMEDIUM è vivis migrare intelligeret, & illius transitum precibus suis Deo commendaret. Vaticinio respondit eventus; reversus enim ad eremi latibula ROMEDIUS, Discipulos suos ad perseverantiam adhortatus, placidissimè in Domino obdormivit, circa Annum Christi 400. Ad illius Exequias Divus VIGILIUS terno tintinabuli sui sponte sonantis pulsu excitus, accurrit, & Ecclesiæ Catholicæ ritu iusta persolvit. Addit in Historia Bavarica Joannes Adltzreiter: Nè mortuo præcones deessent, æra, campana sponte sonantia ad Sacras funeris exequias populum convocasse. Hoc speciali admiratione dignum est; pro defuncti terræ mandando corpusculo, Angelicis manibus sepulchrum paratum fuisse. Post absoluta funeris officia, sacerrimus Tridentinorum Antistes, Capellam à Sancto ROMEDIO ædificatam, solemni ritu consecrare decrevit. In ipso autem gallicinio somnò parumper oppressus vidit venerando habitu sibi quendam adstare virum, se ad ingrediendum Capellam provocantem, quem eò secutus, conspexit Angelorum multitudinem, consecrationis officium peragentem: quapropter huic sacro operi veritus est admoveere manus humanas, quod Angelorum ministeriò dextera DEI absolvit. Innumera penè sunt, quæ post obitum sancti Viri ad intercessionem illius contigerant mira-

miracula. Ex tot unicum retulisse sufficiat. Accidit, ut faber tectum Capellæ S. ROMEDII vetustate collapsum restauraturus, conscenderet, & fallente pede in subiectum præcipitium devolveretur. Hujus tam horribilis casus spectatores, quasi in abyssum præcipitem hominem, S. ROMEDII Patrocinio jaculatorijs precibus commendârunt, & ecce mirum dictu! suffragantibus meritis S. ROMEDII, opinione hominum mille mortibus adjudicatus faber, millenas mortes salvus & incolumis evasit. Tam stupendum miraculum cernens attonita spectantium cæterva, dedit laudem Deo, cui sit honor & gloria per infinita sæculorum sæcula Amen.

Hæc memorabilia Divi ROMEDII Acta, in compendium contraxi eò fine, ut subsequens vitæ illius fusior Historia stylo oratorio panegyricè deducta, faciliore negotio à legentibus perciperetur. Cæterum ea, quæ in hac Epitome produxi, desumpta potissimum sunt, ex Pincio, Philippo Ferrario, item ex S. ROMEDII vita Tridenti anno 1605. edita, & ex proprijs ejusdem lectionibus, nec non ex chartis Summontorianis, à Reverendiss. Domino Stephano antiquissimi Cænobij Schirensis Abbate submissis, & alijs veteribus manuscriptis: nonnulla etiam excerpta sunt, ex Historia Bavarica Joannis Adlzreitteri. Quod tempus obitus S. ROMEDII attinet de eo variant scriptores. Historia Bavarica mox citata asserit, sanctum Virum è vivis migrasse circa Annum Domini 380. Ferrarius id contigisse refert Anno 400. Dies quoque mortis illius est incertus, nam Ferrarius illum ponit 13. Januarij, & Scripta Summontoriana 1. Octobr.

Vale benevole Lector, & hæc compendiosa narratione frui, quæ Tibi sufficiens lumen præbebit ad ea intelligenda, quæ de S. ROMEDII actis, per decursum hujus Libri stylò oratorio in sequentibus proponuntur. Verum non tantum Sancti viri gesta curiosâ lectione evolve, sed etiam attentâ mente revolve; Tibique à S. ROMEDIO dictum puta: *Exemplum dedi vobis, ut quemadmodum ego feci, ita & vos faciatis.* Joan. 13.

# ORATIO S. ROMEDII.

*Quâ consuevit sibi more ad precandum Deum utebatur.*

**D**omine JESU NAZARENE Fili DEI Vivi, Hic sanctis pro me apud tuam Clementiam Patrocinantibus, ne despicias me, sed ab omni sæculari negotiatione, & diabolica illusione & impedimento eripias me. A me Domine nè elongeris, sed promptâ voluntate ad serviendum Tibi confortare digneris, qui sedes super cælos cælorum vivens, & regnans, in omnia sæcula sæculorum. Amen. *Ex M. S. Summontoriano.*

## EMBLEMA

Ursus S. ROMEDII inter sidera translatus,  
Novam format constellationem.

## LEMMA:

HÆC CYNOSURA PLACET

Ursam Majorem spectans pariterque Minorem  
Instituit cursum Navita quisque suum.  
Navigo per pelagum, remus meus est mea penna,  
Et supplet navis, candida charta, vicem.  
Ursam Majorem, simul Ursam sperno minorem,  
Nec Major, nec me dirigit Ursa minor.  
Ursas non curo: quia longè pulchrius astrum  
Ursus Romedij, fideris instar adest.  
Hæc Cynosura placet, meus hîc polus & meus axis,  
Ista mei fulgens est Cynosura Libri.



de fama periclitantium Patronum.

## Programma

# JOANNES NĚPOMUCENUS

Anagramma:

*Non uno, spes mea vince.*

Mille subit propriæ damnosa pericula famæ,  
Impressis vulgat qui sua scripta libris.  
Vix opus in lucem præsentis tempore prodit,  
Mox Censor libri Momus acerbus adest.  
Censurant libros caperatâ fronte Catones,  
*Et pueri nasum Rhinocerotis habent.*

*Martial.*

Quilibet in proprio *sensu* quia lector *abundat*:  
Vult juxta proprium carpere cuncta caput.  
Invidet ingenio Lector minus ingeniosus,  
*Qui velit ingenio cedere rarus erit.*

Rom. 14.

Non nocet ingenium semper, sed prava voluntas,  
Nec non Lectoris mens mala sæpe nocet.  
*Quisque suos patitur Manes*, sua quemque libido  
Carpendi Libros pernicioſa trahit.

*Martial*

Zoilus exacuit dentes de more caninos,  
Et crispat nasum non finè felle suum.

Ergo cum cinctus sim tot, tantisque periculis,  
Quæ mihi censores accumulare valent:  
Ad Te confugio, Tibi supplico Dive JOANNES  
Auxilium implorans Magne Patrone Tuum.  
Supplico Dive Tibi, quia Tu mea maxima SPES es,  
Ut famam salves anchora firma meam.

Mille modis propriam cum possim perdere famam  
 Momos *non unô spes mea vince modô.*

# PROTESTATIO AUTHORIS.

**D**ecretis sanctissimi Domini Nostri URBANI VIII.  
Die XIII. Martis, Anno Domini M. DC. XXXIV.  
confirmatis eâ quâ par est reverentiâ insistendo; profite-  
or me haud alio sensu, quidquid in hoc Libro refero, ac-  
cipere, aut accipi ab ullo velle, quàm quô ea solent, quæ  
humanâ dumtaxat Authoritate, non autem Divinâ Ca-  
tholicæ Romanæ Ecclesiæ, aut Sanctæ Sedis Apostolicæ  
nituntur: exceptis tantummodo ijs personis, quas eadem  
Sancta Sedes, sanctorum Beatorum, aut Martyrum Ca-  
talogo adscripsit.

Similiter, protestor me non velle Authoritatibus san-  
ctorum Patrum, quas sparsim cito, tantam à legentibus  
tribui certitudinem, quasi singulos textus proprijs oculis  
ex ipsis suis fontibus desumpsissem, sed complures eo-  
rundem sententias ex probatis Authoribus, laboriosè  
collegi, quæ autem ita selegi, eâ fide do, quâ accepi.

## AD SANCTAM MA- TREM CATHOLICAM ECCLESIAM.

Quod scripsi scripsi, Pilatus dixerat olim,

Nolo sic scriptis deditus esse meis.

Si malè quid scripsi, scriptum non esto, sed omne

Deleat hoc scriptum spongia ducta meum.

Totum Sancta Tibi submitto Ecclesia Librum,

Judicio *liber*, sit *liber* iste Tuo.






12. 1  
INSIGNIA GEN-  
TILITIA



COMITVM  
De  
THAVR.





# S. ROMEDIUS.

Homo Nobilis Lucae 19.

*Dedit illi gloriam in gente sua. Eccl. 44.*



Um Sanctū nominari audis Romedium, Scito te inter coronas, & Sceptra, inter ducales trabeas, & paludamenta, inter Comitum, heroūmque galeas, ac clypeos versari. Sanguis quem à majoribus suis traxit, regum purpura fuit. Vitalis aura, quam hausit, quinta erat nobilis Spiritūs essentia, & parvulum Neonati corpusculum succinctum existit magnorum Majorum compendium.

Descēdit S. Romedius ex clarissima stirpe Comitum de Thaur, qui usque ad coronas regias verticem extulerunt. Primus illorum Comes Agilulphus regalibus fulsit honoribus, quia regijs splendebat moribus, proinde dignus amoribus Theodolindæ Longobardorum Reginæ. Ab illa dignissimus conjunx ad thorum & thronum sublimatus, pro dote regnum, pro sermo & corolla nuptiali coronam regiam accepit. Felix iste successus fuit, sed felicior Successio, nam ultra annorum centuriam Sceptum Longobardicum posteritas Agilulphi gessit, ac citius defecit sæculum, quàm regnum. Sanè regiorum avorum decus, regius hic nepos fuit, qui nisi reges habuisset majores, primus ordinem regaliū majorem inchoasset. Vide alternam vicissitudinem! Rome-

A

dus

dius propter majores suos æstimatur major: & Romedij Majores vicissim ex illo adhuc majores fiunt, ità ut inverti videatur consanguinitatis arbor, dum stipes à ramo Nobilitatis vigorem fugit.

Benevole Lector, jam calles Originem nobilitatis, & scire amas locum nativitatis. Transvola ergò cogitationibus tuis Tyrolensium alpes, mentemque tuam siste in castro Thaur, sito inter Oenipontem & Halam oppidum sale fæcundum. Hic Sancti Romedij domus paterna, hic patria est. Convenientissimus sanè hic illi nascendi locus fuit. Castrum & astrum nomine & loco sibi est vicinum. In castro nascitur, pro astris quondam contra Arianos tanquam *bonus miles Christi* pugnaturus. Nascitur in regione salis fertilissima, olim futurus *Sal terræ*, id est: Doctor infidelium. Nascitur in solo sale abundante, tanquam *electum vas* Spiritûs Sancti, replendum *Sale Sapientie*. Salem putredini resistere quisquis nescit: illi, *non est in toto corpore mica salis*. Hic falsus nativitatis Locus prognosticabat Romedij mores non fore insulsos, sed virtutum Salem sapientes, nec fore vitam illi, vitij putridam, sed prorsus incorruptam, quia teste Casiodoro *Laudabilis vena suam servat originem*.

Correspondit eventus omini, nam ex primis infantiae fascijs evolutus puer, in cunis videbatur nuces abjecisse, ætate quidem apparens pusio, sed gygas virtute. Si mores pueri attendisses, nihil minùs in puero, quàm puerum vidisses, ità puerile nihil præter ætatem & innocentiam habuit. Si actiones examinâsses, deprehendisses illum gravitate morum oppresxisse naturæ levitatem, & vultum quidem ætate floridum, sed ita canos sensus ostendisse; ut si maturitas mentis in mentum prorupisset, barbatum Platonem in puero spectâsses.

Hæc cenferi poterant dona naturæ, sed majores erant dotes gratiæ divinæ, quæ Adolescenti Romedio instillavit religiosum caducarum rerum contemptum, nauseabun-


seabundum blandientis voluptatis fastidiū, tenerrimum  
 objectorum cælestium amorem, & cautissimam puris-  
 simæ innocentiae custodiam. Cui cū nihil magis ini-  
 micum sit, quàm malæ Societatis amicitia (facillima e-  
 nim est vitiorum contagio, quā pestifer inficit sanum &  
 sanus non corrigit infectum; quia ut rectè sentit Divus  
 Chrysostomus: *Rerum natura sic est; quoties bonus malo con-*  
*jungitur, non ex bono malus melioretur, sed ex malo bonus conta-*  
*minetur*) innocentissimus Juvenis malorum fugit confor-  
 tium, & sic Romedius conservavit Sanctos annagram-  
 maticè MORES DIU. Nemo diu inter nocentes in-  
 nocens esse potest: nam ut ait Seneca: *Serpunt vitia & con-*  
*tactu nocent, & in proximum quemque transfiliunt.* Mala So-  
 cietas ignis est, *ante ignem consistens etiamsi ferreus sis, ali-*  
*quando dissolveris, proximus periculo diu tutus non erit, ita mo-*  
*net S. Isidorus.* Malus Socius malæ conversationis vexil-  
 lifer est, *noscitur ex Socio, qui non cognoscitur ex se.* Unde  
 acutè dixit Scaliger: *Umbra est Socius, vel tua, vel tu illius.* S. Epidor.  
 Fugit igitur Sanctus Juvenis malos Socios, ut vel um-  
 bram mali evitaret. Imò ad subjectam arcis suæ spelūn-  
 cam se frequenter recipiendo, ac divinis meditationibus  
 vacando, penè ex humanis abiisse videbatur, & ad oc-  
 cultos se conferendo angulos, angelos maluit habere  
 conversatores, quàm homines. Nec mirum, *homo enim*  
*est homini Lapis.* Quidquid dicamus: homines sumus,  
 & humana patimur, ac tantò magis homo ad verum ho-  
 minem accedit, quantò longiùs ab hominibus recedit.  
 Audi Senecam loquentem: *Inhumanior redeo quia inter ho-*  
*mines fui.* Epist. 6.  
 ad Lucul.

Romedius claro est comes illustrissimus ortu,

Hunc semper virtus concomitata fuit.

Hic præstans comitatus erat! tam nobilis unquam

Non foret ille comes, ni foret ista comes.






# DOMUS CEDRINA.

2. Reg. 7.

## *Gloria Thunianæ Nobilitatis.*



Lib. 13.  
c. 5.

Virg. 2.  
Georg.

Erè cedrina est domus Thuniana, quia ut testatur Plinius: *Materia ipsi aeternitas, itaque & simulacra Deorum ex ea factitârunt.* Thuniadæ in hoc sunt similes Dijs immortalibus, quia stemma illorum immortale, nam *durando secula vincit.* Maxima nobilitatis Laus est ipsa antiquitas. *Nobilitas quò antiquior est, eò quòque major* inquit Tyraquellus. *Honorabilissimum quod antiquissimum* pronuntiat Aristoteles. Quemadmodum enim antiquum vinum generosiores alit spiritus, antiqua pecunia purius continet argentum, & antiqua fides plus habet authoritatis, sic antiqua Nobilitas plus possidet dignitatis. Maxima sunt illa stemmata quæ nunquam recordantur se fuisse parva. Nobilissimæ sunt illæ familiæ, quæ nunquam meminerunt se fuisse ignobiles. Solidissimæ sunt illæ domus, quarum fundamenta à sæculis jacta sunt. Si vetustatem nobilissimæ familiæ de Thun scire desideras: Originem Nili quæris, qui parte illâ, quâ videtur nobis cognitus, maximâ autem & optimâ parte incognitus est. Similiter gloriosa hæc familia ex parte nobis cognita, ex parte incognita, ex utraque tamen antiquissima est. Si ætatem partis nobis cognitæ mensurare volueris: cave ne pro faciendò computu annos adhibeas, sed sæcula. Nimis morosus produce-

retur



INSGNIA



ILLUSTRISSIMAE  
FAMILIAE COMMUNE  
De  
THUN.





retur calculus annis inhærendo, ubi summam suarum  
 conficiunt annorum centuriæ. Dum Roma floruit jam  
 inter Patricios claruit familia Thuniana. Plusquam tre-  
 decim effluerunt sæcula, à quo clarissima Thuniadum  
 Familia in confinibus Tyrolis innotuit, ibidemque se-  
 dem fixit. Fuit illa Anno Christi 383. S. Vigilij ex Romana  
 urbe Socia, & comes. Profectò multum dixi, dum  
 Romanam dixi. Roma gentium domina, & caput or-  
 bis, tam nobile membrum Germaniæ partibus commu-  
 nicavit. Satis dixi, dum Sanctissimi Viri Sociam dixi,  
 ex quo elucescit virtus Thuniana, ab hac Societate San-  
 ctos mores contrahens, Scriptum est enim: *cum Sancto*  
*Sanctus eris.* Non parùm dixi, dum tam magni amici Dei  
 comitem dixi, verè dignam amplissimo comitatu. Quod  
 ipsum agnoscens S. Vigilius, Episcopatus Tridentini Se-  
 dem occupans, huic nobilissimæ familiæ fevda conces-  
 sit, servosque & homines addixit, quos Thuniadæ in sua  
 habent potestate ut Christianos decet. Certè vulgare  
 exemplum non est, rem tam nobilem tam diuturnam esse.

Pirch.  
 Princ. hist.  
 di Tridēt.  
 & Matth:  
 Burckleeb.

Psal. 17.

Si antiquiora indagare cupis Thunianæ nobilitatis  
 documenta, quære Oceani Originem, qui ignorat unde  
 id acceperit quod semper effundit. Nobilissimi quoque  
 fluvij ignorant Originem suam, nec facilè pervenitur ad  
 principium, ubi nescitur primum. Hæc prima Laus an-  
 tiquitatis est, carere initio. Altera Laus est, habere initi-  
 um sed illud nesciri. Ipse Deus naturâ suâ nobilissimus  
 initio caret, & *antiquus dierum* in prophetia Danielis no-  
 minatur. Si eousque procedere libuerit: dico Deum op-  
 timum maximum nobilitatem suam Thunianæ Familiæ  
 specialiter indidisse, & particulam nominis sui in prædi-  
 cato de *Thun* communicasse. Cùm enim *Thun* in Teuto-  
 nica lingua significet *facere*, nobilissima hæc familia mul-  
 tùm de prædicato Dei participat, quem Symbolum fidei  
*FACTOREM Celi & terræ appellat, qui dixit & facta sunt*  
*omnia.* Ex quo nullum restat dubium, huic illustrissimæ

Cap. 7.

Psal. 33.

prolapiae ab authore suo diversarum indita fuisse semina Virtutum, quæ à majoribus continuo tot sæculorum fluxu, per Successores in hodiernum usque diem sunt propagata; ita ut Thuniani nominis hæredes virtuosè operando similes facti sint auctori suo, qui ob infinitam virtutum plenitudinem à Sacra pagina *Dominus Virtutum* appellatur.

*Esalm. 12.*

*apud Dion. Cass.*

De hac illustrissima stirpe verificatur, quod dixit Antonius in oratione Cæsaris interfecti. *Quibus vera Semina Virtutis à majoribus per multum tempus ducta adsunt: fieri non potest quin & ingenua & perpetua virtute præditi sint.* Nobilitas ornatur à virtutibus & virtutes ornat. Additus ergo est nobilitati splendor virtutis, ut hæc domus illustrissima bis nobilis esset. Si nobilitas Thuniana aureus annulus est, sanè huius annuligemma Virtus est. Unde cum veritate exclamare possum:

*Quàm bene conveniunt, & in uno stemmate de Thun Nobilitas, virtusque simul conjuncta morantur.*


Hæc rara conjunctio facit comites de Thun divinæ Majestatis favoritas, ac albicantes, & nobiles, præ reliquis placentes, illis suffragante S. Bernardo: *Minimè quidem Deus acceptor est personarum: nescio tamen quo pacto virtus in nobili plus placet.*

*Epist. 113.*

Cognomen de Thun, est stirpis nobile nomen,  
A virtute tamen pulchrius illa micat.

Magna facit Domus hæc, de Thun exinde vocatur,  
A Thun & facto, nomen & omen habet.





# DIGRESSIO I.

## *Quid est nobilitas sinè Virtute?*



Nobilitas Margaritha est, sed non *ante porcos projicienda*, qui illius pretium ignorat, rudis nimium est trapezita, duris potius filicibus lapidandus, & imbre Stephani compluendus, quàm pretiosis lapidibus exornandus. Audi qualem de nobilitate

*Matth. 7.*

sententiam tulerit Tullius: *Omnes boni semper nobilitati favemus, quia Reipublica utile est, nobiles esse homines dignos majoribus suis.* Percipe divini Platonis Oraculum: *Gloria parentum natis praeclarior, magnificusque est Thesaurus:* Reverere maximum Maximi Tyrij Philosophi pro nobilitate suffragium: *Si fluvios laudas qui ex puris labuntur fontibus, nobilitatem in hominibus non laudabis?* verum est quod canit Lucanus:

*Cicero pro  
Sestio.*

*In Meno-  
xeno.*

*Nobilitas cunctis exordia pandit  
Laudibus, atque omnes redeunt in semina vires.*

Sed quid est nobilitas sinè virtute? Formosum Corpus sinè anima, elegans puteus sinè aqua, pomposum Organum carens Spiritu, inflatum marsupium monetâ indigum, pixis pharmaceutica pulchro titulo inscripta, sed prorsus vacua, splendida moneta, sed adulterina, aureum caput, sed sinè cerebro. Verbo, foetidum, & putridis ossibus plenum sepulchrum est, forinsecus

*S. de Re-  
pub.*

splendidè dealbatum. Nobilitatis bulla sinè virtute, idem valet quod nulla arithmetica absque unitate. Ille enim reverà nobilis est, cujus virtuti natura palmarem injuriam fecisset, nisi illum ex clarissimis parentibus produxisset. Ille revera nobilis est, qui limpidissimam nobilitatis suæ scaturiginem vitiorum luto non inquinat, ille verè nobilis est, qui splendorem stemmatis defectu virtutis non eclipsat, ille verè nobilis est, qui probatum antiquæ nobilitatis aurum plumbeis actionibus non adulterat. Ille magni ponderis nobilitatem possidet, qui gravitati antiquæ profapiæ, nihil detrahit per morum levitatem. Ille verè nobilis est, qui gentilitio majorum suorum Scuto infamia stigmata non inurit. Verbo: ille teste Aristotele verè nobilis est, *cui majorum virtus inest*. Qui ambit numerari inter liberos dominos, non debet esse subditus vitiorum. Auream hanc libertatem aureis verbis aureum os S. Chrysostomi explanat, dum ait: *Ille integram suam nobilitatem putet, si dedignetur servire vitijs*.

*S. Hieron.  
ad Celant.*

Non sunt igitur Imperatores, quibus crimina impendant. Non sunt Reges, qui reguntur à vitijs. Non sunt Duces, qui ducuntur passionibus. Non sunt Principes, si virtus non sit principale. Non sunt Comites, nisi virtutes comitentur. Non sunt liberi Barones, qui sunt Servi vitiorum. Non sunt nobiles, quos mobiles rapiunt levitates. Non sunt angusti, quibus virtus est angusta. Non sunt Serenissimi, quos turbulentiae nubes obscurant. Non sunt Celsissimi, quorum animus humi repit. Non sunt Excellentissimi, quos vitia deprimunt. Non sunt Illustrissimi, qui Lunam maculis suis superant. Non sunt Perillustres, quos morum crassities reddit opacos. Non sunt Generosi, qui abjectos gerunt animos. Non sunt prænobiles, qui plebejam sectantur vilitatem. Non sufficit esse nobilem sanguine, *sed oportet etiam esse clarum virtute*.

*Juvenal.  
sat. 8.*

*Tota licet veteres exornent undique cera  
Atria, nobilitas sola est, atque unica virtus.*

Nil

Nil profunt majores tui, si tu es minor. Non æstima-  
 tur deducta ex regibus Sangvinis purpura, si tu es deco-  
 lor. Nil confert claritas Generis, si tu illam obscuras.  
 Rectè monet S. Nazianzenus: *qui Generis Splendorem jacta-  
 tis, date operam, ut mores quoque nobilitetis.* O nobilis igno-  
 bilis, qui solam jactas nobilissimæ familiæ Originem, at-  
 tende Senecam te graviter sic admonentem: *Non facit  
 nobilem atrium fumosis imaginibus plenum. Nemo in nostram  
 laudem vixit: nec quod ante nos fuit, nostrum est. Qui genus  
 jactat suum, aliena laudat. Si tamen te revocas ad vetera, ne-  
 mo non inde est, ante quod nihil est.* Hæc Ethnicus Phi-  
 losophus. Ut verò te Christianè alloquar; Si adhuc an-  
 tiquitatem stemmatis jactas, altiùs inspicere prima nascent-  
 tis mundi incunabula, & deprehendes primum humani  
 Generis nobilem fuisse Adamum. Fuit ille nobilis, sed  
 proh dolor! non diu. Fecit illum Deus creaturarum no-  
 bilissimum. Contulit illi pro Gentilitio insigni imaginem  
 & similitudinem suam. Nè bonis & dominijs careret  
 neo-nobilis, fecit illum Paradisi Dominum. Pro illius  
 tabula assignavit omnes Paradisi fructiferas delitias, uni-  
 co pomo excepto, ne se arbitraretur esse dominum ab-  
 solutum. Ad augendam illius auctoritatem, assignavit  
 eidem subditos, & subjecit illi omnia universi animantia.  
 Pro reputatione majore, & custodia constituit ministros,  
 & custodes angelos. Denique hunc primum nobilem  
 Divina bonitas tot beavit gratijs, ut titulo suo inferere po-  
 tuerit, *Nos Dei gratiâ.* Talis ac tantus nobilis per unicum  
 crassum actum totâ nobilitate excidit, & posteritatem  
 suam ad statum rusticanum deduxit, hac divinâ condem-  
 natus sententiâ: *In Sudore vultûs tui vesceris pane tuo. Ma-  
 ledicta terra in opere tuo, Spinas & tribulos germinabit tibi.*  
 Tunc verificatum est in illo, quod Deus dixit Samueli:  
*Qui me contemnunt, erunt ignobiles.* Ecce Adam Divi-  
 num mandatum contemnendo ex nobili factus est igno-  
 bilis, & rusticus, dum rus colere à Deo jubetur. Huc,

*Episto. 44.  
 Idem in  
 Herc. su-  
 rente.*

*Genes. 3.*

*1. Reg. 2.*

huc animum tuum converte, qui nobilitatem jactas finè virtute.

Quod si hæc præterita respicere contemnis: saltèm recogita futura. Cinis fuisti à principio, cinis eris in fine. Explora odoratu sepulchrales cineres, nobilem ab ignobili non distingves, omnes æqualiter fætent. Futura prospice, quia nobilis disciplina est studere futuris. Si nobilitatis tuæ nomen immortalitati transcribere desideras, incipe immortalis esse dum vivis. Ità nunc vive ut etiam à posteris pro nobili habearis. Sit nobilitas conjuncta virtuti & immortalis futura est tua nobilitas. Estò tu non vixeris, tamen vivet tua Virtus, quæ mori nescit, nam  
*Sola vivit post funera virtus.*

Stirpis nobilitas est aureus annulus illi,  
Si virtus desit, splendida gemma deest  
Est virtus adamas, fit vilior annulus ille,  
Cujus nobilitas hoc adamante caret.



## S. ROMEDIUS.

Bonus Miles Christi 2. Tim. 2.

*Magna est gloria ejus. Psal. 20.*

c. 34.

Jacob. 1.



*Ubi non est tentatus quid scit?* ait Ecclesiasticus. Homo Christianus finè tentatione, est miles finè certamine. *Unusquisque tentatur à concupiscentia sua abstractus & illectus.* Vehementiam tentationum expertus est Romedius, qui in castello innocentiae volens salvare thesaurum Virginitatis; ex omni parte hostes invenit. Illum enim caro periculosis concupiscentiae motibus, dæmon pravis suggestionibus; & lascivæ





Joan: Steger del:

M: Rinola sculp



scivæ mulieres blanditiarum illecebris impugnârunt. Libet bono militi Christi acclamare: Ad arma! ad arma! Romedi, si no mini tuo vis facere gloriam. *Nemo coronabitur, nisi qui legitime certaverit.* Ad arma! hostis valde propingvus irruit, imò jam intra corporis tui mænia furit. *Caro concupiscit adversus spiritum & interna bella movet.* Vi-  
res collige quia *plùs est clauso intrâ se hosti resistere quàm remoto.* Juvenis es, *Juventus ad amorem liberior, ad lapsum incantior est.* Adhuc miles es novitius, habent, quòd resistant in hoc prælio veterani, nam teste Sancto Augusti-  
no, *inter omnia certamina Christianorum duriora sunt prælia castitatis, nam ibi continua pugna, & ravior Victoria.* Valde cautè tibi procedendum est, *magna enim Solertia est domestici hostis insidias cavere.* In tam periculoso statu constitutus Romedius, magnos imitatur heroës, qui hostium insidijs circumventi in arena consilium capiunt. Arma corripit domando hosti idonea, & ad Subjectam arcis suæ speluncam se recipit, quasi ex insidijs hostem oppressurus, utque sit expeditior ad luctam athleta CHRISTI vestes exuit, hostémque pulchro stratagemate â tergo ag-greditur: arrepto enim acri flagello tenerrimi corporis dorsû tamdiu verberavit, donec *castigando corpus suum illud in servitutem rede-gisset.* Cæsâ carne domesticus hostis cæ-  
sus fuit. Non tamen modico sanguine stetit hæc victo-  
ria, quo fuso gloriosè triumphat novellus miles Romedi-  
us, ac proinde *magna est gloria ejus, nam suffragante San-cto Cypriano, major in Juvene, quàm in sene laus est casti-*  
*tatis.* Exultat Sanctus Romedius, in gloria, *quantò enim majus fuit periculum in prælio, tantò majus gaudi-*  
*um est in triumpho.* Mirabilis sanè hæc fuit de volupta-  
te victoria, in qua dum voluptas moritur, nova voluptas  
oritur, & ex suppressa voluptate major voluptas sentitur.  
Nam teste Sancto Cypriano *voluptatem vicisse, voluptas est*  
*maxima.* Triumphâ igitur Angelice Juvenis Romedi!  
Post hæc non inter homines, sed Angelos numeran-

2, Tim. 2.

Galat. 5.

Cyprian.  
de Jacob.  
lib. 2, c. 5.  
idem.

In Sermo-  
nibus.

Ambros. in  
Epiſt. ad  
Romi.

1. Cor. 9.

Pſalm. 20.  
de Joseph.  
c. 10.  
August. in  
Confess.

de Disci-  
plin.

Lib. de  
Virgin.

de , hoc enim te elogio honorat Sanctus Ambrosius ita scribens: *Castitas Angelos facit, qui eam servavit Angelus est, qui perdidit diabolus.*

Prov. 7.

Victa carne simul angelus Sathanæ cæsus est, nam ut ait S. Cyprianus: *Cadimus aëreas potestates, si nos ipsos castigare noverimus. Castigabat carnem suam Paulus, ut adversarios verberaret, in servitutem redigebat corpus suum, ut dominaretur inimicis.* Sed quid non machinatur humani generis inimicus? non valens per occultos internarum tentationum cuniculos evertere fortalitium castitatis, ad alias artes convertitur, & sternendo propugnaculo innocentiae, machinas admovet exitiales. Pro Ariete assumit illam machinam de qua Salomon ita loquitur: *occurrit illi mulier ornatu meretricio, preparata ad capiendas animas.* Hoc adjutus subsidio, in munitissimum purissimæ Virginitatis castellum insultum tentat omnis honestatis inimicus.

Optetur inquit ad nuptias, Sponsæ se ipsos offerant, subornentur Helenæ, quæ ex oculis sagittas jaculentur Cupidinis, quarum voces canant Veneris classicum, labra corallina prunas ardore vincant, halitus misceat cupiditatum incendia, crines nectant amoris vincula, denique totum corpus sit armamentarium voluptatis. His machinis prostrati sunt Sampsones fortissimi, & sapientissimi Salomones. His omnibus accedat speciosus titulus matrimonij, ut patrimonium innocentiae diripiatur. O! quam lethales sunt hæ bombæ, quem tågunt interimunt!

Haëtenus absque suppetijs Amazonum ab antiquo hoste contra castellum innocentiae arietatum fuit, & quidem irritò conatu, quia in hoc bello parum proficit sine assistentia mulierum. Hoc ipsum acutè animadvertit S. Ambrosius dum ait: *In Paradiso cum Adam Diabolus decertat, in deserto cum Christo diabolus dimicat, ubique congregitur, sed ubi mulierem non invenit, victus discedit.* Mulieres igitur, ut victoriam obtineat Spiritus nequam advocat in succursum. Huic consonat S. Gregorius magnus ita scri-



mortem jacetis in tumulis, in vita autem tumulos, & aggeres hostium occupâstis. Surgite heroum animæ! & si vos nostris spectandos præbere non potestis oculis, saltem imagines vestras animis nostris contemplandas exhibete. Videor (ni fallar) mihi cum Ezechiele stupendam exhiberi in campo martio Scenam, conspicio resurgentia Ossa arida, reviviscere Hectores, in lucem prodire redivivos heroes Achylli simillimos, intueor in ludente aëre fluctuantia cærulei coloris labara aureo Thuniani stemmatis tractu interstincta. In Scutis illorum comparent rubicundæ aquilæ, hostium cæsorum sanguine coloratæ. Tam famosi Jovis alites clarissimi stemmatis indices sunt, *nam fortes creantur fortibus, nec imbellem feroces progeniant Aquila columbam.* Prodeunt ex illustribus cryptis viri ex chalybe cusi, heroes ex ferro fusi, veri Martis filij, quibus Vulcanus arma victricia fabricavit. Generosa illorum pectora cingunt pretiosi balthei, ensis aureus, & auro fulgentia calcaria, ipsos produnt esse Equites Auratos. Si nomina illorum quæris, sunt Gvarimberti, Ulrici, Joannes, Simeones, Christophori, Georgij & Martini, singuli clarissimo prædicato *de Thun* refulgentes. Exornant aurati equites arma sua auro, ut ostendant se non tantum ferri, sed etiam auri victores esse. Aurum difficilius vincitur quam ferrum: nam ut eleganter canit Poëta.

B. ilbus.

*Aurum bella gerit, mucronibus imperat aurum.*

Huic consonat S. Petrus Damianus dicens: *habens pugillum aureum frangit murum ferreum*, unde exclamat Virgilius.

3. Æneid.

*Auri Sacra fames quid non mortalia cogis  
Pectora!*

Ita quidem est, aurum superat venales animas, sed non animos auro pretiosiores. Aurum vincit pecuniæ mancipia: sed non generosos dominos & equites principibus suis fideles, quorum incorrupta fides magis probata est, quam *aurum probatum purgatum septuplum.* Vivent igitur perenniter ad tabulas æternitatis aureis litteris inscripti

Psal. 111.

scripti Deo & Cæsari semper fideles Thuniadæ, qui cùm fidelitatem conservaverint perpetuo incorruptam, aurea illorum nomina nullam unquam patientur corruptionem. In hoc heroum antiquorum spectaculo præ reliquis oculos mentis ad se rapiunt tres heroës strenuissimi: Christophorus, Martinus, & Georgius veri Scipiadæ Thuniani. Priores duo fuere Capitanei, hic Castrî Königsberg, ille Urbis Tridentinæ. Pugnandum erat Maximiliano Cæsari adversus Leones geminos, Boëmicum & Venetiarum. Explicuit contra illos Romanas Aquilas Cæsar, advolârunt ad signa imperialia Thunianæ Aquilæ, & tam ad Ratisbonam, quàm Patavinum vera *documenta dabant, quæ sint ab origine nati*: tamque strenuè ab illis decertatum fuit, ut coronata Aquila biceps, illos agnoverit esse genuinos pullos aquilarum. Hos inter bellica Virtute eminuit Georgius de Thun, qui postquam expeditioni Romanæ sub Clemente interfuisset, in qua plurima forti, invictoquoque animo sustinuit, in bello Germanico, quod à Carolo V. Anno 1546. gestum est, sub Maximiliano Romanorum Rege militaris Mareschalli obtinuit dignitatem.

Sed quis fragor auribus meis allabitur? audio quassari solum, terram concuti, & in mortualem Cryptam dehiscere. Video è cineribus sese erigentem virum, Turno vel Pallanti non absimilem, fissam in capite gerit Galeam, perforatum instar cribri jactat Scutum, disruptam concutit Loricam, gladium vibrat innumeris ictibus hebetatum, pectus aperit vulneribus plenum, imò totum Corpus unum vulnus est. Iram naribus effiat, toto pectore vindictam spirat, & torvo vultu repræsentat Herculem furem. Agnosco heroem, Hildebrandus de Thun est, vir sui sæculi bellicosissimus. Circumferebat arma victricia in diversis mundi plagis Cæsar victoriosissimus Carolus V. illius labara secutus Hildebrandus ab eo didicit, aut vincere, aut gloriose mori.

Pugnatum est ad Garagnam in Lombardia contra



Franciscum primum Galliae Regem. In hoc prælio Hildebrandus tot edidit facinora, ut ipse Mars credi potuisset, nisi Mors vetuisset. Mortuus est morte heroum, extinctus adhuc timebatur, & visus est pugnare jam mortuus. Talis gloriosa mors est, quæ facit vivere post mortem, *qui enim per virtutem perit non interit.* Potuit Hildebrandus cum Epaminonda exclamare: *Nunc Epaminondas nascitur, quia sic moritur.* Qui sic moritur, mortem morte vincit, & per ipsam mortem fit immortalis. Qui sic moritur, oritur, nam post Sangvinis effusi auroram, properat ad ortum immortalitatis, & familiam suam tanquam Sol oriens clarissimis radijs illustrat. Nam teste Euripide *de mori gloriosè est decus Familiæ.*

Hæc gloria est mortuorum, sed non minor Laus est vivorum. Adhuc vivunt faventibus superis superstites germani fratres, generosi Thuniadæ, Franciscus & Romedius, qui contra rebelles Ungaros & portam Ottomanicam tanquam Tribuni & chiliarchæ sub Cæsareis Aquilis arma tulerunt, parati pro salute Domûs Austriacæ sanguinem suum fundere, & tanquam Martis Victimæ immolari. Specialissimo tamen Jure, Comes Franciscus de Thun magnis heroibus annumerandus est. Cujus generosa tanquam Achyllis Melitensis pro Cruce Christi facinora, speciali præconio in sequentibus deducenda reservantur. Ex his omnibus concludendum est, naturam Comitibus de Thun characterem heroum impressisse. Videntur habuisse matres Amazones, & progenitores Martes. Has virtutes habuerunt Thuniadæ, quas in heroibus finxit antiquitas, quod in his fuit fabula, hoc de illis fidē historiæ meretur. Expeditiior est Comitibus de Thun, man, ad faciendū, quàm mihi ad scribendū. Acrior est illis gladius, quàm mihi sit calamus acutus, proinde gloriosis illorum armis hanc inscribo Epigraphen: *Non lingua, sed manu.*


Ipsa re non est, sed solo nomine miles,

Qui de se jactat plurima, pauca facit.

Thuniadæ quamvis sileant, faciendo loquuntur:

Quando lingua silet, Thun sonat ipsa manus.

DI-



## DIGRESSIO II.

### *Quæ sit maxima Victoria.*



**M**ilitia est vita hominis super terram. Non fuisset hæc militia, si ab homine abfuisset malitia. Omnia fuissent valde bella, & abfuissent horrida Bella, mansissetque homo in re bellus, nisi factus fuisset Deo rebellis. Quamdiu Adam fuit amicus Dei, pacem habuit universalem cum omnibus Creaturis, solus serpens erat inimicus hominis, quia inimicus Dei non potuit non odisse hominem, tanquam *imaginem & similitudinem Dei*. Quamprimùm verò fædifragus pacem violavit, hostis Dei factus est. Et ut nuditatem suam protegeret (scilicet egregius miles) sibi primam cataphracturam *consuit ex folijs ficûs*. Contra hostem Dei pariter hostilitatem exercuerunt omnia mundi elementa. Ignis vibrabat fulmina, aqua effundebat diluvia, aër pestifera spirabat venena, terra contra hominem *Spinis & tribulis* se armavit. Rebellante homine, omnia jugum excusserunt illi subiecta animalia, rebellârunt motus Corporis, caro consurrexit adversus spiritum, & Spiritus adversus carnem, imò ipse homo rebellavit contra se ipsum. Præclare de hac rebellione ait Augustinus: *hac est pena inobedienti homini in semetipso, ut eidem vicissim non obediatur nec à semetipso*. Rebellando sibimet ipsi bellum indixit, factus

*Genes. 1.*

*Genes. 3.*

*Ibidem.*

*L. contra advers. leg. c. 5.*

E

hostis

hostis & oppugnator sui. *Sic vindicatur in rebellem adversus Deum, ut ipse sibi sit bellum, qui pacem noluit habere cum Deo.* O homo temerarie, cur hostes extrà te quæris, cum plurimos intrà te habeas? *Habes contra quos pugnes in te, habes quod expugnes in te.* Noli procul circumspicere, & exploratores mittere oculos, qui hostem prodant: Te ipsum inspicere, & occultum hostem invenies. Nemo tibi magis hostis, quàm tu tibi. Dum tecum loqueris, cum hoste tuo conversaris, dum te tangis, hostem tuum, habes in manibus, dum te castigas, hostem tuum cædis, dum speculum inspicis, hostis tuus tibi versatur præ oculis, dum te cibo reficis, capitalissimo hosti præbes com-  
 meatum. Huic veritati clarissimè suffragatur mellifluus Doctor Bernardus his verbis: *hostis noster caro est adversus spiritum concupiscens. Hostem hunc crudelissimum nec fugere possumus, nec fugare. Circumferre illum necesse est, quoniam alligatus est nobis, & quod periculosius est, hostem nostrum cogimur sustentare, perimere eum non licet.* Non est tibi neces-  
 sè hostes quærere, ingens hostium numerus est, nam teste S. Hieronymo: *Magnis inimicorum circumdamur agmi-  
 nibus, hostium plena sunt omnia.* Audi S. Augustinum te salubriter admonentem: *noli tibi hostes addere, eum vince, cum quo natus es.* Noli tibi ullos conceptus formare de vincendis hostibus alienis, nisi te prius viceris, quod tibi graviter insinuat S. Ambrosius dicens: *Priùs homo tui victor esto, ut possis esse victor alterius. Vince inimicos proprios, ut possis vincere alienos.* Proinde si fortitudinem in vin-  
 cendo hoste demonstrare desideras, & inter fortissimos heroes numerari cupis, hostes domesticos vince. Vinci debet hostis domesticus ante hostes externos. Quid enim prodest tibi pax universi, si intra te bellum geritur? Vivit intra hominem geminus homo, ille voluptuosa amat, iste honesta. Nunquam intra Te pax erit, donec ille homo vincat, & regnet, cui DEus dedit imperium. Fortitudinem ergò tuam intrà te ostende, nam fortitudo  
 est

idem in  
Isal. 78.

idem in  
Isal. 141.

Serm. 3, in  
Dom. 6.  
Pentecost.

Epist. 22.  
in Isal. 57.

Serm. 36.

*est carnem vincere, proprijs voluptatibus contraire, prosperitatis blandimenta contemnere, adversitatis metum in corde superare.* Fortis est, non tantum hostium, sed etiam voluptatum victor. Fortitudinis tuæ ostendendæ occasionem semper reperies, quia ut ait S. Cyprianus *habes carnem tuam quam superes semper.* Hic fortitudinis Scholam invenies, nam ut Divus testatur Hieronymus: *quamdiu vivimus, in certamine sumus.* Quod si plura fortitudinis Herculeæ edere cupis Specimina: pugna cum fortuna, non tantum adversa, sed etiam prospera. *Magna enim Virtutis est* exclamat Hipponensis Præsul, *cum felicitate luctari: Magnæ felicitatis est à felicitate non vinci, quem enim felicitas nulla frangit, cum nulla infelicitas corrumpit.* Viri quippe fortis est, nec adversis frangi, nec prosperis sublevari.

S. Grego.  
l. 7. Moral.

l. 2. ad  
vers. Te-  
lag.

Serm. 13.  
de verb.  
Dñi.

Si adhuc nomen tuum ultra omnium heroum gloriam inclarescere cupis; repeto quod dixi. Vince te ipsum. Nulla maior est victoria nisi tui ipsius. Adstipulatur meo consilio Divinus Plato ex Sapientiæ suæ Schola hoc promens Oraculum: *Primam & optimam dico victoriam ut se ipsum quis vincat. Turpissimum verò & pessimum ut à se ipso vincatur.*

L. 1. de  
Leg.

Si animos geris regiones, & ad alta aspirans Regalem ambis purpuram, debella passiones animi, & opus regum perfecisti, nam ut aureè loquitur S. Chrysostomus: *Rex est eo, qui purpuram habet, regaliore, qui passiones animi vicerit.* Si æmulator factus magni Alexandri totum mundum vincere exoptas: Vince Te ipsum, hoc tibi s'vadet S. Augustinus dicens: *Te vince, & mundus victus est.*

Homil. 4.  
ad Hebr.

de Diverf.  
Serm. 5.

Si tandem cum Hercule affectes inter Deos referri, Vince Te ipsum, & inter Deos (pro Te Tullio perorante) sessionem obtinebis: dum ita loquitur: *Nulla est tantavis quæ vinci non possit: verum animum vincere, iracundiam cohibere &c. hæc qui facit: simillimum Deo judico.* Denique si pro æterna nominis tui memoria arcus tibi erigere cogita triumphales: Vince te ipsum. De Te ipso reporta

pro Mar-  
co ad Cæs.

victriciam, impone columnis triumphalibus pro coronide imaginem Tui, cum inscriptione: *Fortior est, qui se, quàm qui fortissima vincit mœnia.*


In toto mundo non est capitalior hostis,  
A quo plus caveas Tu tibi, quisque fibi.  
Contra te pugna! Si tu te viceris ipsum,  
Tunc nec Alexander par tibi magnus erit.



## S. ROMEDIUS.

Pater pauperum. Job. 29.

*Anima esuriens dat tibi gloriam.* Baruch. 2.




*Luc. 18.*

*Matth. 19.*

*Ibid.*

*Ibid.*

Uc oculos convertite, quotquot veras divitias amatis. Spectate duos juvenes, ambos valde divites. Unus illorum est Hebræus *Princeps in Judea*, alter Christianus, Romedius Comes de Thaur in Tyroli. Uterque intrat Scholam Christi, uterque audit hanc divinæ Sapientiæ lectionem: *Si vis perfectus esse vade, vende quæ habes, & da pauperibus, & veni sequere me.* O quàm difficiles sunt hæ Summulæ perfectionis Christianæ! quas quia auro inescatus, & mente captus juvenis, capere non potuit, & maximè argumentationem in DABITIS, videlicet *da pauperibus*, tanquam auritus Midas, & desperatus Logicus, cecidit ex ponte asinorum, nam referente Evangelico historiographo *abijt ex Schola Christi tristis, erat enim habens multas possessiones, ostenditque verissimam esse æternæ veritatis doctrinam: facilius est Camelum per foramen acûs transire, quàm divitem intrare in regnum Cælorum.* Tristis ergò abijt Hebræus princeps,



Io: Siegre del:

M. Ruola sculp.





ceps, ad principes tenebrarum, lætus verò permansit in pauperis Christi comitatu Comes Romedius, à quo in Christiana Philosophia tam subtilis Scotista effectus est: ut abjectis divitijs per subtile foramen acūs transire potuerit. Quanta non hæc est subtilitas, quæ sequentes defendit conclusiones: pauper fias ut dives evadas. Omnia tua perde, ut centuplum lucreris. Omnia profunde, ut omnia tibi reserves. Nihil habe, ut omnia possideas. Ad inopiam te redige, ut in illa opes compares. Plenas manus & crumenas evacua, ut hoc modo thesauros congreges indeficientes. Mera hæc esse dicerem Sophismata, nisi divinæ foret oraculum veritatis: *da pauperibus* ibid.  
*& habebis thesaurum in Cælo.* Vim harum conclusionum percipiens S. Ambrosius exclamat! *ista est dives paupertas, quæ expendit omnia, & possidet omnia.* Hanc divinam lectionem Romedius non tantum mente est affecutus, sed etiam opere est executus: nam facultates suas, *dispersit de-* Esai. 111.  
*dit pauperibus*, ideoque *justitia ejus manet in seculum seculi.* Factus est Romedius ex locupletissimo Comite, pauperimus Comes Christi, sed ita pauper effectus est, ut dives esse non cessaverit, nam teste S. Hieronymo: *affatim* Epist. 1.  
*dives est, qui cum Christo, pauper est.* O ditissime pauper Romedi! te verbis S. Augustini alloquor: *non tibi displiceat* Serm. 28.  
*paupertas tua, nihil ea ditius potest inveniri.* Vis scire quàm de vet.  
*locuples sit? Cælum emit.* Cælum paupertate tuâ emisti Romedi, ideoque jam in terris beatus es, ex mente Ecclesiastici dicentis: *Beatus vir qui post aurum non abiit, nec spera-* Cap. 31.  
*vit in pecunia & thesauris.* Aurum abjecisti, hinc aureum os Chrysostomi te divitem facit, dum inquit: *nihil opulenti-*  
*us est eo, qui paupertatem sponte suscepit.*


O Dives Cræse! si sapias cum beato Romedio sapes. Ambros.  
*Noli contemnere pauperem, ille te divitem facit.* Si aurum a- l. 3 Epist.  
*mas, pretiosa tibi sit Divi Chrysologi sententia dicendis:* 25.  
*da pauperi, ut des tibi, quod pauperi dederis, tu habebis, quod* Serm. 8.  
*pauperi non dederis, habebit alter.* Huic consonat S. Augu- Fræs. in  
in Esai. 75  
L. 4.  
Epist. 27.

stinus: *Respice manus, inanes si vis habere manus plenas.* Divitem te esse fallò putas, nam ex mente S. Ambrosij: *Nemo est dives, qui quod habet secum hinc auferre non potest, quod enim hic relinquitur, non nostrum sed alienum est.* Recogita hoc consilium suggerente S. Chrysologo, *quod te morientem divitiæ non sequentur.* Divitem te existimas, sed non es, illæ enim inquit S. Augustinus *sunt veræ divitiæ, quas cum habuerimus perdere non possumus.* Si divitias tuas non vis perdere, repone illas ad manus pauperis: quia teste S. Ambrosio: *Manus pauperis gazophylacium Christi est.* Et tunc res tuæ erunt in bonis manibus, dum fuerint in manibus Dei. De hoc securum te reddit S. Cyprianus his verbis: *de Eleemos. Patrimonium Deo creditum nec Respublica eripit, nec fiscus invadit, in tuto hæreditas ponitur, quæ DEO custode servatur.*

O Dives epulo cur pauperem Lazarum contemnis? pariter cum illo mendicus es, nam ut rectè ait S. Augustinus: *Omnes quando oramus mendici Dei sumus, ut ergo agnoscat ille mendicos suos, agnoscamus nos nostros.* Quando pauper mendicat, Deus petit: *sed quales sumus nos!* (exclamat S. Cæfareus) *quando Deus donat, volumus accipere, quando petit, nolumus dare.* Offert nobis liberalissimus DEUS totum Cælum, & non volumus pro illo dare vile metalli coenum. Ex quo contingit, quod moriatur pauper Lazarus, & transferatur ad sinum Abrahamæ, dives autem cum numis suis sepeliatur in inferno. Terribilem planè sententiam divitibus Evclionibus intonat S. Augustinus: *Regnum Calorum non divitum, sed pauperum est; si est regnum calorum pauperum restat ut infernus sit divitum.* O infelices avari divites! qui horrendam illam extremi Judicii sententiam timendam habetis: *Ite Maledicti!* Desperata est vestra causa, nisi ad consuetam mundi praxim confugiatis. Judicem pecunijs corrumpite! Quod ut feliciter cedat, ungite manus pauperum, & per illas incorruptum judicem corrumpetis. Solatio vobis sint verba S. Chrysostomi ità scribentis: *Judex noster per pauperes corrumpitur, etenim per illos munera accipit.* Per

Per manus ergo pauperum tanquam per advocatos offerte Judici munera, quia teste Petro Ravennate: *quidquid pauper recipit Christus acceptat.* Ut ergo ad æternam mortem condemnati evadatis inferni funera, offerte pauperi munera, nam *Eleemosyna liberat à morte, & facit invenire vitam æternam.* Tob. 4. Hoc modo incorruptus iudex corrumperetur, mutabitque sententiam, & in extremo tribunalilocò *Ite*, pronunciabit *Venite*. Sed ad Sanctum Romedium revertamur, cui parum videbatur relinquere sua, & dare pauperibus, nisi simul relinqueret suos, & penè se ipsum. Inimici hominis domestici ejus, ideoque domesticos deseruit Lares vehementer timens, nè fiat Romedius Anagrammaticè *Domi Reus*. Paterna igitur transcendens limina, statuit sacra Apostolorum exosculari limina, ut saltem in primò perfectionis Tyrocinio, sanctitatem à limine salutaret. Accidit autem divina ita ordinante providentia, ut tam pium iter cum duobus viæ Socijs Abraham & David aggressus Romedius, ad Urbem Tridentinam diverteret, in qua Episcopale solium tenebat Divus Vigilus sanctitatis famâ celeberrimus. Ab eodem devotâ hilaritate, frugali prandio excepti gratissimi hospites, plus paverunt mentem quàm ventrem, nec solæ fauces sumebant cibum, sed magis aures esuriebant Dei Verbum. Hâc occasione arctam contraxit Romedius amicitiam cum Missionarijs Apostolicis Sisinio, Martyrio, & Alexandro, quorum Sancta conversatione in tantum fuit delectatus, ut ostenderit verum esse illud proverbium: *similis simili gaudet.* Spiritualibus itaque hospites suos satians documentis Divus Vigilus, eosdem ad invigilandum salutis suæ nervosè adhortabatur, ac tandem impertitâ Episcopali benedictione, hanc DEO devotam Triadem in pace dimisit, æquum existimans illi benedicere, qui tam copiosis pauperibus benefecit. Liceat & mihi tam benefico Eleemosynario hos decantare versiculos:

Pauperibus dando fit dives creditor inde  
 Romedius, nam fit debitor ipse DEUS.  
 Non sex pro centum, sed pro uno solvere centum,  
 Et capitale simul reddere, Numen amat.



# DOMUS AUREA.

2. Paral. 3.

## *Gloria Beneficentiæ Thunianæ.*



*In Epist.  
 Paranes.*

Uemadmodum fulgor spectantium tra-  
 hit oculos, ita splendor beneficentiæ Thu-  
 nianæ animos considerantium ad se rapit.  
 Verè hæc est domus aurea, imò inexhau-  
 sta beneficiorum aurifodina, quia ut te-  
 statur Agapitus: *inexhausta sunt beneficentiæ  
 opes, nam largiendo acquiruntur, & dispensando colliguntur.*  
 Nunquam felicius nobilitas Thuniana suo correspondit  
 nomini, nisi *bene faciendo.* Benefacere Thunianum est:  
 ita ut alio nomine Thuniadæ meritò possint *Benefactores*  
 appellari. Videntur pro sua Regula habere aureum tra-  
 ctatum Senecæ: *de Beneficijs.* Si homo ab humanitate  
 dicitur, Thuniadæ non sunt vulgares homines, quia sunt  
 humani in gradu excellenti. Inhumani homines imò  
 monstrosæ belluæ sunt, qui aurea Hesperidum poma tan-  
 quam Dracones custodiunt. Humanitas & beneficen-  
 tia homini propria est, dicente Cicerone: *Liberalitate ni-  
 hil est humane naturæ accomodatius.* Humanissimi Thunia-  
 dæ sunt nobilissimæ indolis homines, nam nobilis imò  
 Re-

*L. 1. Offic.*

Regij planè animi est, in alios beneficia conferre. Huic nobilissimo stemmati altè impressa videtur illa Gregorij magni sententia: *Hanc sibi quodammodo nobilitas legem imponit, ut debere se, quod spontè tribuit, existimet, & nisi in beneficijs suis creverit, nihil præstitisse se reputet.* Homo benefaciens non parùm divini habet, nam ut inquit Synesius: *bene alijs facere, hoc solum habent homines cum DEO cōmune.* Inter maxima Dei prædicata est benefacere. Et quomodo non benefaciat ille, qui est *optimus*, & quidem prius *optimus*, quàm *maximus*, at *optimus* significat *beneficentissimus*. Inter maximas quoque sanguinis Thuniani dotes est beneficentia, per quam Dijs assimilatur. Teste enim Philone *nunquam homines propius ad similitudinem Dei accedunt, quàm cùm sunt benefici.* Hoc ipsum confirmat Clemens Alexandrinus scribens: *Revera DEI est imago homo benefaciens.* Gloriamini de hac virtute beneficentissimi Thuniadæ, hæc enim suffragante Gregorio Nysseno, *est omnium laudabilissima, hæc est felicitatis Comes, hæc assidet DEO, & magnâ est cum ipso necessitudine conjuncta.* Munificentissimæ liberalitatis Exemplar se exhibuit Joannes Argobastus Comes de Thun, magnæ vir opulentia; qui ideo divitias sibi præmanibus esse putabat, ut alios divites redderet, pauperibus studiosis, & egenis Ecclesiasticis opem ferre, opes suas existimabat, suum reputabat esse gaudium, alijs posse prodesse, dum alijs gaudebant, illum sibi profuisse. Tam beneficus fuit, ut alijs dando beneficium, ratus sit se beneficium accepisse. Hæc pridem elapsum annorum prodit memoria, ad recentiora calamum applicemus. Quis adeo rudis est in antiquæ nobilitatis Amphitheatro, ut gloriosum Gvidobaldi de Thun nomen ignoret? quem illius fama latet, magnam partem Chronologiæ Salisburgensis nescit. Hoc loco sola illius memoranda venit munificentia verè principalis. Princeps erat puncti honoris amantissimus, adeoque liberalissimus. Quia Teste Demosthene *liberalitas laudem, gra-*

*in Epist.*

*Epist. 11.*

*Pischal.  
Lib. Virt.  
& Vit.  
Cap. 25.*

*L. 2.*

*Jiromat.  
In Orat.  
de pauper.  
amand.*

*pro Ctesiphonte.*

Metzger  
in v. H. Sa-  
lsburg.

*tiámque mereatur.* Unde statim à Regiminis sui initio firmiter sibi persuasum habuit, non posse digniore aut pulchriore auspicio sua principia dedicari, quam si amorì civium bonoque publico consulisset, accisforum & exactionum oneribus (invisa subditis nomina) ad centum ferè millia imperialium, partim sublatis, partim mitigatis, sui principatùs primordia insigni clementia consecravìt. Status Provinciales Salisburgenses gravi ære alieno obstrictos multorum millium imperialium debito liberavit. Ferrifodinas in Tientina valle quindecim millibus imperialium redemit. Mira liberalissimi Principis humanitas, vicinorum Principum affectui & amicitiae ipsum altius insinuavit: unde orta sunt mutua invitationum, & visitationum officia. Serenissimum Austriæ Archiducem Ferdinandum Carolum cum tota Aula iteratis vicibus hospitem excepit, uti & illius serenissimum Fratrem Franciscum Sigismundum cum Serenissima conjuge Anna & Principissa filia Seniore. Nec minora fuere cum Serenissimo Electore Bavariæ reciprocae humanitatis commercia; qui cum tota aula sua à Principe Gvidobaldo splendidissime exceptus, & per dies propè quatuordecim inter varias animi & Corporis oblectationes fuit Salisburgi commoratus. Hæc singularis Archi-Episcopi humanitas eundem Serenissimum Electorem permovit, ut Principem Gvidobaldum ad sacras Baptismi ceremonias neonatæ Principissæ Mariæ Annæ, postmodum moderno Galliae Delphino nuptæ, nec non Principi Maximiliano Emmanueli hodierna die Bavariæ Electori, & Belgij Gubernatori impendendas requisiverit.

Memoratu quoque digna est Celsissimi Principis Gvidobaldi officiosissima humanitas, qua Augustissimū Cæsarem LEOPOLDUM inter complures Arcus triumphales Solennissimâ pompâ Salisburgi magnum hospitem excepit. Enituit sanè in tractanda Cæsaris Aula, summa illius providentia, & liberalitas, quia in tanti Monarchæ comi-



comitatu personæ 750. & equi 1017. cenfebantur, nundinis quoque ferventibus, & plurimis advenis ad spectandam Cæsaris Augustam Personam, & Aulam affluentibus, cunctis abundè provisum, neque defectus alicujus nota, aut quærela fuit. Intrà aulam quotidie 31. Meniæ, extrà illam Archi-Episcopi expensis 28. sternebantur. Inferioris conditionis famuli pro competente victu omnes ad unum paratâ pecuniâ donabantur. Primarijs Romani Jovis ministris, quasi assistentibus numinibus, nec non Dijs minorum gentium, sumptuosa donaria offerendo, tam profusa liberalitate occurrit, ut visus sit opinari, hoc solum sui esse muneris, alijs munera conferre.

Etiam ad exteras nationes Celsissimi Principis Gvidobaldi humanitas & beneficentia se extendit. Contigit enim ut ex subsidijs Gallicis contra Turcas in Ungariam misfis, duo millia capitum Duce Gasfione Suillio per Salisburgensem ditionem transitum in Styriam quærent, & Salisburgum appellerent. Hinc demonstrandæ suæ beneficentiæ, & hospitalitatis nactus bellissimam occasionem Gvidobaldus: majoris notæ præfectos & Tribunos suæ mensæ adhibuit, & imos, ac summos varijs humanitatis indicijs perquàm liberaliter affecit. Salisburgo digredientibus (cùm cellæ vinariæ Kaltenhusianæ appropinquarent) jussit Princeps cuivis non tantum stipendiario, sed etiam caloni, quantum quisque tam haustu, quàm lagenis & ænophoris ferre poterat, sive de cerevisia, sive Tyrolensi vino, prout placuisset liberaliter affundi. Acclamatum tunc fuit liberalissimo Principi læto Gallicinio, & humanitatis illius gloria Alpes transcendit. Ex his luce meridianâ clariùs apparet, quàm sordidè parcus in veritate, & liberalis in calumnia fuerit scriptor ille, qui calamo suo non erubuit Gvidobaldo affingere notam parcitatis. Magnificum Primatis sui spiritum tota novit Germania, unde qui contrarium fabulatus est, Germanâ fide non processisse convincitur. Unicum



adhuc adjicio pro extollenda liberalissimi Principis beneficentia, Reverendissimi Capituli Ratisbonensis omni exceptione majus testimonium, quod consignatum habetur tenore sequenti.

Nos *Præpositus, Decanus, Senior, totumque Capitulum Ecclesiæ Cathedralis Ratisbonensis*, publicis hisce litteris profitemur: quòd *Celsissimus ac Reverendissimus Princeps & Dominus Dominus GVIDOBALDUS Archi-Episcopus Salisburgensis, Sedis Apostolicæ Legatus &c. Dominus noster Clementissimus*, postquam à nobis in *Episcopum ac Principem hujus Almae Diæcesis*, communi omnium suffragatione canonicè electus, & à nobis evidentibus rationibus debita cum reverentiâ informatus fuit, quàm arctis limitibus constricta esset *Sedis hujus res æconomica*, ità quidem ut non nisi extraordinarijs medijs, aliunde accitis, sub ingenti onere debitorum fatiscenti subsidium opportunum feratur, nulla omnino spes alluceat è tâtis difficultatibus ullo unquam tempore emergendi: generosissimâ animi benignitate, ac singularissimâ, eaque clementissimâ ergà afflictam hanc Sedem benevolentia, motu proprio abdicârit se ad quatuor annos usu reddituum ac proventuum ex bonis *Episcopatus hujus*, eâ lege, ut tota quidem bonorum administratio à clementissima ipsius voluntate ac directione pendeat, fructus tamen supra determinato tempore inde percepti, non nisi exolvendi debita, & ut saltem dimidia eorum parte *Episcopatus sublevaretur* (quia immodica sunt) impendantur. Hanc *Celsissimi ac Reverendissimi Principis, ac Domini Nostri Clementissimi benignissimam voluntatem*, uti nunquam non humillimis juxtà ac fidelissimis nostris obsequijs demereri conabimur: ità publicis hisce litteris perinde prædicatam ac contestatam volumus.

Ratisbonæ 28. Octobr.

1666.



Joannes Schixegerle Col: Reverendiss:  
Capituli Cathed. Eccles. ibidem.

Hæc sanè liberalitas meretur liberalium artium præconijs concelebrari. Nec soli Gvidobaldo ex hoc stemmate

mate propria fuit gloriosa munificentia, sed toti propè stemmati, dum de honore agitur, deprehenditur esse innata. Longum proinde foret de liberalitate Thuniana scribendo nimis profusum esse, & liberalem. A puncto honoris ascendamus ad punctum DEI: quod qui tulit, omne tulit punctum.

Non tantùm ad homines, sed etiam ad Deum se extendit liberalitas Thuniana: quod enim tribuitur pauperi, datur Deo; pauper quidem recipit, sed DEUS acceptat. Defacto in hac virtute misericordiæ excellunt duo Fratres Excellentissimi, Maximilianus, & Romedius de Thun, quibus jure meritò applicari potest pium illud ex Ecclesiastico eloquium: *illi viri misericordiæ sunt, quorum pietates non defuerunt, cum semine eorum permanent bona.* C. 44.  
v. 10. Vivit enim verò hæc beneficentiæ Virtus in Excellentissimo Domino Comite Maximiliano de Thun, cujus misericordiam lapides loquuntur, quos habitationi pauperum deputavit. Ostendit piam illius liberalitatem pro egenis recipiendis Tetznae decenter exstructum, & bene necessarijs instructum hospitale, quod jure meritò appellari potest *Diversorium Christi*. O quàm magnum Dominum hic Excellentissimus Fundator tanquam hospitem tractat, dum in persona pauperis divitem Christum hospitio recipit; ille enim de se dicit: *hospes fui, & collegistis me.* Magnam certè à tam magno domino pro hac hospitali humanitate vicissim expectandam habet gratiam, & discretionem. Hæc hospitalitas efficiet, ut ex hoc programme *Maximilianus Comes de Thun* verificetur deductum sequens anagramma. *Hic olim Senex, tam diu sanum temperamentum Corporis conservabit; donec annis gravis, & plenus dierum, complura Nestoris absolvat sæcula, scriptum est enim: Eleemosyna liberat à morte.*

Quid dicam de Excellentissimo Domino Comite Romedio de Thun, quem ideo natura formasse videtur, ut in illo humanitas hospitium reperiret. Ita enim affabili-

H

tate

*Lib. 2.  
Offic.*

tate sua, & beneficiâ, etiam nobilissima corda trahit, ut cordium magnes possit appellari. Hæc affabilitas illi non rarò magna attulit emolumenta, nam frequenter animos, quos nec ferrum nec aurum movere potest, affabilis humanitas vincit, imò feroces Leones beneficentia cicures reddit. Non ità tamen promiscuè facultates suas profundit, ut ab invidis de prodigalitate reprehendi possit, sed illam servat Ciceronis Regulam: *non ità claudenda est res familiaris, ut eam benignitas aperire non possit, nec ità referenda, ut pateat omnibus.*

*3. Reg. 4.*

*Jo. 11. 5.*

*Daniel. 14.*

Inter reliqua beneficiæ suæ monumenta maximè elucet, sumptuosa in arce Choltitzeni pharmacopea, quæ præcipuas in Regno Boëmiæ medicamentorum officinas adæquat, & non paucas superat. Tota illius structura in tres potissimùm partes est dispertita. Principalem locum implet copiosa medicamentorum congeries, quæ in gratiosè exornatis repositorijs nitidè asservatur. Lateralium parietum superficiem quæ pharmacorum receptaculis altior est, illustrant quatuor Elementorum mysticæ figuræ, *quæ per Salomonem à Cedro Libani usque ad hyssopum, quæ egreditur de pariete disputantem*, ipsam terram denotant. Per piscinam Probaticam Elementum aquæ repræsentant. Per Prophetam Habacuc Angelico officio in capillo capitis sui Babylonem translatum Elementum aëris intelligi volunt. Per divum Paulum, qui viperam è digito pendulam ad flammam innoxie excusit, Elementum ignis oculis proponunt. Hujus medicinalis Officinæ fornix à perita cæmentarij manu gratiosè exornatus, diversorum Sanctorum contra præcipua morborum genera tutelarium, spectandas exhibet effigies, denotantes confugiendum esse ad divinum auxilium, ubi deficit humanum. Si de reliquo hujus pharmacopolij splendore loquamur, hospites, & advenæ tam præclarum opus cum summo gustu intuentur. Si verò contentarum medicinarum copiam, & præstantiam quis consideret, amplitudinem

dinem sumptuum computando, tam piam fundatoris liberalitatem tacitus obstupescet. Hæc apotheca non vulgari modo, & obviâ supelectile instructa est, sed omnia ad rarum splendorem sunt comparata. Vasa etiam ordinarijs grandiora pro reponendis mellis, syrupis, electuarijs &c. aut ex Majorica sunt allata, vel nitore suo hoc genus fictilium æmulantur. Ex consimili gleba confectæ sunt pyxides, quæ in ordinarijs pharmacorum officinis ex ligno constant. Unguenta, olea, axungiae stanneis reconduntur vasculis, intrinsecus munditiæ causâ vitro inclusæ. Subtiles spiritus, aquæ compositæ, uti & pretiosiores medicinae, in vitreis continentur receptaculis, quibus titulus rei contentæ in ipsa substantia vitri artificioso labore est incisus. Radices & herbæ in scrinijs ordinatissimè dispositis observantur, in quarum extima facie earundem imagines vivacibus coloribus sunt expressæ. Ultra hæc omnia in hac sumptuosa phamacopea præsto sunt numerosa instrumenta, operationibus chirurgicis pro exigentia casus necessaria. Denique longum foret singulas recensere raritates hoc in loco visibiles, quales sunt Bezoar tam orientales, quàm occidentales, communem magnitudinem excedentes, item alij his similes generati in Equo, Uro, Capicorno, rupicapra.

Præterea cornu Monocerotis cum maxilla, caput Capricorni, & mandibula Draconis, nec non complura alia miranda tum ex mari (inter quæ numerari meretur radicalis corallorum substantia) tum rariora ex diversis mineralibus conquisita naturæ opera universim curiosa ingenia plurimùm oblectant.

Secunda hujus fabricæ pars est laboratorium, cui de fornaculis chymicis, quas ars spagyrica requirit, sufficienter est provisum, in illo diversorum monstrorum marinarum Exuviae è laqueari pendulæ curiosis oculis spectandæ exponuntur. Tandem tertia pars est deputata

pro cella subterranea, in qua tenerioris subsistentiæ medicamina ab omni injuria aëris illæsa conservantur.

Sed quem in finem tam sumptuosus medicamentorum apparatus congestus est? vehementer fallitur, qui turpis lucri gratiâ hoc opus erectum esse sibi persuadet. Intentionem exstructoris declarat omnium oculis expositum Chronosticon: ❧

EXstrVXIIt MIsErIs ThVnana hIC gLorla seDes.  
Azylum hic est pauperum, locus refugij ægrotantium miserabilium personarum. Pro illarum solatio, & auxilio Illustrissimus ac Excellentissimus Dominus Comes Romedius magnis expensis hanc pharmacopeam erexit, illo animatus anagrammate quod suggerit *Romedius: Demus Iro.* In hoc loco pauper Irus medicinas petit, & gratis accipit, nulli enim mortalium pro minimo obolo hic quidquam venditur, imò ad præcavendam medicamentorum pro pecunia distractionem, pharmacopola jramento gravi est obstrictus.

Consequens igitur est, in tanta morborum frequentia, per totius anni decursum magnâ medicinarum quantitate hanc Apothecam evacuari, cum ex illa omnia dentur gratis, etiam ingratiss. Ex quo colligere licet accedente rerum omnium caritate, non mediocres annuè pro suppleendis absumptarum medicinarum defectibus expensas fieri, quas liberali manu idem Excellentissimus benefactor de proprio in usus pauperum subministrat. Neque tamen exinde factus est pauperior, sed potius in illo verificatum fuit, quod dixit S. Ambrosius: *Ditior fit Vir misericors, postquam minus habere incipit.* Nam præter omnium tam bene quàm malè faventium, imò & propriam opinionem, ex verè fraterna, & irrefragabili ultima voluntate, ad augendam Thuniani nominis gloriam, ab Illustrissimo ac Excellentissimo Domino Michaelè Osvaldo Comite de Thun (cujus memoria in benedictione sit) omnium bonorum suorum allodialium universalis hæ-

hæres est institutus. O! quàm verè effatus est Divus Augustinus: *fecundus est ager pauperum, citò reddit donantibus fructum.* Hujus rei confirmationem suggerit in hoc programma ipsissimus *Romedius à Comitibus de Thun*, per sequens anagramma: *Do! ô! Deus mihi centam tribues.* Re-tribuet illi Dominus non tantum centuplum, sed insuper adjiciet vitam æternam, quia juxtà sapientissimum mortalium Salomonem, *benefacit animæ suæ vir misericors.* Denique benedictio Patris redundabit in amantissimum filium illustrissimum Dominum juniorem *Romedium*, nam *eleëmofyna Patris non erit in oblivione, quia Deus prospector est ejus, qui reddit gratiam, meminit imposterum, & in tempore casus inveniet firmamentum.*

de Verb.  
Dom.

Prov. I I.

Ecc. 3.  
ibidem.

Quàm prompto animo beneficam ergà turbas pauperum liberalitatem Celsissimi Princis Joannis Ernesti à Comitibus de Thun Archi-Episcopi Salisburgensis hoc loco dilaudarem, nisi ipsemet styli mei pauperiem agnoscens, potius lingvis pauperum loqui mallet quam oratorum. Dicam ergò quod cæteri inopes dicunt: illum esse patrem pauperum, sustentatorem Viduarum & nutricium pupillorum. Dicam de illo: *manus suas aperuit inopi, & palmas suas extendit ad pauperem.* Faxit Deus, ut notissimum illud Aidani Episcopi de Rege Osvaldo etiam de Joanne de Ernesto verificetur propheticum votum: *nunquam hæc manus veterascat.*

Prov. 3 I.


Ex his omnibus facilè concluditur, beneficentiam familiæ Thunianæ immortale nomen, & nunquam interituras memoriam promereri: sequitur enim sapientissimum Mecænatis (ad Cæsarem) monitum ità consulentis: *statuas tibi neque aureas, neque argenteas fieri unquam sine. Benefaciendo autem alias tibi statuas in animis hominum nulli interitui obnoxias effice.* Profectò Comitibus de Thun in animis hominum jam erecta est ingens statuarum multitudo; nullus fermè est mendicantium Religiosorum ordo, qui ab hac illustrissima Familia aliquod beneficium



non accepisset. Pro qua tamen beneficentia nihil aliud recepit, nisi magnum *DEO gratias*. Satis est ! fatis est ! Comites Illustrissimi, non possunt Christi pauperes magis esse grati, quàm dicendo: *DEO gratias*. Hinc proclamat S. Augustinus: *quid melius & animo geramus, & ore promamus, & calamo exprimamus, quàm DEO gratias? Hoc nec dici brevius, nec audiri latius, nec intelligi grandius, nec agi fructuosius, potest.*

Epist. 37.  
ad Paulin.

Sunt Comites de Thun benedicti per benefacta,  
Nam benedictus homo, qui benefecit, erit.  
Divinus Judex benedictos quando vocabit,  
Qui fuerit de Thun hic benedictus erit.



## DIGRESSIO III.

### *Quid est Dives Avarus.*



Proposita juxta se posita magis elucescunt. Illustrissimæ Familiæ de Thun beneficentia, & liberalitas me curiosum reddit de opposito, & inquirere facit, quid sit Dives Avarus? A veritate minimè aberrabo, si dixerò, quod sit auritus Midas asininis condecoratus auriculis, quæ juxta physiognomiæ leges stultum denotant. Favet huic asserto Aristoteles dicens: *divitiæ nihil aliud sunt, quàm felix amentia.* Dives avarus

Chrysof.  
Hom. 21.  
in Matth.  
Idem Hom.  
52.

*cæcus est*, nam auri fulgor illi visum eripuit. Avari juxta S. Chrysostomum: *febri laborant*, juxta Maximum Monachum sunt *Hydropici*, quo magis bibunt, magis sitiunt, ac  
tam



tam pretiosa siti torquentur, ut non nisi auro potabili mitigari possit. Dives avarus in summis divitijs pauperimus est. Esto totum mundum possideat, adhuc teste S. Ambrosio: *toto mundo eget*. Avarus Iro est pauperior, quia ut argutè loquitur Seneca: *Inopia multa de sunt: avaritia omnia*. Hujus miseriæ rationem adfert: S. Hieronymus: *quia avaro tam deest quod habet, quàm quod non habet*. Avarus est generis humani osor, quia quod alter habet, sibi deesse putat: optaret omnes homines mori, ut in bona illorum ab intestato succedere posset, imò ut Sanctus testatur Augustinus: *Avarus vellet nullum hominem esse, ut omnia solus possideret*. Avarus est occisor sui, quia juxta eundem subtilissimum doctorem, *antequam lucretur, se ipsum perdit: antequam aliquid capiat, capitur*. Infernus, & avarus sibi sunt simillimi. Ex inferno, & avari marsupio nulla speranda est redemptio. Avarus & infernus nunquam implentur. Proinde idem Hipponensis Episcopus rectè effatus est: *Avarus vir inferno est similis qui nunquam dicit: sufficit*. Quid est avarus? homo scelestissimus, hoc enim prædicato illum contaminat Ecclesiasticus dicens: *Avaro nihil est, scelestius*.

*De nob.  
both. c. 12.*

*Lib. de  
moribus.*

*ad Titum  
lin. L. 1.  
Epist. 2.*

*In Sermon.*

*Idem ibid.*

*in Epist.*

*Cap. 10.*

Quod verisimum esse agnovit Democritus Ethnicus Philosophus, qui avaritiam *Metropolim vitiorum* appellavit. Proclamat iterum Ecclesiasticus: *nihil est iniquius, quàm amare pecuniam, hic enim & animam suam venalem habet*. *Auri sacra fames quid non mortalia cogis pectora!* Avarus mortiferâ peste infectus est, de qua Seneca ad Helvid: ità scribit: *Avaritia vehementissima generis humani pestis*. Magna tamen inter pestiferum & avarum intercedit discrepantia. Ille enim à carbunculis suis optat liberari, hic verò carbunculos suos inter gemmas custodit. Avarus non est homo, sed arca, nam de illo ità loquitur Seneca: *Magnam pecuniam habet: hominem illum judicas? Arca est. Iste, quem Dominum pecunia existimas, locus est*. Avarus quandoque magnus Dominus intitulatur. Fortassis ideo Domi-

*ibid.*

*Virg. 3.  
Æneid.*

nus, quia illi convenit, *do minus*: revera tamen est Servus. Hunc mellifluus doctor ita alloquitur: *conformaris crimena tua, tanquam Servus Domina sua. Tu crescente tuo marsupio, crescis pariter animo, & cum decrescente, decrescis.* Avarus est dives putativus, est Dominus fictivus, est beatus imaginarius. Divitias habet in sua phantasia, Dominium in concavo Lunæ, beatitudinem in spatijs imaginarijs. Avarus non est dives, quia divitias servat, nam juxta Clementem Alexandrinum: *Non qui habet & servat, sed qui impertit dives est.* Aureè de auro loquitur S. Chrysostomus. *Dives est, non qui multa possidet, sed qui multa expendit.* Unde ex hoc capite rursus titulum Domini amittit, sententiam ferente sancto Hieronymo dum ait: *qui divitiarum Servus est, divitias custodit ut Servus, qui autem servitutis jugum discussit, distribuit eas ut Dominus.* Avarus execrabilis est idololatra, quia numum tanquam Numen colit, ac dicit cum Ephraim: *dives effectus sum, inveni Idolum mihi.* Hinc Doctor Gentium avaritiam appellavit *idolorum servitutem.* Proinde avarus vitulum, esto, vitam non habeat, dummodo sit aureus, honorat. Avarus statuam Nabuchodonosoris, esto careat vitali aurâ dummodo plena sit auro, tanquam DEUM viventem adorat. Verbo: apud avaros articulus fidei est, aureis numis plurimum Numinis inesse. Sed apage cum idolo tuo avare scelestissime. Divitias quidem te habere putas, sed vide, nè tu habearis ab illis, nè divitiæ tuæ non sint, sed tuillarum, acutè te perstringit ingeniosissimus stylus Augustini: *Post te debet ire aurum, non tu post aurum. Si malus es, is post aurum, si bonus es, it post te. Tu ducis, non ducers; Tu possides, non possideris.* Denique dives avarus minimè beatus est, sed cum pauperibus æqualiter miser. Malè bibit, malè comedit, malè dormit. Et quomodo inter tot mala stare potest beatitudo? *Avari inquit S. Ambrosius divites quidem sunt: sed pœnam pauperum patiuntur.* Et quomodo erunt beati, qui pœnas patiuntur?

Super can-  
tica.

L. 3. Pa-  
dagog.

In Matth.

oset. 12.

Coloss. 3.

Sermon. 155.  
de Divers.

de Cain &  
Abel.

tur? si avarè scire desideras, quid sit beatitudo? Sanctum ausculta Augustinum sic pronuntiantem. *Beatus est qui omnia habet quæ vult, & nihil mali vult.* Avarus verò omnia vult, & non habet omnia, quia teste Horatio *semper Avarus eget.* Beatus nihil mali vult, sed Avarus nihil vult boni. Avarus enim semper vult pecunias: hunc Maximus Tyrius Philosophus ita alloquitur. *Opes petis? noli Deos obtundere, nihil boni petis!* Consequens igitur est Divitem Avarum non posse dici beatum, quia nec habet omnia quæ vult, nec quidquam boni vult. Si tamen non nemo foret, qui dives esse vellet, illius voto facile satisfacerem, si consilio meo sese accomodaret. Huic ergò spondeo, ut suo contentus vivat, nec superflua desideret, quia juxta Senecam, *maxima sunt divitiæ, non desiderare divitiæ.* Si hoc præstiterit, pauper non erit; nam ut idem ait Philosophus: *pauper non est qui minus habet, sed qui plus cupit.* Denique compendiosissimam hujus Ethnici sapientis sequatur Regulam, quam Lucilio ita præscribit: *brevissima ad divitiæ per contemptum divitiarum est via.* Quod si fortassis, quempiam superi amplissimis divitijs cumulârunt: duo maximè caveat: *non usum, & abusum.* Ostendat se talem esse Virum, qualem vult idem Seneca dum ait: *Divitiæ apud sapientem virum in servitute sunt, apud stultum in imperio.* Hactenus sordidissimum Evclionem avaritiæ mancipium exagitavi. Nunc eundem in laudabilissima instruam avaritiâ. O avarè lucri cupidissime! verbis te S. Augustini alloquor: *Attende quid faciat scelerator: certè vult minus dare, & plus accipere. Hoc fac & tu. Da modica, accipe magna, da temporalia, accipe æterna, da terram, accipe Cælum.*

*Lib. de moribus.*


*Epist. 16. ad Lucil.*

*Epist. 68.*

*Cap. 16. de vita beata.*

*In Psal. 36.*

Prodigio miro, quæcunque impendimus Iro,  
Non ea perdemus, licet illi singula demus.  
Omnia conservat, bona qui sibi nulla reservat,  
Et nil conservat, bona qui sibi cuncta reservat.



# S. ROMEDIUS.

Peregrinus coram Domino. 1. Paral. 29.

*Bonorum laborum gloriosus est fructus. Sap. 3.*



Piritus sancti gratia nescit tarda molimina. Hæc Romedium ad limina Apostolorum, & sepulchra Martyrum Romæ visitanda permovit. Ostendit ille se nobilis indolis hominem esse, peregrinas provincias visitando. Sed longè præstantiori fine, & meliore fructu, quàm non rarò illustrissimæ familiæ soleant peregrè proficisci. Opinantur illæ ex eo quod sint illustrissimæ cum illustrissimo planetarum sole sibi peregrinandum esse: minimè perpendentes quod solem non ingenuitas, sed necessitas, quotidie faciat vagabundum. Dum solem imitari statuunt timendum habent, nè cum eodem non tantum in diversa Zodiaci monstra, sed etiam totius mundi portenta incidant, & cum hoc illustrissimo fidere suas quoque contrahant vitiorum maculas, & probitatis incurrant Eclipsim; vel quod funestius est, ambientes esse Solis filij Phaëtonem imitati, in præceps corruant, & tam acerbo funere non tantum Sororibus suis, sed etiam toti familiæ lachrymas exprimant, non fabulosè in electrum convertendas. O! quàm multi post tot de visitatis provincijs clamores, nil aliud domum referunt, nisi *amores & mores*. Amores inquam illi-

citos



Joan: Segre del:

M. Riuola cul





citos & mores depravatos, ac tandem post dissipatas peregre RES DOMESTICAS dolenter exclamant O! RES! Non pauci volunt videre Mundum, sed parùm mundi in illo conspiciunt: meliùs eis fuisset si *avertissent oculos nè videant vanitatem*. Nimis enim periculosum est videre, quod non licet concupiscere. Nec rari sunt qui peregrinatum vadunt, ut frequentare possint Principum Aulas, quibus caulas adiisse longè salubrius fuisset. Talis peregrini personam non induit Romedius. Non adivit Aulas Regum, sed longè saniori consilio sepulchra Martyrum, de quibus aureum os Chrysostomi ità loquitur: *Servorum crucifixi sepulchra, regijs aulis sunt clariora*. Non trivit sæcularium Principum limina, sed Principum Apostolorum. Ad peregrinandum nulla curiositate inductus est, sed curà salutis, quæ maxima animæ curiositas fuit. Non desideravit Romedius conversari cum exteris vivis, sed mortuis, ideoque profectus est ad mortuos Martyres, qui tamen vivunt in Christo. A mortuis discere voluit, in Christo vivere, & mori pro Christo. Proinde resolvit se Romedius cum Paulo Apostolo dicente: *Oportet me & Romam videre*. Hanc igitur Sanctam aggressus peregrinationem, comites assumpsit Abraham & David, optimæ spei & probatæ nobilitatis adolescentes; & rectè quidem ad scopum propositum, ambo enim peregrinationis mysterium suis exprimebant nominibus, quia Patriarchæ Abrahamo dictum est à Deo: *egredere de terra tua & de cognatione tua*. David autem psalter Regius de se ipso canit: *Advena ego sum apud Te & peregrinus sicut omnes Patres mei*. Profectò hæc sociorum nomina Romedio bona exhibuerunt omina, *David enim & Abraham præsagebant: Romedium futurum David virum secundum cor Dei, ad sinum Abrahæ olim deportandum*. In hac peregrinatione talem se gessit Romedius, qualem commendant aurea Chrysostomi verba dicentis: *Prima virtus est, & tota virtus est, peregrinum esse mundi huius, & hospitem, &*

*Psal. 118.*

*Hom. 66.  
ad popul.  
Antioch.*

*Act. 19.*

*Genes. 12.*

*Psal. 38.*

*1. Reg. 13.*



*nihil commune habere cum rebus hujus sæculi, sed removeri ab eis sicut peregrinum.* Dies vitæ nostræ sunt *dies peregrinationis nostræ* quamdiu versamur in vita, commoramur in via, viatores sumus, quia nondum comprehensores. Eleganter hoc declarat D. Anselmus ità scribens: *Vita præsens via est: nam quamdiu vivit homo, non facit nisi IRE. Semper enim aut ascendit, aut descendit. Aut ascendit ad Cælum, aut descendit ad infernum. Cum facit aliquod bonum opus, facit unum passum ascendendo. Cum verò aliquo modo peccat, facit unum passum descendendo.* Quamdiu sumus in vita non habemus hic manentem civitatem, sed futuram inquirimus. Quamdiu anima nostra inest corpori, non in proprio domicilio, sed diversorio moratur. Agnovit id ipsum Oratorum Ethnicorum facundissimus & penè Christianus concionator, dum ait: *Commorandi nobis natura diversorium, non habitandi dedit, ex ipsa vita discedendum est, tanquam ex hospitio, non tanquam ex domo.* Hæc gravissima sententia calamo meo occasionem præbuit sequentibus versibus ludendi.

Hospitium est mundus, pernox est quisque viator,  
Et propriâ gaudet nullus in orbe domo.  
Quisquis in orbe domi se stultè judicat esse:  
Desipit; ac omnes non habet ille domi.

Hanc humanæ peregrinationis conditionem profundâ meditatione perpendens Romedius, eô facilius omnes Romani itineris molestias æquo animo tulit; considerans omnem hominem esse viatorem. Inter ferventissimos solis æstus toto corpore in sudorem resolutus, verè dicere potuit Romedius anagrammaticè *Mirè sudo.* Liceat sudanti acclamare: Vade bonis avibus Romedi! Deus enim Te alio nominis tui anagrammate solatur. *I. Sudorem tibi absterget Deus qui abstergit etiam omnem lachrymam ab oculis Sanctorum.* Superatis omnibus viarum difficultatibus tandem feliciter urbem attigit septicollem, ubi

ubi sacrata Martyrum sepulchra ardentissima pietate veneratus, tam profundâ reverentiâ se ante illa prostravit, quasi vivus cum iisdem sese tumulare vellet. Tam copiosos effudit lachrymarum imbres, quasi ex cineribus & ossibus Martyrum raram Palingenesiam, seu artem resuscitandi herbas ex cineribus suis exercere desideraret, conformiter ad illud Prophetæ vaticinium: *Ossa vestra quasi herba germinabunt.* Denique tam affectuosis suspirijs, & emphaticis orationibus sanctos in Domino quiescentes alloquebatur, tanquam totam cælestem curiam pro auditorio haberet.

Sed quæret forsitan curiosus ac politicus viator, quis amor, præ cæteris in toto orbe à sanctitate famosis locis, Romedium Romam traxerit? certè non alius nisi ipsa Roma quæ anagrammaticè versa, est *Amor*. Roma est singularis residentia Spiritûs sancti qui *Amor* vocatur. A Roma amorem divinum participare voluit, nam ubi est Roma ibi est Amor divinus, *usque ad consumationem sæculi.* Ex *Roma* anagrammaticè fit *Mora*. Moratur in cathedra Petri *Spiritus veritatis*: hic toti orbi lectiones suas proponit Doctor infallibilis, de quo firmissimè dici potest, *Magister scimus quia verax es, & viam Dei in veritate doces.* Proinde Romedius spiritum mendacij hæreticos possidentem oppugnaturus, hanc Cathedram accessit, excepturus meras propositiones *æternæ veritatis*. *Roma* anagrammaticè dicit *Armo*. Quia est armamentarium Spiritûs sancti *mille clypei pendent ex ea, & omnis armatura fortium.* Pugnaturus igitur contra hostes Ecclesiæ Romedius, hoc armamentarium adivit, ex illo desumpturus *gladium Spiritûs, scutum fidei, lorica[m] justitiæ, & galeam salutis.* *Roma* anagrammaticè fit similis *Ramo*, & quidem olivæ: sacro illius oleo unguntur Reges, & summi Sacerdotes. Ex hoc ramo olivæ stillat *oleum Sapientiæ* quo carent fatuæ Virgines hæreseos Morpheo consopitæ. Hunc Ramum olivæ accessit Romedius, *Oleo Sapientiæ* lampadem suam repletu-

pleturus. Roma est caput mundi, Romæ degit caput Ecclesiæ. Romæ Domicilium fixit Vicarius Christi, quem ut exactius consideraret à capite usque ad calcem, ad pedes illius se prosternens Romedius, eosdem humili osculo est veneratus. Demisit Romedius caput ad pedes Domini Apostolici, vel ut servo servorum Dei profundissima inclinatione inserviret, satis altè se ascendisse reputans, si capite suo ad pedes illius qui caput est Ecclesiæ pertingeret, & tam sublime caput in pedibus honoraret. Vel ut sancta curiositate ductus videret quàm *speciosi sint pedes Evangelizantium bona*. Vel ut sacra vestigia acuratiùs notaret, iisque constanter inhærendo, nunquam à via veritatis aberraret. Vel ut ostenderet se non esse hominem proprii capitis, sed illud se ad pedes summi Pastoris deponere, & intellectum in obsequium fidei captivare. Denique Deum honorans in Vicario suo, illius pedes intimo pietatis affectu religiosè est exosculatus, quasi (ut proverbialiter dicitur) si possibile foret, ipsi Deo præ devotionis fervore pedes abmordere voluisset. Hæc Catholice submissionis contestatio merita est, ut pro veneratione pedum summus Pontifex sacras manus elevaret, & pro osculis, os aperiret ad benedicendum.

Benedixit igitur Romedio Beatissimus Pater, quem pro filio suo agnovit Ecclesia mater. Benedixit illi tanquam Pater Isaac filio suo Jacob, *de rore Cæli*. Nec finè notabili effectù eidem Sanctissimus Pater Benedixit, quia per tot sæcula *memoria ejus in benedictione est*. Hujus benedictionis radix humilitas fuit, *Deus enim superbis resistit, humilibus autem dat gratiam*. Rident quidem hanc Catholicam submissionem typhô superbiæ inflati hæretici, & spiritu nequam repleti psevdopolitici Atheistæ, tanquam abjectionem nimis servilem, & ancillarem. Sed spreto illorum cachinno quilibet fidelis catholicus huic superbæ Micholi cum Davide respondeat: *Vilior fiam plùs quàm factus sum, & ero humilis in oculis meis, & cum ancillis de quibus loqu-*

*locuta es, gloriosior apparebo.* Qui vult à DEO habere respectum, non curet humanum respectum, fiat humilis, ille enim *humilia respicit in Cælo & in terra.* Concludo verbis sancti Isidori. *Esse parvus in oculis tuis, ut sis magnus in oculis DEI.*

*Esal. 112.*

*In Synonym.*

Unde superbis homo, cùm tellus sit tua mater?

Cur propriam matrem spernis, & alta petis?

Ut caveas casum, charam non desere matrem,

Qui sedet in terra, non habet unde cadat.



# DOMUS AARON.

Psalm. 113.

## *Gloria Ecclesiastica Domus Thunianæ.*



Loriosi sunt Thuniadæ tanquam *filij Aaron* *Eccli. 50.*  
*in Gloria sua.* Proinde collata S. Rome-

dio Papalis benedictio latissimum cam-

pum aperuit de hac gloria, bene dicendi:

Si enim juxta Salomonem *benedictio pa-* *Eccli. 3.*  
*trum firmat Domos,* certè Domus Thunia-

na à summis Ecclesiæ Patribus toties benedicta, à succes-

soribus Petri in dignitate Ecclesiastica fundata fuit supra

firmam Petram. Prævenit hanc benedictam familiam al-

tissimus in *benedictionibus dulcedinis & suavitatis.* Farnæ *Psal. 30.*  
Thunianæ bonus odor, *factus est quasi odor agri pleni cui be-*  
*nedi-*

2. Cor. 2. *nedixit Dominus.* Genes. 27. Facti sunt Thuniadæ *bonus odor Christi.* Nam inter celeberrimarum Germaniæ Ecclesiarum illustres Canonicos assumpti, exemplari sua conversatione tanquam veri filij Aaron, obtulerunt holocausta *in odorem suavissimum Domino.* Dedit illustrissima hæc familia complures celeberrimis Ecclesijs Brixienfi, Tridentinæ, Passaviensi, & Salisburgensi, Canonicos, & inter hos Simonen, nec non Sigismundum Tridenti, & Joannem, Antonium Salisburgi Decanos. Hi sentatissimi Decani, per canam suam prudentiam ostenderunt se plurimum habuisse de canis illis, quos sapiens recenset dicens: *Cani autem sunt sensus hominis.* Si canæ sapientiæ candor æquat lilia in Decanis, etiam ceruleus antistitum color, Violas in Episcopis superabit. Enimverò protulit benedictus Thuniadum campus tam copiosas Episcoporum Violas, ut illustrissima hæc familia jure merito possit Seminarium Episcoporum appellari. Ex illa prodierunt non pauci Episcopi Ecclesiarum Basileensis, Brixienfis, Tridentinæ, Seckovvienfis, Gurgensis, Ratisbonensis, Passaviensis. Tot Ecclesiarum non parvus numerus verisimile facit, si cælum infulas plueret majorem earum partem in capita Thuniana delapsuram. Fulsit annis superioribus infulâ Brixienfi & Tridentinâ Alphonsus è Comitibus de Thun, raris condecoratus virtutibus Antistes. Floret etiam nunc hodie inter Episcopales Violas Rudolphus Comes à Thun Episcopus & Princeps Seckovvienfis, vir ad magna natus, cui animitus exopto, ut olim ex Episcopali viola fiat rosa, & violaceum paludamentum transeat in purpuram. Magna hæc est nobilissimæ hujus Domûs benedictio, tam copiosos in illa reperiri Viros à Sede Apostolica benedictos. Summè tamen splendorem illius auget Archi-Episcopatûs Salisburgensis Sedes, quam *tres* Thuniadæ gloriôsè occupârunt. Grande in Germania Salisburgensis Ecclesiæ decus est, magna gloria & singularis præeminentia Ecclesiasti-

Ex Annal.  
Hartman.

fisticae auctoritatis. Etenim propter rarum in divinis peragendis decorem, propter incomparabilem Archi-antistitis pontificantis splendorem, propter specialissimas Archi-Præsuli Salisburgensi à Sede Apostolica concessas prærogativas, & singularem Ecclesiasticae potestatis participationem, Archi-Episcopus Salisburgensis (si salvâ Sedis Apostolicæ reverentiâ, & auctoritate ita loqui licet) est ens Papale per participationem. Unde si fulgidissimus Sedis Apostolicæ splendor aliquam posset sui umbram spargere: huic assimilaretur Ecclesia Salisburgensis. Et si Pontifex summus ac Sacerdos maximus, posset admittere aliquod diminutivum, non ineptè vocaretur Archi-Episcopus Salisburgensis, cum subordinatione, parvus in Germania Papa. Si hic titulus scrupulosis forsitan auribus non arridet, saltem negari non potest, quod Salisburgensis Archi-Antistes in Alemannia præ reliquis Episcopis obtineat primas, cum sit Germaniæ Primas. Cum veritate asseverari potest quod sit Principi Princeps, cum Principes creet, & inter principes suas habeat creaturas. Ad tam sublimem, jam ante sæcula evectus est dignitatem (ut testatur Hartmannus) Rudolphus de Thun, cujus vestigia hoc nostro sæculo secuti sunt Germani Fratres Gvidobaldus, & Joannes Ernestus Comites de Thun, Salisburgensi tiara similiter condecorati, & valde congruè accidit, quòd duo Germani Fratres, facti sint Germaniæ Primates, ut quos progenitoris sanguis fecit Germanos, eosdem propria virtus efficeret Primates Germaniæ. Nec stitit Gvidobaldus in tam sublimi honoris apice, sed ubi alij finem fecerunt progrediendi, inde sumpsit altius ascendendi initium. Hoc habent magni animi ad altiora nati, igneæ sunt naturæ, semper sunt in motu, semper sursum tendunt, nec ab hoc conatu cessant, donec perveniant ad locum sibi cõnaturalem. Contulit Gvidobaldo Deus dotes eminentes, proinde inter Eminentissimos reponendas. Splendebant in illo vir-

*In Annal.  
Eren.  
Einsid-  
lensis.*

M

tutes



tutes non vulgares, sed quatuor Cardinales, ideoque ad Collegium Cardinalium tanquam ad centrum tendebant.

1. Petr. 2. Agnovit Vicarius Regis regum qui *Regale* tenet *Sacerdotium*, egregias, & penè regias in Gvidobaldo dotes: proinde vestitum purpurâ sedere jussit inter Ecclesiæ Proceres *Regibus pares*. Confirmavit summus sacerdotum Princeps in Gvidobaldo spiritum Principalem, creavitque illum Sac: Rom: Ecclesiæ Cardinalem, *Principibus Superiorem*. Quantum hic Princeps Familiæ Thunianæ contulerit splendorem, illi solùm non vident, qui invident, nec effrontes ob reverentiam Eminentissimæ purpuræ erubescunt.

Magna sanè est hæc Thuniadum gloria, si illorum radij separatim considerentur, sed multò illustrior, si spectentur conjunctim; vis enim unita fortior. Omni certè admiratione digna fuit hæc conjunctura, quòd præteritis sæculis quatuor fratres de Familia Thuniana orbis viderit, in summis dignitatibus constitutos. Primum Conradum Abbatem & Principem Einsidlensem, secundum Henricum Episcopum Basileæ, Tertium Rudolphum Archi-Episcopum Salisburgensem; Et quartum Græciæ Imperatorem. Renovata etiam est hoc sæculo Comitum de Thun tanquam fortunatorum Planetarum felix conjunctio, omni profectò memoriâ digna ac prorsus singularis. Videlicet ex uno fortunatissimo Parente Joanne Sigismundo Comite de Thun, tria illustrissimorum filiorum capita, septenis Sacrarum dignitatum infulis condecorata fuisse. Quibus coronam addidit purpureus galerus Guidobaldi. Adeò in eadem Domo virtus & felicitas pulchra æmulatione inter se commissæ certabant, illane meritorum, an ista honorum cumulis superaret. Maximis Ecclesiasticæ gloriæ radijs etiã hodie Illustrissimam hanc familiam illuminat Celsissimus Princeps JOANNES ERNESTUS, quod bonum, felix faustum fortunatumque ac diuturnum sit, tiarâ Salisburgensi coronatus.

Hartm. in  
Annualibus  
Eremi. Item  
Pirch: Pin-  
cius Hist.  
Trident.  
Burleach.

Metzger in  
Hist. Sa-  
lzburg.




tus. Hunc Celsissimum Principem dum nomino, in unam personam concentro radios gloriæ Thunianæ. Repræsentatur in JOANNE ERNESTO totius Familiæ decus, comparent plures gloriosi Thuniadæ, dum ille unus aspicitur, & totius stemmatis laus in uno JOANNE compendiatur. Vivunt in illo majores sui, quos in se redivivos repræsentat, omnes intra se colligit, & illis se ipsum superaddit, ac prædecessorum suorum spiritus sublimis in JOANNE reviviscit. Speciali benedictione beavit illum Dominus virtutum, ita ut illi nulla virtus deesse videatur, nec facile sit, determinatum ferre judicium, quænam in illo magis emineat, cum omnes sint eminentes, olim futuræ uti in Gvidobaldo Eminentissimæ. Hoc me præfigire facit ex programme *Joannes Ernestus è Comitibus de Thun Archi-Episcopus Salisburgensis* transposito literarum ordine tale emergens anagramma: *Venis Princeps, gestes honores Cardinalis, hoc unus Beatissimus jubet.* Præcellere tamen videtur in illo præ cæteris dotibus summa animi benignitas & affabilitas, omnem superans Charitum s'avitatem. Hæc illum facit omnibus amabilem, unde non frustra dictus est JOANNES, id est gratia. Quapropter amabilissimo Principi sic acclamo: ad multos annos! ad paucos annos! ad multos annos! multa absolve sæcula, & à nullo absolvaris. Ad paucos annos! ut licet multis vixeris sæculis, nihilominus clientibus tuis videantur *dies pauci præ amoris magnitudine.* Genes. 29. Ad multos annos! ille Tibi Celsissime Princeps sit dies ultimus, qui mundo futurus est extremus. Ad paucos annos! videantur Clientibus Tuis *milleni vitæ tui anni, tanquam dies hesternæ, quæ præterijt.* Psal. 29. Ad multos annos! verificetur ex hoc programme: *Joannes Ernestus è Comitibus de Thun* tale prodiens anagramma: *Ens vivens dabit honorem senectutis.*

Qui non multa facit, sed tantum plurima garrit,

Hic nullo *magnus* jure vocandus erit.

Est domus hæc de Thun, facit in re plurima, magnos

Inde Sacerdotes procreat ista Domus. DI-



# DIGRESSIO IV.

## *Quid est Osculum?*



Osculum, quod Romedius Sacris summi Pontificis pedibus fixit, pennam meam movet ad scribendum de osculis. De quibus dum calamus meus scribit, diducto quasi rostro chartam candidam tanquam charam amasiam deosculatur; & quotef-

format literas, tot in illa relinquit erudita vestigia osculorum. Osculi summa est antiquitas, & tanta varietas, quanta est diversitas animorum. Osculum tam vetus est, ut non possit eò aliquid esse antiquius, nam est ab æterno. Osculatus fuit ab æterno Pater Filium, & Filius Patrem, & hoc ipsissimum osculum est Spiritus sanctus. De hoc

Serm. 8.  
in Cant.  
Serm. 89.  
de divers.

Divino osculo ita differit mellifluus Doctor: *Illæ Gignentis, Genitricæ dilectio, quid nisi Osculum suavissimum est. Si igitur se invicem osculantur Pater & Filius, quid est eorum Osculum nisi Spiritus Sanctus?* Procedit ab his duobus, Spiritus unus, halitus Oris, evaporatio cordis, gemini amantis osculum unum. Pater & Filius quiescunt in osculo, & ambo cessarent esse, si cessarent se osculari. Non continuit se osculum intra Divina, sed etiam demisit se ad humana, dum Filius DEI propter nos homines, & propter nostram salutem descendit de Cælis, & Homo factus est. O! felix osculum! exclamat S. Bernardus, & stupendâ dignatione mirabile,

Symbol.  
fidei.

Serm. 3.  
in Cant.

le,

le, in quo non os ori imprimitur, sed DEUS homini unitur. Ineffabile hoc est osculum, quando misericordia & veritas obviaverunt sibi, justitia & pax osculatae sunt. Processit DEI Filius tanquam Sponsus de Thalamo suo, cujus ardentissimo amore capta Sponsa in canticis ita modulatur: osculetur me osculò oris sui. Quale hoc sit osculum, explicat idem Mellifluus Doctor ita scribens: Hoc osculum non est conjunctio labiorum, sed planè infusio gaudiorum. Divina hæc sunt oscula, nunc transeo ad humana. Osculum in humanis signum est benevolentiae & humanitatis, quod dum de more gentis hospiti advenienti cum salutatione offertur; quisquis illud accipis memento te esse hominem, & vidè nemiùm factus humanus aliquid humani patiaris, & dum os ori admoves, os tuum ad durum os impingat, quod sibi ablatum esse Adamus fatetur dicens: hoc os ex ossibus meis. Per osculum reverentia & submissio declaratur. Servi osculò honorant Dominum, & osculò filij parentes suos amorosè venerantur. O! fidelis anima, DEUS est Dominus, & Pater tuus, ille à te osculò honorandus est. Sequere igitur monitum Salviani & osculare pedes illius, quasi ancilla, manus quasi Alumna, os quasi filia. Nè ille tibi dicat exprobando: Filius honorat patrem, & servus Dominum suum, si ergo pater ego sum: ubi est honor meus? & si Dominus ego sum, ubi est timor meus? Osculum signum est amorosæ reconciliationis. O! peccator miserrime, qui totam animæ tuæ substantiam tanquam filius prodigus cum meretricibus absumpsisti, ab unico hoc osculo tota pendet æternitas! Expectat reducem clementissimus Pater, brachia expandit, ut te poenitentem amplectatur: revertere, revertere, & ad osculum Patris festinanter recurre. DEUS magne! (exclamat Sidonius) quàm latus tibi orietur dies, cùm paternis pedibus affusus, ex illo ore laeso, ore terribili convivium expectans: osculum exceperis. Osculum juxta S. Ambrosium est pignus charitatis. De hoc ita scribit Doctor gentium: salutate invicem in osculo sancto. Hoc osculum,

Psal. 84.

Psal. 12.

Cant. 1.

Serv. 2.  
in Cant.

Genes. 2.

Epist. ad  
Pallad.  
Mala-  
chia 5.

Luc. 15.

Epist. 23.  
ad Procul.

Lib. 6.  
in Lucam.

Rom. 16.

N

lum,

Lib. de a-  
micitia.  
c. 6.

lum, inquit S. Augustinus: *Non fit oris attactu, sed mentis affectu: non conjunctione labiorum, sed commixtione spirituum, castificante omnia DEI spiritu: nam ipse hunc inspirat affectum, ut videatur alteri, quasi unam animam habere in diversis corporibus.* Sed nunc ab osculo sancto ad osculum profanum transitum faciamus. Osculum quidem de se bonum est,

ibid.

sed, ut ait S. Augustinus, *sicuti plerique igne, aquâ, ferrô, quæ naturaliter bona sunt, in suæ crudelitatis, vel voluptatis satellitum abutuntur: ita perversi & turpes etiam hoc bono (id est osculô) suâ quodammodo flagitia condire nituntur, ipsum osculum tantâ turpitudine fœdantes, ut sic osculari nihil sit aliud,*

Proverb. 7.

*quàm adulterari.* Hæc oscula graphicè depingit Salomon, dum vecordem juvenem in scænam producit, cui occurrit mulier ornatu meretricio, preparata ad capiendas animas, quæ apprehensum deosculatur juvenem, & procaci vultu blanditur dicens: *veni inebriemur uberibus, & cupitis frnamur amplexibus, non est enim vir in domo sua, abije viâ longissimâ.* Huic

Lib. 2.

stolido asino in clamat aureus asinus Apuleij: *Hæus! tu Scholastice dulce & amarum gustulum carpis, cave nè nimia mellis dulcedine diutinam bilis amaritudinem trabas.* Sed frustra furdo canit fabulam, nam (ut idem sapientissimus mortali-

Proverb. 7.

lium hanc prosequitur tragoediam) *irretivit eum multis sermonibus, & blanditijs labiorum protraxit illum, statim eam sequitur quasi bos ductus ad victimam, & quasi agnus lascivius, & ignorans, quòd ad vincula stultus trabatur.* Nec minùs

ibid.

nociva sunt fraudulenta oscula blandientis. Talibus fraudulentis osculis blandiuntur lucro suo inhiantes basiatores, de quibus Martialis ad Bassum ait: *Effugere non est Basse basiatores: instant, morantur, occurrunt, & hinc & illinc, usquequaque, quacunque, rimas per omnes basiator intrabit.* Illorum

Cap. 29.

nequitiam Ecclesiasticus clarè manifestat dicens: *donec accipiant osculantur manus dantis.* Sic est! manum lambunt, ut accipiant, spe autem suâ frustrati illam conspuunt. Manum lingunt instar canum, si offam capiant, quæ illis sit ad salivam: sin minùs, eandem sputô conspurcant. Unde

rectè

rectè ait Alanus: *quid est adulationis unctio, nisi donorum emunctio? quid commendationis allusio, nisi principum delusio? quid laudis arrisio, nisi eorundem derisio?* Ultra tamen omnem modum detestabilia sunt oscula dolosa proditoris. Talia sunt oscula Joab, oscula Juda. Dixit Joab ad Amasam: *Salve mi frater! & tenuit manu dexterâ mentum Amasæ quasi osculans eum: & percussit eum in latere, & effudit intestina ejus in terram.* Osculatus est Judas CHRISTUM dicens: *Ave Rabbi! sed clam dedit traditor signum dicens: quemcunque osculatus fuero ipse est, tenete eum.* O signum sacrilegum (exclamat S. Augustinus) ô placitum fugiendum! ubi ab osculo incipitur bellum, & per pacis indicium pacis rumpitur sacramentum. His venenatis osculis orbis plenus est, & talibus proditorijs basijs mundus amatores suos osculatur: contra quem idem sanctissimus Pater ita invehitur. *O! munde proditor! qui cuncta bona promittis, & cuncta mala profers. Promittis vitam, & donas mortem. Promittis gaudium & largiris mœrorem.* O! amator mundi, cave tibi ab hoc osculo, quia, (ut bene notat Hugo Cardinalis) tale proditorium osculum est mundi, illum enim solum prodit, quem osculatur.

De complacit natura.

2. Reg. 1.

Serm 121.


In Cap. 23.  
Luc.

Est os formatum duris ex ossibus Eva,

Os tamen in vultu molle glabrumque gerit.

Oscula qui sumis, cave nè lædaris ab osse,

Ora quidem recreant; plùs tamen ossa nocent.





# S. ROMEDIUS.

Prædicator & Apostolus. 1. Tim. 2.

Apostoli Ecclesiarum Gloria Christi. 2. Cor. 8.



*Non Hierosolymis fuisse, sed Hierosolymis bene vixisse gloriosum est. Sunt Hierosolymæ Urbs Sancta, & illius Regio terra sancta est. Similiter Urbs Romana est civitas sancta, unde magnam gloriam promeritus est Romedius, qui sanctitati Urbis confor-*

*mavit sanctitatem vitæ; existimans se fore nimis inurbanum, si in Civitate sancta, à sanctitate Urbis devia-  
ret. Sanctè vixit, adeoque bene vixit, idcirco bene viventi summus Pontifex benedixit. Acceptâ benedictione Apostolicâ, mentem suam Romedius disposuit pro bona  
dictione, ut tanquam vir Apostolicus oves errantes sub-  
jectas maledictioni, ad ovile Boni Pastoris reductas resti-  
tueret benedictioni. Nec mirum est, tam citò factum  
fuisse eloquentem per illam ignitam linguam, quæ etiam  
lingvas infantium facit esse disertas. Repletus est Romedi-  
us illo Spiritu, de quo S. Gregorius: implet cytharædum pue-  
rum, & psalmistam facit, implet piscatorem, & prædicatorem  
facit, implet persecutorem & Doctorem Gentium facit. &c. Eti-  
am mihi dicere liceat: implet peregrinantem Romedium,  
& repentè Organistam Apostolicum facit. O! qualis est  
artifex iste Spiritus, mox ut tetigerit mentem, docet, solumque  
teti-*

*Astor. 2.*

*Honil. 30.  
in Evang.*

*Ibid.*





Joan Steger del:

M. Riuola sculp:





*tetigisse, docuisse est.* Non opus fuit Romedio ad perdiscendam hanc sacram musicam spatiò temporis; nam *ubi DEUS magister est, citò discitur, quod docetur.* Nullis probis egent musici, qui non occupantur circa chordas, sed corda, & ipsimet sunt psalterium, chorus & organum. Facile perficitur illa modulatio, in qua geminos cordis ventriculos tanquam binos folles implet Divinus ille Spiritus, *qui Scientiam habet vocis*, tunc enim *ex abundantia cordis os loquitur.* Hanc veritatem manifestissimò exemplò probant Apostoli, in quibus dum *impleta gaudent viscera*, *afflata Sancto spiritu, voces diversas intonant, fantur DEI magnalia.*

Leo Papa  
Serm. 1.  
de Pente-  
cost.

Sap: 1.  
Matth.  
12.

Hymnus  
Eccles.

Porro in quadruplici diversitate vocum potissimè consistit amoenissimum musicæ artificium. Et harum vocum discordia auribus gratissima concordia est. Discantus teneram infantium vocem imitatur. Altus cum volatili adolescentium ingenio in sublime elevatur. Tenor maturæ virilitatis servat tenorem, & Bassus cum gravibus senum cogitationibus descendit in profundum. Omnes hæ discordes voces in uno concordant Organo, fiuntque amici dissidentes Toni, & dum Organista se singulis accommodat, ex pluribus una fit harmonia. Quàm præclare Divinum Verbum prædicando, omnes perfecti Organistæ partes impleverit Romedius, ostendit, quando singulis vocibus sese accommodando *omnibus omnia factus est, ut omnes faceret salvos.* Accommodavit se discantistis, id est parvulis in fide, *quibus lacte prædicationis opus fuit, non solidò cibò.* Accommodavit se altistis, nam illis, qui altum sapiebant proponebat *altitudinem divitiarum sapientiæ & scientiæ DEI.* Accommodabat se Tenoristis servando discretæ prædicationis tenorem, juxta illud S. Augustini monitum: *dicendum est temperatè cum aliquid vituperatur vel laudatur.* Denique accommodavit se Bassistis, ex sublimioribus conceptibus ad humiliora descendendo; quia juxta S. Gregorium, *Prædicator debet ad infirmitatem*

1. Cor. 9.

Rom. 11.

ibid.

Lib. 3.  
Moral.

*audientium semetipsum contrahendo descendere. Usus fuit Romedius in Apostolica sua musica cantu duro & molli. Duro quidem, nam juxta eundem Ecclesiæ Doctorem, discreti predicatorum cum iniquis adhuc mentibus prædicant, magnis vocibus æterni Judicis terrores intimant: cum autem jam auditorum suorum cordibus veritatis lucem adesse cognoscunt, clamoris sui magnitudinem in lenitatem dulcedinis vertunt. Et sic usus est cantu molli, & spiritu lenitatis. Tam efficax Evangelicæ prædicationis musica omnem superavit Amphionis, Arionis, & Orphei harmoniam. Fabula sit Arionem non tantum maris sævitiam cantus suavitate tranquillasse, sed etiam Delphinos reddidisse mansuetos: Veritas est, Romedium prædicationis suæ cantu homines, qui facti sunt sicut pisces maris, ad rete Petri pertraxisse: & non tantum centum quinquaginta tres, sed ultra mille animas felici tractu duxisse in capturam. Fictitium sit, Orpheum ad inferos descendisse, & suavissimo testudinis modulamine dilectam suam conjugem Evrydicem ex orco reduxisse: profectò nullum commentum est, Romedium prædicationis suæ musicâ infidelibus & hæreticis spiritualiter mortuis, majori miraculo vitam restituisse; nam, teste S. Gregorio, Majus est miraculum verbò & orationis solatiò peccatorem convertere, quàm carne mortuum suscitare. Et quod omnimiraculo majus est, factus est Romedius doctor gentium prædicatione sua (ut S. Chrysostomus loquitur) ex hominibus Angelos faciens, quin imò ipsos homines quasi ex demonibus in Angelos provehens. Angeli sunt musici, proinde ex conversis infidelibus dum Angelos facit, musicos efficit. Erant illi paulò antè filij iræ: sed à Romedio transformati sunt in Angelos pacis juxta Isaiam flentes amarè. O! quàm felix est ille musicus, qui cum Magdalena ad delicias Delitatis totam pulsat cordis sui & corporis symphoniam! Organi planctus dat clamorem, in cythara per suspiria longa modulatur, & gemitus aptat in fistulam. Ex varijs quidem partibus canunt musici, sed illi canunt optimè, qui optimam partem ele-*

*Idem ibid.*

*Galat. 6.*

*Habac. 1.*

*Joan. 21.*

*Lib. 3.  
Dialog.  
Cap. 17.*

*Cap. 33.*

*Chrysol.  
Ser. 93.*

*Luc. 10.*





Joan. Stiger del.


M. Riñola sculp.

*elegerunt cum Maria.* Qui non modulantur in fidibus, sed in una catholica fide; & quorum corda resonant etiam tacente chorda: nam *DEUS non vocis, sed cordis auditor est*: *S. Hieron. de Orat. Domin.* unde Poëta. *Non clamor sed amor cantat in aure DEI.* Ecce! quàm præclaros effectus habeat musica Evangelica, quādo organum est concordatum. Potentissima ad movendos animos illa est concordantia, quando juxta mentem Sancti Hieronymi, *os mens, manûsque concordat.* Unde Romedius bene dicta expressit benefactis, quod dixit ore, implevit more, facundus verbis, foecundus exemplis, pronus lingvâ, & promptus manu, nec facundior illi vita, quàm lingua fuit, nam omnis ejus vivendi ratio sermo eloquens fuit. Exinde ortum credo, quòd accuratissimi in arte sua musici *ad tactum* attendant, nec solum os, sed etiam motum manûs observant. Nam *fabula videntur verba sinè operibus*, ait Isidorus Pelusiota: *Et loquendi auctoritas perditur, quando vox opere non adjuvatur*, inquit Gregorius. Ore! ô! re declamandum est, & non solo ore: quia homines juxta Lactantium *exempta malunt, quàm verba: quia loqui facile est, præstare difficile.* *in Cap. 28. Job.* Implevit sanè omnes boni musici partes Romedius, ità ut Romà redux cantûs sui svavitate plusquàm mille animas ad Christum conversas post se traxerit; verificatûmque fuit in Romeo illud Philostrati commentum, Amphionem fidibus suis effecisse, ut immania illa saxa ad Thebanæ Urbis constructionem sponte sua mirabiliter convenirent. Romedius certè modulaminis sui svavitate saxea hæreticorum corda, quasi vivos lapides ad constructionem Ecclesiæ Catholicæ pertraxit, & *ex lapidibus suscitavit filios Abrahæ.* *L. 2. de vera sap.* Et quis miretur, quòd Tridentum reduci Romeo ineffabili repletus gaudio Divus Vigilus obviam processerit, tota Urbe ad tam pium spectaculum confluyente. Obvijs ulnis & amorosis amplexibus sanctissimus Antistes tam præclarum excepit musicum, imò Organum Spiritus sancti: quod eò gratiorem beatissimo Præsuli edebat har-



moniam, quia utriusque cor juxta eundem altæ sanctitatis Tonum fuit concordatum. Quisquis ista legis Christiane Lector, si in hac Sancta arte musica excellere cupis, accuratè observa Divi Augustini monitum: *Vide, nè in Psal. 49. vivas malè, & cantes bene.*

Scire cupis, quænam placeat bona musica Cœlo?  
Et quæ præ reliquis clangat in aure DEI?  
Ista triam vocum præstans est musica, quando  
Cor bene concordat, lingua, manusque simul.



# DOMUS SAPIENTIÆ

Proverb. 9.

## *Gloria Sapientiæ Thunianæ.*

Cap. 27.



Ivus Romedius repletus Spiritu Sapientiæ, pennam meam excitat, ut evolet ad sublimem gloriam sapientiæ Thunianæ. Verùm cum Viro patientiæ Job quæro: *Sapientia ubi invenitur, & quis est locus intelligentiæ?* Respondet idem Vates: *Sapientia in antiquis habitat.* Si sapientia antiquitatis amatrix est, certè in antiquissima Domo Thuniana Sedem suam fixisse faciliè probabitur, in qua sola plures, quàm in Tota olim Græcia vixerunt sapientes. Unde non mirum est hanc sapientissimam Domum etiam in Græcia imperâsse: cùm de se dicat Sapientia: *per me Reges regnant, & per me prin-*

Proverb. 8.

*principes imperant.* Sapiëntiam Domûs Thunianæ, erudite Lector, velex hoc solo collige. Postquam incepit mundus desipere calice Hussij inebriatus, postquam luteus Lutherus, ex hujus poculi fœcibus propriam bibisset insaniam perditâ mentis sanitate, & decem præcepta grandis poculi implendo, vel potiùs evacuando, haussisset decies repetitas sanitates, toti Europæ infalutares. Postquam Divinam Providentiam calva Calvinî ratiocinatio conclusisset esse fatalem, & peccatum statuendo necessarium, omne sustulisset peccatum (nam *peccatum adeò liberum est, ut si non sit liberum non sit peccatum*) DEUM. que fecisset voluntatis humanæ non svavem Dominum, sed violentum tyrannum; Cælestis Ecclesiæ Catholicæ Sapiëntia, extirpatura has *Vanitates, & insanias falsas, misit ancillas suas, ut vocarent ad arcem*, fundatam supra firmam petram. Idcirco ad Tridentinâ Urbem convocans concilium in *Summis excelsisque verticibus clamitabat, O! Viri ad vos clamito, & vox mea ad filios hominum, audite, quoniam de rebus magnis locutura sum.* Ex quo indubitanter sequitur, magnos fuisse viros, cum quibus ipsa Sapiëntia de magnis rebus erat locutura. Ad hanc vocem congregatus est mundus penè universus, ut cum Sapiëntia CHRISTI pugnaret contra *insensatos, viventes in magno insipientiæ bello.* In Legatis Cæsaris, Regum ac Principum comparuit majestas orbis, & in confessu Patrum refulsit splendor Ecclesiæ universalis. Huc confluit, quidquid Sapiëntia in Germanis Ingenijs habet solidum, in Hispanis profundum, in Italis acutum, in Gallis acre & vegetum. In processu tanti Concilij primum sæcularium Oratorum Annò 1562. suspexit Orbis Sigismundum de Thun, quem Cardinalis Sfortia Palavicinus, parcus alioquin sæcularium Oratorum laudator, in sua Historia Concilij Tridentini hoc prædicato honorat: *Vir egregius Religione & prudentiâ.* Hic radios Sapiëntiæ sparfos per singulos Regum Ministros, in se ostendit collectos, & divisam in plures sapiëntiâ mon-

*Angust.*

*Psal. 39.  
Proverb. 9.*

*Ibid.*

*Sap. 5.  
Ibid. 14.*

stravit in se concentratam, & per hanc sapuit Sapientiâ omnium. Miratum est Concilium in uno capite omnium qualitates nationum, & magnitudinem Cæsaris veneratum est in Sapiencia Legati. Taliter audiebatur, quasi per illius os Caput Romani Imperij loqueretur. Nec videbatur esse solum Orator, sed Romani Jovis oraculum. Nec mirum, quia totam Jurisprudentiam, quam jam olim *multorum camelorum onus esse* lamentabatur Amelius, imò Lipsius ipse *onus nec ab Elephantis in India ferendum*, pronuntiabat: in scrinio pectoris sui circumtulit, ità ut omni hora cathedram conscendere, ac Decreta Pontificum, legesque Imperatorum interpretari valuisset. Contigit etiam Sigismundo hic honor, ut post Ecclesiasticos Oratores primus inter Sæculares Concilio subscriberet: *Unde tamen, (ut refert Palavicinus citatus) difficultas orta non est, cum de prerogativa contentio cum eo nemini esset.*

Magnum Gloriæ Thunianæ incrementum addit Sapienciâ Eminentissimi Cardinalis Guidobaldi de Thun, quæ in illo non angustum habitaculum, sed aulam amplissimam est sortita, proinde se in illius animo, non per compendium contraxit, sed quàm latissimè explicuit, quia invenit hospitium sibi æquale. Non communicavit illi unam tantum partem sui, sed se totam, quia quantacunque Sapienciæ portio illo minor fuit, nec capacitatem animi implere potuit Sapiencia, nisi tota. Viguit in Guidobaldo subtilitas ingenij, prudentia judicij, maturitas consilij: quando loquebatur, fundebat oracula, quæ sive videbat, confirmabat eventus, nihil ardui aggrediebatur, cujus obstacula non perumperet, ità tractabat humana, ut nunquam omitteret Divina, gravi usus est facundiâ ad flectendos animos, moderatione ad temperandos affectus, subtili solertiâ ad arcana indaganda, profundò consiliò ad intricatos nodos Gordios evolvendos, circumspectâ prudentiâ ad prospiciendum de futuris. Ob tantas prærogativas factus Cardinalis dignitate, & Plenipotentia-

tiarius Cæsaris munere, miscuit Politica Divinis finè confusione, utrobique Eminentissimus : in templo, in foro. Ità agebat in Sacra Purpura, ut per eam multum Splendoris accesserit purpuræ sui Augustissimi. Ostendit Guidobaldus verum esse illud Sapientis dictum : *oportet eum plus scire, qui plus potest*. Tantum scivit, ut minus illo fuerit quodvis negotium, capacitatem illius non impleverunt res maximæ, & postquam innumeris negotijs obrutus credebatur, adhuc pro pluribus vires suppetebant. Æqualem illum dicerem maximis Galliæ Cardinalibus & Ministris Richelio & Masarino, nisi in iusta, & meliori causa Austriacæ Domûs superior fuisset. A tam magno Viro non potuit Germania sperare, nisi maxima. Sed hæc plerunque ingentium animorum conditio est; *citò mori*. Subducit se oculis perfecta virtus, quidquid ad summum pertigit ad ima devolvitur. Eripuit tantum virum Germaniæ æternitas, æstimans illius vitam non satis esse longam, nisi faceret æternam. Vivit tamen adhuc in memoria Salisburgensium Guidobaldus, nam plenus Sale Sapientiæ intra Burgum Salis nullam sentire potuit immortalis famæ corruptionem. *Mortuus est, & quasi non est mortuus*, quia in Successoribus suis reliquit JOANNEM ERNESTUM de Thun similem sibi, Phoenix Phœnicem.

Ingentem similiter Sapientiæ laudem meretur inter Thunianos Fratres, WENCESLAUS Comes de Thun Episcopus Passaviensis, de quo idem dicere potuit Illustrissimus Genitor, quod de Simone effatus est Parens Mathatias, filios suos ultimo halitu alloquendo : *Simon frater vester, scio, quod vir Consilij est, ipsum audite semper*. Fuit hic sapientissimus Antistes tam profundæ intelligentiæ, ut à callidis æmulis nullâ astutiæ bolide fund, illius potuerit explorari. Fuit tam efficacis energiæ, ut in assecutione sui intenti occurrentia difficultatum obstacula, acrimoniâ sui ingenij valuerit penetrare. Et quamvis conatibus illius se extremè opposuerint illi, quibus nec erudi-

tio, nec potentia deesse vulgò creditur, tamen prudentia WENCESLAI nervosè perrupit, & obtentâ causâ ostendit se his esse longè superiorem. Multa sanè & magna edebat Sapientiæ suæ specimina, ità ut etiam laudatissimis Sacrorum Principibus palmam Sapientiæ omnium calculò eripuisset, nisi mors calculum lethalem nimis citò adjecisset, quo postquam extremè laborâsset, egregiorum laborum lapidem posuit terminalem. *Si finis coronat opus*, certè Sapientiæ laureâ coronandus est WENCESLAUS, quia in fine ostendit se *sapere, intelligere ac novissima providere*. Ars artium est bene mori, omnes morimur, & tamen pauci sciunt, quod omnes faciunt. Scivit WENCESLAUS bene mori, quia scivit bene vivere. Mors est Echo vitæ, qualis Vita mors est ità. Rectè semper collimavit ad beatitudinis scopum, nè ab illo aberraret. O quàm periculosum est tibi semel errare, ubi nemo bis errat. Prævidit igitur in tempore adventum mortis. Et nè imparatus se sisteret æternitati, & quasi ex tempore: *Psalm, 76. recogitavit annos æternos in tempore*. Munivit se Ecclesiæ Sacramentis, ut sacram sibi mentem inesse ostenderet. His armis instructus non expalluit ad nuntium mortis, cui jam pridem duellum indixerat. Nè verò in hac lucta de illius viribus dubitaretur, heroicè de lectulo confurrexit, tanquam athleta, in ultimam arenam descensurus. Memor autem se esse Ecclesiæ Passaviensis magnum Antistitem; Pontificalia induit, ad Summos in Cælis Sacerdotes abiturus. Convocatis deinde Ecclesiæ Passaviensis Sacris Proceribus, aulæque suæ nobilioribus ministris, nec non Territorij Passaviensis Officialibus, ac præsidibus, omnibus ultimum vale dixit, tàmque nervosâ ad motus animorum ciendos usus est parænesi, quasi ex illius ore æternitas peroraret. Denique adhuc vivens multa sapienter disposuit exequenda post vitam, quasi adhuc post mortem victurus. Post hæc eâ devotione Sacra ornamenta deposuit, quasi simul corpus exuere voluisset, libe-

liberiùs ad Cælos evoluturus. Sic mori non est mori, sed mortalem deponere sarcinam, & adipisci nomen immortale.

Verùm si namus imperturbatos quiescere Sapientissimorum Comitum de Thun gloriosos cineres, quorum Mausoleis epitaphij locò hanc inscribo Ecclesiastici sententiam: *Sapiens in populo hereditabit honorem, & nomen illius erit vivens in æternum.* Ecclesi. 37.

A mortuis nunc calamum meum converto ad vivos, in quibus vegeta adhuc vivit Sapientia. Quod dum facere aggredior, rursus in gloriæ Thunianæ theatrum spectabilis prodit Illustrissimus ac Excellentissimus Dominus FRANCISCUS Comes de Thun, Marte & Arte clarissimus, verè Palladi comparandus, quæ intus sapiens, & foris est armata: ac problema facit, an in illo prævaleat acies gladij, an verò acumen ingenij? an gloriosior sit in sago, an verò in toga? pro nunc cum Poëta exclamo: *Cedant arma togæ!* & propositum problema per illud Sapientiæ oraculum resolvo: *Melior est Sapientia, quàm vires, & vir prudens, quàm fortis.* Sup. 5.

Prudentiæ suæ magnitudinem, & activitatis dexteritatem, hic Comes Excellentissimus Aulæ Cæsareæ testatam fecit in diversis Legationibus. Oportet enim eximià illum præditum esse prudentiâ, qui munus Legati obit. Si enim Legatus est quidam Mercurius, certè in Caduceo suo serpentes gerit, de quibus æterna Veritas loquitur: *estote prudentes sicut serpentes.* Carol. Pat. schal Lib. de Legat. c. 1.

*Si Legatus est Optimatum optimus, & primorum primus*, profectò in schola Sapientiæ non sedebit in ultimo scamno, sed primum locum obtinebit. Missus fuit ad diversos Romani Imperij Principes, ad Salisburgensem Archi-Episcopum, ad Electorem Bavariae, in cujus Aula per triennium substitit; ut gravia Domûs Austriacæ negotia promoveret. Destinatus fuit in Angliam, ad Gentem acris ingenij, sed genij inconstantis, ac inquieti, ad populum duræ cervicis, ad nationem, quæ nomine suo propè accedit ad Angelos, & si in fide Catholica per-




manſiſſet, bonos. Moratus fuit per quinquennium in hac terra Regiô madentem ſângvine, in crudeli regno, in quo nec Regum capita à ſecuri ſunt ſecura, in perturbato rerum ſtatu minimè turbatus, ſemper emolumento Cæſaris invigilando. Ablegatus fuit in Poloniam, cujus incolas nimia libertas ſæpe exteris ſervire fecit: ad regimen, in quo, quot capita, tot ſenſus, ad regnum, in quo, quot nobiles, tot penè reges. Miſſus eſt ad Sereniſſimum Regem JOANNEM, ut eidem ſtimulos adderet, ad victoriosos armorum ſuorum progreſſus contra Turcam continuandos. Quod etiam fervidè & efficaciter præſtitit, ac Confoederatorum cum Luna Gallorum (proh ! pudor Chriſtianiſſimo nomini!) nocentiſſimis machinationibus tam ſtrenuè obviam ivit, ut horum malorum omniû Coryphæo, cane pejùs & angve exoſus factus ſit, ac ſub ſpecioſo monomachia titulo, per inſidias proditoriô ferro turpiter necatus fuiſſet, niſi per ſingularem prudentiam tam reputationi Cæſaris, quàm famæ generoſiſſimi ſui ſtemmatis conſuluiſſet. Magnam pariter Excellentiſſimo Domino Comiti FRANCISCO prudentiæ laudem tribuere debet Urbs Moguntina, quæ ab exercitu Gallico arcta obſidione preſſa, vix non oppreſſa fuiſſet, niſi ille finè ſpeciali Aulæ Cæſareæ mandato, ex naturalis prudentiæ inſtinctu, valde ſapienter ac providè cum Gubernatore Belgij negotiatus fuiſſet (quod factum Auguſtiſſimus poſtmodum ſummè approbavit) & ab eodem octo Luneburgicorum virorum millia impetrâſſet, quibus auctior factus Cælareus Exercitus, agonizanti Urbi venit in ſuccurſum.

Si plura pro Sapienſiſſima Domo Thuniana quærantur argumenta: non foris, ſed Domi quærenda eſt Sapien-  
*Proverb. 8.* tia, quæ de ſe ipſa dicit: *Ego Sapiencia habito in Conſilio, & eruditis interſum cogitationibus.* Si Sapiencia in Conſilio habitat: proſectò Sedem ſuam fixit in Domo Thuniana, quæ tam copioſos magnorum Principum, Regum ac Cæſarum

farum intimos Consiliarios educavit, ut meritò *Domus Sapientia* possit appellari. Non opus est ad pridem elapsa recurrere sæcula, etiam hæc nostra ætas ostendit Sapientiam Thunianam versari in Consilijs, dum quatuor Germanos fratres MICHAELEM, MAXIMILIANUM, FRANCISCUM & ROMEDIUM Comites de Thun ad intimum admisit consilium ille, qui *Consiliò & Industriâ* mundum gubernat, Sapientissimus Salomon Augustissimus Cæsar MAGNUS LEOPOLDUS.

Jaëtabat quondam Sapientes Græcia septem,  
Sed plures numerat nobilis ista Domus.  
Non opus est Græcos sapientes quærere Athenis,  
Floret in hac una Græcia tota Domo.



## DIGRESSIO V.

*Quid est Sapientia hujus Mundi?*



Ivina Sancti Romedij *Sapientia confundit* 1. Cor. 1.  
*sapientes hujus Mundi.* Habuit ille Sapientiam, quæ *de sursum est descendens à Patre* Jacob. 1.  
*luminum*, habent isti psevdosapientiam  
ascendentem à *principe tenebrarum*. Cupiūt hujus mundi Sapientes semper cum

Lucifero ascendere, & *in mirabilibus super se ambulare.* Psal. 130.  
mant politici promotiones, aspirant ad gradus altiores,  
& tandem gradum occupant *octavi sapientis* : nam dicentes

Rom. 1. *se esse sapientes stulti facti sunt.* Spectemus actum non Academicum, sed Dæmoniacum, in quo huius mundi sapientes tales creantur Doctores, & Magistri, quales ita describit Petarcha: *monstrantur digito fraudum magistri, & ille prudentior judicatur, qui peritior est fallendi.* In hac so-

1. Cor. 2. lemni promotione tubicinem agit *Scientia, quæ inflat, pulsantur tympana, pro quorum pelle exoculatus nequam politicus Ziska cutem suam legavit.* Imponitur politico Doctoralis pileus, pro signo *libertatis conscientia*, negantis se ulli præcepto esse obligatam. Circumdatur humeris palliolum magistrale, quo omnia vitia palliantur; nam, ut ait Lipsius: *Ambitio, & avaritia, sæpe velantur religionis mantello, de cuius usu hæc Machiavelli regula est: si pluit pallium assume, si non pluit, illud depone.* Injicitur collo catena aurea, ut illam ante pectus præ oculis habens politicus, meminerit semper illius versiculi: *aurum quisquis habet superos mercatur & astra.* Digito politici inseritur annulus, & quidem ille miraculosus Gygis, qui gestantem reddit invisibilem: quia politicus est totus arcanus, totus secretus, totus absconditus, totus occultus, omnibus invisibilis, & penè sibi ipsi ignotus. A nemine bene percipitur,

1. Reg. 16. nisi à Divino illo oculo, *qui intuetur cor*, nam *cordium scrutator est Dominus.* Neo-Doctori traditur liber, & quidem magni illius psevdopolitici Machiavelli, ex quo desumit hoc primum novæ politiæ principium: *fraus necessaria est omnibus quicumque ex parvis initijs crescere conantur.* Et nè defit glossa, recurritur ad magnum in hac pessima politica practicum, Wenceslaum Maroschuviam ita scribentem: *Politicum decet expendere non tantum quid sit agendum, sed etiam quid sit simulandum.* Totus mundus fucò utitur, ergo cum vulpibus est vulpinandum. In hac promotione confcendit illam cathedram politicus, de qua Psalmista canit:

Psal. 1. *Beatus vir, qui in cathedra pestilentie non sedit.* Hæc pestilentia laborant juxta Doctissimum Alanum *principum laterales, Palatini canes, adulationis artifices, fabri laudis, figuli falsi-*

Balbus  
Poeta.

De complanet.  
natura.

*falsitatis.* Offertur Neo-promoto inter amabiles amplexus osculum, ut ipsi inspiretur politicus spiritus, à quo Joab edoctus, *una manu tenuit mentum Amase quasi deosculans eum, & altera percutiens gladiò effudit intestina ejus in terram.* 2. Reg. 10. Post hæc distribuuntur præsentibus hospitibus xenia, & donaria, non *re*, sed *ore*, conformiter ad illam Machiavelli instructionem: *pollicere largiter, promissis stare rusticum putat.* Hinc illa rhythmica oritur querimonia: *mille annis jam peractis, fides nulla est in pactis. Mel in ore, verba lactis, fel in corde, fraus in factis.* Tandem post omnia, dum omnibus numeris absolut, creditur esse politicus, decantatur *Te DEUM*, non *laudamus*, sed *negamus*, & sic pseŭdo-politicus perfectissimus fit atheista. Si quæ-  
ratur, cujus facultatis sit hic neo-Doctor? Respondeo esse artium liberalium, & omnium quatuor facultatum Doctorem. Est Poëta laureatus, qui scit optimè fingere. Est ex numero illorum, *qui aliud ostendunt in facie, aliud gerunt in corde, fingunt, quod non sunt, & à semetipsis decepti cæteros fallere arbitrantur.* Est homo poëticus, totus fabulosus, totus fictus, *totus dissimilis intus Herodes, foris Joannes, totus ambiguus.* Est poëta Comicus omnium personarum actor; imò est juxta Langium: *peŭsimus histrio histrionum, semper duplex facie, frequenter duplici corde, gravitatem simulat, dum intus ungatur, sibi que plaudit, quòd astantibus fecerit imposturam. Facies ejus nitida, mens fæda, vestis stric-ta, sed duplex latæque conscientia.* Est eloquentissimus Rhetor, millenis utitur figuris, & amphibologijs, sed maximè delectatur hyperbole, ex musca faciens elephantum: & Ironiâ, dum audientem falsis laudibus dementat, qui si subito respexerit, deprehendet post se (ut S. Hieronymus loquitur) *auriculas agitari asini.* Est dialecticus. In illa arte perfectus, de qua S. Gregorius ait: *hujus mundi sapientia est: cor machinationibus tegere, sensum verbis velare, quæ falsa sunt, vera ostendere, quæ vera sunt, falsa demonstrare, hanc qui sciunt, cæteros despiciendo superbiunt.* Est Philoso-

Laurent:  
Justin, de  
humil.  
cap. 5.  
S. Bernar-  
dus epist.  
193.

in Polyan-  
thea.

Epist. ad  
Rustic.  
1. Mo-  
ral. c. 16.

phus rationalis, quamvis objectum illius non sit *recta ratio*, sed *Ratio statûs*. Sequitur sententiam Nominalium contra reales, multa habet complementa in ore, pauca cordimentain pectore. Sequitur illam Machiavelli regulam: *Nullum tibi ex animo amicum aestima, neque tu sis ulli: ita tamen comes & blandus esto singulis, perinde quasi neminem non amaveris, honoris & amoris titulos repete, lauda affatim.* Est Philosophus naturalis, amator proprii interesse. Cum natura horret vacuum marsupium, rimatur naturam temporis, observat quid sit, vel non sit *de tempore*, ut possit tempori inservire: interea dum tempus elabitur, nihil cogitat de æternitate. Hæc mira res est, quod velit videri realis, cum tamen nec umbram realitatis habeat. Physica illius solos admittit colores apparentes; proinde fit pavoni simillimus, ut loquitur Tertullianus: *Multicolor, & discolor, & versicolor, nunquam ipse, semper alius, tamen si semper ipse, toties mutandus, quoties movendus.* Est metaphysicus plenus entibus rationis, imò totus est Chymæricus, quia totus politicus. Nam ut S. Hieronymus scribit: *Verè monstruosa res est, speciem habere columbinam, & mentem caninam, professionem ovinam, & intentionem lupinam.* De his novis politicis rursus scribit idem purpuratus Dalmata: *Hoc est novum monstrum, ex duabus naturis contrariis compactum, est nova bestia, imò est Chymæra.* Politicus est summus jurista, amat summum jus, quod est summa injuria. Defendit possibile esse *Dominium duorum in solidum*: proinde cupit duobus dominis famulari, vult ita *servire DEO*, ut non *offendat diabolum*. Sed quia tale servitium non succedit, neutrius partis fit libertus, sed totus libertinus, nec credit *DEUM*, nec timet diabolum. Politicus est medicus, qui ut multas habeat curas, frequentat Curias, & quia *dat Galenus opes*, maximam suæ crumenæ curam gerit, sibi que dictum putat *RECIPE*. Interea *cauteriatam habens conscientiam* nullam illius curam habet, quia, ut vulgò dicitur: *hoc non debet Politicus curare.* Est Theologus, id est,

DEI-


Lib. de Pul.  
lio c. 2.

Epist. 58.

1. Tim. 4.








*J. Steger delincauit*

*M. Rinola sculp.*

*DE*loquus multa coram pijs auribus de DEO garrit, sed nihil credit, inter Theologos non est Doct̃or subtilis, quia tam crassè errat. Non est Thomista, quia non sequitur sententiam Angelici Doct̃oris, sed Sathanæ Angelici seductoris. Verbô est insipiens atheista, qui in corde suo dicit: *Non est DEUS*. Est homo sinè fide, sinè lege, sinè conscientia. Et hæc est mundi Sapientia tam altum insanire. Qualis sit ista Sapientia, si ex fundamento scire desideras? Audi Sanctum Jacobum Apostolum de illa taliter loquentem: *Non est ista Sapientia desursum descendens, sed terrena, animalis, diabolica.* Isaia. 13. Cap. 3.

Ex mundo Logici nolite fugare chymæras,  
In mundo postquam Machiavellus adest.  
Ille in se claudit contradictoria multa,  
Ergo à parte rei magna chymæra datur.



## S. ROMEDIUS.

Inimicus mundi, amicus DEI. Jacob. 4.

*Hæc est victoria, quæ vincit mundum* 1. Joan. 5.



Alde gloriosum est, vanam mundi spernere gloriam. Multum igitur gloriosus est S. Romedius, qui vix prima Christianæ perfectionis limina salutans, statim toti mundo valedixit. Secutus est Joannis Evangelistæ monitum: *Nolite diligere* 1. Joan. 2.

*mundum, neque ea, quæ in mundo sunt.* Sprevit hunc ama-

fium Romedius. Noluit se familiarem facere illius amori, cujus derivatio desumitur à *mori*. Sancta profectò hæc fuit superbia, quâ mundum calce protrusit, verè tunc fuit sanctè elatus, quando mundum pedibus subiecit. Nam, ut ait S. Paulinus: *Est sancta superbia, quæ huic mundo superbit, & contemnit hoc sæculum*. Laudabilis planè est hæc mentis elatio, quæ altos fovens spiritus sublimia cogitat, super terrena omnia sese efferendo. Maximum hoc est *honoris punctum*, mundum tanquã punctum contemnere, ingens hæc est reputatio, se mundo esse superiorem, & omnia mundana se reputare inferiora. Ad tam sublimes cogitationes nos excitat Divus Ambrosius proclamans: *Discite in hoc mundo supra mundum esse*. Judicavit S. Romedius mundum nullam prorsus mereri æstimationem, in mundo enim juxta Ecclesiasticum nihil aliud est, nisi *vanitas vanitatum, & omnia vanitas*. In illo omnia sunt somnia; mundus est globosa bulla, rotunda nulla, sphærica nola, cujus tinnitu stulti amatores mundi delectantur. Totus mundus ridiculus est. Prævenit tamen Romedius risum mundi, mundum irridendo, nam teste S. Augustino: *iste mundus aut ridet nos, aut videtur à nobis*. Ideo rectè monet S. Anselmus: *Si mundus, vel aliquid mundi ridet tibi, noli arridere illi, certè non ridet tibi, ut in fine risus tu rideas, sed simulat risum, ut te irrideat*. Evitavit Romedius mundi fallacias, quæ juxta expertum S. Augustinum: *Plus habent deceptionis, quàm delectationis*. Id ipsum confirmat sanctissimus Doctor sequentibus verbis: *vincula hujus mundi asperitatem habent veram, jucunditatem falsam, verum dolorem, incertam voluptatem, durum timorem, timidamque quietem, rem plenam miseria, spem beatitudinis inanem: His tu inseras manus & pedes?* Et tamen, proh dolor! amatores hujus mundi tam aspera vincula delectant, & tanquam Samsones in sinu fraudulentæ Dalilæ vincti altissimè stertunt. Formositas mundi est splendor Iridis, Prisma trigonum, collum columbæ, cauda pavo-

Epist. 21.

Lib. de  
Virg.

Cap. 1.

Serm. 1.  
in Capite  
Jejunij.

in Psal. 41.

pavonis, quorum intuitu oculus maximè gaudet, dum maximè decipitur. *Quanta est humana mentis cæcitas!* exclamat S. Augustinus: *Turbat Mundus, & amatur: quid si tranquillius esset? flores ejus quomodo colligeres, qui à spinis non revocas manum?* Huic consonat, quod alibi proclamat: *O! Munde immunde, quid faceres dulcis, si amarum alimenta mentiris.* Non sapiunt cælestes dulcedines filijs hujus sæculi, non sunt illis ad gustum, quem habent mundano felle depravatum. *Fel draconum vinum illorum,* inquit sacra Pagina, & tamen magis amant hoc mortiferum vinum, quàm mel Divinum. Tales sic alloquitur Divus Anselmus: *quàm suavis est Dominus, nequaquam scire potestis, quamdiu dulcis est vobis Mundus.* Furtivæ sunt hujus mundi aquæ de quibus Cosmophili loquuntur dicentes: *Aquæ furtivæ dulciores sunt communibus, & panis absconditus suavior.* Sed his reponit Hipponensis Præsul: *Si dulcis est mundus, dulcior est Christus, quia dulcis & rectus est Dominus.* E contra mundanæ aquæ sunt amarissimæ, & omnis, qui bibit ex aqua hac sitiet iterum. Felicissimus profectò fuit Divus Romedius delicias mundi non gustando, majorem illi excitavit orexim Psaltes Regius canens: *gustate & videte, quoniam suavis est Dominus.* Quàm primùm unicam hujus Divinæ dulcedinis guttam degustavit, mox insipiens mundus illi sapere non potuit, quia teste Doctore mellifluo, Cœlestes suavitates experto: *cui Christus incipit dulcescere, necesse est amarescere mundum.* Sed esto dulces appareant hujus mundi deliciæ, nihilominus sunt transitoria, quia *mundus transit & concupiscentia ejus.* O! homo dic mihi: te verbis S. Augustini interrogo: *Quid vis? utrum amare temporalia & transire cum tempore, an Christum amare & in æternum vivere?* Nihilominus taliter Magnus lamentatur Gregorius: *mundo cadenti inbaremus, & quia labentem retinere non possumus, cum ipso labimur, quem cadentem tenemus.* Longè aliter se gessit magnanimus mundi contemptor Romedius, omni laude dignissimus, præ omnibus mundi manci-

*Super  
Psalms.*

*In Sermone.*

*Deut. 32.*

*Prov. 9.*

*de con-  
temptu  
Mundi.  
Psal. 24.  
Joan. 4.*

*Psal. 33.*

*1. Joan. 2.*

*In Epist.  
Joan.*

*In Homil.*

pijs summo contemptu afficiendis : nam juxta mentem  
*Epist. 45.* Magni Aurelij : *quantum illi laudandi atque predicandi sunt,*  
*qui dignati non sunt etiam cum mundo florente florere, tantum*  
*increpandi & accusandi sunt, quos perire cum pereunte delectat.*  
 Nemo melius novit mundum, nisi qui expertus est, quid  
 sit mundus. Proinde quondam mundi pullus, nunc ve-  
*In Confes-* los sequentibus strictè examinat. *O! amatores mundi, cu-*  
*sionibus.* *jus gratiâ militatis? major non esse poterit spes vestra in mundo,*  
*quàm ut amici mundi sitis.* Verùm ab illius amicitia sic nos  
*Cap. 4.* dehortatur Beatus Jacobus Apostolus: *Amicitia hujus mun-*  
*di inimica est DEI: quicumque ergo voluerit esse amicus hujus*  
*seculi inimicus DEI constituitur.* Divus ergo Romedius vo-  
 lens esse amicus DEI, non potuit esse amicus mundi. Uter-  
 que amor ad idem cor admitti non potuit, nam inclusio  
 unius est exclusio alterius, hoc ipsum confirmante S. Cy-  
*De 12. ab-* priano, *mundi amor & DEI in uno corde habitare non possunt.*  
*usibus.* Cave! cave! quisquis sapit, nè tibi plùs sapiat amor mun-  
 di, quàm DEI, & amator mundi factus, inimicus DEI ef-  
*In Meditat.* ficiaris. *Dic mihi (verbis S. Bernardi utor) ubi sunt ama-*  
*tores mundi, qui ante pauca tempora nobiscum fuerunt? nihil ex*  
*eis remansit, nisi cineres & vermes. Attende diligenter, fuerunt*  
*sicut tu: comederunt & biberunt, riserunt, duxerunt in bonis di-*  
*es suos, & in puncto ad inferna descenderunt. Hic caro eorum*  
*vermibus, illic anima eorum ignibus deputatur, qui socij fuerunt*  
*in vitijs, socij erunt in pœnis: una namque pœna illos implicat,*  
*quos unus amor in crimine ligat.* Plurimis illudit mundus;  
*Matth. 5.* dicēdo: quòd S. Romedius verè unus ex *Beatis mundo corde*  
 volens retinere cor mundum, ad cor non admisit mun-  
 dum, sciens, quod ille non possit esse mundus, cui placet  
 mundus, & citò eum fieri immundum, qui tangit mun-  
 dum. Argutissimâ sententiâ huic lusui suffragatur inge-  
*Tractat. 38* niorum Phoenix Augustinus pariter sic ludens: *si delectat*  
*in Joannem.* *te mundus semper vis esse immundus, si autem non delectat te*  

*hic*



*hic mundus, jam tu es mundus.* Ideo audeo dicere; Divus Romedius non tantum est mundus, sed ipsum Coelum est, quia exclusit hujus mundi coenum, nam qui nihil habet de mundano coeno, plurimum habet de Empyreo coelo, quod rursum confirmat idem sapiētissimus Doctor dicens: *Si vis esse Caelum, purga de corde terram, si terreni nihil habueris, caelum eris.*

Verum ista flocci pendit vilissimus mundus. Nihil apud illum haec omnia valent, cum potius ille nullius sit valoris. Hunc vanissimum sui aestimatorem mihi pariter libet sequentibus versibus vilipendere:

Si cupis esse valens, toti valedicito mundo,  
Cujus pro nihilo gloria vana valet.  
Suscipe coelestem, mundanum sperne valorem,  
Quisquis pro mundo nil valet, ille valet.

Mundo mortuus Romedius totus factus est homo Coelestis. Et ne quidquam illi de saeculi vanitate adhereret, vestes saeculares exuit, *prudentes in CHRISTO servantes* *Matth. 10* imitatus, qui veterem pellem deponendo, acquirunt novam. Abiectionis profanis vestimentis, pariter deposuit corruptam mundi vetustatem, doctrinam secutus Apostoli adhortantis nos *deponere veterem hominem, & induere novum, qui secundum Deum creatus est in justitia, & sanctitate veritatis.* *Ephes. 4.* Dixit Romedius in corde suo: *recedant vetera, nova sint omnia!* mihi novitas placet, & vetustas displicet, in qua nullam DEUS habet complacentiam. Recte sane processit, factus novus homo Romedius, nam suffragante mellifluo Doctore: *duo homines sunt vetus & novus.* *Serm. 30.* Ille terrenus, iste caelestis: *illius imago vetustas, istius novitas.* *inter par- vos.* Si quaeratur, quisnam ille sit novus homo, quem tam instanter induere jubemur? Doctorem Gentium se se clarissime explicantem audiamus: *Induimini Dominum JESUM CHRISTUM:* *Rom. 13.* sed quomodo Divinus iste vestitus induendus est? elegantem modum hujus vestitio-



Tract. 48.  
in Jo. iii.

nis nobis suggerit Divus Chrysostomus dicens : *Induere CHRISTUM est undique in nobis per Sanctimoniam & mansuetudinem CHRISTUM conspicuum esse.* Et hæc fuit Sancti Romedij ( si peregrino termino uti licet ) spiritualis Galla , qua splendidè vestitus , coram Rege Regum & Domino Dominantium etiam in encænijs honorificè potuit comparere. Si enim juxta Sanctum Augustinum : *Jam usus habet hoc verbum : si quis novâ tunicâ induatur , enceniare dicitur.* Romedius CHRISTUM induendo encæniavit. O ! Christiane non solo nomine , sed simul opere Christum indue , ut perpetua possis in Coelo encoenia celebrare.

Nos ad stulta vocat nugax encoenia mundus :  
Tunc movet ad saltum musica læta pedes.  
Ad sacra invitat cunctos encoenia Paulus :  
Tunc podagrâ afflictus quilibet esse solet.



# DOMUS PROFICIENS

2. Reg. 3.

## *Gloria Politica Domûs Thunianæ.*

2. Reg. 3.



Agna est gloria Domûs Thunianæ , per tot sæcula perstitisse in gloria. Illi accommodari potest , quod de Domo David Sacer textus profert elogium : *Domus Thunianæ semper proficiens , & se ipsâ robustior.* Hoc ut ostendam : Sancti Romedij Romana pro

profectio styllum meum Romam evocat, ex cujus Patri-  
 ciorum gremio prognata est styrps Thuniana. Decens  
 erat, ut à Roma mundi capite illi descenderent, qui futu-  
 ri erant capita Imperij, Regnorum & Provinciarū. Osten-  
 dit hæc familia se Romanam esse: Nam Roma vestiarium  
 est sacrae purpuræ & profanæ. Ultramque gloriosè in-  
 duit familia Thuniana. Roma hortus est, in quo florent  
 coronæ imperiales, tali corona redimita fuit familia Thu-  
 niana. Roma foecundus ager est, in quo crescunt scep-  
 trorum segetes, sceptrum quoque imperiale plantatum  
 est in manibus Familiæ Thunianæ. Roma pomarium est,  
 in quo nascuntur poma Imperialia: hoc etiam pomum im-  
 plevit volam familiæ Thunianæ. Denique Roma est Tem-  
 plum honoris. Familia de Thun similiter gaudet tot  
 gloriosis titulis, ut jure Pantheon honorum possit appel-  
 lari. Utque à summis capiamus auspiciū: humana sæ-  
 culi dignitas est Majestas Imperatoria. Ejus thronum  
 Familia de Thun conscendit, quæ in Græcia sedem Im-  
 perialem occupavit. Nè verò hoc ex vacuo dixisse vide-  
 ar: asserto meo ad stipulatur Stumpfius l. 2. chron. c. 23. §.  
 221. suffragatur manu scriptum Archivij Einsidlensis vo-  
 lumine 1. classe VIII. sub Lit. C. fol. 104. N. 44. Nec defu-  
 issent animò regiò præditi Successores Thuniadæ, si quem-  
 admodum illis natura dotes Regias, ità fortuna sceptrum  
 offerre voluisset. Sufficiat, quòd ipsa virtus contulerit  
 Familiæ de Thun Vicariam Romani Imperij Majestatem.  
 Fuit Concilium Tridentinum tam sacrae, quàm politicæ  
 gloriæ Amphitheatrum. In quo dum Regis Catholicissi-  
 mi, & Christianissimi Oratores de præcedentia disputant,  
 dum neuter vult esse tertius, uterque Augustissimi Cæsa-  
 ris Oratori factus est secundus. Hujus prærogativæ honor  
 Familiæ Thunianæ delatus est: Nam ex illa SIGISMUN-  
 DUS de Thun ab Augustissimo Cæsare designatus Orator  
 primas obtinuit ante omnes fidei Orthodoxæ sæculares  
 Oratores. Et sic ultra omnes provecta est Thuniana

*A Christi  
 383.  
 Erb Princ.  
 hist. di  
 Trent. &  
 Matth.  
 Burck-  
 lech.*

Aquila, Romani Jovis Majestatem Aquilam repræsentando. Elevata est Familia de Thun non tantum inter Oratores, sed etiam promotâ est, *ut sedeat cum principibus, & solium gloriæ teneat*. Numerat hæc gloriosa Familia septem Romani Imperij Principes, & ex his duos Germaniæ Primates. Quorum gloriam cum præsens pagella non capiat, illorum particularia encomia pro sequentibus referantur.

Hoc tamen locò prætereundus non est silentiò GUIDOBALDUS de Thun, cuius gloria in rebus politicis sapienter tractandis vel ex hoc solo elucet, quod in Comitij Imperialibus Ratisbonæ constitutus fuerit Sacræ Cæsareæ Majestatis Plenipotentarius. Ex hoc unico titulo, veluti ex ungve leonem magnitudinem hujus Principis mensuremus. Si enim per parvos canales non ducuntur vasta flumina, nec ad fossulam possunt transfundi maria, neque parva scrobs capit oceanum, multò minùs Augustum capi potest ab angusto. Quantus ergo censendus est GUIDOBALDUS, & quàm capax æstimari debet illi, animus, cui se infudit tanquam Plenipotentario Majestatis plenitudo. Hactenus semper favit huic Illustrissimæ Domui Serenissima Domus Austriaca, unde facti sunt Thuniadæ Domestici ejus. Parum dico Domestici, imò *maiores de Domo*. GEORGIUS enim de Thun, quia inter tot rerum, & regnorum disturbia, in servanda Austriacæ Domui constanti fidelitate semper imperturbatus permanfit, creatus est MAXIMILIANI Imperatoris Supremus Camerarius, à quo in tantum dilectus fuit, ut apud eundem gloriosum Cæsarem etiam clavim habuisse visus sit ad Camerâ charitatis. Fuit major de Domo CHRISTOPHORUS de Thun, qui inter Magnates ad magna nat, inter magnos Aulicos FERDINANDI II. eminuit tanquã Supremæ Aulæ Præfectus. Hic nisi fuisset vir ex omni parte perfectus, non fuisset unquam tantæ Aulæ præfectus. Denique Illustrissima hæc Familia semper fuit de Domestica Familia

lia Austriacæ Domûs, adeò ut etiam vocata sit ad intimum secretiorum Consiliorum conclave. Habent quidem Illustrissimi Thuniadæ prædicatum Consiliarij intimi cum alijs magnis Familijs commune; hoc tamen præ cæteris pluribus habent speciale, quòd unius fortunatissimi parentis JOANNIS SIGISMUNDI de Thun, quatuor gloriosi filij MICHAEL, MAXIMILIANUS, FRANCISCUS, & ROMEDIUS eodem tempore magni Cæsaris LEOPOLDI intimi Consiliarij, admissi sint ad Romani Jovis diphteram inspiciendam. Rarum profectò fuit ex solis Comitibus de Thun intimum formari potuisse consilium: si enim tres faciunt Collegium; etiam quatuor Germani fratres Thuniadæ suffecissent ad formandum integrum Consiliarium confessum. His novissimè accedit quòd Excellentissimus Dominus Comes MAXIMILIANUS de Thun, à Serenissima Domo Austriaca, aureo vellere fuerit condecoratus.

Præcedentia loci res est magnæ disputationis; unde non tantum humaniorum litterarum studiosi, sed etiam nobilissimæ familiæ disputant *pro loco*. In hoc meritum certamine tam præclare se gessit Familia Thuniana, ut eodem tēpore Bohemia viderit Comites MICHAELEM & ROMEDIUM locū obtinentes inter Regios Locum tenētes, verificatumque fuerit, quòd tenens condecoret locum, & locus ornet tenentem.

Si plura ad præsentem materiam spectantia de hac Illustrissimorum fratrum digna planè quadriga Jove, scire desideras: Thuniano stemmati gloriosum est, quòd post motas graves (quas moderni sæculi politia suggerit) difficultates, dexteritate tamen Eminentissimi Cardinalis de Thun superatas, nomine totius Romani Imperij, MICHAEL OSWALDUS Comes de Thun ablegatus fuerit ad congratulandū Inviētissimo Cæsari LEOPOLDO de insigni victoria ad S. Gotthardum in Ungaria contra capitalem Christiani nominis hostem feliciter obtenta.

Quod inexpectatum gaudium adeò Cæsaream Aulam recreavit, ut tam boni nuntij bajulus pro refocillatione sua ab Augustissimo Cæsare jussus sit sedem capere inter Regios Bohemiæ Locumtenentes. Neque tantum in hac dignitate remansisset, sed propter raram in rebus gravioribus expediendis prudentiam, & singulares qualitates, ad altiores in Aula Cæsarea dignitatum gradus eventus fuisset, nisi illum inconstans valetudo ab hoc honore & onere acceptando, modestè excusasset.

Quàm admirando splendore, quantâ pompâ Imperiali Majestate digna, Sponsam suam pretiosissimam Margaritham Magnus Cæsar LEOPOLDUS exceperit, famæ publicæ buccina per universum orbem divulgavit. Nullis tunc parcebatur sumptibus, quisque in honorem sui stemmatis cedere id totum credidit, quod in contestationem suæ erga Augustissimum devotionis, ad condecorandum tantæ solemnitatis actum expendit. Inter clarissimas Familias laudabilis fervebat concertatio, quænam majori splendore adveniienti Augustæ occurrere posset. Nulli tunc erat manus clausa, quia illam plenè aperuit tam nobilis æmulatio. Inter reliquas illustrissimas personas Augustissimæ Sponsæ obviam missas, splendidissimè comparuit Excellentissimus Dominus MAXIMILIANUS de Thun, qui sumptuosissimo apparatu adeò splendore Augustæ Viennam ingrediētis adauxit, ut in cōcursu penè totius orbis, omnium spectatorum ex diversis nationibus confluentium singularem plausum retulerit, nec non specialem Familiæ de Thun promoverit æstimationem.

Non tantum militari gloriâ, sed etiam politico honore resplendet Excellentissimus Dominus FRANCISCUS Comes de Thun, quem propter singularem meritorum prærogativam Inviētissimus Cæsar LEOPOLDUS dignum existimavit, qui ad Beatissimum Patrem INNOCENTIUM XI. summum Ecclesiæ Pastorem, gaudiò plenissimum totique Christianitati tot votis optatum adferret

ferret nuntium, tandem ferè post duorum sæculorum decursum excussò machometicò jugò, à sinistris Lunæ Turcicæ aspectibus liberatam Budam, Regni Hungariæ Metropolim, & victricibus Cæsaris armis expugnatam, iterum salutare CHRISTI, *qui sol est justitiæ radios,* & influentias recepisse. *Malach. 4.* Vix Aquila Thuniana cum tam gratis novalibus ad Urbem septicollem advolavit, mox Caput Ecclesiæ, & Roma Caput mundi, inexplicabili repletum fuit gaudiò, quod reliqua membra per consensum tenerrimè senserunt, exceptis illis, quæ à Lunæ Turcicæ malè amicis influentijs facta paralitica, tanquam mortua omnem Christianitatis sensum perdiderunt, solo Christianissimo nomine retento. Quàm bene huc quadrat illa Apocalyptica Aquilæ sententia: *Nomen habes, quòd vivas & mortuus es.* *Apoc. 1.* Sed finamus mortuos; cum vivis agendum est, dum ex omni parte acclamatur: Vivat Inviçtissimus Cæsar LEOPOLDUS Budæ triumphator! Ad has voces gravissimis Ecclesiæ curis prostratus, revixit INNOCENTII spiritus, ostenditque se vivere, quia monstravit se rectè sentire: dum proprium de occupata Buda sensum, universo orbi in publico manifestavit, privatim autem magnitudinem gaudij sui Excellentissimo Domino Comiti explicuit, nec non habito respectu ad præclara illius merita & eximias qualitates, pro allato tam felici nuntio, eidem magnam crucem inter Equites Melitenses specialioris prærogativæ indicem contulit, & titulò Balivij honoravit.

Nec minùs gloriosum est Familiæ Thunianæ, quod in modernis periculosissimis Galliæ contra Romanum Imperium machinationibus, in quibus undique perfidiæ & fraudulentæ venena miscuit, quibus nonnullæ Germaniæ Urbes infectæ, & lue Gallica corruptæ fuisse deprehensæ sunt, idem Excellentissimus Dominus FRANCISCUS ab Augustissimo Cæsare deputatus, fuerit Commissarius, ut Erfordiam non vanis suspicionibus obnoxii-



am, in fidem Cæsaris reciperet, & homagiô præstitô in Germana fidelitate confirmaret.

Hôc locô minimè silentiô prætereundus est Excel-  
lentissimus Dominus Comes ROMEDIUS de Thun, qui  
ab Augustissimo Cæsare totius Distriktûs Chrudimenfis  
in Regno Boëmiæ constitutus Capitaneus, compluribus  
annis non tantum in negotijs politicis tractandis, & oc-  
currentibus casibus dijudicandis maturam prudentiam,  
sed etiam in militaribus motibus, & maximè dum ad ob-  
sessæ à Turcis & jamjam agonizantis Vieñæ liberationem,  
ex omnibus locis Christianus miles conflueret, sumam  
experientiam, & dexteritatem ostendit. Quapropter ab  
Augustissimo Cæsare ob eximia sua merita ad altiorem  
honoris gradum promotus, & Regijs Boëmiæ Locumte-  
nentibus est adnumeratus, nec non in ejusdem Regni  
publicis Comitijs Annô 1692. non sinè magno Familiæ de  
Thun decore, Cæsarei Commissarij gessit characterem.


Recentia hæc sunt gloriæ politicæ in Comitibus de  
Thun præclara specimina. Quibus ex annis pristinis, &  
veteri sæculo non parvus splendor accedit, per Erasmi,  
Joannem, Michaëlem, Balthasarem, Victorem, Sigis-  
mundum, Christophorum, Martinum, Cyprianum o-  
mnes Comites de Thun: quorum nomina dum profe-  
runtur, meros audis Regionum, Vallium, Distriktuum,  
Urbium, Arcium Supremos Capitaneos, Regentes ac  
Gubernatores, ita ut Illustrissima hæc Familia ad regimen  
nata esse videatur. Denique si in fine omnes honorum  
titulos, quibus Illustrissima Thuniadum Domus exorna-  
tur, usque ad finem deducere vellem, foret finis sinè fine,  
& in fine nullum invenirem finem, sed dum vellem finire,  
inciperem inire novam Thunianæ gloriæ narrationem,  
semper plus ultra continuandam, & nunquam finiendam.

Mos bonus, & non os, Virtus, non garrula lingua,

Vos Comites de Thun semper ad alta vehit.

Thuniadum mores multi comitantur honores,

Plus mos, sed minus os, plus valet ore manus.



# DIGRESSIO VI.

## *Quid sit Mundus?*



Enerosa S. Romedij resolutio, quâ transitoriam mundi contempsit gloriam, me interrogare facit Cosmophilum, quid sit mundus? Dic ergo infascinate Amator mundi? quid est mundus? Taces? profectò amas aliquid quod ignoras, diligis, quod nescis, quàm mirum est, quòd ignoti sit tanta cupido! hic amor planè cæcus est, vel parum videns. Rectè dixit Theocritus, *amori, quæ pulchra non sunt, ea pulchra videntur.* Unde vulgaris canit paræmia

Quisquis amat ranam, ranam putat esse Dianam.

Quisquis amat cervam, cervã putat esse Minervã.

Verè hic amor infantilis est, proinde cum pueris remittendus ad sequens Alphabetum, quod juxta latinarum litterarum ordinem mundum graphicè describit. Vis scire quid sit mundus?

**A** *Arithmeticus* est mundus, in quo generatio advenit, Ecl. r.  
generatio præterit. Vix aliqua fit rerum additio,  
mox sequitur earundem subtractio. Vix aliqua fit hominum multiplicatio, & mox sequitur animæ à corpore divisio. Utitur ordinariè hic Arithmeticus suo lucro intentus regulâ falsi ponendo X. pro V. In fortuna autem sequitur regulam cæci.

**B** *Abylon* est mundus: quæ interpretatur *confusio*. Mifcentur in illa quadrata rotundis, omniavolvuntur fûsque déque, quod curvum est, dicitur rectum, quod iniquum est, vocatur æquum, & ut loquitur S. Hieronymus, *quidam superbiam liberalitatis locò ducunt, adulationem pro humilitate suscipiunt, malitiam prudentiæ vice amplectuntur, & stultitiæ simplicitatis nomen imponunt, atque fallaci similitudine decepti, vitijs pro virtutibus gloriantur.*

ad Demetr.

**C** *Hymicus* sophista est mundus, qui laborantes enormiter decipit. Hi dum omnem movent lapidem, ut lapidem Philosophorum inveniant, totam animæ suæ substantiam dilapidant, & tunc verè fiunt morbo paupertatis laborantes. Igne metalla torquent, ut indè tincturam auri eliciant, & post omnia ipsimet ad illum ignem deveniunt, qui æternum torquet. Omnes conatus adhibent, ut metalla tingere possint, ac tam diu tingunt, & fiunt, donec in fraude sua deprehensi condemnentur ad illum locum, in quo incarceratus tenetur dives Epulo, qui optat posse intingere extremitatem digiti sui in aquam, ut refrigeret linguam suam.

Luc. 16.

**D** *Isputatio intricatissima* est mundus, in qua quot capita, tot sententiæ opinantium, adeoque disputatio, & putatio unicâ differunt syllabâ. Rectè dixit Ecclesiastes: *tradidit DEUS mundum disputationi eorum.* Sed non omnes pergunt in eadem forma: nam rustici argumentantur in *Dabitis*, milites in *Ferio*, politici in *Celarent*, & celantes. Aulici in *Cesare*. In hac concertatione, quod majori conceditur, minori negatur, in statu autem improporionati matrimonij, plurimum in usu est *dilemma*, seu *Cornutus* syllogismus. Omnibustamen prævalet pecuniæ *Ergo*, quâ dum aliquid consequi vis, infallibilem penè facit consequentiam. Nihilominus nemo disputantium recogitat, quòd omnes properent in festino ad sepulchrum.

Cap. 3.

Echo

**E** Chopublica est mundus, quæ Confessario interroganti, fuistine sæpius *mentita*? respondet *itâ*. Habuistine in corde fel, in ore verba mellita? *itâ*. Num frequenter manserunt delicta impunita? *itâ*. Fuitne justitia sæpius vendita? *itâ*. Etiam altera parte inaudita? *itâ*. Fuitne malô titulô à te pecunia conquistata? *itâ*. Fuitne res proximi à te concupita? *itâ*. Et à corrupto iudice acquisita? *itâ*. Nec cogitas de restitutione tuâ vitâ? *itâ*. Ergo spes omnis remissionis est perdita? *itâ*. Et sic tota tua conscientia est consopita? *itâ*. Igitur pro poenitentia tua punieris poenâ infinitâ? *itâ*.

**F** Ornax *spagyrica* est mundus, in qua conficiunt Monarchæ *tingturam solis* volentes esse cum sole soli Domini. Aulici *aquam stomachalem* aptam pro duris bolis concoquendis. Iudices *aurum potabile*, nè potabile criminibus irascantur. Theologi *aquam laxativam* valentem pro conscientijs relaxandis. Scholastici *aquam mirabilem Langij*, quia sunt *in mirabilibus super se ambulantes*. Milites *aquam fortem*, apud illos enim plus valet *vis*, quàm *jus*, nam *inter arma silent leges*. Cives *spiritum formicarum*, cum quibus laboriosè alimenta conquirunt. Rerum œconomicarum præfecti *spiritum Mercurij*, qui furum Deus est & patronus. Gynecæum *aquam Cosmericam*, quæ turpissimas Megæras in Helenas transformat. Dissidentes conjuges invicem cornibus petentes, fortissimum *spiritum cornu cervi* distillant. Denique potior mortalium pars gaudet *spiritu Tartari*, & pauci inhiant illi *aqua vitæ*, ad quam mortales invitant Spiritus & Sponsa dicentes: *Qui* *Apoc. 22.*  
*stetit veniat, & accipiat aquam vitæ gratis.*

**G** Rammaticus pessimus est mundus. Ignorat principales literas, dum nescit illum, qui est *Alpha &* *Isaia 41.*  
*Omega*. Malè declinat *bonus, bona, bonum*. Ambit vanos titulos in *Nominativo*. Inhiant vetitis delicijs in *Genitivo*. Iudices corrumpit in *Dativo*; quærit excusationē in peccatis,

catis in *Accusativo*. Prætexit speciosos & coloratos titulos, & æquivocas voces in *Vocativo*. Nec de ablatorum restitutione unquam cogitat in *Ablativo*.

**H***orologium* est mundus, sed vitiosum: tot rotis constat, ut ad vertiginem usque rotetur, aliter sonat, aliter indicat, aliter loquitur, aliter sentit, linguæ index non concordat cum corde. Ponderibus trahitur, sed auri. Hôc demptô vel planè subsistit, vel tam tardè in operationibus suis movetur, ut minuta in Tribunalibus excrescant in annos. Adjectô autem auri pondere ad accelerandas expeditiones currit citò, citò, citissimè.

**I***udas* nequam est mundus, Magistrum proprium prodit, quia veritatem illius odit. Vendit **CHRISTUM**, ut ditet fiscum. Pluris facit unum argenteum, quàm **DEUM**. Magis æstimat nummum, quàm Numen; offert osculum, ut inspiret venenum. Dum dicit ave, tibi cave, habet in ore mel, in corde fel.

*Eccle. 1.* **K***alendarium* est mundus: sed antiquum: quia *nihil sub sole novum*. Tempora metitur, & plurima mentitur. Quando serenitatem promittit, decidunt pluviae lachrymarum, & *extrema gaudij luctus occupat*. Totus illi annus unicus mensis est, perpetuus & inconstantissimus Aprilis, qui se juxta hoc Kalendarium dirigit, non *solis* cursum sed *Lunæ* observat. Quia *homo sanctus in sapientia manet sicut sol: nam stultus ut Luna mutatur*.  
*Prov. 14.*  
*Eccle. 27.*

**L***usus trapularum* est mundus. *Bastoni* fustes Romanorum fasces repræsentât, per quos *potentia* designatur. *Spadi* similes sunt gladijs, *Copi* poculis, *Denari* nummis. His luditur, colluditur, & illuditur. In hoc mundano lusu omnia opprimit per *bastoni potentia*, omnia evertit per *Spadi violentia*, omnia prodit per *copi vinolentia*, omnia emit per *Denari opulentia*.

**M***onstrum* est mundus. Plures gyrat oculos, quàm centoculus Argus: nec tamen rectè videt. Plures ostendit facies, quàm biceps Janus; & futura non prospicit. Plura erigit capita, quàm triceps Geryon, & nondum capit hanc salutarem sententiã, *utinam saperent, & intelligerët, ac novissima providerent.* Deniq; plures vibrat man9, quàm centiman9, Briareus, & tamen parũ boni operatur. Deut. 32.

**N***Ota musicalis* est mundus. Et quidem magna nota, cùm sit nota omnibus. Hæc unica nota omnes scalæ musicæ notas complectitur. Nè igitur hæc nota tibi sit ignota, illa, quæ dicturus sum accipe ad notam, sed quod notaveris, nota bene.

**U***T, Re, Mi, Fa, Sol, La,* mundus modulatur,

**U**tilitatem propriam in omnibus sectatur,

**R**espectumque hominum undique venatur,

**M**illenis divitijs nunquam satiatur,

**F**amæ vanam gloriam semper aucupatur,

**S**olis puerilibus nugis delectatur,

**L**aborésque animæ utiles averfatur.

**O***Ceanus* est mundus, in quo diversa sorte navigatur, alius sulcat inter adversitates *Mare asperum*, alius tranat *Mare pacificum*. Hic secundò ventò devehitur ad *Insulas Fortunatas*, ille vi tempestatum jaçtatur ad *Insulas latronum*. Hic ad alta aspirans attingit *Insulam Ascensionis*, ille honoris naufragium patitur apud *caput desolationis*. Unus faventibus Zephyris pervenit usque ad *caput bonæ spei*, alter navigationem suam terminat in *Insula Tristi*. Hic re-  
censentur  
nomina  
propria  
locorum  
naviti-  
morum.



*tristi.* Hic feliciter navigat ad *caput viride*, ille finem vivendi facit in *capite finis terræ.*

**P**unctum est mundus, si non puncto minor. Illi (si rectè vis valere) dic: *punctum vale.* Ingeniosè de hoc puncto more suo discurret Seneca. *Hoc est illud punctum, in quo bella geritis, in quo regna disponitis. Hoc est illud punctum quod inter gentes ferro & igni dividitur. Nemo magnus in puncto. Punctum est, quod vivimus, & adhuc puncto minus.* Eheu, insensati mortales ducunt in bonis dies suos, & in puncto ad inferna descendunt.

**Q**uæstor est mundus. De mero cogitat interesse. Ubi nullum lucrum sperandum est, ibi non vult interesse. Nihil illius interest, si non adsit interesse. Exiguam habet audientiam, qui nullum adfert interesse. Si nihil attuleris, ibis Homere foras. Optaret interessatus mundus, ut quotidie foret festum sancti Georgij, aut sancti Galli, non ut *summa Missæ* intersit, sed ut ex *summa summarum* accipiat interesse. De Sacro nihil cogitat, quem *sacra fames auri* affligit. Si tamen in aliqua parte Sacro attentus est, tota illius cogitatio sollicita est de bono *Offertorio.*

**R**usticus est mundus, & (si ità loqui licet) cum pleno titulo *magnus Grobianus.* DEUS pro illo factus est totus humanus, ille autem coram humanissimo DEO vix pileum deponit. DEUS pro illo *inclina vit Cælos & descendit*; ille ad *Evcharisticum Panem* descendentem vix caput inclinat. Coram *Domino Dominantium* in faciem procidunt cælestes Aulici, & crassus hic Coridon magna cum difficultate unum genu flectit. Cùm igitur ignoret bonos mores, dolenter exclamandum est: *o tempora! o mores!*

**S**epulchrum est mundus. Hoc sepulchrum dicit sepulchrum, quia etiam in se pulchrum claudit Abolonom. Sepulchrum est hospitium mortuorum, in quo pernoctant usque dum illuxerit suprema dies. Sepulch-

pulchrum est dormitorium defunctorum, in quo requiescunt à somno excitandi per novissimam tubam. Similiter mundus est palatium ipsius mortis, à quo enim *invidiâ diaboli mors intravit in mundum*, mox in illo coepit possessionem, & totus mundus factus est *residentia mortis*. Sap. 2.

**T**heatrum est mundus, in quo paucæ aguntur comœdiæ, sed multæ tragoediæ producuntur. Dum aperitur scena, personæ exeunt, & aliæ intrant. In hoc theatro actores nos homines sumus, nam juxta Synesium: *DEUS & fortuna diversa vite genera, quasi personas quasdam in hac ingenti mundi fabula inducit*. Rectè igitur nobis agendum est: quia ut ait Seneca, *quomodo fabula, sic & vita, non quamdiu, sed quàm bene acta sit refert*; Nil ad rem pertinet, quò locò desinas. Desine! tantùm bonam clausulam impone. Bene age quamdiu poteris, quia *in ictu oculi clauduntur omnia*.

**V**acuum est mundus, in quo merum nihil reperitur. Omnia, quæ in mundo sunt, nihil sunt. *Vanitas vanitatum & omnia vanitas*, adderem & omnia vacuitas. Ex quo peccatum intravit in mundum, nihil boni remansit in mundo, sed meris peccatis plenus est, & ideo vacuus: idcirco dum peccatum habet, nihil habet. Nam teste S. Augustino *peccatum nihil est, & nihil fiunt homines, dum peccant*. Nullus hic est metus vacui, cùm omnes hoc vacuum ament. Si tamen hoc mundanum vacuum tibi persvaderè non potes, ut illud impleas: dic: *stultorum plena sunt omnia*. Ecclesi. 1.  
Tract. 1.  
in Joan.

**X**enodochium est mundus, in quo pauper ubique jacet. Magna in ipso reperitur infirmary. Decumbunt in illo ægroti peccatis infecti capitalibus, habentes morbum verè capitalem. Jacent in illa correpti delictis mortalibus, verè infirmi usque ad mortem. Reperitur ibidem innumerabilis propè numerus laborantium illis febribus, de quibus S. Ambrosius ait: *nec minorem febrem amoris dixerim, quàm calor, illa animum, hæc corpus inflamat*. Lib. 4. in  
Luc. 9. 4.

I. Joan. 5.

Matth. 7.

*Matth. 12.*

3. Reg. 22.

*Psalm. 90.*

Юлм. 3.

*Actor. 19.*





Joan Steger del:

M. Rivola scul:



# S. ROMEDIUS.

Christo confixus Cruci. Galat. 2.

*In cruce Christi gloriatur. Ibid. 2.*



Amici DEI hoc penè cum DEO habent commune, quòd sint immutabiles. Amicitia illorum cum Christo indissolubilis est, ità ut Doctor gentium proclamare audeat: *quis nos separabit à charitate Christi,*

*Rom. 8.*

*tribulatio? an angustia? an fames? an nuditas? an periculum? an persecutio? an gladius? certus sum, quia neque mors, neque vita, neque Angeli, neque Principatus, neque Virtutes, neque instantia, neque futura, neque altitudo, neque profundum, neque creatura alia poterit nos separare à charitate.*

DEI. Amici DEI quodammodo fiunt idem cum DEO, nam teste Joanne Evangelista, *DEUS charitas est, & qui manet in charitate, in DEO manet, & DEUS in eo.*

*1. Joann. 4.*

Ex quo beatissimum consequitur unitertium, quòd amici DEI sint idem inter se, quia sunt idem cum DEO. Hanc sanctæ amicitiae identitatem Romedius DEO conjunctus habuit cum sanctis Martyribus Sisinio, Martyrio, & Alexandro, quibus *eandem gratiam, quam præbuerat vivis, servavit & mortuis.* Postquam enim locum, in quo sancti Capadoces palmam martyrij obtinuerunt, à sancto Vigilio edoctus rescivisset, summò desiderio flagravìt amicos suos mortuos tenerrimo pietatis sensu honorandi; & sic se verum

*Ruth. 2.*



Epist. 3.
1. Petr. 2.
Serm. 48.
Serm. in  
parascév.
 eorundem amicum esse ostendit, nam teste Cointo Smyrnenfil. 2. *Is demum amicus est, qui etiam extincti memoriam amici servat.* In hac religiosa mortuorum amicorum veneratione cum Seneca dicere potuit: *mibi defunctorum amicorum cogitatio dulcis est.* Et quomodo illi dulcis non fuisset, credendo illos post degustatum amarum passionis calicem, jam in cælis experiri, *quoniam dulcis est Dominus.* Erexerat in loco Martyrij Sanctus Vigilius salutiferæ crucis trophæum. Coram illo Romedius devotissima humilitate procubuit, & authorem victoriæ Christum adoravit: nam ut ait S. Petrus Damianus: *In signo victoriæ victorem colimus, & adorando crucem, ipsum, qui crucifixus est, adoramus.* Ardentissimo affectu sacram amplexatus est crucem Romedius, probè sciens in unica cruce infinitam propè encomiorum congeriem reperiri. Si enim ex sanctis Patribus quæretur, quid sit crux Christi? Ex ore aureo hoc gravissimum, quia aureum profert præconium Chrysostomus: *Crux est Christianorum spes, crux Romanorum victoria, mortuorum resurrectio, claudorum baculus, pauperum consolatio, lignum vitæ aternæ.* Hunc sacrum baculum arripuit Romedius, ut illo tanquam scipione uteretur, & gressus suos firmaret ad patriam sinè lapsu perventurus. Apprehendit Romedius hoc lignum vitæ, ut inflictum ab Adamo per malignum mali lignum vulnus perfanaret. Fabula fit in capacitæ cornu copiæ bonorum omnium abundantiam reperiri: certè palmaris veritas est inexhaustum bonorum omnium thesaurum in cruce inveniri. Augustô Augustinus id confirmat testimoniô dicens: *Crux Christi totius nobis causa beatitudinis est; hæc nos à cecitate liberavit erroris, hæc à tenebris reddidit luci, hæc debellatos reddidit quieti, hæc alienos DEO conjunxit, hæc pacis firmamentum est, hæc donorum omnium abundans largitio.* Magna est naturæ lapsæ ad perseverandum debilitas. Huic ut Romedius succurreret, ad crucem recurrit, quia juxta Divum Petrum Damianum: *Crux lassos recreat, infirmos robo-*

*roborat, & titubantia mentis arcana confortat.* O! quantum ex Divina cruce hausit solatium Romedius, de qua Cassianus non in cassum loquitur inquiens: *Cruce est humilium In Esal. 4.* *tuitio, invicta superbiorum dejectio, Victoria Christi, perditio diaboli, infernorum destructio, celestium confirmatio, mors infidelium, vita justorum.* Non erat amplius Romedius homo terrenus, sed cælestis. Nihil aliud amabat, nisi cælestia, in terris quidem existerat corpore, in cælis autem degebat suâ conversatione. Proinde ut etiam in terris cælestia obtineret, sanctæ cruci adhæsit, de qua Petrus Damianus ita loquitur: *Cruce nos terrenis expoliat, ut celestibus ditet. Serm. 47.* Imò quod majus est, in ipsa terra cælum invenit, nam attestante sancto Chrysostomo: *Cruce terram in cælum restituit. Hom. 55.* Hanc sacratissimam crucem non tantum pectori, sed etiam cordi suo tam altè impressit, ut factus fuerit vivus Crucifixus, verè enim cum Doctore Gentium ad Galat: 2. dicere potuit: *Christo crucifixus sum Cruci.* Hæc crux tam profundas in corde Romedij radices egit, ut in mente illius meras passionis rosas progerminaverit, etenim tantò martyrij pro Christo subeundi tenebatur desiderio, ut illi summum fuerit martyrium, sibi occasionem martyrij deesse. Et hoc ipsum maximò illum tormentò afflixit, quòd pro CHRISTO tormenta subire non valuerit, ideoque maximus martyr effectus est, quia nec minimus Martyr esse potuit.

**Romedius Martyr fieri pro Nomine CHRISTI**

Desiderat, Martyr, nec tamen esse valet.

Illi est martyrium, quòd non sit corpore Martyr,

Martyrium hoc ingens est sinè martyrio.

Quòd si tamen revera Martyrem Romedium fuisse dixero, nequaquam à mente Sanctorum Patrum aberrabo. Quilibet Christianus martyr esse potest, nec unquam illi deest occasio martyrij. Ad illud nos exhortatur Magnus Augustinus dicens: *Contra mortifera blandimen-*

*ta luctemur, scientes in eo etiam quotidiana martyria non deesse. Sed hoc inter mirabilia numerandum est, tot occasiones martyriorum se offerre, & tam paucos Martyres effici. Mira sunt hæc martyria, de quibus Mellifluus Doctor ita effatur. Quod mirabilius? aut quod martyrium gravius? quàm inter epulas esurire, inter vestes multas & pretiosas algere, paupertate premi inter divitias, quas offert mundus, quas ostentat malignus, quas desiderat noster ille appetitus? O! quàm multi innumeris votis desiderant palmam martyrij, nec tamen dum offertur, ad illam capeffendam manus extendunt. Etiam sinè sangvine ad martyrij coronam pervenitur. Gravissimò hanc veritatem approbat testimoniò Hippo-*  
*nensis Præsul inquit: Non martyrium sola effusio sanguinis, nec sola dat palmam exustio illa flammarum, pervenitur non solum occa-*  
*su, sed etiam contemptu carnis ad coronam. Absque injuria Sancto-*  
*rum in persecutionibus Defunctorum dicere liceat: carnem afflixisse,*  
*libidinè superâsse, de mundo triumphâsse, pars magna martyrij est.*  
*Latissimè profectò se extendit martyrium sangvine ca-*  
*rens. Nec intra angustos limites illius amplitudo con-*  
*tinetur. Hanc tamen martyriorum sinè sangvine diver-*  
*sitatem Lactiflua D. Bernardi eloquentia ad Ternarium*  
*his verbis reducere conatur. Martyrium sinè sangvine tri-*  
*plex est. Parcitas in ubertate, quam habuit David & Job.*  
*Largitas in paupertate, quam exercuit Tobias & Vidua. Casti-*  
*tas in juventute, quâ usus est Joseph in Ægypto. Ex his vir-*  
*tutum titulis quis Martyrem fuisse neget Romedium? si*  
*adhuc plura requirantur testimonia. Martyrem fuisse*  
*Romedium probat austerissima illius vita, quâ corpus*  
*suum mortificando in servitutem redegit: quia teste eo-*  
*dem mellifluo Doctore: Est martyrij genus, & quadam ef-*  
*fusio sanguinis in quotidiana corporis afflictione. Titulū mar-*  
*tyris Romedium promeruisse declarat invicta illius pa-*  
*tientia, nam ut graviter loquitur Divus Laurentius Justi-*  
*nianus: Patientia hominem martyrem facit; sinè ferro & flam-*  
*ma martyres esse possumus, si patientiam veraciter in mente ser-*  
*ve-*

Serm. 2. in  
Fest. Omni-  
um SS.


Serm. 40.  
de SS.

In Senten-  
tijs.

Cap. 3. de  
patien.

*venius.* Martyris titulô honorandum esse Romedius demonstrat ardentissima illius in DEUM pietas, quâ in ara Divini amoris cor suum concremabat. Approbat hunc sensum aureæ fons eloquentiæ Chrysostomus dicens: *Exercitatio pietatis est quoddam sinè sanguine martyrium.* in Is. 95. Divina Romedij vita illum Martyribus adscribit, beati enim Theodori sententia est, *Martyres esse non solum, qui sanguinem profundunt, sed etiam, qui vitam obeunt divinam.* Fuit Romedius homo Evangelicus, adeoque verus Martyr, nam juxta S. Maximum: *Omnis Christiani vita, qui secundum Evangelium vixerit, crux est atque martyrium.* Denique martyrij coronam assecutum fuisse Romedius convincit illius immaculatum DEI servitium, quô incessanter Divinæ inserviando Majestati tenerum exhausit corpusculum. Hâc enim Martyrum prærogativâ donatur à Divo Hieronymo ita scribente: *Non solum effusio sanguinis in martyrio reputatur, sed & devota quoque mentis servitus immaculata, quotidianum martyrium est. Illa corona de rosis & violis textitur, ista de lilijs.* Liceat hoc mihi ligata oratione exprimere canendo.

Martyrium fusus pro CHRISTI nomine sanguis,  
Atque carens vitijs cælica vita facit.  
Effusus sanguis roseo donatur honore,  
Sed puras mentes lilia casta beant.





# DOMUS PRÆCLARA

Ezech. 26.

## *Gloria Crucis in Domo Thuniana.*



Larissimum sacrae crucis jubar, etiam Familiã de Thun reddidit illustrissimam. Crux illa, quam Christus in frontibus Regum fixit, & quã signati Reges gloriantur, etiam Domui Thunianæ ingentem adjecit gloriam, cujus præfixa frontispicio, in eodem mirò modò refulget. Hoc triũphali signo stemma suum illustre reddiderunt gloriosi Thuniadæ, Equites effecti sanctæ crucis. Gavissus est hoc sacro crucis honore ante aÑos nonaginta quatuor **CHRISTOPHORUS** de Thun, quem sacra Equitum Melitenium crux condecoravit, & illam vicissim gloriosus hic Eques raris suis virtutibus & Cæsareæ Aulæ honoribus ac dignitatibus olim exornavit. Vivit faventibus superis etiam hodie Incõparabilis Meliteniũ Equitũ Prior **FRANCISCUS SIGISMUNDUS** Comes de Thũ nõ tantũ Prior officiò & dignitate, sed etiam inter Heroës Melitenses sortitus Prioratum sua generositate. Si enim juxta dialogos Luciani: *Heros est quiddam partim ex homine, partim ex DEO compositum*: idem Illustrissimus Comes verè heros est, quia ali-

In Dial.  
Mortuo-  
rum.

quid

quid habet hominis, aliquid DEI. Ab homine accepit generosissimum sanguinem, cui natura characterem heroum impressit. Habet aliquid divini, quia tam infractô pollet animô, ut Mars illum educâsse, Bellona verò uberibus suis lactâsse videatur. Et nè fabulosè tantum, sed etiam verè aliquid divini habere ostendatur: respiciendum est ad sacram, quam gestat Equitum Melitenium crucem, quæ character est magni illius herois, qui simul *perfectus DEUS est & homo*. Pro tuendo illius honore Illustrissim<sup>9</sup> D. Comes FRANCISCUS de Thun sacrâ Equitum Melitenium crucem assumpsit, ut contra hostes crucis in cruce triumpharet, & inimicos crucis ad malam crucem profligaret. In hunc laudabilem finem proprijs sumptibus & magnis expensis triremem bellicam instruxit, eidemque salutiferæ crucis signum pro coronide imposuit, illa cælesti animatus tessera: *in hoc signo vinces*. Hac triremi hostes Christiani nominis aggressus, & fugientes persecutus est. Verificatûmq; fuit de Illustrissimo Domino FRANCISCO de Thun gloriosum illud Judæ Machabæi elogium: *Similis factus est leoni in operibus suis, & sicuti catulus leonis rugiens in venatione, & persecutus est inimicos persequutus eos*. His egregijs expeditionibus prælusit in hoc programme *Franciscus è Comitibus de Thun* tale latens anagramma: *ibis! hîc Turcas metu confundes*. Tam insignibus meritis permotus Ordo Equitum Meliteniû FRANCISCO plures *comendas* contulit, quem militaris virtus omnib<sup>9</sup> *recomendavit*. Nemo Heroëm meliùs noscit, nisi qui similiter heros est. Unde Generosus Equitum Melitenium Ordo, qui seminarium Heroum jure potest appellari, heroicû FRANCISCI animû, & militarem experientiam magni faciens, eundem suæ Crucigerorum classi An<sup>o</sup> 1694. Generalem præfecit. Ad tam arduam contra Turcas expeditionem proficiscenti, & Excellentissimo Dom. ROMEDIO Fratri suo intimè dilectô valedicenti,

*Symb.  
athanas.*

*Malach.  
3.*



Illustrissimus Dominus junior ROMEDIUS de Thun bene ominatus est his versibus acclamando:

Malta vocat, Crux sacra vocat, Te gloria CHRISTI,  
Te mare, Te venti, Te pia bella vocant.  
Vade bonis avibus, felicibus utere fatis,  
Terra Tibi facilem sternat & unda viam.  
Ad nomen de Thun, Tunis Tripolisque tremiscat,  
Palleat ad gladium Turcica Luna Tuum.  
Opto Tibi ut semper donet Victoria palmam,  
Pro magnis meritis Malta det alta Tibi.

Hæc credebatur Illustrissimus Junior Apollineo afflatus enthusiasmo vaticinari. Nec Vatem fefellit eventus. Postquam enim Excellentissimus Dominus FRANCISCUS classis Melitenfis Generalis ex portu feliciter solvisset, & favente Æolo cursu secundo mare mediterraneum sulcasset, ac triremes suas Heroibus plenas classi Venetæ conjunxisset, egregio sanè spectaculo apud insulam Scio visus est Leo sancti Marci in canes turcicos irruere, & Thuniana Aquila ungvibus suis in hostium oculos involare. Nec sustinuit illorum impetum classis Ottomanica, sed plenis velis salutem suam in fuga quæsit. Fugientem nihilominus Generosus Heros FRANCISCUS affectus est, solusque cum triremibus suis hostem per complures horas detinendo, plenâ potitus fuisset victoriâ, si juxta desiderium suum & votum nonnullæ grandiores Venetarum naves tam acriter pugnanti in subsidium venissent. Triumphârunt nihilominus de feroci hoste Melitenses cruces, quarum conspectum non potuit sustinere. Laus illarum Ducis est gloria, cujus nomen & Titulus inimico est fatalis. Hujus rei veritatem declarat hoc programma: *FRANCISCUS è Comitibus de Thun persequens Turcis invisum anagramma: His crucibus amantes confudit.* Triumphagloriosissime Heros, qui nihil amplius desideras, nisi ut juxta alterum Nominis & stemmatis Tui anagramma: *Nunc re hostis fidei succumbat.* Post

Post tam præclaram expeditionem Maltam gloriôsè redux non potuit diu quiescere Heroicus FRANCISCI animus ad magna natus. Siquidem contra infensissimos Christiani Nominis hostes religiosam iram spirâs eosdem mare mediterraneum infestantes, tanquam summè noxias bestias generosè venabatur. Nec frustranea fuit hæc excursio, & votis fortuna respondit, dum pessimô suô fatô navis Algerina tormentis instructa, & pyratis armata in oculos & manus FRANCISCI incidit, ex quibus se nulla vi & arte potuit extricare. Tam formidabilem machinam, unica sua triremi, reliquis hinc indè dispersis, Heros FRANCISCIUS aggressus est, & per multas horas solus pugnando hostem ad extremas redegit angustias. Videbatur barbaris hæc unica triremis vires vehere totius classis, & tam parvus militum manipulus habere robur totius exercitûs, nec non unica solius FRANCISCI persona integræ phalangis fortitudinem continere. Advolârunt tandem triremes reliquæ candidis crucibus barbaris terribiles, quarum adventu confortatus FRANCISCI gladius, hostem desperatè pugnantem vicit, navemque fortiter expugnatâ in suam redegit potestatem. Quantus fuerit hostium subjeçtorum metus & trepidatio, quanta Christianorum sclavorum à Machometica barbarie liberatorum lætitia, quàm magna victoriosorum militum exultatio: facilius est cogitatione assequi, quàm calamô explanare. Gloriosum sanè fuit FRANCISCO hoc navale prælium, in quo marinus quidam DEUS credi potuisset nisi levi vulnere sauciatus, fuso sanguine se hominem esse ostendisset. Post tam insignem victoriam Maltam gloriôsè reduci Magnus Melitenis Ordinis Magister honorificè obviam processit, & summis laudibus heroicum FRANCISCI peçtus affecit. Nec defuit populi acclamantis plausus, & vota ad invidiam usque undique resonantia: quæ magnum illi Magisterium augurabantur; & quidem facta fuisset *Vox populi, Vox DEI, Herôsque FRAN-*

CISCUS supremam grandis Magisterij dignitatem consecutus fuisset : nisi oppositarum sibi invicem nationum æmulatio tam felicem eventum impedivisset. Interea in optimam spem fortissimum Heroëm erigit illa Senecæ Tragoëdi sententia: *Fortes fortuna juvat, ignavos premit.* Liceat ergo & mihi huic Heroum Melitenfium Achilli bene ominari, & complures gloriosas vaticinari victorias, quas ex hoc programma FRANCISCUS à Comitibus de Thun deducta bina promittunt anagrammata, videlicet: *Hostem crucis bis in fune ducat,* & alterum simili sensu correspondens: *Hic domi Turcas funibus neçtes.*

Ex tam Heroicis actibus & felicibus prognosticis, in personam Illustrissimi ac Excellentissimi Domini Comitum FRANCISCI de Thun concurrentibus, illo Duce gloriosus Equitum Melitenfium Ordo prosperos sibi successus pollicebatur, unde contra consuetum sibi morem ac stylum, iteratò eundem suæ crucigeræ classi præfecit, & repetita vice sacrae suæ navalis militiæ Generalem constituit, & Archi-thalassum. Tam honorifico munere denudò condecoratus Comes FRANCISCUS contra infestissimum Christianitatis archi-hostem sacram Melitenfium classem eduxit, & militiæ Venetæ contra eundem pugnantia arma sua victricia conjunxit. Expanderat hostis Ottomanicus inter insulas Samos, & Scio totam navalem suam potentiam, illâ Christianæ militiæ classem numero navium ac militum longè minorem unò quasi impetu oppressurus. Favebat velis turcicis propitius Æolus, & favorabilibus ventis hostilia implebat carbasa: Marti autem Christiano videbatur æther & pelagus contrariari. Nihilominus postquam ad cruentam naumachiam ventum est, ferocissimum hostem barbarè irruentem, & qui jam spe suâ Christianam classem devoraverat, tam generoso pectore leo sancti Marci Heroicis Melitenfium crucibus adjutus excepit, ut post duos acerrimos conflictus, re infecta cum confusione discedere sit coactus.

actus. Tunc apparuit verum esse, quod ait Calsiodorus: *Cruce est mors infidelium; cruce est spes Christianorum.* Vivat! in Psal. 4.  
 vivat! gloriosus classis Melitenfis Archi-thalassius, per quem Christus jam binis vicibus barbaro fastu tumentem hostem confudit. Adeoque desumptum ex illius nomine *FRANCISCUS* à Comitibus de Thun verificatum fuit contra Turcam hoc anagramma: *Christe! bis cum actu confundis.* Denique ut multa paucis complectar, per totum Generalatûs sui decursum, tam insignia militaris fortitudinis edidit specimina; ut illi non immeritò applicari possit illud Herois Davidis elogium: *In omnibus vijs suis David prudenter agebat, & Dominus erat cum eo, & celebre factum est nomen ejus nimis.* 1. Reg. 18.  
 Vivat! vivat generosissimus Heros! cujus perennis fama mare implevit mediterraneum, transferatur ex aquis ad medium terræ illius gloria, ut quem modò naves in undis suspiciunt Commendantem, paulò post magnæ Urbes & Provinciæ in terris venerentur Gubernatorem.

Non tantùm inter Equites Melitenses **CHRISTOPHORUS & FRANCISCUS** Comites de Thun, sed etiam inter Equites Ordinis Tevtonici **RUDOLPHUS & JOANNES JACOBUS** magnum Familiæ Thunianæ splendorem addiderunt. Et quidem horum postremus adhuc in juvenilibus annis Provincialis Commendator effectus est, ac deinde propter egregia sua merita, profundam prudentiam, & fortitudinem pietati conjunctam inter reliquos Candidatos ad magnum Ordinis Tevtonici magisterium quàm proximè accessit, idque faciliè occupâisset, nisi illud Divina dispositio altiori Familiæ & Domui reservâisset. Nec modicum per reliquos illius Illustrissimos Fratres gloriæ Thunianæ tam in militaribus, quàm politicis augmentum accessisset, si illis benignior fortuna (quæ etiam magnis viris frequenter iniquior est) in tempore arrisisset, unde canit Poëta:

Ovid. lib.  
ult. Trist.  
Eleg. 15.

*Rara quidem est virtus quam non fortuna gubernat.*  
Vivite diu Heroës fortissimi & sacræ crucis gloriam ultra columnas Herculeas propagate, certas Vobis promittit victorias ille, qui *mundum vicit non ferrô sed lignô*: & lignô quidem crucis. Sit semper militaris Vestra tessera  
*In hoc Signo vinces.*

Christus *in hoc signo* mundum cum dæmone vicit,  
Et Constantinus Victor in orbe fuit.

Hac cruce signati Comites ex stemmate de Thun,  
Non nisi victores hâc cruce semper erunt.



## DIGRESSIO VII.

*Quæ sit Crux maxima, &  
quæ minima?*



Uemadmodum de gustibus, ita & de crucibus non est disputandum; Quisque suos patitur manes, quilibet optimè perspectum habet, ubi locorum calceus maximè pedem premat. Et hinc ignarus crucis, quam alter portat, & suæ conscius, de gravitate propriæ crucis lamentatur. Quisque crucis suæ magnitudinem propria opinione metitur. Unde non ineptè dixisse videtur Epictetus: *Homines perturbantur non rebus, sed ijs, quas de rebus habent opinionibus. Opinio est, quæ nos cruciat, & tanti malum est, quanti illud taxamus.*

In Ench.  
c. 10.

In

*In nostra potestate remedium habemus.* Concordat Seneca dum ait: *Omnia ex opinione suspensa sunt, tam miser est quisque, quam credit.* Sæpe crux in fundo nostræ nascitur phantasiæ; hinc vulgi proverbium ortum fuit. *Imaginatio facit casum.* Verisimam pronuntiavit sententiam dulci eloquentiæ liquore plenus Ambrosius: *Homo ipse suæ author est ærumna.* Dum enim unusquisque in suo sensu abundat, quilibet pro capacitate sui sensûs sibi magnam crucem in cerebro suo fabricat. Unde rectè effatus est Salvianus: de Guber: lib. 1. *Nemo aliorum sensu miser est sed suo.* Magna hæc est imaginaria crux, sed nondum maxima: huic enim malo remedium adhibet magnus morum Magister Seneca ita dejectas hominum mentes adhortando: *consurgamus igitur adversus fortuita, & quidquid inciderit sciamus non esse tam magnum, quam rumore jactetur.* Si tamen non nemo citra suæ opinionis errorem extra turbatæ phantasiæ ludificationem, & proprii sensûs vitium, se realis & non imaginariæ crucis molestiâ affligi protestetur: ille recogitandum sibi assumat gravissimam Dionis sententiam his verbis pronuntiata. *Nulla nobis optio vivendi nostrô arbitriô proposita est: sed necesse omnino habemus, omnia tolerare, quæ de nobis fortuna statuerit.*

*Epist. 88.*

*Pacienc. de Pati.*

*In cap. 8. Luca.*

*Epist. 92.*

*Lib. 38.*

Cùm homines simus, nihil humani à nobis alienum putemus. Unicuique nostrum convenit lamentabilis illa viri patientiæ Job Threnodia: *Homo natus de muliere bre. vi vivens tempore multis repletur miserijs.* Mortales sumus, & quomodo morti nos subducere possumus? Congeries miserationum sumus; & quomodo miseri non esse valemus? Disertissimè hanc veritatem exponit aurea Chrysostomi eloquentia his verbis: *Sicut immortalis homo non potest inveniri, ita nec absque tristitia.* Denique crucibus plena sunt omnia. Nec ipse magnus mundus sua cruce caret, nam discriminatur universus orbis quatuor punctis cardinalibus, in oriente, occidente, septentrione, & meridie, à quibus ductæ lineæ crucem figurant: imò teste S. Maxi-

*Homil. 67. ad Popul.*



mo Hom. 2. de cruce, *Calum ipsum hujus signi figurâ dispositum est.* Magnum mundum imitatur Microcosmus, seu parvus mundus homo, qui extensis brachijs crucem repræsentat; & quomodo poterit crucem fugere homo, qui totus crux est? Impossibile igitur est hominem esse absque cruce, nisi sit finè se ipso. *Faciamus igitur* ( exclamat S. Chrysostomus ) *de necessitate virtutem seu voluntatem.* Si noveris, quod semel peractum est nec deteri amplius nec solvi posse, licebit ex ea insanabili calamitate utilitatis aliquid comparare. Audi Senecam ità tibi svadentem, libenter feras, quod necesse est, dolor patientiâ vincitur: Feras non culpes, quod mutari non potest. Porro magna inter hujus mundi cruces diversitas reperitur. Una excedit alteram, nec eandem omnes servant mensuram. Juxta gravitatem mali magnitudo crucis pensatur, & animus, qui maximo malo subjacet, maximæ cruci affixus censetur. Si meum de crucibus sensum aperire liceat, illam existimo crucem esse maximam, quæ nullum solatium admittit. Magna crux est corporalis infirmitas, quia teste Ecclesiastico, *melior est mors, quàm vita amara.* Non tamen est maxima, quia solatium admittit Salviani de infirmitate ità scribentis. *Imbecillitas carnis mentis vigorem exacuit, & affectis artubus vires corporum in virtutes transferuntur, ut mihi genus quoddam sanitatis esse videatur hominem interdum non esse sanum.* Magna crux est paupertas quia ab omnibus contempta, nam ut ait Palladius; *Si Jupiter esset in terra pauper, & ipse pateretur contumeliam.* Sed non est crux maxima, se enim consolari potest illò Senecæ oraculò: *Honestas res est lata paupertas, illa verò non est paupertas, si lata est; cui enim cum paupertate bene convenit, dives est.* Magna crux est homini innocenti infamia: quia juxta Quintilianum: *in infamia plus pœnæ dicimus quàm in morte.* Non est tamen crux maxima, solatium enim suggerit Moralis Philosophus ità consulens: *Contemne famam, fama vix vero favet.* Nam teste Ovidio . . . Veris addere falsa

Gau.

*Gaudet, & è minimo sua per mendacia crescit.*

Magna crux est parentibus, mors liberorum: dum mortuum vident (ait Synesius) quem morte prævenire cupiebant. Sed non est crux maxima. Adhuc tanto vulneri solatii emplastrum imponit Doctissimus Petrarcha, dum ob mortem filij ejulantem ita alloquitur: *Amisisti filium? amissi- Dialog. 48*  
*sti simul & metus multos, infinitamque materiam sollicitudinum*  
*& curarum, quibus ut careres, vel tibi, vel filio moriendum fuit.*  
*Securum patrem sola mors facit.* Magna est in conjugio crux  
mulier mala: quia teste sapientissimo Ecclesi. *commorari cap. 25.*  
*leoni & draconi placebit, quam habitare cum muliere nequam.*  
Unde rectè ait Celada: *non est acerbior crux, quam non bona In Judith.*  
*uxor, cui maritus cogitur adherere, vel potius crucifigi.* c. 4.  
Hæc crux est Hispanica, & duplicata quatuor brachijs instructa;  
Est crux trabalis altitudine sua excedens cruces ante Ecclesias PP. Franciscanorum erigi solitas. Est crux  
solemnissima, quam qui portat, perpetuam celebrat *Dominicam passionis.*  
Non est tamen crux maxima, adhuc virum solatur una bona dies, quæ est matrimonij ultima.  
Duos enim lætos in matrimonio dies esse Philosophorum ingeniosissimus affirmat Hipponactes, unum, quò sponsa *Hippona- ctes.*  
ad thalamum deducitur, & alterum quò mortua uxor domo effertur.  
Denique grandem se portare crucem existimat, quisquis se judicat infelicem & infortunatum. Contra novercantem fortunam debacchatur, quæ *mortales Polyb. l. 15.*  
*non secus, ac pueros infantes ludibrio habet.* c. 6.  
Nec tamen hæc crux est maxima, adhuc illis solatium superest, adhuc se-  
se infelices consolantur illis Virgilij versiculis:

O passi graviores, DEUS dabit his quoque finem, *Æneid. 1.*  
Durate! & vosmet rebus servate secundis.

Sed quid si etiam ipsam magnam fortunam magnis crucibus annumeravero? profectò nequaquam à scopo veritatis aberrabo: quid enim miserius servò? *Magna servitus est magna fortuna,* inquit Ethicæ doctrinæ oraculum

Seneca. Quisquis felicitatem quærit, magnam crucem  
 petit, dicente Boëtio: *infelicissimum genus infortunij est, fu-*  
*isse felicem.* Imaginaria est hæc mundi felicitas. Quis-  
 quis se fortunæ pullum credit, se potius infelicissimum  
 reputet, proclamante Democrito: *nihil infelicius eô, cui*  
*nihil unquam advenit adversi.* Vehementer sanè illorum  
 misereor, qui unquam se miseros fuisse ignorant; pars fe-  
 licitatis ipsa infelicitas est. Unde hilari mente olim Zenô  
 exclamavit: *Tunc secundis ventis navigavi, quando naufra-*  
*gium feci.* In similia verba pariter prorupit exul Themis-  
 tocles. *Perijsemus o! pueri nisi perijsemus!* Magna mise-  
 ria est omni caruisse miserâ, quam sententiam magnus  
 inter magnos viros approbat Seneca taliter scribens, *mi-*  
*serum te reputo, quia nunquam fuisti miser.* Si hæc moralia  
 profanorum authorum documenta politicum ad af-  
 fensum non moveant animum: saltèm mentem Christia-  
 nam trahat sacra Divi Hieronymi authoritas ità pronun-  
 tiantis: *DEI filius sustinuit ignominiam crucis, & tu beatos pu-*  
*tas, qui felicitate istius sæculi, & delicijs perfruuntur?* Repeto  
 quod dixi: miserrimus est, qui nunquam fuit miser. Infe-  
 licissimus est, qui semper fuit felix. Et magnæ cruci  
 subiacet, qui molestam crucem nunquam tulit. Majori  
 tamen cruce premuntur illi, qui justô titulô *martyres sæculi,*  
 seu alio nomine *martyres diaboli* appellantur. De his Pe-  
 trus Blessensis ità scribit: *Sunt martyres sæculi mundi professô-*  
*res, discipuli curiæ, milites Herculini: per multas siquidem tri-*  
*bulationes intrant Justi in regnum calorum: Hi autem per mul-*  
*tas tribulationes promerentur infernum.* Verissimè cecinit  
 quidam elegans Poëta:

Regum sollicita quicunque senescit in aula,  
 Aut fuit, aut semper postulat esse miser.

Aulica vita spinosa est via. De hac conqveruntur au-  
 lici, sapientiæ 7. *Lassati sumus in via iniquitatis & ambula-*  
*vimus vias difficiles.* De illis loquitur Psalter Regius: *Con-*  
*tritio*

*tritio & infelicitas in vijs eorum.* In hac via, cùm quidam Psal. 13. aulicus per complures annos lassatus fuisset, interrogatus, quomodo ad tam raram in Aula senectutem pervenisset, respondit: *injurias accipiendo, & gr̃atias agendo.* Magna profectò hæc crux est, sed non adoranda, quia mala, mali latronis crux est, de qua Lucas Dudenſis ita scribit: *Crux* Lib. 2, c. 19 *non adoranda, sed conculcanda est illius latronis, qui quoad vixit nequam fuit.* Denique omnes, qui *servi sunt peccati*, martyres diaboli efficiuntur. Nunquid non martyr diaboli est superbus, quem semper pungit punctum honoris, & sic inter meras vivit puncturas? proinde non inmeritò exclamat Divus Bernardus: *O! ambitio ambientium crux,* Lib. 3. de Confid. ad Eugen. *quomodo omnes torquens omnibus places?* Mala hæc crux est mali latronis. Nunquid non martyr diaboli est iracundus, qui se ipsum conficit?

- - - quódque habet proprium furor  
in se ipsum sævit.

*Seneca in Herc. furente*

Ipsa sibi est hostis vefania, séque furendo  
Interimit, moriturque suis ira ignea telis.

*In Psychomachia*

Ita canit Prudentius. O! quàm mala hæc est crux mali latronis! Nunquid non martyr diaboli est invidus, qui juxta Prosperum Aquitanicum *tantos habet pænâ justâ tortores, quantos invidiosus habuerit laudatores.* Verè invidia sibi ipsi tormentum est, quia ut modulatur Horatiana Musa:

Invidiâ siculi non invenère tyranni  
Tormentum majus.

Mala hæc crux est malilatronis. Nunquid non martyr diaboli est omnis luxuriosus, qui rosas Veneris colligere desiderans, undique à spinis compungitur: unde meritò cecinit profanus amorum Magister

*Ovid. 2. de arte amandi.*

Littore quot conchæ, tot sunt in amore dolores,  
Quæ patimur multo spicula felle madent.

Mala hæc crux est mali latronis. Nunquid non martyr diaboli est gulosus, qui incessanter sese ingurgitando maximum sibi causat martyrium. Ex ebrietate enim, teste Seneca, provenit *pallor, & nervorum vinô madentium tremor, & miserabilior ex cruditate, quàm ex fame macies. Indè incerti labantium pedes, & semper qualis in ebrietate titubatio. Indè suffusio lurida bilis, & decolor vultus, tabesque in se putrescentium, & retorti digiti articulis obrigescentibus, nervorum sinè sensu jacentium torpor, aut palpitatio sinè intermissione vibrantium. Quid capitis vertigines dicam? quid oculorum, auriumque tormenta? &c.* Mala hæc crux est mali latronis. Nunquid non martyr diaboli est avarus Euclio, cujus animus, juxta testimonium Quercetani, *avaritia usque aded torquet, ut mille mortes in horas ex ingenti illo curarum ardore subeat, & sic inter pereundum vivat: tantusque est ille cruciatus, ut Phalaridis Tyranni incensum & ignitum taurum non æquet modò, sed etiam immanitate superet.* Mala hæc crux est mali latronis. Nunquid non martyr diaboli est homo acediosus, qui præ desidia totus putris in tumultu pigritiæ vivus sepelitur, & tandem ad desperationis barathrū devolvitur, quia ut aurei oris Doctor loquitur: *radix desperationis est ignavia, & non solùm radix, sed nutritrix ejus & mater.* Mala hæc crux est mali latronis. Omnes hi miserrimi peccatores crudeles sunt latrones, & cum malo latrone in malam crucem aguntur. Rogabit fortassis non nemo: quomodo sunt latrones? Respondet Doctissimus Drogo Hostiensis ita disserens: *faciunt homines se ipsos speluncam latronum, jugulant homines, & trahunt in speluncam suam, quod enim majus homicidium, quàm ut se ipsum interficiat homo? Vel quod gravius homicidium, corpus occidere an spiritum? o! quoties homo spiritum suum interficit! quot homicidia in se ipso perficit! quoties voluntariè peccatum perpetrat, quid aliud, quàm se ipsum jugulat?* Hæc est maxima illa crux mali latronis, dum per crucem temporalem martyres diaboli deveniunt ad crucem æternalem.

Chrysost. de lapsu.

Serm. 1. de Dom. Passion.

Ha-

Haëtenus de maxima & infelicissima cruce egimus, nunc levissimam & beatissimam crucem investigemus. Et certè nullam leviozem inveniemus, nisi crucem nostram cruci Christi conjunctam. Hujus sanctæ crucis est *onus leve*, proinde cruci nostræ solatij plenam addet levitatem. Hanc sanctam crucem sæpius in mentem revocemus, ut nullius crucis sentiamus gravitatem. Hoc consilium nobis suggerit S. Isidorus ita scribens: *si passio Redemptoris ad memoriam reducitur, nihil tam durum est, quod non equò animò toleretur.* In persona CHRISTI nos alloquitur mellifluus Doctor proclamans! *O homo vide quæ pro te patior! non est dolor, sicut quò crucior, ad te clamo, qui pro te morior.* Ut omnis crux tibi grata sit, recogita Christum, & hunc crucifixum; nam teste lactifluo Bernardo: *grata ignominia crucis est ei, qui Crucifixo ingratus non est.* Hæc sancta crux nobis salutaris est: affixa est salus nostra cruci, salutem igitur sinè cruce non speremus, sed sequamur monitum ejusdem Clarævallisensis Abbatis ita nos exhortantis: *Neminem audiamus descensum de cruce suadentem; persistamus in cruce; moriamur in cruce.*

*desumus bono.*

*in Sermonibus.*

*Serm. 1. in Epistola S. Andrea.*

*Serm. 1. in Cena Domini.*


Mortales nolite crucem fugiendo cavere,

Sed semper vestræ sit comes illa viæ.


Absque cruce in vivis omni qui tempore degunt,

Absque cruce è vivis & sinè luce migrant.\*

*Vulgare proverbium sinè Luce sinè cruce.*







# S. ROMEDIUS

Pelicanus solitudinis Psal. 101.

*Gloria Libani data est ei Isai. 35.*



*Cant. 4.*

*Cant. 8.*

Loria Libani, est gloria deserti, non defertur à gloria, qui desertus ab omnibus, & deferens omnia, in deserto vivit. Ex deserto ascenditur ad coronam gloriæ, ex Libano vocatur sponsa ad coronam: *Veni de Libano sponsa mea, veni de Libano, veni: coronaberis.* Ex deserto evehitur sponsa ad gloriosas nuptias non finè magna admiratione cælestium spirituum quærentium, *quæ est ista quæ ascendit de deserto delicijs affluens innixa super dilectum suum?* Desertum locus est sponsi & sponsæ, locus intimæ sinceritatis. Nullibi enim major contrahitur cum Deo familiaritas, quàm in solitudine. Hanc sanctam DEUS singularissimus, etiam in Religiosis amat singularitatem. In solitudine DEUS depositâ Majestâte exiit personam publicam, & fit penè privata. Solitudo est DEI collocutorium, in quo cum sanctis suis quasi in incognito tam familiariter agit, *ac si foret illorum spiritus familiaris.* Unde exclamat Divus Hieronymus: *O! solitudo familiaris DEO gaudens; O! beata solitudo! O! sola beatitudo.* Tam sanctam cum DEO contracturus familiaritatem Romedius, in valle Anagnini vastam cum socijs suis Abrahamo, & David ingressus solitudinem, resolutâ mente



Joan: Steger del:

N. Rueda, cuñ



mente superavit eremi horrorem. Videbatur audire ita sibi inclamantem propriam conscientiam. O! Romedi! *quamdiu Te tectorum umbra premunt; quamdiu fumosarum Urbium carcer includit? Crede mihi nescio quid in eremo plus lucis aspicio. Libet sarcinâ corporis abjectâ ad purum ætheris evolare.* Ingentes credendus est sibi addidisse animos æquivalentibus S. Hieronymi verbis: *An supra nudam metuis humum exesa jejunijs membra collidere? sed Dominus tecum jacet; squallidi capitis horret inculta casaries? sed caput tuum CHRISTUS est. Eremita vastitas terret? sed tu paradisum mente deambulas.* Quæsit Romedius in deserto spiritum sapientiæ, quia in urbibus communiter regnat insipiens *spiritus mundi*; & rectè quidem. Nam ut Plutarchus ait: *solitudo Gymnasium est sapientiæ.* De quo nè ullum restet dubium, ita proclamat Mellissius Doctor. *Experito crede, aliquid amplius invenies in silvis quàm in libris: ligna & lapides docebunt te, quod à Magistris audire non potes. Verè pulchrum est cum arboribus loqui, hi trunci subinde sunt eloquentes Mercurij.* In hac eremo factus est Romedius excellens Metaphysicus, à sublunaribus omnibus abstractus, & in contemplatione Entis entium totâ mente defixus. In abstrusa specu Deum speculando, factus est *speculator illius magnitudinis*, solitaria namque vita teste sancto Basilio: *Celestis doctrinæ Schola est, illic namque DEUS est totum quod discitur.* Procul subduxit se Romedius à turbis, quia *difficile est in turba CHRISTUM videre.* Procul secessit ab omni strepitu fori quia juxta sanctum Ambrosium: *diabolus sonum querit, & CHRISTUS silentium.* Factus est Romedius, à temporalibus remotior, ut æternis fieret propinquior, nam *qui internam quietem diligunt* ait Richardus à S. Victore, *quantò se à temporalibus ampliùs elongant, tantò magis æternis appropinquant.* In hoc deserto habitavit Romedius extra mundum, quamvis omnis homo sit civis mundi. Hic auspicatus est æternitatem intra tempus, hic posuit rudimenta vitæ futuræ.

S Hieronymus.

Idem Epistol. 10.

1. Cor. 2.

Epistol. 106.

2. Petr. 1.

de Laudi: vita solitaria.

August. Tract.

1<sup>a</sup>. in

Joann.

in Esai. 43.

cremo præmisit merita ad Cælum olim præmianda, & æternam posseſſurus felicitatem, illam hîc meditando deguſtavit. Abjecit Romedius mundi negotia, ut otio ſanctô fruereſetur, nunquam magis negotioſus niſi dum otioſus, nunquam minùs vacans, quàm cùm DEO & animæ ſuæ vacabat. Fuit omnium curarum quæ Cælum non curant vacuus, omnium rerum quæ mundi ſunt minimè curioſus, nontamen incurius curiæ cæleſtis. Tale otium non eſt otium, quia ut ſanctus Bernardus docet: *otioſum non eſt vacare DEO, imò negotium negotiorum omnium maximum.* Verificatum fuit illud in ſancto Romedio, quod ait Seneca: *ſolitudinem quarit, qui vult cum innocentibus vivere:* ratio in promptu eſt, quia voluptates deſertum deſerunt, malunt enim à petulante digito titillari, quàm ab aſperis deſerti ſpinis duriter compungi. Vepres fugit Venus à ſpinis ſemel vulnerata. Abſunt à deſerto vitia, & in illo nitent virtutes, & adſtat gratioſus DEUS. Similis factus eſt Romedius fontibus, nam amant ſolitudinem fontes, quia ibi innocentes fluunt. Derivantur in urbem inviti, quia extra urbem caſtæ Nymphæ ſunt undæ, quæ intra urbem ſunt balnea Veneris. Maculantur ſcleribus quæ abluunt. Extra urbem ſunt liberæ, in urbibus autem incarcerantur. Urbes eſſe carceres ſenſit purpuratus Dalmata proclamans: *oppidum mihi carcer eſt, ſolitudo paradifus.* In hac ſolitudine Romedius vixit juxta illam ſenioris Tobiaë regulam: *Bona eſt oratio cum jejunio, magis quàm theſauros auri recondere.* Non tantùm oravit, ſed etiam exoravit, oſtendens verum eſſe illud S. Chryſologi dictum: *nihil eſt potentius homine orante.* Potentiam orationis comprobavit, quando ex duriffima petra precibus ad DEUM fuſis limpidiſſimum fontem elicuit, & advotum ſuum fluere fecit. Non quæſivit Romedius alium potum niſi iſtum, quem DEUS dedit & natura. Ex hoc fonte ſitis habuit ſatis. Hæc aqua fuit verè *aqua fortis*, quæ vitam hominis confortat, dicente ſacrâ paginâ: *initium vite hominis, panis & aqua.*

Deri-

De vita  
ſolitar.

Libro de  
moribus.

Anton. Ri-  
dwan. dom.  
4. advent.

Hieron.  
Epiſt. 71.

Cap. 12.

Eccleſi. 29.

Derisit sanctus Eremita illud famosis Heluonibus (qui non bibunt ut vivant, sed vivunt ut bibant) primum madidæ scholæ principium: *vina bibant homines, animantia cetera fontes, quin imò contrario regulabatur versu: vina necant homines, salvant animantia fontes.* Fabula sit de Pegaseo fonte bibentes Poëtas Apollineo afflari spiritu, & divinò incallescere enthusiasmo. Ipsa veritas est, Romedius cum socijs suis ex hoc fonte bibentem, adeò divini amoris æstu incaluisse: ut cum Poëtis dicere potuerit, *est Deus in nobis, agitante calescimus illò.* Incaluerunt ex hoc fonte bibentes devoti Eremicolæ, animabant sese illò hymni Ecclesiastici versiculò: *leti bibamus ebriam sobrietatem spiritus.* Assuetus Cæli delicijs Romedius, vix cibò eguit, sapuit illi pro cibo solius abstinentiæ sapor, & ipsamet querela ventris illi pro bellarijs fuit. Ut in illo nutrentur virtutes, subtraxit corpori nutrimenta, nam ut graviter effatus est sanctus Leo Papa: *semper virtuti cibus jejunium fuit.* Serm. de jejun. Quantos per hanc austeram vitam, & eremi incolatum, in sanctitate progressus fecerit Romedius, clarè ostendit; dum illam salvatoris nostri se percepisse lectionem demonstravit: *discite à me quia mitis sum, & humilis corde.* Matth. 11. Hoc fusiùs explanans Hipponensis Doctòr proclamat: *Discite à me non mundum fabricare, non cuncta visibilia & invisibilia creare, non in ipso mundo miracula facere, & mortuos suscitare, sed quoniam mitis sum & humilis corde.* Hujus tam præclaræ virtutis egregium specimen edidit Romedius, quando ad visitandum sanctum Vigilium (à quo raræ pietatis & conspicuæ sanctitatis hausit documenta) Tridentum perrexit. Vix enim illam urbem ingressus fuit, & mox publicæ famæ rumor omnium ora occupavit, Divum Romedius virum DEI, Tridentinam Civitatem suâ præsentia beasse. Quò auditò ingens civium & familiarium confluit multitudo, quæ in genua provoluta, sacram à Romedio sibi impertiri desiderabat benedictionem. Romedius verò *quia parvulus fuit in oculis suis,* 1. Reg. 15.

Ee

hanc



hanc sacram obire recusavit functionem, & devotissimum populum ad sanctum Vigilium pro benedictione remisit. Ex hoc magna Divi Romedij humilitas elucescit. Fuit ille quidem in oculis hominum magnus sanctus & mirabilis Thaumaturgus, sed in oculis suis parvulus, cum

*Psalm. 131.* Regio Psalte valens dicere: *Domine non est exaltatum cor meum, neque elati sunt oculi mei, neque ambulavi in magnis, neque in mirabilibus super me.* Magna de Romedio sentiebat populus, sed ille de se eò minus, quia attestante S. Gregorio: *hoc solum solet esse specificum electorum, quòd se semper sentiant infra quàm sunt.* Magnus sanctitatis in viro DEI fulgor Tridentinorum civium oculos perstrungebat. Ille autem in cernenda propria excellentia planè cæcus fuit, electos DEI imitando, de quibus idem Ecclesiæ Doctor ita loquitur: *penè soli verè electi bona sua non vident, quæ in se videnda omnibus ad exemplum præbent.* Denique per omnium ora fama sanctitatis illius volabat: at ille solus se sanctum ignorabat. Hæc magna ignorantia magnæ humilitatis index est. Id præclarò confirmat testimoniò Clavallensis Abbas ita scribens: *Magna & rara virtus, ut magna licet operantem, magnum te nescias; & manifestam omnibus, tuam te latere sanctitatem.* Porrò ut etiam homines illius sanctitas lateret, ad consveta humilis Romedius eremi sui se recepit latibula, unicè desiderans ignotus esse omnibus, & soli notus DEO.

Romedius mundo valedicens intrat eremum,  
Et curas mundi cedere mente jubet,  
Ite procul curæ! mundus non est mihi curæ:  
Nam curare nihil, est mea cura modò.



# DOMUS SANCTIFI- CATIONIS.

Isaïæ. 64.

## *Gloria Religiosa Domûs Thu- nianæ.*



Loriosa Domus de Thun tunc summè est in gloria, quando maximè appetit esse in gloria. Ipse contemptus gloriæ illam gloriosam facit, & dum inanes honores fugit, in veros incidit. Valde notanter dixit sanctus Chrysostomus: *contemne gloriam*, &

*eris gloriosus.* Luculenta hujus rei dederunt testimonia, complures ex hac Illustrissima Familia utriusq; sexûs personæ, quæ Religiosum statum amplectendo, & accepta cruce CHRISTUM sequendo, exemplô suô ostenderût, quòd *gloria magna sit, sequi Dominum.* Absuit ab illis gloriari cum Doctore Gentium, *nisi in cruce Domini nostri JESU CHRISTI.* Spreverunt Thuniadæ mundum militan-  
tem sub vana gloria, & ideo gloriosi facti sunt: *quia magni & excelsi animi est despicere & calcare mortalia.* Hoc unicuique sibi gloriosum esse existimabant, quòd cum veritate dicere potuerint: *gloria nostra hac est testimonium conscientie nostræ.* Et quia *humiles spiritu suscipiet gloria*, & qui se humiliat exaltabitur, depresserunt altos spiritus, nolentes esse

*Serm. 25.  
in Epist.  
ad hebr.*

*Ecccl. 23.*

*Galat. 6.*

*Laurent:  
de vero  
cultu l. 6.  
c. 8.*

*2. Cor. 1.  
Prov. 29.*

Domini sed servi DEI, perpendentes quàm magnus sit ille famulus, qui se scribit *servum servorum DEI*. Non volebant esse Comites, & Domini de Thun, sed servi Domini Dominorum; & ideo facti sunt Reges, nam teste sancto Ambrosio *qui vult esse Rex, sit servus in Domino: & juxta sanctum Petrum Damianum, huic servire regnare est*. Animarum suarum saluti consulentes Comites de Thun, diversos ingressi sunt Religionum ordines, piè credentes omnes illos qui in sacris Religionibus juxta sanctorum regulas ordinatè vivunt, non posse ad infernum descendere, quia in illo *nullus ORDO sed sempiternus horror inhabitat*. Ex hoc ipso motivo CONRADUS de Thun amplexus est ordinem sancti Benedicti, firmiter sperans, sibi in ultima mundi die, à CHRISTO cum reliquis Benedictinis dicendum: *venite benedicti Patris mei, possidete paratum vobis regnum à constitutione mundi: & quis dubitet pientissimū CONRADUM affecutum fuisse coronam gloriæ in Cælis, qui tam religiosè vixit in terris, ut Abbatiali Insulâ Einsidlenfi coronatus, Principibus Romani Imperij meruerit annumerari*. Eundem sacrum Benedictinorum ordinem ingressa est CATHARINA de Thun quæ ità Dominum benedixit, & bene vixit, ut tanquam Reatrix Parthenonis Sonnebergensis in Abbatissam meruerit benedici. Præluxit CATHARINA consororibus suis in hoc monte, *quasi sol refulgens; & tunc maximè titulum Illustrissimæ de Thun, seu de bonis operibus est promerita, unde piè credendum est, eam pervenisse ad dilectum sibi sponsum, qui in sole posuit tabernaculum suum*. Sprevit superbiam vitæ JUDITHA de Thun, nolens esse illustris Domina, sed humilis famula ex ordine servarum Beatissimæ Matris Virginis: proinde nominis *Judith* memor, Beatissimam suam Dominam fuit imitata, quæ teste sancto Antonio *suâ sapientiâ & fortitudine, interfecit illum terribilem, & superbissimum Holofernum diabolum*. Similiter ANNA de Thun se resolvit præclarè, sanctæ Claræ ordinem intrando, in quo

Lib. 8. in  
Lucam.  
Serm. 58.

Job. 10.

Matth. 25.

Eccle. 50.

Psal. 18.

In summa  
part. 4.  
tit. 15.  
c. 14.

quo multis claruit virtutibus, pro quibus finè dubio DEUS, *dedit illi claritatem aeternam.* Nec impari zelo arsit JO- Eccle. 12.  
 ANNA CATHARINA de Thun, quæ Carmelitanam amplectens regulam, plena Eliæ spiritu, amorem divinum spirans, & cælestia sperans, *spiritum suum reddidit* Eccle. 12.  
*DEO qui dedit illum.* Ad familiam de Thun etiam pertinet Patrum Capucinorum ordo Seraphicus, in cujus laudes liberaliter excurrerem, nisi me sancta hujus sacri ordinis humilitas, à candidissimo meo proposito revocaret. Vult illa ex suis laudari neminem: profectò hæc summa laus est, nolle laudari, & laudabiles viros habere. Ex hoc ipso capite meretur omnes laudes, dum omnes respuit. Decipiam nihilominus modestiam, tam humilis Religionis, & dum nihil dicere videbor, dicam aliquid, & nullius nomen proferendo, aliquem nominabo. Habuit non ità pridem Seraphicus ordo ex hac illustrissima Familia Comitem, qui cum Psalte Regio *elegit abjectus esse in domo* Psal. 83.  
*DEI, magis quàm habitare in tabernaculis peccatorum.* Si nomen illius quæritur, in sæculo illud habuit cum Austriacorum Cæsarum Patriarcha commune, sed illud ipsum in sacra Religione, unà cum pleno titulo Gomitis de Thun, ad titulum *JESU Nazareni Regis Judæorum* in cruce suspendit, & novum nomen in JOANNE & MARIA sub cruce stantibus collegit. Dixi, dum nihil dixi, & neminem ex hoc sacro ordine nominando, illum ipsum nominavi. Quamvis autem nomen illius expressum non foret, in hoc libro, piè sperandum est, nomen ipsius scriptum esse in Cælo, ad quod è mundicæno elapsò propè bienniò evolavit. Magnam sanè consecuta est gloriam familia de Thun DEO devota per tria vota, castitatis, paupertatis, & obedientiæ. Per castitatem Religiosi Thuniadæ facti sunt Angeli, nam teste sancto Ambrosio, *castitas Angelos facit.* Plurimum exornat hæc Angelica virtus Religiosam Nobilitatem, quia juxta sanctum Cyprianum,

*de 12. castitas est ornamentum Nobilium, exaltatio humilium, Nobi-*  
*abus. 2. litas ignobilium; pulchritudo vilium. Ex paupertate Religio-*  
*sa magnum lucrum consecuti sunt pauperes CHRISTI*  
*Thuniadæ, deferendo divitias, divites effecti illis annu-*  
*2. Cor. 6. merantur, qui sunt quasi nihil habentes & omnia possidentes.*  
*De obed. Quid oro locupletius, exclamat Laurentius Justinianus, quàm*  
*c. 18. nihil habere, & omnia possidere? proprium spernere patrimonium,*  
*& CHRISTI esse heredem: Monasteriorum quippe redditus*  
*thesauri sunt Salvatoris. In summa hac paupertate Religiosi*  
*Thuniadæ minimè sunt pauperes, nam ut ait Lactantius,*  
*De vero qui apud DEUM dives est, pauper esse nunquam potest. Sed*  
*Cult. lib. 6. quænam sunt istæ illorum divitiæ? Respondent illi cum*  
*c. 12. sancto Augustino: divitiæ omnes DEUS noster, qui caret*  
*Serm. 3, de DEO, caret omnibus, nam DEUS est omnia in omnibus.*  
*sanct. Unde proclamat idem Hipponensis Præsul, omnis mihi co-*  
*Lib. 13. pia quæ DEUS meus non est, egestas est. Reliquerunt pro-*  
*Confess. c. 8. pter DEUM Religiosi Thuniadæ non tantum divitias sed*  
*etiam semetipsos, & per votum obedientiæ, abdicarunt*  
*Homil. 32. propriam voluntatem. Magna profectò hæc est resolu-*  
*tio! de illa magnus magnificè loquitur Gregorius, laborio-*  
*sum non est homini relinquere sua, sed valde laboriosum est, re-*  
*linquere semetipsum, minus quippe est, abnegare quod habet,*  
*valde autem multum est, abnegare quod est. Deseruerunt*  
*Thuniadæ augusta palatia, & ad angustas cellas se rece-*  
*perunt, relinquendo conversationem hominum, deve-*  
*nerunt ad consortium Angelorum. Egregiè sanè hoc*  
*declarat Mellifluus Doctor, dum ait: audeo dicere sancti*  
*Angeli cellas habent pro Cælis, & æquè delectantur in cellis quàm*  
*in Cælis, unde argutè sic modulatur sacra Præmonstraten-*  
*Breviar. sium Poësis: sic cella quàmvis parvula, magni poli fit amula.*  
*Præmonst. Abjecerunt Religiosi Thuniadæ omnem vestimentorum*  
*de S. Ger- pompam, averfati sunt omnem indumentorum molliti-*  
*laco. em, induerunt asperrimos habitus, & millecentonibus*  
*repeciatos saccos: pro solatio suo habentes illam sancti*  
*in Matth. Chrysostomi sententiam: qui mollibus vestiuntur, in domi-*  
*c. 11, bus*

*bus Regum sunt, qui verò talia non habent in Calis sunt. Deridet hæc omnia, stulta mundi sapientia, rident delicatula, mollicula, tenellula; effœminata omnium voluptatum mancipia, & non audiunt inclamantem sibi Senecam: ride! pedetentim tamen, nihil enim est turpius risu irrisione dignissimo: risus iste olim in fletum, & cachinnus in singultum convertetur. Veniet profectò illud tempus, appropinquabit citò illa horrenda dies, in qua stulti amatores hujus mundi (videntes à se derisos Religiosos Comites de Thun in Cœlesti triumphare gloria) turbabuntur timore horribili, dicentes, intra se pœnitentiam agentes, & præ angustia spiritûs gementes, hi sunt quos habuimus aliquando in derisum & in similitudinem improperij, nos insensati, vitam illorum æstimabamus insaniam, & finem illorum sine honore; ecce quomodo computati sunt inter filios DEI, & inter sanctos fors illorum est. Sapientissimè igitur egistis Religiosi Thuniadæ, deseruistis temporalem gloriam, ut perveniatis ad æternam, abjecistis inanem titulum, ut accipiatis vitulum saginatum. Famosum stemmatis vestri Monocerotem ex gentilitio scuto expunxistis, & cordi vestro tanquam nobilissimum insigne, impressistis Jesum qui est dilectus quasi filius unicorniû. Deniq; gloriosè sprevestis mundi reputationem, quam nihil aliud existimâstis esse nisi vanam in reputationem, sed pro illa magnû apud Deum assecuti estis respectum, dicente Domino: Ad quem respiciam nisi ad pauperculum & contritum spiritu, & tremementem sermones meos.*

S. p. 5.


Luc. 15.

Isa. 28.

Sunt Comites de Thun illustres stemmate, verum  
 Plus lucis, Christum dum comitantur habent.  
 Illustres Comites creat isto carmine Christus:  
*Qui sequitur me, non ambulat in tenebris.* Joan. 8.







# DIGRESSIO VIII.

*An homo solitarius semper sit  
solus?*



Nimus solitarius solus est & non solus. Inter multos solus esse potest, & dum maximè solus est, infinità rerum societate gaudet. In centro urbis potest esse extra urbem, in medio populi consistens subtrahere se multitudini potest, etiam dum est præsens. In curia constitutus potest esse extra omnes curas, valet cum Philosopho dicere: *ite cura! placet solum esse*, nam vobiscum non possum solus esse. Solitarius animus procul ab omni conversatione hominum remotus, videtur quidem esse solus, frequenter tamen dum solus est, cum hominibus conversatur. Audit intra se Ciceronem declamantem, Platonem philosophantem, Aristotelem disputantem, Senecam moralizantem, Livium historias narrantem, ab omnibus discit aliquid: & quis dicat illum esse solum, qui inter tot versatur instructores? Solitarius animus sæpe dum solus est, ascendit in Cælum, vagatur inter sidera, volat inter nubes, peragrat regiones, navigat maria, descendit ad centrum terræ, volvit & revolvit omnia elementa, & quomodo hic animus potest esse solus cui totus mundus est socius? Mirabiliora

biliora audi. Quod pridem præterijt, animo solitario se-  
 sistit, quod pridem mortuum est, in illo reviviscit, quod  
 pridem effluxit, adhuc apud ipsum stagnat, illi hesternæ  
 dies adest hodie, illi omne vetus recens est, in illo tota an-  
 tiquitas renovatur, & illo cogitâte *tempus edax rerum* quid-  
 quid à sæculis devoravit, evomit. Et quomodo solus est  
 ille animus, in quo ea quæ ampliùs nō sunt adhuc existant,  
 & quod ampliùs non est, adhuc adest. Existunt in soli-  
 tario animo sinè miraculo (quod mirum est) pridem col-  
 lapsa mundi miracula, adhuc in illo Pyramidibus ludit stul-  
 ta Ægyptiorum Regum arrogantia, mole sua superbiunt  
 muri Semiramidis, & turris Babylonica cælum penè suo  
 culmine tangit, adhuc Pharos prægrandi igne vasta illumi-  
 nat maria, & penè diem facit, adhuc fulminantem Jovem  
 ad vivum exprimit Jupiter Olympicus, & penè tonat. In  
 solitario animo nondum Regis Mausoli sepulchrum ruinâ  
 suâ sepultum est, nondum templi Dianæ majestas in ru-  
 deribus jacet; quapropter novum foret miraculum, si ille  
 animus esset solus quem implent tot miracula. Adhuc  
 miraculorum satis non est. Animo solitario non rarò  
 quod nec fuit, nec est, jam præsens est. Adsunt in illo  
 anni futuri, & venturorum dierum tempestates olim ori-  
 turæ, effectus suos producunt. Reboant in illo tonitrua,  
 micant fulgetra, feriunt fulmina, & pluvia quæ nondum  
 est nata, cælo delabitur, sol nondum ortus occidit, in il-  
 lo futura jam messis colligitur, agro nondum seminato,  
 in illo post sæcula nascituri, hodie consenescent homi-  
 nes, & quomodo solus potest esse ille animus, cui illud  
 quod adhuc nihil & nullum est, jam adest. Nondum sa-  
 tis dixi miraculum miraculorum dicturus. In solitario  
 & metaphysico animo præsens est, quod nec in rerum  
 natura esse potest. In illo adest quod est impossibile, &  
 ipsa impossibilis possibilitas, se illi ut possibilem sistit.  
 Saliunt in illo Hirco-cervi, mugiant Minotauri, & *fridet flammis armata Chimæra.* Imò quod nec DE-

*Virgil. l. 6.  
 Æneid.*

US facere potest, intra se procreat monstrosissimum *Ens rationis*. Et quomodo ille animus solus est, cui ipsa impossibilia se socios adjungunt? Igitur post hæc omnia quis hanc mirabilem non amplectatur solitudinem, quæ vacua est & semper plena, in quasi alij non ad sint hospites unicus homo populum facit. Ingeniosè sanè effatus est S. Hieronymus contra Jovinianum: *sapiens nunquam solus esse potest, habet enim secum omnes*. Hanc eruditam solitudinem, viro prudenti svadet bonorum morum Magister Seneca dicens: *Fuge multitudinem, non invenio cum quo te malim esse quàm tecum; quod rursum inculcans ait: Fuge multitudinem, fuge paucitatem, fuge & unum. Unus pro populo mihi est, & populus pro uno. Mihi satis est unus, satis est nullus*. Si vis magnus esse, & non fieri minor, quid tibi præcipuè evitandum existimem: quæris? turbam. Ego certè (inquit idem sapientissimus Philosophus) confiteor imbecillitatem meam, nunquam mores quos extuli, refervo: semper aliquid ex eo quod composui turbatur. Huic consonat Christianus Seneca, & sanctæ disciplinæ Magister Thomas Kempensis: *quoties inter homines fui, semper minor homo redij. Sed fortè conquereris virtutem abscondi? nulla virtus latet, & latuisse non illius damnum est*. Si virtuosus es, tecum habita, & nè te quæsieris extra. *Composita mentis signum est posse consistere & secum morari*. Quanti æstimanda sit solitudo ex his collige. DEUS qui summè est, solus sanctus, solus Dominus, solus altissimus est, & ubique solus est, quia ubique unus est. Suspice cælum, & vide clarissima solitudinis exempla. Sol solus est, & Luna est una. Si tamen ad solitudinem te recipere non vis, saltem cum Seneca animum coge, sibi intentum esse, nec evocari ad externa: omnia licèt foris resonent, dummodo intus nihil tumultûs sit. Si urbes deferere non vales, sequere hoc consilium Clementis Alexandrini. *In civitate habitans contemne ea quæ in civitate sunt, vive in civitate tanquam in solitudine*. Si mundi negotia vitare non potes, subde illa tibi, & non te illis, he-

rus

rus curarum tuarum esto, & non sclavus. Tradete illis, sed non totum. Incumbe illis, sed non semper: & juxta monitum sancti Hieronymi eligatur tibi à familia strepitu remotus locus, in quem velut in portum ex multa tempestate curarum te recipies, & excitatos foris cogitationum fluctus secreti tranquillitate componas. Ibi age quod planè Christianè sva-  
det Ethnicus Seneca. *Animus quotidie ad rationem reddendam est vocandus. Faciebat Sextius, ut consummato die, cùm se ad nocturnam quietem recepisset, interrogaret animum suum: quod hodie malum tuum sanasti? cui vitio obstitisti? quâ parte, Lib. 3. de ira. melior es? desinet ira, vel moderatior erit, qui sciet sibi quotidie ad judicem veniendum. Quid ergo pulchrius hâc consuetudine excutiendi totum diem, qualis ille somnus post recognitionem sui sequitur, quàm tranquillius, quàm altius, quàm liber! Si quotidie agere tibi hoc non vacat: saltem aliquot dies in anno vanis negotijs subtrahe, & salutis tuæ dona. Revoca in te per varia dispersum animum, recogita ætatem præteritam, ut emendes; recognosce annos elapsos, ut meliores facias futuros. Præ oculis habe illam Divi Chrysostomi exhortationem: vivamus DEO paululum, qui seculo viximus totum. Dedimus corpori annum, demus animæ paucos dies. Tempus est, ut aliquando domui tuæ provideas. Qui suæ domui in tempore non prospicit, profectò non habet omnes domi.*


Quo magis es solus minus est tunc mens tua sola,

Illi fit præsens quidquid in orbe manet.

Affociant menti se cunctæ res meditati,

Inter tot socios vivere sola nequit.





# S. ROMEDIUS

Architectus sapiens. I. Cor. 3.

*Omnia in gloriam DEI facite.* I. Corinth. 10.



I. Paral.  
29.

Genes. 20.  
Isal. 60.

Romoturus gloriam DEI Romedius, in fide Romanæ Ecclesiæ bene fundatus, factus est sacræ ædis munificētissimus Fundator. Divo enim Vigilio ad maiorem DEI gloriam pro construenda Ecclesia S. S. Gervasij & Prothasij amplissimos sumptus, & plusquā mille hominū capita resignavit. Nec potuit facultates suas gloriosius impendere, quā ad gloriam DEI, nec fructuosius applicare, nisi dando DEO: cui quidquid datur redditur, & nemo illi quidquam donat de suo. Agnovit hoc ipsum templi Jerosolymitani Regius Fundator, itā DEUM alloquendo: *Tua Domine sunt omnia, & quæ de manu tua accepimus, dedimus tibi.* Non potuit Romedius magis utilem construere fabricam, quā templum DEI, tutissimum in peste fame, & bello azy- lum. Si enim (ut loquitur sacer textus) *fugerit populus inimicos suos*; in hac sacra æde firmissimum inveniet fortalicium, omnibus hostibus formidandum: quia *terribilis est locus iste.* In illo reperitur *turris fortitudinis à facie inimici.* In illo pugnat Christianus populus (teste Origene) *ore & oratione.* Hæc Domus orationis instructissimū est contra omnes visibiles, & invisibiles hostes armamentari- um,



Joan. Sieger del:

A. B. Knecht sculp






um, quia juxta mentem S. Chrysostomi: *magna arma sunt In Matth. preces.* Prosequitur hujus divinæ Domûs privilegia sacra pagina dicens: *si oborta fuerit in terra pestilentia, aut corruptus 3. Reg. 8. aër, in templo tanquam pretiosissimo pharmacopolio reperitur aqua vita, de qua quicumque biberit, fiet in eo fons Joann. 4. aquæ salientis in vitam æternam.* In hac sacra spiritualium medicamentorum officina saluberrimum invenitur medicamentum, de quo sanctus Augustinus: *Medicina est venerabile Sacramentum.* His subjungit sacer textus: *si clausum fuerit calum, & non pluerit, aut fames oborta fuerit in terra; in hac sanctissima æde tanquam amplissimo granario, pro sedanda fame reperitur frumentum electorum, ex quo conficitur panis Angelorum, & panis vivus, ex quo qui manducaverit, non morietur in æternum.* In exstructione hujus templi erexit Romedius locupletissimum rerum omnium venalium emporium. Nihil est in cælis tam optabile, in terris tam desiderabile, sub terra tam æstimabile, quod in hoc loco emi non possit. Hic licet teste S. Chrysostomo *precibus mercari quod optas.* Nam ut ait doctissimus Orosius. *Oratio est pecunia spiritualis, quâ mediante omnia acquirimus, quæ volumus, & qui eam habet, omnia se habere credat.* Homil. de Moyse Dom. 5. In sacris his nundinis quilibet dives esse potest. Si devotam orationem obtulerit, certè non offert levis momenti monetam, sed justî ponderis, quia juxta sanctum Petrum Damianum, *gravius pensat orationis obolus, quàm auri talentum.* L. 6. Epist. Volens ingredi cæleste palatium Romedius, ut in altum posset ascendere, erexit Domum orationis, ut per illam tanquam scalam Jacob usque ad cælos pertingere posset. Confirmat hoc Ecclesiastes dicens: *Oratio humilientis se nubes penetrabit.* Cap. 35. Ut ad cælestem Jerusalem illi pateret aditus, templum construendo sibi portam aperuit, quia hic locus *non est aliud quàm porta celi.* Genes. 28. Ut posset cælestem referare januam, in ipso templo orationis beneficiò clavem invenit: etenim *Oratio justî clavis est celi,* sanctus ait Augustinus. Dom. 15. Et quid grandius ac gloriosius præ-


Hh

stare

stare potuit Romedius, quàm domum Deo ædificando, qui est *Rex Regum*? proinde **Templa Divus Chrysostomus** meritò dixit *regijs aulis esse clariora*. Hæ sacra ædes attestante **S. Ambrosio**: *sunt aula DEI*, adeoque cùm **DEUS** sit *Dominus Dominantium*, sacra illius domus erit aula aularum. Nec potuit Romedius memoriam nobilissimæ suæ domûs magis reddere immortalem, quàm ædificando palatium Regi immortalis. Profectò Ecclesia augustum palatium est, *in quo Rex Regum stellato sedet solio, cui millia millium ministrant, & decies centena millia assistunt*. In hoc loco residet **DEUS**, tanquam in throno gratiæ, sèque cum fiducia accedentibus totum exhibet familiarem. Hic licet colloqui cum **DEO** orando inquit **S. Chrysostomus**: *hic licet fabulari cum eo, & quamvis vocem ejus audire non possis tamen dum id quod petis accipis, colloqui tecum non verbis, sed beneficijs dignatur*. Hic **DEUS** orantibus præbet audientiam, in hoc loco Divina Majestas acceptat libellos supplices, illisque gratiosè subscribit: *fiat ut petitur*. Hoc enim **DEUS** templi Jerosolymitani regio fundatori promisit dicens: *Oculi mei erunt aperti, & aures meæ erectæ ad orationem ejus qui in loco isto oraverit*.

Nec satis erit Romedio esse munificum Ecclesiæ fundatorem, nisi etiam in illa exstruenda laboriosum ageret operarium. Non satis illi erat liberali manu pro structura sacrae fabricæ opes profundere, nisi etiam laboriosam manum ad pium opus applicaret. In vasta ergo solitudine suâ sociorumque suorum operâ pientissimus architectus parvæ capellæ fabricam est aggressus, non tam *fortune suæ* quàm fortunatæ æternitatis *faber*. Comportabat ligna, adferebat lapides, advehebat cæmentum: sed quicquid diurnus labor magnâ sedulitate congestit, id totum una nox stupendo miraculo in oppositum collem transportavit. Visæ sunt inter profunda noctis silentia, insolito planè more diversarum specierû volucres, res in unum collem congestas, in alterum transferentes. Credebantur





tur ligna & lapides ad constructionem sacrae aedulae con-  
 volare. Ex tanto miraculo intellexit Romedius in hoc  
 colle locum esse, quem cultui suo DEUS deputavit. Opus  
 igitur profectus est, & capellae fabricam felicibus aulpi-  
 cijs absolvit, quam tam *bonis avibus* inchoavit. Roma  
 tam faustò auguriò non fuit condita, quia fraterno sangvi-  
 ne polluta: hæc verò capella parvula fraternò dilectionis  
 vinculo à Divo Romedio ejusque socijs fuit illustrata. Nec  
 finè maximo animæ suæ emolumento pios labores exant-  
 lavit Romedius: divinis enim repletus gratijs refocillatus  
 est ab illo qui dixit: *Venite ad me omnes qui laboratis & onera. Matth. 11.*  
*ti estis & ego reficiam vos.* Quia verò dignus est operarius  
 mercede sua, Romedio laboranti in terris, *reposita fuit Matth. 5.*  
*merces copiosa in celis,* & quidem non alia quàm ipse DEUS  
 qui Patriarchæ Abraham dixit: *Ego ero merces tua magna ini-* *Genes. 15.*  
*mis.* Cùm autem *benedictio DEI in mercedem justi festinet Eccl. 11.*  
 quàm acceptum sibi fuerit hujus capellae ædificium osten-  
 dit DEUS, dum benedictione cælesti prævenit humanam.  
 Divus enim Vigilius Tridentinorum Antistes volens ca-  
 pellam solemnè ritu post obitum Romedij consecrare, in  
 extaticam raptus visionem cognovit, illam angelicò mi-  
 nisteriò jam fuisse consecratam, & autoritate Divinâ  
 confirmatam, dicente Domino: *Elegi, & sanctificavi lo-* *2. Paral. 7.*  
*cum istum, ut sit nomen meum ibi in sempiternum.* Ex quo  
 elucet, quòd à nullo DEUS sibi libentius templa erigi su-  
 stineat, nisi ab illo, qui ità vivit, ut dignus sit, cui olim  
 templa extruantur, nec ulla DEO gratiora esse altaria, nisi  
 erecta ab illo, qui dignus est, ut eidem post mortem alta-  
 ria dedicentur, & qui ità honorat sanctorum reliquias, ut  
 pariter dignus sit qui post funera reliquiario includatur.

Pulchrè concordant non rarò nomen & omen,

Coveniunt rebus nomina sæpe suis.

Romedius clarè se nomen & omen habere

Demonstrat, *muros* ædificando \* DEI.

\* Romedius  
*anagramma*  
*Muros Dei.*





# DOMUS DOMINI

Pfalm. 20.

## *Gloria Pietatis Thunianæ.*



Illustriſſimæ huic Familiæ mihi ſpecialem titulum attribuire liceret, vocarem Comites de Thun *Divine Majeſtatis aulicos Architectos*: erec̃ta enim ab illis tot ſumptuoſa templa, capellæ Altaria, monaſteria luculentiffimè oſtendũt, eos exſtrendarum ſacrarum ædium ſpeciale à DEO accepiffè talentum. Tam illuſtrem Comitum de Thun pietatem loquuntur diverſæ urbes, & provinciæ, in quibus ardentiffimæ ſuæ devotionis præclara poſuerunt monumenta: Enim vero volebant liberalitatem ſuam ſacram eſſe, ut æterna eſſet. Exſtruxerunt templa, ut in illis non armatas ſed aureas preces funderent, imò armatas quia illis expugnatur invictiſſimus DEUS. Certè ſtabilius memoriam ſuam æternitati tranſcribere non potuerunt, quàm hæc duo correlativa nomini THUN correspondentia, videlicet *feri & facere* ſacris ædificijs aureis litteris inſcribendo, in quorum frontiſpicijs ad perpetuam Thunianæ gloriæ memoriã exaratũ legitur: *THUN FIERI FECIT*. Neque recens eſt hæc Comitum de Thun liberaliſſima devotio, quia jam ante quatuor ſæcula OTTONELLUS de Thun circa annum 1277. Monaſterium S. Michaëlis  
apud

apud Königsberg exstruxit. Ex quo piè sperandum est, quòd Angelorum Princeps Michaël, qui cælestem gubernat militiam, à Domo Thuniana propulsaturus sit adversariorum malitiam. Accedit SIMEON de Thun, qui Basilicam in castro Praggier circa annum 1469. ædificavit, verè conformis seni SIMEONI, cò quod fuerit *homo coram Deo timoratus*: cum hac tamen differentia, quòd senex ille SIMEON præsentaverit incarnatum DEUM in templo, hic autem præsentaverit templum Domino. Nec minori pietate arsit BALTHASAR de Thun, qui volens devotionem suam esse regiam, sanctis Tribus Regibus Tridenti in monasterio sancti Marci honorificum sacellum exstruxit. Hinc non vanè augurari possum, sanctos tres Reges Familiam Thunianam ducturos per viam Regiam continuæ felicitatis, & Comitibus de Thun lucem sparsuram illorum stellam, semper in oriente, & nunquam in occasu, ità ut Illustrissima hæc domus semper futura sit in *bona stella*. Ostenderunt pariter erga sacras fabricas liberalitatem suam SIGISMUNDUS & BERNARDINUS de Thun, quorum primus templum sanctæ MARIÆ sub castro Altæguardiæ egregijs bonis ditavit, alter verò Ecclesiam S. Romedij in valle Anania restauravit. Pro hac pia liberalitate uterque jus Patronatûs in dictas Ecclesias à sede Apostolica impetravit. Decens quippe erat, ut qui sacras habitationes cælestibus exstruxerunt Patronis, eorundem *Patroni de Domo*, appellarentur interris. Quia verò templum Domini, *Domus orationis* Marci, II. *est*, pietas Thuniana non solum sibi cordi sumpsit sacra ædificia, sed etiam animarum ædificationem, non tantum fundamenta posuit pro oratorijs, sed etiam foundationes erexit pro orationibus, ut per illas obtineretur salus vivis, & requies defunctis. Quis recenseat numerosa anniversaria quæ in subsidium animarum familiæ Thunianæ sunt instituta? Consimiles spiritualis misericordiæ memorias erexit SIMEON de Thun, in Ecclesia Cathedrali S. Vi-

etoris in vico **Thaio**, in quo Presbyteri missam pro defunctis celebrantes honorificò prandiò excipiuntur, quia animas spirituali cibo refecerunt, & pro spirituali Eleemosyna donario temporali remunerantur. Similem devotionem instituit **ANTONIUS** de Thun in Ecclesia sancti Andreae apud oppidum Clusam, item in S. Barbarae & S. Jacobi Templo Oeniponti, ubi & lumen perpetuum ordinavit. Accedit **BALTHASAR** & **JACOBUS** de Thun quorum primus Tridenti in monasterio S. Marci, secundus verò in Ecclesia sanctae Mariae de Maleto anniversarias pro defunctis fundaverunt devotiones. Hos omnes in devota erga animas in piacularibus flammis existentes commiseratione superavit **SIGISMUNDUS** de Thun, qui præter solemne anniversarium, centum missae sacrificia, per anni quatuor temporum intervalla, æqualiter divisa, liberaliter fundavit. De prædicanda sanè est hæc insignis pietas, at perenni memoriâ digna Familiae de Thun beneficentia, quæ in sola Tirolî præter Prioratum S. Romedij, alia undecim beneficia Ecclesiastica noscitur fundasse, ità ut esse Comitem de **THUN** & esse **BENEFACTOREM** synonyma videantur. Altè illorum menti impressa est Apostolica illa sententia: *Dum tempus habemus* (simus de **THUN**) *operemur bonum.*

Galat. 6.

Hæc præteritorum sæculorum pietatis & devotionis Thunianae sunt monumenta. Effluxerunt quidem sæcula, sed adhuc plenò alveò fluit pietas Thuniana, præterierunt tot annorum lustra, & adhuc lustratur pietas Thuniana. Disparuerunt antiqua tempora, & cum tempore non evanuit pietas Thuniana. Si Janus bifrons unâ facie præterita respiceret, & alterâ tempus præsens consideraret, in magno anceps hæreret dubio, cuinam ætati pietatis palma foret tribuenda: tanta enim præsentî sæculo Illustrissima hæc domus summæ erga **DEUM**, & Cælites, edidit pietatis specimina, ut mansura sit *laudatio ejus in*

*Psal. 110. sæculum sæculi.*

Quod

Quod ut testatum faciam, in medium produco Eminētissimum Principem GUIDO BALDUM Cardinalem, qui inter cætera piæ suæ magnificentiæ monumenta Cathedralis Ecclesiæ Salisburgensis absolvendæ (quam Archi-Episcopus PARIS fatis præventus imperfectam reliquerat) manus admovit, & ambas turres ad sumum apicem perductas cuprò contextit, nec non frontem Basilicæ prægrandibus è candido marmore statuis exornatam absolvit, in ipsa verò Basilica præter marmoreum monumentum Antecessori suo positum, duas Capellas variegato marmore constravit.

Nec minori pietatis fulgore resplenduit Princeps WENCESLAUS de *Thun*, cui Episcopatus Passaviensis plurimis titulis est obligatus. Postquam enim Civitatem Passaviensem insatiabilis Vulcanus (qui nunquam dicit sufficit) voracibus flammis maxima ex parte absumpisset; in cineribus suis pariter sepultum jacuit Templum Cathedrale & Residentia Episcopalis. In hoc miserrimorum statu multa & magna erant facienda, reficienda, & perficienda: proinde opus fuit Præsule qui foret de *Thun*, id est de facto potens opere, potens ære. Talē Passavia invenit in WENCESLAO, qui omnem navabat operam ut se verè Comitem de *Thun* esse ostenderet. Omnem movit lapidem, ut collapsum Episcopatus Passaviensis decorem eruderaret, sed inter tot lapides non invenit lapidem philosophorum, quo ditatus tam grandes sumptus, & expensas ingentes ad hoc opus necessarias facere potuisset. Recurrendum igitur fuit ad bona Episcopalia, sed hæc ipsa erant maximis debitis obærata, & in potentissimis manibus indè non nisi Herculeo robore extorquenda. Nihilominus pietas, & industria WENCESLAI, omnia perrupit obstacula, & Ecclesiæ Passaviensis gloriam, nec non Episcopalis Residentiæ splendorem ex cineribus suis quasi à mortuis resuscitavit, ac Episcopalem sedem, sumptuosis mobilibus & copiosioribus pro-

ventibus (debitis exsolutis) reddidit auctiorem. Non tantum in vita sed etiam post mortem pius esse voluit WENCESLAUS: ideoque magna pro diversis pijs causis & foundationibus reliquit media, quæ nondum propter infelicitatem temporum, & instabilitatem rerum, ad desideratum finem sunt applicata. Bene tamen sperandum est, postquam inter magna Ecclesiarum sidera felicior occurrerit conjunctio, pientissimi Principis optimam intentionem fortituram suum effectum.

In hac virtute pietatis etiam eminuit MICHAEL OSWALDUS Comes de Thun, cui ipsum nomen *quis ñt DEUS !* honoris divini zelum videtur impressisse. Ex hoc nomine Michaël angelicam erga DEUM traxit devotionem. Venerantur angelici spiritus DEUM Trinum & unum, finè fine dicentes: *Sanctus! Sanctus! Sanctus! Dominus DEUS Sabaoth.* Comes MICHAEL divinam veneraturus Majestatem, splendidam Basilicam in Clösterle sanctissimæ exstruxit Trinitati, & sic DEI ter optimi, ter maximi, ter devotissimum se ostendit esse ministrum. Ex quo bene sperandum est, eum pariter apud suum Dominum esse tērque quaterque beatum, nam ipsa dixit æterna veritas: *ubi ego sum, ibi & minister meus erit.*

Joan. 12.

MICHAEL Reginæ Angelorum primus est Officialis. Comes MICHAEL ut se non postremum Mariæ cultorem monstraret, Reginæ Angelorum Domum Lauretanam, & gratiosissimum sacellū supra petram fluvio Egræ imminentem erexit, ibidēque beneficium Ecclesiasticum pro habitatione & sustentatione unius sacerdotis (qui ad legendam quotidie Missam est obligatus) liberalissimè fundavit, majora à Deo beneficia recepturus. Dignum planè judicabat Comes MICHAEL illam honorare Matrem, per quam nomini de THUN ingens gloria accrescit. Illa enim verè est de Thun, quæ est Mater Verbi, per quod facta sunt omnia. Maria sanè mirabilis est factura Dei,

Joan. 1.

*Dei, in qua ipse DEUS omnium factor factus est.* **Milchaël** Arch-Angelus Princeps est chori Seraphinorum: Comes **MICHAEL** Seraphyco arsit amore, dum Seraphicis Patribus Capucinis Ledetzij monasterium erigi per ultimam suam voluntatem ordinavit, ut in illo laudaret Deum chorus terrestrium Seraphinorum. Denique ruinofam sancti **WENCESLAI** in Svvögschitz Ecclesiam restauravit, & plusquam viginti Ecclesijs, quarum Patronus exstitit, non modica legata fecit, piè credens se in extremo iudicio non posse causâ suâ cadere, cùm tot in cælis habeat patronos, & Advocatos.

*S. Dami-  
an. ser. de  
Epiphau.*

Excellentia quoque Pietatis specimina edidit Excellentissimus Dominus **MAXIMILIANUS** Comes de **Thun**, qui in honorem sanctæ Crucis Tetznae splendidam erexit Ecclesiam, inter rariora Boëmiæ opera connumerandam. Verè fundata est hæc Ecclesia supra firmam Petram: nam auctor naturæ, & summus mundi Architectus, quando jecit fundamenta terræ, pariter hic posuit primum lapidem fundamentalem, quem Celsissimus Princeps **JOANNES ERNESTUS** è Comitibus de **Thun**, Archi-Episcopus Salisburgensis, benedictione suâ sacravit, eidemque superstructam Ecclesiæ fabricam maxima solemnitate consecravit. Servat hæc sacra ædes tanquã pretiosum Cimelium effigiem Christi Crucifixi, grandi miraculo ob liberatos invisibili auxilio ex tyrannide Turcica Christianos Sclavos famosã, qui fractos compedes tanquam gratitudinis suæ anathema ibidem appenderunt, **CHRISTUM** summis laudibus prosequentes, qui illos per crucem suam à Turcica, & totum mundum à Diabolica liberavit sclavitate. Non suffecit Excellentissimo Domino **MAXIMILIANO** crucifixum **DEI** filium honorare, nisi pariter veneraretur **DEI** matrem crucifixam, in cujus honorem construxit sacram ædem ad similitudinem Domûs Lauretanæ, in qua conceptus est **CHRISTUS** crucifixus, in qua Spiritu Sancto imprægna-



*Bernardin.  
Senens. ser.  
2. de Virg.  
Concept.*

*Damasc. l. 4.  
Eccli. 24.*

*Job. 14.*

*ta Virgo fuit crucifixa cum CHRISTO in hora conceptionis,  
& crucifixa Crucifixum concepit.* Propter tam insignem  
pietatem plurima sibi cælestia bona promittere potest  
Comes Excellentissimus. Est ille hoc rerum statu Fami-  
liæ suæ senior : cùm ergo *MAXIMILIANUS Comes de  
Thun* Anagrammaticè : *Iste Senex Dominus jam multa pro  
gloria DEI fecerit, in cruce clavim Paradisi invenit.* Et  
quia *Matrem sanctæ spei* Domo Lauretanâ veneratus est,  
vicissim sperandum habet, quod *MAXIMILIANUS Co-  
mes à Thun* Anagrammaticè *hic maximus natus olim sanè ma-  
gnus* vocabitur in regno cælorum. Nec silentio invol-  
vendum est ejusdem Civitatis Tetznenfis Parochiale tem-  
plum, quod idem Excellentissimus Dominus Comes ad  
tam elegantem formâ reduxit, ut antiquitatis parum, sed  
plurimum habeat novitatis. Oblita etiam non est præ-  
clara illius pietas spiritualis Pastoris ovicularû CHRISTI,  
cui tam honorificam ædificavit Parochialem Domum, ut  
nihil ampliùs videatur posse exigere decentia Clericalis.  
Non tantùm ad vivos sed etiam ad mortuos ejusdem Ex-  
cellentissimi Comititis pietas se extendit, nam præfatæ Ci-  
vitatibus Cæmeterium tam extraordinaria dispositione gra-  
tiosum reddidit, ut horto similior sit, quàm sepulchro, &  
magis reconditorium florum, quàm cadaverum esse vide-  
atur. Et appositissimè quidem ad sacram paginam di-  
centem : *homo quasi flos egreditur, & conteritur & fugit velut  
umbra.*

Quid dicam de singulari pietatis zelo, quo Divini cul-  
tûs augmentum promovere nititur Illustrissimus & Ex-  
cellentissimus Dominus Comes ROMEDIUS de Thun,  
qui in arce sua Choltizenfi sacro Nominis sui Patrono, ma-  
gnificam ac sumptuosam extruxit Capellam : Quæ cùm  
Divo ROMEDIO sit consecrata, & ejusdem sanctissimi  
Comititis reliquijs condecorata, tanquam pars historiæ  
specialem meretur tractationem. Sed quia multa dicen-  
da forent angusta, quæ præsentis pagellæ capere nequit  
an.

angustia , ideo ad calcem operis exacta illius-descri-  
ptio differtur. Interim (ut paucis multa complectar)  
Excellentissimus Dominus Comes nobilissimum nomi-  
nis sui Patronū imitatus, est verè ROMEDIUS, anagram-  
maticè exstruens *Muros DEI*.

O quantas pientissima hæc Familia expectandas ha-  
bet è cælis liberalissimæ suæ devotionis remunerationes!  
*Oportet enim credere, quia DEUS est, & quia inquirentibus* Hebr. 11.  
*se remunerator est.* Pro exstructis sacris domibus vicissim  
ædificabit Dominus Comitibus de Thun, Augustissimo  
Cæsari, & Catholicæ Ecclesiæ *Domum fidelem.* Pro ædi- 1. Reg. 2.  
ficatis monasterijs & copiosis religiosorum habitationi-  
bus, Comites de Thun *recipientur ad aterna tabernacula,*  
erunt domestici Thuniadæ in illa magna domo cælestis  
Patris, *in qua mansiones multæ sunt.* Pro renovatis Eccle- Joan. 14.  
sijs renovabitur juvenus Aquilæ Thunianæ, pro tam nu-  
merosis lapidibus fundamentalibus Ecclesiarum , in ho-  
norem Dei, & sanctorum exstructarum Illustrissimæ Do-  
mui Thunianæ dicet Dominus: *Ecce ego sternam per ordinem* Isai. 54.  
*lapides tuos, & fundabo te in Saphyris.* Pro tot pijs funda-  
tionibus, Comites de Thun *thesaurizabunt sibi fundamen-* 1. Tim. 6.  
*tum bonum in futurum, ut apprehendant veram vitam.* Pro  
exstructis altaribus acceptabit in illis DEUS hostiam fun-  
datoribus suis salutarem. Denique pro tot anniversarijs,  
Comitibus de Thun fluent anni æternum felices, & pro  
lampadibus ac luminaribus perpetuis *lux perpetua lucebit*  
*eis.*

Clara Domus de Thun exstruxit plurima templa

Pro quibus è Cælo præmia magna feret.

Efficient Superi, ut domus hæc non evacuetur:

Ex hac stirpe Domi jugiter hospes erit.





# DIGRESSIO IX.

## *Quid est Templum DEI?*



Undavit S. Romedius sumptuosum templum extra se, sed longè magnificentius intrà semetipsum extruxit. Externis templorum fabricis non capitur DEUS, qui intra hominem sibi sedem elegit. Totus macrocosmus, seu magnus mundus mi-

nor est magno DEO, quem tamen parvus mundus sive homo intra se concludit. *Ergòne credibile est, quòd habiet*

2. Paral. 6.  
Isai. 66.

*Deus cum hominibus super terram, cujus sedes calum est, terra autem scabellum pedum illius? Noli de hac re dubitare Christiane,*

*nisi velis discredere Doctori gentium ad Corinthios scribenti: an nescitis quia templum DEI estis? an nescitis quoniam*

1. Cor. 3.

1. Cor. 6.

*vestra templum sunt Spiritus Sancti? sed quodnā illud tam capax hominis membrum est, quod illam in se*

2. Paral. 2.

*recipit majestatem, quā cali calorum capere non possunt?*

*desideras illud scire? cor humanum est; octavum mundi miraculum, quia summa magnitudo conjuncta est parvitati, nec parvitas excludit magnitudinem, nec magnitudo implet parvitatem.*

*Cor est parvum mole, sed maximum virtute, est portiuncula hominis, & major toto homine, est membrum parvulum, & plus capit, quā totum corpus, est mundi particula, & hanc totus mundus im-*

*plere non potest; adhuc vacuum remanet, cū totus*

mun-

mundus illud intrat. Rectè dixit Hugo: *Cor parvum est, & magna cupit, vix ad unius milvi refectiorem sufficere potest, & totus mundus ei non sufficit.* Cor triangularis est figuræ, & mundus est sphaericus. Non potest globus tres cordis replere angulos, quos solus implet ille, qui Trinus est, & unus. Unde DEUM alloquens Augustinus inquit: *Jatis ostenditur quàm magnam creaturam rationalem feceris, cui nullò modò sufficit, quidquid Te minus est.* Proinde nihil humano corde sublimius: ait suprà citatus Hugo, *nihil nobilius: nihil Deo similis reperitur.* Quapropter nihil aliud quærit à Te nisi cor tuum, intra cor tuum habet Deus Templum, id est domū suam. Sed qualis debet esse Domus ista digna Deo? *Deus est excelsus & sublimis: necesse igitur est ut etiam excelsi sint parietes templi.* Qui igitur in corde tuo pro Deo cogitas magnam fabricam exstruere celsitudinis, de fundamento prius cogita humilitatis. Si vis imitari summum architectum, disce ab illo non mundum fabricare, sed mitis esse & humilis corde. Si plures hujus ædificij partes scire desideras: Dionysium audi, de hac spiritali fabrica eruditè disserentem. *In spiritali edificio necesse est, firmū ac profundum fundamentum locare quod est humilitas, patientia est pavimentum, quatuor parietes sunt quatuor virtutes Cardinales, Charitas demum est turris, tectum quoque est Spes, ostium autem prudentia, fenestra sapientia.* Si concupiscis in cordis tui diversorio hospitem videre Deum: sis mundo corde, *beati enim mundo corde, quoniam ipsi Deum videbunt; quia non exterioribus oculis, sed corde videtur Deus.* Delicatus nimis est Deus, omnem horret immunditiam, adeoque nos sequi oportet S. Augustini monitum dicentis, *quantum possumus laboremus, nè Dominus noster in templo suo, hoc est in nobis ipsis, inveniat quod oculos sue Majestatis offendat.* Exornanda sunt cordis nostri penetralia: quod in illis corporaliter factum videmus in parietibus, spiritaliter fiat in mentibus. Sanctus! Sanctus! Sanctus est Deus noster, necesse igitur est, ut corda nostra sint sancta sanctorum. Si domus Dei esse cupis, noli care-

Lib. 3. de Anima.

Lib. 13. Confess. c. 8.

Isai. 57. Eccl. 50.

S. August.

Dion. Carthus. Sermon. 5. de S. Thom.

Matth. 5. Aug. de Verb. Dom.

Idem Sermon. 25. de tempore. Idem.

*Psal. 92.* re sanctitate, quia ut canit Psalter Regi, *Domum tuam Domine decet sanctitudo.* Si ergo templum Dei esse vis, esto Sanctus, ut habitaculum assimiletur Divino Hospiti, qui  
*Levit. 11.* dixit: *estote sancti; quoniam ego sanctus sum.* Unicum est homini cor, & hoc triangulare: adeoque proportionatissimum habitaculum Dei, qui trinus est & unus. Deus unus est, etiam in corde tuo vult esse solus, & absolutè non  
*Deuter. 5.* vult pati alium præter se. Deus lux est & tenebra in eo non sunt  
*Joan. 1.* ullæ. Deus hostis tenebrarum est, quæ enim societas luci ad  
*Matth. 6.* tenebras? cave ergo nè corpus tuum tenebrosum sit: & lux quæ  
*Deut. 4.* in te est tenebra sint. Deus ignis consumens est; quid ergo vult  
*Luca. 12.* aliud nisi ut accendatur? diligenter igitur prospice nè cor  
*Job. 15.* tuum madidum fiat, & ad concipiendum Divinum ignem  
 indispositum, dum peccando bibis sicut aquam iniquitatem. Tres sunt in corde anguli, & tres personæ in Divinis. Prima Persona Deus Pater est Creator cali & terra. Tanquam Creator ex nihilo produxit omnia, & illud quod ab æterno fuerat sustulit nihil. Nihil Deus pati non potest, omnia replet, ut Deo plena sint omnia. Nihil, summè opponitur Deo. Quod non est, nihil est, Deus autem summe est. Nihil, est nihil: & Deus est omnia. O! quanta distantia inter nihil & omnia! si ergo Templum Dei esse concupiscis; maximâ sollicitudine attende, nè dum præsumis Te habere omnia, post scrutinium conscientiæ, invenias in corde tuo nihil. Et quidem infelicissimum illud nihil, de quo  
*Tract. 10.* Sanctus ita loquitur Augustinus: *Peccatum nihil est, &*  
*in Joan.* *nihil fiunt homines dum peccant.* Cave, cave vacuum, ut cor tuum fiat plenum, & quidem illud vacuum, quod summè horret plenissimus Deus. Ad hoc evitandum  
*2. Corinb. 6.* nos exhortatur Doctor gentium ita scribens: *Exhortamur vos nè in vacuum gratiam Dei accipiat.* Secunda Persona  
*Joan. 14.* est Filius, qui est vita. Non potest convenire vita cum morte, vita sepulchrum fugit. Si ergo amas fieri habitaculum vitæ: vide nè similis fias sepulchris dealbatis quæ a-  
*Matth. 23.* foris apparent hominibus speciosa, intus verò plena sunt ossibus

*mortuorum.* Tertia Persona est Spiritus Sanctus, qui in specie mundissimæ columbæ apparuit, quæ omnes sordes aver-  
 fatur. Quisquis ex corde tuo sacrum efficere optas co-  
 lumbarium, accuratè cor tuum perspice, ac vide, nè fias  
 sicut generatio quæ sibi munda videtur, & tamen non est lota à  
 sordibus suis, ideoque procul avolet purissimus ille spiritus,  
 quoniam in malevolam animam non introibit, nec habitabit in  
 corpore subdito peccatis. Denique si totum Deum anhelas  
 habere cordis tui inquilinum, habe in illo charitatem:  
 nam qui in charitate manet in DEO manet, & DEUS in eo. Si  
 sanctissimæ Trinitatis Personas desideras fieri cordis tui  
 incolas: Christum dilige & sermonem ejus serva, ille enim ta-  
 lem homini mandata servanti fecit promissionem: venie-  
 mus ad eum, & mansionem apud eum faciemus. O! quàm  
 felices sunt illi hospites, & æternùm fospites, quos tan-  
 ti visitant hospites.

Matth. 3.


Prov. 30.

Sap. 1.


1. Joan. 4.

Joan. 24.

In corde humano triplex est angulus, unde  
 Implere hunc mundi sphaera rotunda nequit.  
 Tunc tantùm plenus triplex hic angulus existat,  
 Quando Deus præsens Trinus, & unus adest.







# S. ROMEDIUS

Homo Dei. 4. Reg. 10.

*Beatificavit illum in gloria. Eccli. 45.*

*Eccli. 31.*

\* Anagram  
mata ex  
nomine  
Romedijs.




*Pal. 118.*

**Q**uis est hic & laudabimus eum, fecit enim mirabilia in vita sua. Ille est Romedius factus à Deo mirus \* Thaumaturgus. Hic est Romedius quem esse hominem, & virum DEI, Deus mirò \* prodigiò ostendit. Postquam per multorum annorum curricula, jejunijs & asperis mortificationibus tenerum corpus exhausisset, in tantum fractis viribus fuit debilitatus, ut proprii pedes ei non suffecerint ad longiorem viam conficiendam. Et quid mirum pedes Romedij fuisse fatigatos, qui viam mandatorum Dei currens tam magnis passibus ad feliciem properavit æternitatem? Inevitabili igitur necessitate coactus ad facilitandos itinerum suorum labores, usibus suis applicuit jumentum equo Jerosolymitano non absimile, quo dum vehebatur, Dominicam Palmarum repræsentare videbatur. Accidit autem ut hoc jumentum in pratis victum quærens, ad ungues & dentes ferocissimi urfi incideret, ac pascua quærendo, immanis belluæ pabulum efficeretur. Sed quid agis hirsute prædo? damnum quod sancto viro intulisti, lues in pelle, cum non possis refarcire in ære : ROMEDIUS enim ex suo nomine accerbissimis tibi anagrammatib, minatur. Me-  
lius



F. Saver del:

M. Ruolo sc.



litus profectò tecum actum fuisset, si in vastissimis sylvis  
 & antrorum latebris absconditus, mansilles *in se domi*. \* A-  
 finum quidem \* *vi mordet*, sed durus hic bolus causabit  
 malam \* *diem urso*, nam hunc \* *esum diro* solvet labore.  
 His non frustraneis minis respondit miraculum. Divus  
 enim ROMEDIUS de ferocitate & voracitate urfi factus  
 certior, charissimo discipulo suo David in mandatis dedit,  
 ut occisi jumenti frænum cruentæ belluæ injiceret, & cha-  
 mò constrictam adduceret, ac sibi præsentaret. Non  
 terruit ferocitas bestię obedientissimum discipulum, qui  
 mandata viri Dei exequens, crudelissimum urium tan-  
 quam mite Arcadicum pecus adduxit, & insolitis servitijs  
 applicuit. Verificatum de illo fuit quod ait in proverbjs  
 Salomon: *vir obediens loquitur victoriam*. Hactenus asi- cap. 21.  
 nus S. Romedium gestavit, postmodum verò pro mulcta  
 \* *urso idem* labor impositus fuit, nam sanctum virum tan-  
 quam mansuetum animal portavit, quia \* *id est morfu* asini  
 pro poena reportavit. In tam admirabili eventu dubium  
 relinquitur utrùm majore stupore digna sit generosa obe-  
 dientia Discipuli, an verò tam subita cicuratio urfi? quid-  
 quid sit, utraque pars sua meretur præconia. Obedien-  
 tiæ cæcæ ad scribendum est hoc miraculum, nam illi, qui  
 in perfecta vivit obedientia, omnia obediunt entia, &  
 qui Deum audit, hunc Deus exaudit. Sublimiora dicam:  
 Josue, quia obediens fuit Deo, vicissim sibi habuit obedi-  
 entem Deum. Dicit enim sacer textus: *Obediens Deo* Josue 10.  
*ci hominis*. Hanc excellentem prærogativam obedientię  
 adscribere non dubitat sanctus Hieronymus inquires:  
*Solus imperat Soli, & Luna, & stant. Homo jubet, & Deus*  
*audit, audit illum celum, quia ipse audiavit Dominum*. Nunc  
 ad insolitum urfi spectaculum convertamur, qui revera  
 nunquam magis urgeri potuit, nisi quando Divina poten-  
 tia ursum urfit ad sanctum virum sibi infidentem portan-  
 dum. Pro hoc labore majore jure, quàm ursus major &  
 minor inter sidera est reponendus. Vel saltèm Divum

Romedium cælos penetrantem usque ad polum sequi debuisset, ibidem tertiam Urſi formaturus constellationem. O tempora! O Mores! Feroces urſi retentâ villosâ formâ assumunt naturam mitis asini, & homines retentâ solâ humanâ specie deploranda metamorphosi fiunt crudeles urſi. Quàm mirabilis sit Deus in sanctis suis, compluribus alijs miraculis demonstravit Thaumaturgus Romedius, qui cuticulam suam & ventrem minimè curans consecutus est *gratiam curationum*, quia contumaces febres gravissimòsque morbos per suam curavit orationem. Experimentò propriò edoctus est, quanta sit efficacia jejunii cum oratione conjuncti: Nam *sicuti nec miles sinè armis est aliquid, nec arma sinè milite, ità nec oratio sinè jejunio, neque jejunium sinè oratione.* Horum *vis conjuncta est fortior.* His armis prostravit Romedius antiquum hostem in deserto, qui vicit Adamum in Paradiso. Quod clarissimè indicat idem Aurifluus Doctor dicens: *Adam de Paradiso intemperantia ventris ejecit.* His sacris machinis Romedius ex obsessis corporibus pessima exturbavit dæmonia, quæ non ejiciuntur *nisi in oratione & jejunio.* Non est veritus Romedius inire certamen cum *rugiente Leone, & quærente quem devoret*, nullam enim habuit causam timoris: nam ut eleganter differit S. Cæsarius: *Nunquam timebis dæmonem qui est in carne aliena, si eum non habueris in animatua. Quot vitia habuerit homo, tot dæmones habet.* Imò vitia ipsis dæmonibus sunt pejora. Obsident diaboli corpus, sed vitia animam. Unde cum eodem sancto Patre meritò exclamari potest: *O quàm multi dæmonem in corpore alieno formidant, & in suo corpore dissimulant.* Ad alia nunc sancti Romedij prodigia animum nostrum convertamus, inter quæ non infimum est illud, quod in actis hujus sanctissimi Comit̃s refertur. Cùm arctissima inter sanctum Romedium, & Divum Vigilium Tridentinorum Episcopum intercederet amicitia, & pia familiaritas, ità ut Romedius in Vigilio vivere, & Vigilius Romedio animam suam visus sit comunicasse.

1. Cor. 12.

S. Crysost.  
in cap. 6.  
Matth.

Homil. 10.  
in Matth.

Matth. 9.

1. Petr. 5.

Homil. 23.

Ibidem.









nicasse. Credebatur unus in duobus corporibus vivere spiritus, & una sanctitas bina corpora occupasse. Sic est: *Similis simili gaudet*, & teste sacra pagina *omne animal diligit simile sibi*; proinde non potuerunt non amare se invicem viri virtuosissimi, quorum animos conjunxit maxima sanctorum morum similitudo. Similitudo morum, est mater amorum, & nexus animorum: Unde inquit Tullius: *est ea jucundissima amicitia, quam similitudo morum conjugavit*. Hanc similitudinem virtus causavit, sine qua nulla est vera amicitia. Hinc idem Romanus orator ait: *Virtus amicitiam & gignit, & continet: nec sine virtute amicitia esse ullo pacto potest*. Huic sanctæ amicitiae convenit illud à Divo Hieronymo exaratum veræ amicitiae elogium: *Vera amicitia illa est, & Christi glutine copulata, quam non utilitas rei familiaris, non presentia corporum tantum, non subdola & palpans adulatio, sed Dei timor & divinarum scripturarum conciliant studia*. Hæc sancta familiaritas Divum Romedius ex abstrusissimis eremi recessibus protraxit, & ad invisendum sanctum Vigiliū Tridentū permovit. Cui dum ad contestandam dilectionis suæ perseverantiam pro pignore amoris aliquod Xenium offerre desideraret, & in via constitutus de grato dono anxie sollicitus esset: beneficium cælum illi de inexpectato munere mirabiliter providit. Renovatum tunc fuit illud grande miraculum, de quo Regius psaltes ita concinit: *pluit sicut pulverem carnes, & sicut arenam maris volatilia pennata*. Tanta enim repente ante pedes sancti Romedij quasi mortua concidit avium multitudo, ut carneum nubifragium potuerit appellari. Sed mansuetissimus Romedius commiseratione motus, aves, quas cælum morti addixisse videbatur, impertitâ benedictione clementer absolvit, ac liberas abire jussit. Certè tunc omnes maximò beneficiò maectavit, quando nec minimam illarum maectavit. Memores igitur tam grandis beneficii volucres, suam quodammodo gratitudinem ostendere volentes in densissimam nubem sese conglo-

*Aristot.  
Eccli. 13.*

*1. Offic.  
c. 17.*

*de Amic.  
c. 6.*

bârunt, & beatissimum virum usque ad Tridentinam urbem comitantes, suis alis gratiosissimam umbram faciendo, eundem ab ardentissimis solis spiculis, clypei inflar, protexerunt. Nec finè ratione processerunt volatilia ratione carentia. Æquum quippe erat ut Patrono suo umbram facerent in vivis, qui illas vitæ restituendo absolvit ab *umbra mortis*. O! mortales! non estis tales quales sunt bestiae brutales. Multas vultis consequi gratias, & nullas pro illis referre. Semper optatis stare in magna gratia, & simul immobiles perseveratis in mente ingrata. Beneficia fructuosè conferuntur gratis, sed vos ingrati omnia concupiscitis gratis: & postquam gratis accepistis beneficium, illud à vobis non gratis, sed ingratis per maleficio-  
compensatur.

Job. 3.

Hieronymus  
de script.  
Eccles.

O homines non homines! sed feroces *leopardos* (ut cum sancto Ignatio Martyre loquar) *quibus cum benefeceris peiores fiunt.* Sed ad sanctum revertamur Romedius quem adventare Divus Vigilus in spiritu præcognoscens, eidem cum discipulis suis obviam processit. Nempe sanctus amor magnes est, in distans operatur, & corda à se longis spatijs remota, sympathicè trahit. Quis hic enarret (postquam ad mutu-  
um devenerunt conspectum) teneritudinem amoris, suavitatem amplexuum, & dulcedinem fraternorum osculorum, quibus se mutuo recreârunt viri sanctissimi? quis accuratâ satîs pennâ describat, sancta illorum colloquia, *dulciora super mel & favum?* Postquam in his spiritualibus delicijs aliquot dies consumpsissent, persentiscens vir Dei Romedius ex destitutione virium suarum ultimam vitæ suæ horâ non longè abesse: Divo Vigilio ultimū vale dixit in terris, illi olim in cælis lætissimum salve dicturus. Precatus fuit sancto Pontifici bonam noctem; illi in beatissima æternitate bonam diem apprecaturus. Ut verò sanctissimo Antistiti hora mortis suæ innotesceret, tali eundem signo instruxit.

Isai. 18.

Ex Phil.  
M. 88.

*O amice DEI altissimi, cum audieris sonum tintinabuli tui per se sonantis, illicò solutionis meæ horam intelliges, & transitum meum*

*meum precibus tuis adjuvabis.* Post hæc Romedius in desertum reversus mundum deseruit corpore, qui jam pridem extra mundum vixerat mente. Finivit ultimam diem transitorij sæculi, & auspicatus est primam felicitis æternitatis. Clausit oculos corporis, quibus meras contempsit miseras, & aperuit oculum mentis, qui lumine gloriæ illustratus ea percepit, *quæ nec oculus vidit, nec auris audiuit,* 1. Cor. 2.  
*nec in cor hominis ascendit.* Ità conversatus est Romedius in vitam, ut mente non invitâ discesserit ex hac vita, invitatus ad illam vitam, quæ evitat mortem secundam. *Quam* Apocal. 2.  
*pretiosa sit in conspectu Domini mors sanctorum ejus* diversis Isal. 115.  
**DEUS** ostendit miraculis. Mox enim ut temporalis mors è corpore sancti Viri vitam pro pulsavit, tintinabulum sancti Vigilij ab invisibili manu (ut prædixerat) iponte sua pulsari cœpit, ac pulsû suo indicare, in venis sancti Romedij vitalem pulsû cessâsse. Imò quod majus est, Bavaricâ historiâ referente: *Nè mortuo præcones deessent, æra* Adkreiter part. 1.  
*campana sponte sonantia, ad sacras funeris exequias populos conciverunt.* Lib. 5.  
 Si parva hæc sunt, ad majora miracula transi- Num. 26.  
 tum faciamus. Quanti valoris apud DEUM fuerit Romedius cælum ostendit, dum Angelicos misit Spiritus, qui vespillonum peragerent officium, & pro sancti Viri corpusculo pararent sepulchrum. Foderunt cælestes ministri fossam, ut in illa pretiosus thesaurus absconderetur, cujus valorem mortales ignorârunt. Aperuerunt terram, ut in illa tanquam granum frumenti sacræ exuviæ reponerentur, & dum *seminatur corpus animale, surgat corpus* 1. Cor. 15.  
*spirituale, & quod modò seminatur in ignobilitate, surgat in gloria.* Duxerat Romedius vitam planè angelicam, & vix non versus est in spiritum. Poterat dici homo angelicus, vel Angelus humanus, unde si error in beatos Angelos cadere potuisset, facile crediderim eos in hanc induci potuisse cogitationem Angelos esse mortales, & eandem cum Romedio optâsse sepulturam. Admiranda sanè hæc sunt, quæ propè mortem Viri sanctissimi contigerunt; sed

quis enarret omnia miracula, quæ longè post mortem e-  
venerunt? unicum ex innumeris referam, quod uti olim  
spectantium oculos ita hodie audientium aures in maxi-  
mum rapit stuporem. Accidit, ut faber tectum Capel-  
læ sancti Romedij vetustate collapsum restauraturus, illius  
fastigium conscenderet, cui labori dum operam daret,  
incautum opificem pes fefellit, unde ex altissima rupe in  
horribile præcipitium decidens, illud ruinâ suâ emetiri  
cogebatur. Hoc unico casu centum ruinis perijsse visus  
est, horruerunt ad hanc tragoediam quotquot aderant, &  
triste spectaculum defleverunt. Nihilominus quasi ad  
infernus decidentem hominem Divo Romedio pijs suspi-  
rijs commendârunt. Et ecce! dum in subjectam vallem  
descenderent, non tam membra quam frustra hominis col-  
lecturi, faber, tantum miraculum stupentibus, salvus &  
incolumis obviam processit. Suppleo nunc illius vices,  
& sequentes versus in votiva tabella tanquam anathema  
gratitudinis ad aram sancti Romedij appendo, & ex nomi-  
ne illius hoc anagramma elicio: *Ruo: Demis.*

Sancte Comes membris ingentia pondera *Demis*,  
Præceps ex tecti culmine quando *Ruo*.  
Levior efficior plumâ, quo levior exsto,  
Prodigium tantum fit magis inde grave.

Post tot miracula quis dubitet cælestis Jerusalem civem  
esse Romedium, quem sanctum prædicabant lingvæ me-  
tallorû, hominum, & Angelorû? sanctitatem illius pleno re-  
sonabant ore, æra campana verè (ut ita dicam) motu pro-  
prio sonantia, quæ ferreas habentia lingvas in hac solem-  
ni promulgatione usa sunt *stylo ferreo*. Sanctum esse pro-  
clamavit fama publica hominum: unde difficile est omnes  
falli, aut falsum esse quod omnes dicunt, multum enim  
accedit lingua populi ad sensum DEI, si verum est illud  
proverbium: *vox populi, vox DEI*. Denique sanctum ef-  
se conclamant ipsi Angeli, quorum lingvæ sunt opera, quo-  
rum

*Job. 19.*

rum facta sunt verba, dum pro defuncto Romedio parantes sepulchrum, tam pulchrum testimonium illius sanctitati præstiterunt. Quis jam ambigat, illum esse civem cæli, quem sanctum *lingvæ Angelorum* confitentur? clausit *1. Cor. 13.* Divus Romedius mortalem vitam, ego pariter meam claudoscriptionem, & ultimam adjicio clausulam: *Audi vi Apoc. 14.* *vocem de calo dicentem mihi; scribe: beati mortui qui in Domino moriuntur.*

Quid sit vita hominis quæris? respondeo quòd sit  
Mors diuturna nimis, continuúmque mori.  
Est autem bona mors, non mors sed vita vocanda:  
Qui sanctè moritur, mortuus esse nequit.



# DOMUS ÆTERNI- TATIS

Eccle. 12.

*Gloria perennis Domus Thuanianæ.*



On foret Domus ista verè gloriosa, si aliquando defineret illius gloria. Vera gloria est perennis, per años metiri non potest, aut absolvi. Vera gloria transitoria non est, sed fixa, quod autem *fixum* est, semper durat, quod *fixum* est citò



præterit. Præclarè ad præsentem rem loquitur Tullius: *Vera gloria radices agit, atque etiam propagatur, ficta omnia tanquam flosculi celeriter decidunt, nec simulatum quicquam potest esse diuturnum.* In illustrissima Domo de Thun, nihil est fictum, totum est factum, imò ipsum Thun, nihil aliud est nisi facere: ex hoc capite Thun semper manebit in facto esse, & nunquam deveniet ad ultimum sui esse. Præclara facta Comitum de Thun saxa & lapides, muri & parietes, petrae & marmora domus & palatia, sumptuosæ structuræ, & pomposæ fabricæ in mundo divulgant. Unica Urbs & Provincia Salisburgensis, maximam sui splendoris partem Thunianæ familiæ debet: nam à GUIDO BALDO, & JOANNE ERNESTO, è Comitibus de Thun Archi-Episcopis Salisburgensibus, tam splendidis ædificijs fuit aucta, & tam sumptuosis fabricis condecorata, ut contemplando hanc profusam Comitum de Thun magnificentiam quilibet fateri cogatur eos non frustra de Thun appellari: nam illorum immortale nomen ipsa loquuntur opera, ità ut ignorantibus, aut ex invidia eorundem gloriam dissimulantibus, rectè inculcari possit illa Salvatoris sententia; *ex fructibus eorum cognoscetis eos.* Inter reliqua perennis gloriæ monumenta meritò numerandum est Salisburgi Palatium Archi-Episcopale, quod referente Bucelino in Topographia Germaniæ, amplum omnino est, & splendidum, omnisque generis ornatu instructissimum, juxta quod fons largissimus, torrentis aquarum abundantia æmulus, ingentis mole, sumptu, atque arte alvei marmorei amplitudine exceptus, magni Principis mirabile opus, maximis expensis, mirâ industriâ, æmulo Romani splendoris conatu, successuque, aquæductum per durissima saxorum penetralia ferro superata, longâ & difficili derivatione in urbem deductus. Pauculis hisce lineolis stupenda hæc fabrica, veluti Ilias nuci inclusa est. Ut tamen plenior tam magnificorum operum notitia habeatur; libuit fusiores illorum descriptionem

Matth. 7.

nem ex historia Salisburgenſi Joſephi Metzger ſubjicere. Ornandæ Civitati intentus GUIDOBALDUS in medio areæ in quam ab aula proſpectus latè funditur, fontem excitavit è candido marmore, miri operis, & magnitudinis. In ima baſi marmoreæ crepidines ad quas duplici graduū ordine aſcenſus patet, capaci ſinu aquam claudunt, quā Hippopotami quaterni prægrandi mole è continuo lapide exciſi hinc ore, indè naribus evomunt. De mediolacûs ſcopulus modicū aſſurgit, cui tres immanis ſtaturæ Gigantes inſiſtunt, cruribus invicē artiſicioſè interjuncti. Hi preſſis humeris & elatis in altum brachijs ſuccollant per amplo labro, cui aqua à ſuperiori concha depluens inſunditur, mōxque marginibus ſuperfuſa in imum volvitur. Aquam marini piſces lambunt, quorum ſquamatis & arrectis in altum caudis concha paulò contractior incumbit, ſtriatis curvaturis repanda. Ex illa eminet maritimi maris monſtrum ab umbilicò in piſcem deſinens, qui de patera utraque manu in ſublime levata undas per Siphones communicatas ad octo pedum altitudinem ejaculatur, mox amoeno ſtridore in ſubjectas conchas & labra deciduas. Aqua fontana primò à vicino monte Unterſperg ſeſqui horæ itinere adducta, nunc longè minoribus expenſis à claro fonte\* per lariceos canales advehitur.

\* Zellen-  
Brunn.

Post hæc equeſtri palæſtræ, & hippodromo in ſuo equili, præciſis vicinæ rupis obſtaculis, ampliora ſpatia GUIDOBALDUS adjecit, & locū ambulacrò quod marmorei cancelli ſepiunt exornavit. In hujus medio ſub cuprei equi generoſè in ſaltum aſſurgentis ſimulacro legitur hæc ſcriptura marmori incifa.

Hoc age de Trojano ovo ſangvis nobilior,  
Et dignum equeſtri ſangvine te proba.  
Ecce! etiam loco ſaxa cedunt.

Quicquid hîc calcas, quantus dorso porrigitur mons  
fuit.

Superstat memoriæ utriusque parietis vivum latus;  
Perlucétque circum admissô lumine saxi rigor.

Exerce, & exere vires!

Nullò in stadio fortiùs potes.

Virtuti cedunt omnia.

Demum nè ipsam molis magnitudinem

Interpres vilior luxum putes,

Abscissam rupem per frustra ingentia

In ædes publicas dispensavit

Anno Domini M.DC.LXII.

GUIDOBALDUS ARCHI-EPISCOPUS

& PRINCEPS.

**V**iridario clarofontano ad honestimæ voluptatis ille-  
cebras nihil hætenus deerat, quàm cella vinaria, ex  
qua Bacchus hospites à jocosa undarum aspergine madi-  
dos, etiam grato meriliquore perfunderet. Hanc addi-  
dit **GUIDOBALDUS** excavato in cellam lapide. At  
longè illa præstantior, quam secundo à Salisburgo Lapi-  
de prope Hallense Oppidum in Kalttnhausen intrâ arenosi  
montis viscera ædificavit, ità frigidam, ut à vino recens  
propinato dentes stupeant, & gelidissimus vapor per  
montis foramina rimasque transpirans, accensas etiam  
tædas extinguat. Ejus elogium juncta inscriptio com-  
pendiô exhibet.

Salvum te hospes jubet

Loci, Genius & hospitalis **DEUS**.

Si cales aut friges plusculum

Hîc æstates hyemant,

Ut uno calere, & frigere possis calice.

Denique hanc cellam cælum puta.

Nam neëtar impluit totis cadis,

Et nemo solvit symbolam.

Tu salutem liba gratus auctori,  
Qui naturæ donum æstimans  
Arte juit.

Atque ut loquerentur lapides  
In hanc liquidissimæ echûs  
Facundiam excavavit.

### GUIDOBALDUS

Archi-Episcopus & Princeps Salisburgensis ex  
Comitibus de Thun.

**P**ost tam magnifica perennis suæ gloriæ erecta monu-  
menta, Anno M.DC.LXVIII. *Appositus est ad patres suos* 1. Mach. 2.  
PRINCEPS Eminentissimus, & delatus est ad ferale il-  
lud monumentum, *ubi constituta est domus omni viventi.* Job. 30.  
Lapis sepulchralis cui incisa est nervosa inscriptio, æmula-  
tur nucem, cui inclusa fuit Ilias Homeri. Exemplar illi-  
us accipe.

### GUIDOBALDUS COMES DE THUN.

**S**acræ Romanæ Ecclesiæ Cardinalis, Archi-Episcopus  
Salisburgensis, Episcopus Ratisbonensis, justus & pla-  
cidiamans, post relicta ubique magni animi monumen-  
ta, Legatus summus Cæsaris, totô propè Sexenniô Sa-  
cri Romani Imperij & Christianæ Reipublicæ ingentibus  
curis constanter immortalis, nunquam intermorituræ  
gloriæ famâ, hîc finè ambitu conquiescit. Obijt die  
1. Junij M. DC. LXVIII. Laterali monumento incisa le-  
gitur hæc epigraphe.

### GUIDOBALDUS COMES DE THUN.

Sacræ Romanæ Ecclesiæ Cardinalis, Salisburgensis Ar-  
chi-Episcopus, Ratisbonensis Episcopus  
Hic jacet.

**P**rinceps acri ingenio, par magnis negotijs, & per ra-  
ras naturæ ac virtutis dotes, ingentis animi ad exte-

ros propagandæ famæ. Post erecta domi forisque illustria monumenta, scissò in partes sacro Romano Imperio, & cæde, spoliò, bustò, persultante Turcâ hoste, magnis Ratisbonæ Comitijs cum summa potestate Cæsaris Legatus, totò propè Sexenniò (tanto stetit,) dum constantissimè præsens, & præses paciet concordiæ immoratur, immoritur; testatus se defunctum publicis curis. Neque potuit majore in theatro immortalis gloriæ fata, & vota implere. Ejusdem Successor & Amicus

### MAXIMILIANUS GANDOLPHUS

Comes de Küenburg Archi-Episcopus & Princeps Salisburgenfis S. Sedis Apostolicæ Legatus posuit,  
Anno M. DC. LXVIII.

Nec minùs insignibus magnificentiæ Thunianæ structuris nomen æternitati transcripsit Celsissimus Princeps JOANNES ERNESTUS, qui nunc thronum Archi-Episcopale meritò suò obtinet: cujus in particulari sumptuosas fabricas, & gloriosa acta rudi penicillo delineare, vel saltèm adumbrare tentâssem, si gratosus auræ & aulæ Salisburgenfis Zephyrus, mihi illorum præstantiam amicâ relatione inspirâsset: nunc autem infelicis mei calami conatum adversæ fortunæ turbo diffavit. Hâc unicâ me solor Lucani sententiâ: *in magnis voluisse sat est.* Illius præclara gesta, tam magna esse mihi facilè persvadeo, ut illis plenè describendis, non tantùm meus, sed neque Salisburgenfium scriptorum calamus olim sufficiens sit futurus.

Præclarum etiam familia de Thun in Civitate Passaviensi erexit gloriæ suæ monumentum in qua WENCESLAUS Comes de Thun, & Episcopus Passaviensis, post funestum Urbis incendium, quasi post diem cinerum gaudiosam Passaviensi Clero causavit Resurrectionem, dum præter Sacram Ecclesiæ fabricam, è cineribus suis resurgere fecit Residentiam Episcopalem. Dignissimus proinde

inde est hic Celsissimus Princeps, ut illius perennes laudes in Episcopatu Passaviensi decantentur cum triplici Alleluja.

Horum magnorum Antistitum in condendis magnificis ædificijs, spiritum principalem æmulati pariter sunt, reliqui Fratres Illustrissimi, qui nomen de Thun splendidissimis fabricis illustrârunt. Et quidem MICHAEL OSWALDUS de Thun amœnissimum hortum, jucundissimis ædificijs & artificiosis fontibus condecoratum, in Clösterle exstruxit. Nec non Zeuzitij venustam ædificavit arcem, cui spatiosissimam & prægrandis longitudinis porticum virentibus arbutis gratiosè inumbratam adjecit, cui similis in adjacentibus Regno Boëmiæ provinciis non reperitur. Idem Excellentissimus Comes in Pragensi Urbe tam pomposam exstruxit domum, ut licet non mole, elegantia tamen externâ, & rarò artificiosarum staturarum apparatu, omnia Triurbis palatia facile superet. Hujus tam spectabilis fabricæ, ex vera & genuina ultima voluntate Excellentissimi Comitis MICHAELIS hæres factus, Illustrissimus ac Excellentissimus Dominus ROMEDIUS Comes de Thun, internam cubiculorum ac diversarum mansionum seriem etiam nunc industriâ suâ tam utiliter coordinat, & tam appositè combinat, ut personis herilibus, nec non inservienti familiæ summam in illa habitandi comoditatem procuret.

Similiter Illustrissimus ac Excellentissimus Dominus Comes MAXIMILIANUS de Thun nomen suum longævæ posteritati transcribit, tam insignia opera condendo, ut inter præcipuas Regni Boëmiæ raritates numerari mereantur. Inter alias præclaras structuras animos spectantium non modicè in admirationē rapit in Arce Tetz-  
nensi hortus in prærupta petra amœnissimis viridarijs confitus, nec non artificiosis fontibus irriguus, ac quodam modo in aëre superbiens, sitúque suo hortos Semiramidis



adumbrans. Majorem tamen intuentium stuporem extorquet via verè dicenda regia, quæ ex subiecta civitate ad arcem viatores ducit. Fuit olim ad illam aditus propter asperrimas cautes, eminentes petras, anfractuosa calles ac scabrosa saxa oppido difficilis. Hunc idem Excellentissimus Comes tam amplò spatiò ad miraculum usque complanavit, & præcipitem montem ad tam lenem declivitatem deduxit, ut in illo complures rhedæ simul procedere, ac sibi invicem obviantes currus sinè impedimento, aut remora coeptum iter proseguere possint. Quisquis hanc raram viam conspicit, illam non tantum opus egregium, sed penè regium appellat.

Præterea ab eodem Excellentissimo Comite in ipsa Tetznenfi arce magnificentissimum equile exstructum est, verè dignum, ut in illo stabulentur Regij sonipedes, & gradarij, nec non Apollinis Pegasus, cum Bucephalo Magni Alexandri. Quid dicam de Pragenfi fabrica quam idem Excellentissimus Comes felicibus auspicijs erexit, in qua præcipuè intuentium oculos rapit amplissimum tricliniũ artificiosò penicillò tam magnificè exornatum, ut à spectatorijs suis plausum referat, & inter famosiora Triurbis Pragenfis domicilia numeretur. Plura qui de hoc Excellentissimo Domino Comite MAXIMILIANO nò se desiderat, consulat Boëmiam P. Bohuslai Balbini.

In Austria pariter Germaniæ Paradiso florebit gloriosa Thuniani nominis memoria, nam in illa prope Viennam Austriacorum Cæsarum ordinariam sedem, Illustrissimus ac Excellentissimus Dominus FRANCISCUS Comes de Thun raræ elegantiae suburbanam habitationem, hortumque venustissimis fontibus, amœnis viridarijs, ac jucundissimis inventionibus plenum (quem etiam hac de causa Augustæ & Serenissimæ Personæ visitatione sua sæpius honorare dignatæ sunt) magnis sumptibus exstruxit, & hunc hortensis voluptatis locum Thunswerth appellavit.

Nec

Nec postremus inter Illustrissimos fratres reputandus est Excellentissimus Comes ROMEDIUS de Thun singularissimus artis Archi-tectonicæ amator, ad cujus notitiam in excellenti gradu acquirendam insigne à natura adeptus est talentum, unde illius genius in formandis elegantissimarum fabricarum Idæis, mirè delectatur, & in eruendis novis inventionibus acies illius ingenij plurimum elucet. Ædificavit ille præter splendidissimam totius Regni Boëmiæ Capellam potiore Arcis Choltitzensis partem ordinatissimâ cubiculorum dispositione conspicuam, quæ ita legibus Archi-tecturæ congruit, ut longâ speculatione Momus opus habeat, quærendo in illa aliquid, quod rectè reprehendat.

Huic fabricæ postquam ultima manus adhibita fuerit, merebitur præcipuis regni Boëmiæ arcibus annumerari. Nec minorem relinquit seræ posteritati nominis sui memoriam idem Excellentissimus Dominus Comes, dum deliciarum hortensium se quoque ostēdit esse amatorem. Plantatum enim à majoribus suis pro genio illius sæculi, & iniquâ situatione loci hortum irregularissimum, ad concinnum redegit ordinem, & tam diversis structurarum & statuarum elegantijs exornavit, ut longè amplius industriam suam & inventiosum ingenium demonstraverit, tam rude opus reformando, quàm si novissimi horti egisset conditorem. Et quia fontes vivaci saltu in altum profilientes hortensibus structuris vitam quodammodo inspirant, ac totum floridæ rei corpus animant: in prior parte horti spectantium oculis se offert grandior cisterna, sex topiarijs cincta, quæ limpidissimum fontem ad conspicuam altitudinem ejaculata, à redundante aquarum abundantia in vicinam trutarum piscinam se exonerat, aquis in utilitatem piscium cedentibus. Centrum horti occupat in edito colliculo non à natura sed arte congesto, amoenissimum solarium, ventulo recentique auræ ex o-

nni parte pervium, illius fastigium octo Delphini ambiunt, hydraulico artificio per sedecim Syphones aquas in altum projicientes, huic hydro-technico operi in subiecta horti planitie correspondent alij quatuor artificiosi fontes aquis in altum exilientibus colludentes. Tandem postremi horti partem claudit amplum pomarium, gratissimis fructibus opulentum. Præ omnibus tamen curiosorum spectatorum oculos summè delectat, brumale rerum hortensium repositorium, exterius eâ formâ constructum, ut nobilis Heri domicilium esse videatur.

Internam hujus structuræ dispositionem quisquis hyberno tempore conspicit, templum Floræ, vel Pomonæ palatium se intueri arbitratur. Fornix enim Poëtarum fabulis vivaci penicillo venustè expressis condecoratus est. Latera parietum ambiunt gratiosæ, pergulæ cancellis elegantissimis instructæ quibus insunt urcei ex cupro elaborati & recipiendis pretiosioribus arbusculis accommodati. Inter hos alternatim collocatæ spectantur pyramides virentibus folijs tota hyeme vernantes. Pavimenta pergularum contegunt olera, lactucæ, & aliæ hortenses plantæ, victûs gratiâ asservari solitæ. Sub pergulis ex utraque parte cernitur amoena porticus compluribus arcubus conspicua, quorum interjecta spatia in ornatissimis receptaculis plantatæ rariores arbores occupant, non modicè visum recreantes. Tandem hujus sumptuosi repositorij meditullium implet magna grandiorum fructiferarum arborum copia, quas solum Italicum hisce provinciis subministrat, ita ut amoenissimi nemoris speciem oculis repræsentet. Porro pro conservandis ab omni injuria aëris, brumali tempore delicatioribus arboribus, fornax subterranea eô artificio constructa est, ut pro qualitate sæviētis frigoris, per occultos cuniculos, quasi per canales deductus calor, ad arbitrium hortulani intēdi ac remitti possit. Denique in hoc extraordinario opere pulcher-

cherrimò connubiò voluptas conjuncta est utilitati, ita  
ut non inmerito hanc spectatibus exhibeat inscriptionem.

Omne tulit punctum qui miscuit utile dulci,

Utile cum dulci miscuit iste locus.

Utilis est locus hic, salvans à frigore plantas,

Hic contra frigus Guardia salva datur.

Est dulcis locus hic, gelido regnante Decembri

Hic frondes inter Majus amœnus adest.

Structuræ Dominus *si punctum non tulit omne;*

Saltèm præ reliquis hæc *duo puncta* tulit,

Complures raras fabricas idem Excellentissimus Domi-  
nus Comes in mente sua machinatur, cui ut Divina boni-  
tas diuturnam sanitatem, ac longævam vitam elargiatur  
animitus expto, ut Choltitzium tanquam Domum nati-  
vitatæ suæ, in qua primam aspexit lucem splendidissimis  
ædificijs reddat illustrem, & in loco in quo transitoriam  
accepit vitam, stabilem ac perennem nominis sui memo-  
riam relinquat.

Ex his omnibus facilè deduci potest; perennaturam  
Comitum de Thun gloriosam memoriam, petris, saxi  
ac marmoribus tam profundè incisam. Laudes quidem  
verbosæ evanescent, etiam dum actualiter ex lingua pro-  
fluunt: nam nihil aliud sunt quàm aër, & sonus in aëre: in  
lapide tamen creduntur reddi immortales, imprimuntur  
enim marmori & quodammodo marmor fiunt, animant  
lapidem, & faciunt eloquentem, facit illas lapis solidas,  
& penè æternas.

Quia verò

Tabida consumit ferrum lapidesque senectus.

&

Mors etiam saxi marmoribusque venit.

Rectè inquit Petrarcha: *Crede mihi alijs quàm lapideis fun-  
damentis eget gloria, ut mansura sit. Omnia quæ manu hominum  
facta sunt, vel manu hominum evertuntur, vel durando defici-*

Qq

*unt.*

*Ovid. de  
Pont.*

*Ausonius.*

*ent. Habet enim manus praevalidas longa dies, ex cunctis nostris operibus nullum senio resistit, ruentibus ergo his, super quibus gloria tua fundata est, ipsam quoque corruiere est necesse.*

*Lib. 3. c. 2.*

*Lib. 3.*

*Epist. 27.*

*de Consol.*

*ad Mart.*

Proinde Comites de Thun non in solis faxis & lapidibus perennem nominis sui gloriam stabiliverunt, sed etiam in virtutis immortalitate bene fundârunt Illustrissimæ suæ domûs æternitatem. Verum quidem est, omnia quæ manibus hominum fiunt, ab illis rursus everti posse, sed teste Valerio Maximo: *Nihil est (excepta virtute) quod mortali manu, vel animo immortalis quæri possit.* Hæc Comites de Thun manibus hominum eripiet, nec finet ullam manum contra illos prævalere. Multa de constantissima mundi inconstantia dixerunt viri constantissimi, inter quos graviter effatur Symmachus. *Nihil hominibus æternum. Volunt mortalia vices crebra, & omnium rerum fugâ vivitur.* Ad stipulatur Seneca: *omnia humana brevia & caduca sunt.* Suffragatur Pelusiotæ: *Mundus est perpetua ruinarum ruina.* Nihilominus verissimè effatus est Princeps Philosophorum Aristoteles, dum ait: *nulla in re mortalium tanta inest firmitas, tanta constantia, ut in ijs rebus quæ virtute geruntur.* Plurima sanè à Comitibus de Thun per virtutem gesta sunt. Unde licet Mundus rotundus ruinis suis involvatur: Domus tamen Thuniana stabit inconcussa, quia fundata est supra firmos lapides à virtute adamussim quadratos. Tales enim viros protulit, de quibus loquitur Simonides Poëta inquiens: *bonum virum esse verè difficile, manibusque & pedibus & mente quadratum.* Stabit immobilis hæc domus Illustrissima in quadro posita, nam venerando suo testimonio id comprobat Beda venerabilis dicens: *Quadratum omne quocunque vertitur fixum stare consuevit.* Porro capitales perennitatis hostes sunt oblivio & vetustas. Oblivio est filia vetustatis, & vetustas mater oblivionis. Ambæ perpetuæ rerum memoriæ nocent, quia ut præclare apud Stob. loquitur Evripides: *Tempus obscurat omnia & oblivione in-*

*vol-*

*voluit.* Vetustatis autem malignitatem ita deplorat Ovidius:

Tempus edax rerum, tūque invidiosa vetustas  
Omnia destruitis.

*Lib. 15.  
Metam.*

Utrumque tamen hostem Domus Thuniana elisit, & elusit. Illusit oblivioni, quando præclara Thuniadum facta sanior pars mundi accepit ad notam, & illorum notabili virtuti apposuit maximum NB. quia asseverante Tulio: *pro Milone.*  
*ex omnibus premijs virtutis amplissimum premium est gloria, quæ vitæ brevitatem, posteritatis memoriâ consolatur, quæ efficit, ut mortui vivamus, cujus gradibus etiam homines in calum videntur ascendere.* Semper vivet Comitum de Thun memoria, non enim (inquit idem Romanus Orator) *pro Marco*  
*vita hæc dicenda est, quæ corpore & spiritu continetur, illa inquam, illa vita est, quæ viget memoriâ seculorum omnium, quam posteritas alit, quam ipsa aternitas semper intuetur.* Elisit Illustrissima hæc domus omnem vetustatis corruptionem, dum illi posuit virtutem suam semper incorruptam: nam ex mente Isidori: *Non aenea statua auro rutilans, non Olympica corona,* *Telus. l. 2.  
Epist. 286.*  
*non robur &c. non aliud quidquam eorum, quæ magna esse videntur, magnum est, & expetendum, temporis enim cedit, & extinguitur, sola autem virtus præclaram & nunquam intermorituram gloriam obtinet, & quæ nec vetustati cedat.* Communis ab orbe condito querela fuit, inter mortales nihil esse immortale.

Huic querimonie facilem assensum præstabo si virtus excipiat. De illa enim ex mente Senecæ ita loquitur Lactantius: *Seneca quoque nullum esse aliud virtutis premium quam immortalitatem fatetur. Una, inquit, res est virtus, quæ nos immortalitate donare possit, & pares Dijs facere.* Si ergo premium virtutis est immortalitas, & homines pares efficit Dijs: quis dubitet Illustrissimam Domum de Thun immortalem esse, cum in illa virtus sedem suam fixerit, & tot nu-


*Divin. Institut. c. 1.*



meret Deos quot Comites virtuosos, ac proinde rectè dici possit domicilium Deorum.

*His ego nec metas rerum nec tempora pono*

Est immortalis Virtus in stemmate de Thun,  
Hinc æterna manet nobilis ista domus.  
Si perfecta mori posset post sæcula virtus,  
Par Mausoleo tunc foret ista Domus.



## DIGRESSIO X.

*An rectè scribi possit ad mortuos?*



Ors sancti Romedij quem à terris absentem per literas alloqui desidero, me quæstionem movere facit, an rectè scribi possit ad mortuos? Si enim mortui vivorum Larvæ sunt: larvata videtur celebrare Bacchanalia qui cum Larvis, tanquam cum veris hominibus conversatur. Mortui auditu carent: unde inter sapientes malè audit, qui *surdo canit fabulam*. Mortui sunt visu orbat: adeoque videtur obfuscatum habere rationis oculum, qui cæco literas legendas offert. Mortui carent cerebro: proinde ille judicandus est habere pultes pro cerebro, qui credit literas intelligere spectra cere-

cerebro carentia. Nisi fortassis sibi quispiam persvadeat, cum mortui umbræ sint ( nam *homo fugit velut umbra* ) *Job. 14.* & nigræ literæ similiter cogitationum sint umbræ nostrarum, quibus conceptus nostros adumbramus, has etiam literales umbras ab Umbris posse intelligi. Sed quis tabellarius epistolas ad Manes deferet? & quâ viâ? Non difficilis quidem illa via est, de qua canit Virgilius: *facilis descensus Averni*, est via trita, quia via Regia, nam & Reges vadunt per illam. Si de Tabellario agitur, olim quidem operami aurei Æneas ad campos Elysios penetravit, & beneficiô suæ lyra descendit impunè ad Tartara Orpheus: nunc verò auri sacra fames devoravit aureos ramos, & in lyra Orphei delirans mundus, omnes rectæ concordantiæ chordas rupit. Si tamen per postam equestri celeritate ad mortuos literas transmittere placuerit, fortassis hoc munus exequi poterit offeus ille vir, & celerimus veredarius, quem conspexit Apocalyptica Aquila, ita scribens: *Ecce equus pallidus, & qui sedebat super eum nomen illi mors.* Jam non mirum est, quod mors homines se fugiētes tam celeriter assequatur, cum in equo quasi in posta pergat. Ut ut sit, videtur critici genij hominibus, plenè esse Maniacus ille, qui cum Manibus per literas correspondentiam quærit. Nihilominus non defuerunt viri sapientissimi, & oratores facundissimi, qui dum mortuos fuerunt allocuti, & ad eosdem perorârunt, tanquam ad viventes auditores, ac saxa & lapides in testimonium vocârunt, aliâsquē res sensu carentes in dictione sua citârunt, sanô tamen sensu non caruerunt.

Ad mortuos scripserunt Reges, & mortuis literas consignârunt Imperatores, ad mortuos epistolas miserunt Pontifices. Ex Regibus Henricus VIII. Angliæ Rex, Beatum Thomam Cantuariensem Archi-Episcopum, & totius Angliæ Primatem, ultra quadraginta annos jam occisum, per publicum edictum sigillô Regiô firmatum citavit,

Rr

quo

*PoWing.  
in histor.  
Anglor.  
& Bern-  
ard: de  
Britto in  
historia  
Cyler.*

quô sanctissimus Martyr ante tribunal Regis tanquam perduellionis reus adesse jubebatur, præfixumque est ipsum in Beati Viri tumulo, in quo illius Sanctæ Reliquiæ condebantur. Si hoc dixeris esse infame, & impudentissimum inauditæ temeritatis, & impietatis exemplum; ac proinde Henricum Octavum, fuisse octavū sapientem: alias proferam literas scriptas ad mortuum, quas ipsa dictavit pietas & devotio scripsit, quæ tantò plus habebūt ponderis, quantò plus habent authoritatis.

Desiderabat Theodosius Imperator Sancti Chrysostomi corpus ab exilio (in quo vitā clausit) ad Constantinopolitanam Urbem revocare: sed illi qui ad reportandum missi sunt, illud locò suò minimè movere valuerunt. Indoluit Cæsar se non posse Constantinopoli Sanctum habere mortuum, quem olim Urbs illa non voluit tolerare vivum. Ingemuit se non posse ad Urbem ab exilio revocare mortuum, quem illa toties in exilium egit vivum.

1. Tim. 4. Sed quia *pietas ad omnia utilis est*, illa saluberrimum pietissimò Cæsari consilium suggessit. Deposuit ille ex manibus sceptrum Imperatorium, & arripuit humili spiritu calamum, ac epistolam ad Sanctum Virum jam triginta quinque annis mortuum, devotissimis officijs plenam exaravit, cum multis precibus obsecrans, ut corpus suum ad Urbem reduci patiatur. Tam humilibus precibus Sanctus annuit, & transferendi sui corporis potestatem fecit. Quis nunc tam illoti oris erit homo, qui contra hanc audeat loqui Epistolam, quam aureum os assensu suo approbavit? Certè edicto Cæsareo proscribendus foret ille, qui contra hoc scriptum Cæsaris pennam temerariā movere vellet. Si profana exempla hæc sunt: sacra adjungamus, ut Petri claves assistant Imperatoris gladio, & gladius Imperatoris defendat claves Petri. Pervolvamus Decretales Pontificum epistolas, & inter illas inveniemus Teste Hieronymo unam, quam Clemens successor Petri, jussu

jussu illius scripsit ad Jacobum fratrem Domini, qui jam octo annis in Domino requievit. Et quis de scribendis ad mortuos epistolis audeat nodum in scirpo quærere, aut nodos Gordios intricare? cùm clavis Petri quæ ligata in cælis solvit, etiam hunc difficultatis nodum tuò factò resolvat in terris, ità ut opus non sit gladiò Magni Alexandri. Devotissimi igitur Cæsaris imitaturus devotionem, literas perscribere statui Sancto ROMEDIO, Patrono meo in cælis, cujus indignum Capellanium egi in terris; & dum scribo me totum illi transcribo, unicè desiderans, ut ille desiderijs meis respondeat, & votis subscribat.

# TITULUS EXTERIOR,

*Divo Romedio Illustrissimo Comiti  
de Thaur, Domino in Andeck & Al-  
ta Guardia, vallis Annaniæ Aposto-  
lo, Anachoretæ sanctissimo, magno  
Thaumaturgo, Patrono meo  
Colendissimo*

## In nova civitate

Jerusalem deponantur.

[illegible]

## TITULUS INTERIOR

*Dive inter Comites Sanctissime, in-  
ter Sanctos Illustrissime Comes.*

Omitas Tua nec non benevolentiae, & benignitatis comitatus, plumbeum meum calamū tam expeditum fecerunt, ut ad cælos usq; præsum-

pferit evolare. Volat ille non suis, sed plumis alienis,  
 nam lator harum, Angelus meus Custos est. Non po-  
 tui honoratiorem personam mittere, nisi *magni Ananix fi-*  
*tium*. Non valui celeriores nuncios expedire, nisi spiri-  
 tum volatilem perniciousis alis instructum. Nequivi fi-  
 deliorem sacretorum meorum bajulum ablegare, nisi il-  
 lum, cui totum me concredidi, & cujus fideli tutelæ ipse  
 DEUS me commisit. Spero omnia ab illo fideliter ex-  
 pedienda, qui in rebellionem Luciferi fidelis Deo perman-  
 sit. Peritiorum itineris tabellarium non potui ad Te de-  
 stinare, nam timendum amplius non habet, nè erret in  
 via, cum semper sit in Patria. Ignosce Comes Sanctissi-  
 me quod scribam tam malâ manu, mala enim sunt illius  
 opera, sed & illa emendabitur, postquam reposita fuerit  
 ad manus Tuas, tunc enim erit verè in *bona manu*. Scri-  
 psi *stylo hominis*, sed humanum est errare: properanter scri-  
 psi, & properare est propè errare. Veniam à Te spero  
 erroribus meis, quia Comes es, totus comis & humanus,  
 quamvis in humanis esse cessaveris, ego verò in humanis  
 degens, totus sum inhumanus, totus crassus & indolatus,  
 propter corpus quod aggravat animam. Tu verò totus es  
 politus, quia repositus inter lapides politos Jerusalem celestis.  
 Tuam obtusò calamò præsumpsi scribere vitam, qui no-  
 men habeo quod vivam & mortuus sum. Adjuva me, ut inve-  
 niam vitam in illo qui dixit: ego sum via, veritas, & vita.  
 Unicam Domino Dominantium pro me scribe recommen-  
 dationem, ut inscribar libro vite, nè offensus DEUS con-  
 tra me scribat amaritudines, meque cælo proscribat. Decla-  
 ravi Illustrissimam profapiæ tuæ nobilitatem: per Te quo-  
 que nobilitari desidero, adjuva me ut Rex Regum mihi con-  
 ferat gratiæ suæ diploma, & me efficiat non Equitem au-  
 Kempensis rei Velleris, sed Equitem de gratia, suaviter enim equitat,  
 quem gratia DEI portat. Demonstravi Te fuisse bonum  
 militem CHRISTI, tu quoque me conscribe ad Tuam  
 militiam, ego semper tanquam meo Duci mandatis Tuis  
 ob-

obsequar, & Te jubente libenter sedebo in asino, imò Te mandante non aureus Apuleij, sed ligneus asinus effici paratus sum, nam *mites asinos plus amat Christus, quam feros & superbos equos.* Extuli Tuam erga pauperes liberalitatem. Ego pariter mendicus sum, Tu autem inter Divinas lautitias es verè dives Epulo, & ex numero illorum convivarum, de quibus canit Psaltes Regius: *Inebriabuntur ab ubertate domus tua: & torrente voluptatis tuae potabis eos.* Ego verò inter humanas misérias degens, sum pauper Lazarus, cupiens saturari de micis ex mensa tua cadentibus. Suscipe me pro catello tuo & fave mihi unicam saltèm miculam, nam & catelli edunt de micis quæ cadunt ex mensa Domini suorum. Dilaudavi Te tanquam gloriosum contemptorem mundi. O Dive Romedi! benedic actionibus meis, nè efficiar *sterilis ficulnea* in qua Christus nullum fructum invenit, sed potiùs fiam fructifera ficus, ut tecum pariter possim mundo *ficum ostendere.* Deprædicavi Tuam in prædicando verbo DEI efficacem facundiam. O Sancte Prædicator! prædica quoque cordi meo, ut verè fiam Aulicus Familiæ de Thun, id est factor, & non tantùm auditor, juxta illud Apostoli monitum: *estote factores verbi, & non auditores tantùm.* De Te bene dixi, quod fueris Vir à DEO, & Vicario CHRISTI benedictus. Unde humillime obsecro, ut mihi quoque cum Isaac *anima tua benedicat.* Agnòsco quidem quod per prava mea opera factus sim *pilosus Esau*, liceat tamen mihi hirsutum cor meum ad pedes tuos deponere, & villosi Tui urfilocum occupare. Ostendi Te fuisse sanctissimum incolam deserti.

O Beatissime Eremita! ad desertum Tuum confugio nequaquam à spe mea desertus, id unicè supplicans, nè in illa ultima hõra, in qua à toto mundo desertus fuero, Tu me deferas, sed potiùs Te benignissimum esse Comitem ostendas. Præsta mihi comitivam Comes Beatissime nè in hac periculosa via toto cælo aberrem à sanctorum Patria. Denique probavi Te magnum fuisse in patrandis



miraculis Thaumaturgum. Igitur hoc unicum à Te peto  
 miraculum: respice me maximum peccatorem, meque ad  
 DEUM efficaciter converte, ac spiritualiter mortuum re-  
 suscita, hoc enim præstando maximum patrabis miracu-  
 lum: nam juxta mentem S. Gregorij *majus est miraculum*  
*Lib. 3.*  
*Dial. c. 17.* *peccatorem convertere, quàm carne mortuum resuscitare.* Devo-  
 tō Tibi stylō beatissimam Tuam mortem scripsi, proinde  
 hoc ardentissimis votis exopto, ut quando fracta penna  
 mortis subibit poenam, & calamitosus calamus ferali urnæ  
 allisus ultimam vitalem guttam exstillabit, ac postrema  
 scriptio illo pulvere conspergetur, de quo Ecclesia dicit:  
*memento homo quia pulvis es & in pulverem reverteris*, tunc in-  
 quam ferventissimè oro, ut vitæ meæ parenthesis bono  
 fine claudatur. Annos octo in Capellæ Tuæ sacro servitio  
 consumpsi, pro quolibet anno unam mihi impetra beati-  
 tudinem, & tunc verè fiam beatus ut octo. Finaliter o-  
 mnia libelli mei (quem in honoris Tui augmentum con-  
 scripsi) Tibi Patrono meo singularissimo dedico folia. Fa-  
*Job. 13.* teor me esse *quasi folium quod vento rapitur.* Igitur me pro-  
*Ephes. 4.* tege auxiliator Beatissime, ut non *circumferar omni vento*  
*doctrina*, nè fortè me computando inter illos, qui *dicunt*  
*Rom. 1.* *se esse sapientes, stultus esse* deprehendar in magno folio. Ti-  
 bi consecro singulas paginarum lineas, ut meam manum  
 ducas, ad rectè scribendam illam, quæ est *ultima linearum*.  
*Apoc. 1.* Tibi offero universas linearum literas, ut Te magistro di-  
 scam binas illas divinas literas: *Alpha & Omega.* Denique  
 omnes Tibi præsentō literarum apices, usque ad ultimum  
 vitæ meæ punctum. Vale. Ità humillimis precibus sup-  
 plicat

*Illustrissimæ sanctitatis Tuae*


Devotissimus Cliens

&

Indignus Capellanus


P. Amandus Friedenfelds, Ordinis Præ-  
 monstrat: Canon: Regular: Strahoviens:





1 2 3 4 5 6

*Sacelli facies*





*foldout/map  
not digitized*

ECTYPON

*Sumptuosæ ac Magnificæ  
Capellæ*

S.  O M E D I I,

Quam

*Illustrissimus ac Excellentissimus  
Dominus, Dominus*

 O M E D I U S

 O N S T A N -  
T I N U S,

*Sacri Romani Imperij Comes  
de Thun &c.*

In Arce Sua Choltitzensi extruxit.

\*\*\*\*\*  
VETERO-PRAGÆ,

[Typis Archi-Episcopalibus, in Collegio S. NORBERTI,  
per Georgium Samuelem Beringer, 1699.





Nter raras Boëmiæ prærogativas minimum non est, Inclytum hoc Regnum tam copiosis Sanctorum Lipsanis abundare, ut jure merito appellari possit Sacrarum Reliquiarum Gazophylacium. Tam pretioso thesauro etiam dives est Arx Choltitzensis, in cujus magnifica Capella Brachium S. ROMEDII religiosè asservatur. Hujus tam Sumptuosæ Fabricæ Fundator est Illustrissimus ac Excellentissimus Dominus Comes ROMEDIUS CONSTANTINUS de THUN, cui DEUS & natura speciale indidit artis Architectonicæ talentum. Manifestavit illud Comes ingeniosissimus in hujus Sacræ Ædis Idæa efformāda, nec non structuræ fabrica cum mira elegantia construenda, ostenditque, quòd sit ROMEDIUS exstruens anagrammaticè *Muros DEI*. Forma hujus splendidissimi Sacelli, est quasi figuræ ovalis, in octoëdrum longiusculum transformatæ. Interni parietes sunt gypso incrustati, varia ornamenta, & diversarum rerum effigies repræsentante, quibus intermixtæ spectantur elegantissimæ picturæ, peritorum artificum manu absolutæ, ità ut dubium remaneat, utrùm artificiosi cæmentarij trulla, an verò pictoris penicillus prævaleat. Supremus hujus sumptuosæ fabricæ apex assimilatur turriculæ, quæ pro augenda interna Sacelli luce perspicuis fenestris est instructa. In illius laqueari supremum locum obtinet Imago *SSS. Trinitatis*, ab illa enim incipiendum fuit, ut per ipsius gloriam debita fabricæ perfectio accedat, nam *omne trinum perfectum*. Tres proinde sunt hujus Capellæ Divini Protectores





JCO

NISM<sub>9</sub>



PRJ

MVS.



Joan Seger: del.

M. Riola scul.

## DEUS PATER


**E** St cæli & terræ Omnipotēs Opifex, qui *dixit, & facta sunt, qui mandavit & creata sunt*, Ille Sacelli, hujus aget conservatorem. PATER, qui mundum produxit ex nihilo, ille non finet hanc fabricam ad nihilū deduci. PATER Æternus, qui ipsam fundavit æternitatem, huic structuræ tribuet perennitatem. Psal. 32.

## DEUS FILIUS

**E** St Verbum finè quo factum est nihil; nunquam hæc Sacra Ædes conservata DEI Verbô, erit finè Verbo, & sic nunquam poterit fieri nihil. FILIUS est Sapiencia Patris, quæ *ludit in orbe terrarum*, hæc, auxiliante suo sapientissimo lusu, non permittet huic Sacello illudi, sed omnes injurias temporum eludet, & elidet. FILIUS est Echo Patris, hæc Excellentissimum hujus Capellæ Fundatorem ROMEDIUM faciet tenere *Medium*, quia *medium tenere beati*. Hæc subministrabit *Remedium*, ut semper servet medium, quia *in medio virtus*. Hæc Viatorem ROMEDIUM secure deducet per medium, nam *mediô tutissimus ibit*. Proverb. 8.

## DEUS SPIRITUS SANCTUS.

**D** Exteræ DEI digitus est; ille hoc Sacellum protectioni suæ commissum ita manutenebit, ut quondam seraposteritas de hoc loco dicta sit, *verè digitus DEI est* Exod. 8.  
*hic*. SPIRITUS S. ignis est, ille mentes Fidelium in hac Capella tanquam in cænaculo Discipulorum Christi, in Pentecoste illuminabit. SPIRITUS S. Amor est, ille corda fidelium in hoc Sacello orantium, Divinâ succendet charitate.



## Explanatio Figurarum Iconismi II.



Antiquissimam Personarum Triadem figurâ præcedenti expressam, ambiunt bis quatuor symbola exprimentia virtutes, & charismata Sancto ROMEDIO à DEO concessa.

Figura. **A.** Denotat ardentissimū Sancti ROMEDII in convertendis gentilibus zelum, quō corda illorum Divino amore inflammavit, & mentem eorum ad cognoscendum DEUM illuminavit. Symbolum illius ita sonat: *Da mihi animas.* Genes. 14.


Figura. **B.** Repræsentat solitariā S. ROMEDII conversationem, qui tanquam Turtur inter pios gemitus, & devota suspiria, in deserto vitam transegit, adjectum est Symbolum. *Vox Turturis audita est.* Cant. 2.

Figura. **C.** Per Liliū exprimit illibatam S. ROMEDII castitatē, quam usque ad extremum vitæ intemeratam conservavit, inscriptumque est Symbolum: *Flos de radice ejus.* Isaia. 11.


Figura. **D.** Adumbrat invictā S. ROMEDII in bono proposito constantiam: nam de omnibus tentationibus retulit palmam; additum est Symbolum: *Justus ut palma florebit.* Psal. 91.











Iconismus II.



part. 2. pag. 4.



part. 2. pag. 4.



part. 2. pag. 4.



part. 2. pag. 4.







Figura. **E**. Contemplandum proponit in præruptis faxis extructum S. ROMEDII eremitoriū, & oratorium, cum lemmate: *Similabo eum viro sapienti, qui edificavit domum suam supra petram.* Matth. 7.

Figura. **F**. Producit S. ROMEDII profusissimā erga pauperes liberalitatem, qua se exspolians, illos ditavit. Annexa est inscriptio: *Manus suas aperuit inopi, & palmas suas extendit ad pauperem.* Prov. 31.

Figura. **G**. Ostēdit pia S. ROMEDII opera, mortificationes, & afflictiones corporis, quibus carnem suam in servitutem redegit. Adjuncta est inscriptio: *Thesaurizate vobis thesauros in calo.* Matth. 6.

Figura. **H**. Denotat S. ROMEDII devotā peregrinationem, in qua Romæ sepulchra Martyrum pientissimè visitavit. Adscriptum est Symbolum: *Perfice gressus meos in semitis tuis.* Psal. 16.



## *Explicatio Figurarum Iconismi III.*

**I**N fenestrarum interstitijs, quæ Cupulæ fenestras quatuor æqualibus spatijs à se discrimināt, curiosi Lectoris animum suspendunt quatuor ænigmata, hoc disticho comprehensa.

<b>T</b> hau me cōstruxit,	<b>T</b> hau structā sanctificavit,
<b>T</b> hau versu ornavit,	<b>T</b> hau Sacer ossa dedit.
b	Ho.

**H**Orum myſteriorum Sphyn gem, & ſimul Oedypum  
 egit Illuſtriſſimus & Reverendiſſimus Dominus, Do-  
 minus, JOANNES FRANCISCUS, L. Baro de Talm-  
 berg, Epiſcopus Regino-Hradecenſis (Titul:) Antiſtes Li-  
 teratiſſimus, Poëta extemporaneus, & in fabricandis  
 Poëticiſ arſificijs feliciffimus, qui his duob, præfatis ver-  
 ſibus hos latentes ſenſus velavit.

*Thau me conſtruxit.*

**D**Enotat Illuſtriſſimum ac Excellentiffimum Domi-  
 num ROMEDIUM CONSTANTINUM Comi-  
 tem de Thun, cujus pia liberalitate, & indefeſſâ induſtriâ,  
 ex ſpeciali erga S. ROMEDIUM devotione Sacellum  
 conditum eſt.

*Thau ſtructam ſanctificavit.*

**I**Ndicat Reverendiſſimum ac Celiſſimum Principem  
 JOANNEM ERNESTUM è Comitibus de Thun  
 Archi-Epiſcopum Salisburgenſem, qui hanc Capellam  
 Anno 1692. Die 2. Septembris ſolenni ritu conſecravit.

*Thau verſu ornavit.*

**I**N hoc ænigmate ſe ipſum intellexit altè memoratus Il-  
 luſtriſſimus & Reverendiſſimus Præſul & Baro de Talm-  
 berg, qui diverſorum carminum huic Sacello inſcripto-  
 rum Author fuit.

*Thau ſacer oſſa dedit.*

**A**Lludit ad S. ROMEDIUM Comitem de Thaur, hu-  
 jus ſplendidiffimæ Capellæ Patronum, cujus nota-  
 bilis pars Reliquiarum è Tyroli in Boëmiam translata, in  
 hoc loco religioſâ colitur pietate.





A

ESAV.

CONJUGVS IV.




B

NAAMAN.



C

John de Rossi del.



D

OBEDEDON.

M. Rinaldi sculp.

## Explanatio Figurarum Iconismi IV.

**E**Xtrematē Cupulæ ambiunt sedecim Figuræ ex Sacræ Paginæ historia desumptæ, quas suprà cum laude nominatus Illustrissimus Dominus Episcopus Baro de Talmberg his versibus complexus est.

**E**sau, **N**ahaman, **R**uth, **O**bededon, **M**athathias  
**E**lias, **D**avid, **J**ob, **U**rias, **S**amuel.

**A**sa, **T**hou, **H**abacuc, **A**nanias,\* **V**idua, **R**achel

\* Poëtic.  
Licent.

Nec mysterio vacant hi scripturistici versus; si enim initiales horum nominum literæ conjungantur, in hunc sensum concurrent.

## EN ROMEDIUS A THAUR.

Porro particulares harum imaginum historiæ, ex infallibili Sacræ scripturæ relatione desumptæ sequentibus declarantur.

In Figura **A**. repræsentatur filius Patriarchæ Jacobi pilosus *Esau*, qui externâ corporis hirsutie villosos & ferinos mores prodebat, adstat ille parenti suo paternam ab illo accepturus benedictionem, sed à Germano suo, matris instinctu non illicitâ fraude, præventus (qui favente patris cæcitate, paternæ dexteræ subrepsit) primatum amisit, & benedictionis prærogativam. Genes. 27.



In Figura **B.** penicillô expressus cernitur Princeps militiæ Regis Syriæ *Nabaman*, qui juxta ethymologiam sui nominis *pulcher*, sed leprâ foedus fuit. Hic svasu puel- læ Hebrææ, pro recuperanda valetudine, Prophetam Eli- seum accedens, ab eo septies in Jordanis lavacro bal- neare jussus est. In hoc amne thermas nactus saluberri- mas luem eluens aquis, & corpore, & animo munditiam pueri parvuli assecutus est. 4. Reg. 5.

In Figura **C.** spectantium oculis proponitur *Ruth* Moabitis, quæ fame compellente Socrum Noëmam so- ciam secuta, patrium linquens solum advena fuit in terra Judæa. Hæc spicas legendo in agro Booz propinqui sui, affectum illius collegit, & facta est thori illius collega. Ex ea genitus est Obed, & ex illo descendit JESUS, qui vo- catur CHRISTUS. Ecce quantô mysteriô spicæ hujus Moabitidis præluferunt frumento Electorum. Ruth. 2.

In Figura **D.** exhibetur *Obededon*, ad cujus domum divertit Arca DEI Israël, factusque est per trium mensi- um spatium Arcæ pretiosissimæ Thesaurarius & custos. Magna profectò res est in domo sua recipere Deum hospi- tem, & illum habere inquilinum. Semper servitur illi cum foenore, quia solvit centuplum. Hanc profusam DEI liberalitatem expertus est religiosus Hospes DEI, nam de illo refert Sacra pagina: *Benedixit Dominus Obededon, & omnem domum ejus.* 2. Reg. 6.



## *Explanatio Figurarum Ico- nismi V.*



In Figura **E.** *Mathathia* zelus exprimitur, qui  
 sinè populo Princeps, sinè templo Pontifex, se,  
 fili-





*foldout/map  
not digitized*

filios, totamque familiam suam ad sacram militiam contra impios gentiles conscripsit, læsi Numinis injuriam vindicare desiderans sese morti obtulit, ut transgressorem Legis morti tradere posset. Unde Judæum desertorem idolis adolentem in ipsa ara trucidavit, & Regis Antiochi ministrum Hebræos ad idololatriam compellentem zelo suo ausu pariter interfecit, nec dubitavit Sacerdos fieri & carnifex, ut Numen iratum placaret. 1. Machab. 2.

In Figura **F** in scenam prodit Elias, qui Aulam Achab, & impiæ Jezabelis, totumque populum Israëliticum deserens, & in desertum se recipiens, ab omnibus desertus esse videbatur. Non tamen fuit desertus à DEO, qui neminem deserit, nisi prius ab illo deseratur. Imò se desertos non deserit, sed illos etiam ingratos ad viam salutis reducit. Hic benignissimus DEUS Eliam obsequiò corvorum panes & carnes adferentium quotidie pavit, qui nunquam cras, cras crocitando ministerium suum procrastinarunt.

In Figura **G** pastoritij pueri Davidis triumphus representatur, qui carneum Philistinorum propugnaculum Goliath prosteruens, unicò fundæ suæ lapide jamjam ruentem Hebræorum Rempublicam solidavit. Pro quo beneficio invidiam reportavit. Nimis enim malè in auribus Regis Saul resonabat illud Hebræarum mulierum canticum, *percussit Saul mille, David autem decem milia*. Et hic est stylus mundi, pro beneficijs maleficia rependere. 1. Reg. 18.

In Figura **H** speculum patientiæ Job proponitur, qui perditis rebus, amissis filiis, nec ipsam carnem, quæ ipsi sola remanserat, salvam potuit obtinere, denique (ut vulgariter loquar) omnia diabolus rapuit, præter solam uxorem, quam teste S. Augustino, *non dimiserat marito consolatricem, sed suæ temptationis adjutricem, fecerat eam novam Evam, sed ille non erat vetus Adam. Fortior fuit Job in doloribus,*

De tempore barba-  
rico c. 6.

*ribus, quàm ille Adam in nemoribus, iste non cessit tormentis, iste superatus est in delicijs.*

2. Reg.  
c. 11.

In Figura **I** se obtutui offert Urias inter milites Davidis non postremus heros, sed infelix maritus. Uxorem habens non habebat, nam illum ex conjugis amplexibus ad lacertosam luctam, ex pulvinaribus ad bellicos pulveres, à tecto ad tentorium ferreus Mars abstraxit. In absentia mariti Bethsabea Davidem, qui manu leonem straverat, visuperculit & prostravit, & dum sordes corporis ad fontem abluit, magis inquinata recessit. O infelix Urias, quem prius occiderunt Davidis literæ, quàm hostium armatura.

In Figura **K** objectū picturæ est Propheta Samuel, qui à matre in templo impetratus, vicissim templo est oblatus, officijs cum DEO certante Matre. Adhuc puer factus est custos templi, & templum DEI. Post hæc creatus summus Sacerdos DEI, & iudex populi, Philistæos Cæli fulminibus vicit. Duos Reges populi Israëliti unxit, Saulem, & Davidem. Primum lenticulâ olei, alterum pleno cornu perfudit, quia Sauli unctione sua *cor in melius immutavit*. Davidem verò ante unctionem esse *Virum secundum cor DEI* deprehendit.



## *Explanatio Figurarum Iconismi VI.*


3. Reg. 15.



In Figura **L** exhibetur zelus Asæ Regis, qui fecit rectum ante conspectum Domini. Abstulit ille effœminatos de terra, nè illam spurcitijs suis contaminarent. Matrem suam Priapi antistitem à tam turpi officio



ANANIAS.




Joan. Mease del.

THOV



VIDVA.



ГЕОМАСМВ. VI.

HABACVC.



RACHEL.



М. Ринда, галь.





cio removit, evertitque lucum, & infamem speluncam, omnium libidinum sordibus conspurcatam. Ipsum verò abominabile Priapi idolum combussit in torrente Cedron. Nec mirum est hujus salacissimæ statuæ truncum inter Cedronis undas fuisse combustum, cùm Venus ex undis nata, in ipsis aquis ardeat.

In Figura **M** repræsentatur historia THOU, qui jam in illo seculo insignis politicus fuit. Postquã enim inter Philistæos & Moabitas Rex David arma victricia circumtulisset, & Adarezer Regem Soba oppressisset, nec non Syros Adarezer auxilium ferentes prælio vicisset: in hac belli flamma, dum proximus arderet Ucalegon, Thou Rex Emath, cùm se imparem resistendo videret, in arena consilium coepit, missóque proprio filio ad Regem David, pacem poposcit, de tam insignibus victorijs eidem congratulando. Profecto Thou in hac prudenti submissione, si non politicum hominem, saltèm politicum Regem egit.


In Figura **N** oculis se sistit Prophetæ Habacuc è Judæa in Babylonem mirabilis translatio. Projectus erat in lacum leonum Prophetæ Daniel, ferocissimarum beluarum esca futurus. Sed quamprimum ille os suum ad orandum aperuit, DEUS ora leonum conclusit. Et nè fame servus DEI torqueretur, famosum factum est miraculum: nam Angelus Domini apprehenso vertice Prophetæ Habacuc, illum unà cum prandio, quod messoribus suis paraverat, in capillo capitis sui in Babylonem transtulit ad famentem Danielelem. Verè tunc non nemo Poëtarum canere potuit: *Omnia sunt Habacuc tenui pendentia filo.*

In Figura **O** se spectandum offert Ananias præclarus CHRISTI discipulus, cum Saulo luminibus privato. Ibat ille inter prima nascentis Ecclesiæ exordia acceptis à Magistratu Judæorum mandatis tumidus, & conceptis in Christianos supplicijs truculentus. Sessorem suum

equus portare ampliùs non valuit, qui ipsi DEO factus est gravis. Cælesti voce turbatus, & caballo deturbatus, atque terræ allisus, cælestia sapere coepit Saulus, & visu perduto, ad omnia cætera cæcus, DEUM vidit. O quàm benignus est DEUS, perdita lumina persecutori Ecclesiæ per Ananiam restituit, & lumen fidei in mente illius accendit, & sic semel cæcum dupliciter fecit videntem.

In Figura **P** producitur Vidua Sarephtana, quæ vi-  
 3. Reg. 17. duato viro, sed non spoliata virtute, in facultatibus do-  
 mesticis pauper, sed in facultate benefaciendi prædives,  
 in omnium rerum extrema caritate supremam Prophetæ  
 Eliæ exhibuit charitatem. In summa victus penuria ni-  
 hil illi superfuit nisi pugillus farinæ in hydria, & paululum  
 olei in lecytho, & tamen utrumque obtulit ignoto hospi-  
 ti, illumque prætulit filio & sibi. Remuneratus est hanc  
 misericordiam DEUS: ut lecythus olei nunquam defici-  
 ens videretur carere fundo, & pugillus farinæ vix uni suf-  
 ficiens pro tribus alendis superabundaret.

In Figura **Q** penicillo expressa est Rachel, in tento-  
 rio stramentis insidens, quibus furtum suum celabat. In-  
 3. Reg. 30. ter hæc tamen furta innocens permansit, nec illam ream  
 accusare potuit, nisi sacrilega impietas, cuius patrocini-  
 um vera religio suscepit. Veri Numinis cultum ut extol-  
 leret, idola patris sustulit, quæ quia Divinum furabantur  
 honorem, illa vicissim furtô abstulit, & quia indigna fue-  
 runt thuris fumo, sub fimo camelorum abscondit.



## *Explanatio Figurarum Ico- nismi VII.*

**S**ub Figuris iconismo præcedenti explicatis diversa  
 cernuntur insignia, quæ gloriosas dignitates in Eccle-  
 sia

fia DEI obtentas à cōsangvineis Comitibus de THVN ex  
 parte Excellentissimi Domini Fundatoris, & Comitibus  
 de SALM, ex parte Illustrissimæ Dominæ Conjugis BAR-  
 BARÆ FRANCISÆ Comitissæ de SALM repræsen-  
 tant. Hæ Figuræ sunt insignia Ecclesiarum, quibus præ-  
 fuerunt, aut spiritualium dignitatum, quibus fulserunt il-  
 lustrissimæ Personæ ex utroque Stemmata oriundæ. Por-  
 rò sciendum est earum nomina iteratis vicibus produci,  
 quæ pluribus Ecclesijs præfuerunt.

Ut autem benevolus Lector ex parte Gloriosæ stirpis  
 Salmenfis & Familiarum cum eadem connexarum noti-  
 tiam aliqualem saltèm habeat, hisce pauculis lineolis eun-  
 dem informandum duxi. Antiquissimi huius Stemma-  
 tis Maximorum Regum & Ducum feracis, & incredibili  
 penè rerum præclare gestarum gloriâ percelebris, Funda-  
 tor fuit SALMO vel SALMON heroicus Princeps, Fra-  
 ter COLENGI Tongrorum Regis in ordine noni, qui  
 primus Comes Salmenfis, ab Arce, quam suo nomine  
 decoravit, dictus est. Uxor illius fuit CLOTILDIS Filia  
 ARRIOVISTI Regis Saxonum. Pro Gentilitio insigni  
 gessit duos rubros Salmones in campo albo, & hoc an-  
 te CHRISTUM natum 86. annis actum est.

Ab hoc glorioso Principe post aliquot generationes  
 descendit JULIANUS I. Comes de SALM, cujus filius,  
 vel (ut aliqui volunt) frater Germanus, Tiberij Cæsaris  
 castra secutus ocularis testis fuit mirabilium, quæ in cruci-  
 fixatione Salvatoris nostri in Monte Calvariæ contigerunt.  
 Novorum enim locò ex Civitate Jerosolymitana ad Do-  
 mum Paternam sequentia perscripsit: *Diebus istis condem-  
 nârunt ad infamem mortem Judæi Prophetam suum, quem JE-  
 SUM à Nazareth vocârunt. In morte hominis istius, terra  
 fuit concussa, & tam horrendi saxorum auditi fragores, ut urbem  
 totam ruituram existimarem, & diem insuper in noctem versam  
 per tres quasi horas.* Hæc epistola in cortice exarata, cum

compluribus æternâ memoriâ dignis monumentis in horrendo Civitatis Passaviensis incendio flammis absorpta est.

Memoratu quoque dignum est, quod in historia Comitum Salmensium Hieronymus Henninges de SYMETRIO scribit his verbis: *Symetrius primus Giffiæ Comes à Salmis, primus Christianam fidem suscepit, baptizatus à Materno Rhemensium Apostolo: qui hujus nepotem ex consanguineo à mortuis excitavit, & Baptizato nomen Materni indidit. Obijt Anno Christi 106. Martyr Christi.*

Processit continuatâ serie hæc Illustrissima Familia Comitum de SALM, usque ad HENRICUM II. qui Senior est appellatus, & Anno Christi 771. traditur obiisse. Hic post annos propè octingentos à condito veteri Comitatu in Arduenna novum in Lotharingia Superiore ad fines Alsatiæ condidit, cui non ad distinctionem Familiæ, sed discretionem Comitatum albos in campo rubro Salmones pro insigni dedit. Reliquit ille post se duas proles, videlicet HENRICUM III. cognomentò JUNIOREM & Filiam FELICITATEM. Iste HENRICUS fuit ultimus Comes à SALMONE descendens. Unicam habuit filiam superstitem HEDWIGEM. Nè tamen cum illo Nomen Comitum de SALM interiret, ex Sorore sua FELICITATE nepotem HENRICUM in hæredem Comitatus & Nominis adoptavit, eidemque Filiam suam HEDWIGEM in conjugem dedit

Soror autem HENRICI III. FELICITAS, acceptò Comitatu veteri in Arduenna cum rubris Salmonibus, à Patre suo nupta FRIDERICO DUCI MOSELLÆ, hunc Comitatum illi pro dote attulit, qui primus è Ducibus MOSELLÆ Comes de SALM dictus est. Ex horum matrimonio progenitus fuit

SADIGERUS Dux MOSELLÆ & Comes de SALM Equitum Magister sub LUDOVICO PIO Ba-

tavos

tavos subjugavit, rebelles Imperatori in agro Lucensi in ordinem redegit, Victor in Ubiorum finibus contra Normannos extitit, verum in ipsius pugnae recessu occubuit. Heroicus hic Princeps præter alias proles genuit duos filios:

REINERUM, qui & RANERUS, RAGNERUS, REGINALDUS à nonnullis nominatur, & HENRICUM IV. REINERUS seu RAGNERUS cognomento MAGNUS ex MOSELLANO Duce, & Comite Arduennæ, Billionæique, à LOTHARIO Imperatore Dux Lotharingiæ investitus est circa annum Christi 860. Et ab hoc Magno Principe propagationem suam derivant Duces Lotharingici.

Frater REINERI HENRICUS IV. & Nepos FELICITATIS, Filius adoptivus HENRICI III. Comitis ultimi de SALM, matrimonio junctus fuit (ut supra dictum est) HEDWIGI Filiae HENRICI III. quæ eidem dotis nomine attulit Comitatum Salmensem in Arduenna; Et sic factus est Dominus utriusque Comitatus, tam rubris, quam albis Salmonibus insigniti.

HENRICO IV. successerunt: HENRICUS V. RAIMBALDUS, SIGARICUS, qui utriusque Comitatus Domini permanserunt.

THEODORICUS autem Comes de SALM ultimus utriusque Comitatus Dominus, divisit eos inter duos suos filios.

CAROLO hujus nominis V. Comiti de SALM dedit Comitatum veterem Salmensem cum rubris Salmonibus & albo Campo in Arduenna; HENRICO autem novum Comitatum in Lotharingia cum albis Salmonibus in rubro campo assignavit.

Per posteros CAROLI V. Salmenfis Sanguis ad præcipua totius Europæ Stemmata est derivatus. Nam ab HENRICO Comite de SALM Primus Portugalliæ

Rex descendit, rarâ sanè & memorabili fortunâ: prænomi-  
natus enim **HENRICUS** in terram Sanctam profici-  
scens contrariâ inter procellas maris jactatus tempesta-  
te, ad Portugalliam optimô suô fatô delatus est, ubi **AL-**  
**PHONSO VI.** Castellæ Regi heroicis suis facinoribus  
contra Saracenos & Mauros strenuè pugnando peruti-  
lem navavit operam. Hunc ergo Heroëm, ut sibi Rex  
devinciret, eidem Filiam suam **Theresiam** cum Comitatu  
Portugalliæ (nunc Regno) pro conjuge dedit. Ex his  
progenitus est:

*Reges Por-  
tugallia &  
Hispania.*

**ALPHONSUS I.** Rex Portugalliæ qui post devictos  
unô præliô quinque Maurorum Reges, ab exercitu suo  
Rex salutatus est. Hic quinque Christi Vulnera, tanquam  
victoriæ suæ tesseram posteris suis pro gentilitio insigni re-  
liquit. Ab hoc Rege Illustrissimus sangvis Comitum de  
**SALM** in Reges Portugalliæ, Hispaniæ, Galliæ & Sere-  
nissimam Domum Austriacam est deductus.

**COMITES** de **LÜTZENBURG**, Sangvinem Sal-  
mensem hauserunt ab **HENRICO BLONDO**, primo  
ex Stemmata de **SALM** Comite Lützenburgensi: &  
consequenter Reges Boëmiæ à **JOANNE COECO**, us-  
que ad **AUGUSTISSIMUM CÆ-**  
**SAREM LEOPOLDUM.**

**DUCES LIMBURGI** per **CAROLUM V.** altè me-  
moratum Comitem de **SALM** facti sunt hujus Illustrissi-  
mæ Domûs Consangvinei. Denique Comites **REIF-**  
**FERSCHKEIT**, Comites de **FALCKENBURG**, Comi-  
tes **RHENI**, Comites à **LIGNI**, Comites **FANI SAN-**  
**CTI PAVLI**, omnes de **SALMENSIS** sangvine ex hac  
**CAROLI V.** Linea participârunt.

Nec minùs gloriosa est Comitum de **SALM** altera li-  
nea **HENRICI VI.** quæ pro Gentilitio scuto utitur albis  
Salmonibus in Campo rubro. Hujus Comitatus ditio  
integra permanfit, usque ad tempora **JOANNIS V.** qui  
illam



illam divisit inter duos filios suos circa annum 1430. SIMONI dedit mediam inter JURA & VOGESIJ montana Comitatus partem, & reliquã assignavit JOANNI VI.

Pars hujus Salmenfis Comitatus per JOANNETAM SIMONIS filiam factò conjugio ad JOANEM Comitem WILDT & RHENI translata est, ex quo matrimonio Salmenfis sangvis ad Comites WILDT & vulgò dictos REINGRAFFIOS defluxit.

Ex JOANNE VI. prognati sunt JOANNES VII. & NICOLAUS II. horum primus partis Comitatus ad parentem suum spectantis factus est Dominus, quæ etiam apud Comites de SALM permansit usque ad CHRISTINAM Comitissam de SALM, quæ nupta FRANCISCO de VAUDEMON Duci Lotharingiæ eidem hanc Comitatus partem pro dote attulit. Ex hac CHRISTINA descenderunt moderni Principes Lotharingiæ.

Alter Fratrum NICOLAUS II. Illustrissimum Steina de SALM ad Hæreditarias Serenissimæ Domûs Provincias induxit: Factusque est FERDINANDI Regis Ungariæ Consiliarius, Camerarius, & Supremus Austriæ Capitaneus. Hic fortissimus Heros Turcas ad Zagrabiam; Venetos ad Verronam vicit: à MAXIMILIANO I. Imperatore opibus & honoribus auctus, FRANCISCUM Regem Galliae ad Ticinum cæpit Annò 1525. In obsidione Viennensi, dum, dirutis mænibus, se irruentibus Turcis opponit, saxò perculsus lethale vulnus accepit, & victoriæ suæ immortalis est. Gloriam paternam æmulatus est

NICOLAUS III. Comes à SALM & NEÜBURG ad OENUM, aurei Velleris Eques, Poloniensis Regionis Præfectus, FERDINANDI Romanorum, Ungariæ & Bohemiæ Regis intimus Consiliarius & Camerarius, Hungariæ, Sclavoniæ, & Croatiae supremus Capitaneus. De hoc Illustrissimo Heroë scribit Hieronymus Henninges, illum



illum à JOANNE PANNONIO, Rege in fratrem, admiratione virtutis, adoptatum, ac ab eodem, uti & SOLYMANNO Turcarum Tyranno amplissimis muneribus, cum apud ipsos Legatum FERDINANDI Regis ageret ornatum fuisse. Obijt Agriæ Anno 1550.



A tam gloriosis Majoribus per CAROLUM Comitem de SALM & NEÜBURG ad OENUM descendit BARBARA FRANCISCA Comitissa de SALM. Quæ nupta Illustrissimo ac Excellentissimo Domino ROMEDIO CONSTANTINO Comiti de THUN ex quinque; quas exixa est, prolibus unicum superstitem habet Filium ROMEDIUM SECUNDUM Comitem de THUN, cujus Illustrissimi natales in amplissima icone exactissimè deducti, ad calcem libri reservantur.

Nunc ad explanationem figurarum in iconismo contentarum me converto.

## *Numero I.*

**R**epræsentatur Insigne Archi-Episcopatus Salisburgensis, cui gloriosè præfuit, & profuit Eminentissimus & Celsissimus Princeps GUIDOBALDUS è Comitibus de THUN, Sacræ Ecclesiæ Romanæ Cardinalis. Vir ad Summa natus, cujus gloriosa acta in opusculi hujus decursu sæpiùs deprædicantur. Ultra hæc omnia, cum serò ad manus meas pervenerit exemplar literarum Apostolicarum, ex quibus facile erui potest, quantæ æstimationis apud CLEMENTEM IX. Summum Pontificem fuerit Princeps Eminentissimus, mihi piaculo duxi illud silentio præterire: adeoque illius contentum publicæ luci expono.

CLE-



ICONIS MVVS  
VII.



part: 2 pag: 18.



# CLEMENS

## PAPA IX.



Ileſte fili Noſter ſalutem & Apoſtolicam benediſtionem. Ex literis tuis nuper acceptis de Comitiorum Ratiſbonenſium Præſidentiâ relinquendâ Te cogitare, ingenti ſanè cum animi noſtri moleſtia & ſollicitudine perſpeximus, reputantes nimirum, quantum ea Præſidentia ſecuritatis, & emolumenti, cunſtis Catholicæ Religionis & communis boni rationibus in ijsdem Comitijs per tot annos attulerit: & idcirco muneris Pontificij charitate perurgente commoti, ut à Te ſummoperè poſtulemus (quod his literis profeſſo facimus) nè tantum auctoritatis, conſiliorum, ſtudijque Tui præſidium hoc tam inopportuno tempore utilitati publicæ ſubtrahas, cui certè proprij commodi, aliarumque rerum tuarum rationes omnes in hâc eâdem cauſâ tamdiu ſumma cum tui laude gloriâque poſthabuiſti. Hunc autem tanti decori tantorumque penes DEUM & homines promeritorum curſum intempeſtivè nunc abrumpi, atque tot ſumptus, labores & res geſtas in caſſum cadere, aut ſaltèm detrimentum non leve ſubire, nunquam ſpectata ſapientia, nec minùs eximius Zelus ac pietas tua ullo pacto, uti confidimus, pati poterit, cum præfertim id etiam vel amorì Paterno noſtro Te libenter daturum eſſe credamus, qui ſicut egregias virtutes, animique præcelſi Tui magnitudinem plurimi facimus, arctèque complectimur; ita quoties occaſio tulerit, optatis, rebusque cunſtis tuis uſque præſto erimus.

Quod ſi forſan hæ literæ Te jam ex Comitijs digreſſum invenerint, ut ad ea ſtatim redeas, & eandem Præſidentiam reaſſumas, omninò cupimus, & à Te vehemen-

ter exposcimus; tribues hoc totum DEI causæ, & perpetuæ observantiæ tuæ in hanc Sanctam Sedem; cujus equidem cum impensè studiosum usque Te præstiteris, nunc ei potissimum obsequi voles in rebus Candia ad universæ rei Christianæ securitatem, & salutem tantopere pertinentibus.

Illis igitur in tam gravi discrimine constitutis, ut Principum Catholicorum opem & auxilium præcipuè in Comitijis quantum poteris, hortationibus, officiis & exemplo quoque propriæ liberalitatis impetrare contendas, etiam atque etiam, uti pariter literis alijs egimus, à Te flagitamus. In quo prorsus illud unicè necessariam est, ut quidquid ab eis præstari poterit quanto citius aut statim potius tribuatur, cum instante periculo præsentaneo, omnis etiam longè validioris subsidij finè celeritate certitudo penitus inanis & vana reddatur. Interim Tibi dilecte Fili Noster ex tuis æquè generosis ac pijs constantis incepti progressibus, ut feliciter aspiret Dominus, Apostolicam benedictionem peramanter impertimur. Datum Romæ apud S. Mariam majorem sub annulo Piscatoris die III. Martij M.DC.LXVIII. Pontific. Nostri año Primo

*J. F. Florentin.*


\*\*\*\*\*

*Numero II.* Iterum producuntur insignia Archi-Episcopatus Salisburgensis, cujus gloriosam Sedem defacto feliciter occupat Reverendissimus & Celsissimus Princeps JOANNES ERNESTUS à Comitibus de THUN, cui omnia fausta & felicia exoptans, sequentibus versibus acclamo.

*Opto DIV regnet sanVs CanVs qVe Ioannes  
ErnestVs DeThVn aVXILiante Deo.*

*Numero III.* Exhibetur insigne Archi-Episcopatus Colonienfis, cujus thronū occupavit ENGELBERTUS  
Co-





3 CONISMVS  
VIII.




part. 2. pag. 21.








ICONISMVS  
IX.



part: 2. pag: 22.

Comes à FALCKENBURG ex Comitibus de SALM descendens.

*Numero IV.* Visendum se offert insigne Ecclesiæ Catalaunensis, cujus Episcopale munus laudabiliter obivit Illustrissimus Præsul THEODORICUS Comes de BARRI Comitum de SALM Consanguineus.



## *Explanatio Figurarum Iconismi VIII. & IX.*

*Numero V.* Delineatum cernitur Insigne Episcopatus Passaviensis, ad cujus restorationem temporibus afflictissimis, quasi de Cælo datus videbatur Celsissimus Princeps WENCESLAUS ex Comitibus de THUN. Illius in Ecclesiam Passaviensem merita, nulla unquam ex gratorum Successorum memoria delere poterit oblivio.

*Numero VI.* Se oculis objicit insigne Episcopatus Ratisbonensis, cujus Sedem occupans Eminentissimus Princeps GUIDOBALDUS de THUN, S.R.E. Cardinalis eundem maximis debitis profundè immersum, munificentia suâ plurimorum millium Imperialium adiutorio, ex imo in sublime elevavit. Vide pag. 28. part. I.

*Numero VII.* Spectantium luminibus occurrit Insigne Episcopatus Argentinenfis, cujus fidelem Antistitem egit RICUINUS è Comitibus de SALM, Filius SADIGERI JUSTI.

*Numero VIII.* Producitur Insigne Episcopatus Metensis, cujus magnum Præsulem egit ADALBERO ex Ducibus Lotharingicis Comitum de SALM Sangvinem participantibus, oriundus. Electus fuit Cleri, populi-  
que votis. unum  
f

*Numero XI.* Delineatum ostenditur Insigne Episcopatus Leodiensis, quem præclaro suo regimine gubernavit SIMON ex Ducibus Lotharingæ & Comitibus de SALM ex Linea REINERI I. descendens.

*Numero XII.* Oculis proponitur Insigne Episcopatus Verdunensis, cujus Pastoralem curam gessit ADALBERTO ex Ducibus Lotharingiæ & Comitibus de SALM suam ducens Genealogiam.



*Explanatio Figurarum Iconismi X.& XI.*

*Numero XIII.* Repræsentatur Insigne Episcopatus Gurcensis, cujus infulâ decoratus fuit WENCESLAUS è Comitibus de THUN ANTISTES magnis Principibus annumerandus, qui ex innata sua liberalitate huic Sedi de pretiosa argenteria, & sumptuosis mobilibus, munificentissimè prospexit.

*Numero XIV.* Intueri licet Insigne Episcopatûs Seckavienſis , cujus ſacram ſedem meritô ſuô defacto poſſidet RUDOLPHUS ex Comitibus de THUN, Princeps pro-




3CON3SMVS  
X.



part: 2. pag: 22.










Icones MV<sup>o</sup>  
XI.



Part: 2. pag: 22 .

propter illustres suas virtutes magnis dignitatibus refer-  
vatus, cui:

*Tempore venturo DEUS, & Fortuna favebit.*

*Numero XV.* Expressum cernitur Insigne Archi-Epi-  
scopatûs Trevirensis, cujus gubernacula rexit THEO-  
BALDUS ex Ducibus Lotharingicis & Comitibus de  
SALM. Qui licet in Catalogo Archi-Episcoporum Tre-  
virensium non reperiatur: invenitur tamen apud Hiero-  
nymum Henninges.

*Numero XVI.* Spectantium obtutibus exhibetur In-  
signe Episcopatûs Tullensis, cujus Antistitem egit HEN-  
RICUS ex Ducibus Lotharingæ, & Comitibus de  
SALM, stemma suum deducens.

*Numero XVII. & XVIII.* Sacra Melitentis Crucis re-  
fulgent Insignia, quibus olim exornatus fuit CHRISTO-  
PHORUS ex Comitibus de THUN, Augustissimi Cæsa-  
ris FERDINANDI II. supremus Aulæ Præfectus. Præ-  
sentibus verò temporibus victoriosâ Melitenium Cru-  
ce gloriosus est FRANCISCUS ex Comitibus de THUN  
Prior & Commendator Kleinölsij, Gröbingæ, & Viennæ,  
Classis Melitenis Generalis, & Victoriosus contra Tur-  
cas & Barbaros Triumphator.

*Numero XIX.* In conspectum prodit Insigne Archi-  
Episcopatûs Moguntini, cujus sacram tyaram adeptus  
est FRIDERICUS ex Ducibus Lotharingæ, & Comiti-  
bus Salmensibus descendens. Hic Princeps fundavit  
Moguntia Præposituram Sancti Petri.

*Numero XX.* Oculis se rursus ingerit Insigne Episco-  
patûs Passaviensis, in cuius throno resedit WOLFGAN-  
GUS ex Comitibus de Salm, ex Linea NICOLAI SE-  
CUNDI, qui ad ditiones Austriacas transmigravit, ori-  
undus.

# *Explanatio Figurarum in Ico-*

*nismis XII. XIII. XIV. & XV. contentarum.*



Galat. 2.

BSolutâ præcedentium Insignium explanatione, descriptionem ipsius forn-  
cis aggredior, qui tali artificiô concame-  
ratus est, quasi decadi columnarum in-  
cumberet, cujus medium Principes Apo-  
stolorum PETRUS & PAULUS, reliqua  
verò duo extrema quatuor Evangelistæ & totidem Pri-  
marij Ecclesiæ Doctores (qui in Ecclesia DEI *columnæ esse*  
*videbantur*) sustentarent, ac fulcirent. Intervalla colum-  
narum gratiosissimè exornant gesta & acta S. ROME-  
DII artificiosô penicillô elegantissimè expressa, prout  
huic operi sparsim insertæ icones abundè manifestant.  
Sub fornice per quinque fenestras figuræ ovalis copiosa  
lux Sacello illabitur, quarum proportio ut continuaretur,  
totidem picturæ per gyrum dispositæ in eadem figura  
ovali illis correspondent, quæ territoria ad historiam San-  
cti ROMEDII pertinentia repræsentant.

ICONISMUS XII. Exhibet delineationem CA-  
STRI THAUR, quod Dynastæ SUMMONTORIANI  
antiquissimâ stirpe oriundi, uti & SCHROBENHUSIA-  
NAM ARCEM IN BOJARIA nec non SUMMON-  
TORIUM condiderunt. Hæc THAURENSIS ARX  
DIVI ROMEDII Domus Natalis fuit.

ICONISMO XIII. Repræsentatur ANTEX, AN-  
DEGS, vel etiam Undechs/ quod olim DAMASIA, vel  
Dießen appellabatur, ad Comites de THAUR pertinuisse  
ostenditur, per RAPOTONEM & ORTULPHUM Co-  
mites

ARX HAVER.


Iconismus XII.



A. R. del.


M. P. sculp.

INDEX ANTIQVITATVM









J. di Rossi del:

M. Riola sculp.



Josep di Rossi del:

EREMVS S. ROMEDII.


M. Riola scul



mites de THAUR, qui simul Domini in Andex & **ᏊᏊᏊᏊᏊᏊᏊ** exstiterunt. Hoc Castrum successu temporis OTTO III. Comes de **ᏊᏊᏊᏊᏊᏊᏊᏊᏊᏊᏊ** in templum transformavit, & B. V. **MARIÆ** dedicavit.

ICONISMUS XIV. Obtutibus offert **SUMMON-TORIUM**, quod **ALTA GUARDIA, ALTA SPECULA**, & **ᏊᏊᏊᏊᏊᏊᏊᏊᏊ** dicitur. Eosdem cum **CASTRO THAUR** habuit Conditores, proinde etiam illorum Dominio subjectum fuisse comprobatur. **RAPOTONEM** Comitem à **THAUR** in **ᏊᏊᏊᏊᏊᏊᏊᏊᏊ** habitasse historici produnt. Hanc Arcem postmodum **WILLE-TRUDIS** Soror **ORTULPHI** de **ᏊᏊᏊᏊᏊᏊᏊᏊᏊᏊᏊ** cum illius consensu & auxilio in Parthenonem Sacrarum Virginum convertit Annò 1081.

ICONISMUS XV. Spectantium oculis proponit abstrusam **S. ROMEDII** Eremum, inter vastissimas cautes, & eminentia saxa sitam. Item Capellam illius, quam olim reparationis gratiâ conscendens faber, & fallente pede decidens, tam horrible præcipitium sinè noxa patrocinate **S. ROMEDIO** est emensus. Hunc præruptum locum elegit **ROMEDIUS**, quem **DEUS** insigni miraculo comprobavit. In hac excelsa rupe, non tantum corpore, sed etiam spiritu propinquior cælo factus, penè illud oculariter inspexit; inde allocutus est Numen & *con-* Vid. pag. 142. part. I.  
*versationem suam in calis habuit*, tamque altam rupem conscendendo vix non ipsum cælum corpore ingressus est. Placuerunt quidem semper montes **DEO**, sed non absque vallibus. Magni Sancti *montes DEI* appellatur. Quem Philip. 3.  
admodum autem dari non possunt montes sinè valle, ita nec sublimes Sancti sinè humilitate. Christiane Lector si Magnum Sanctum imitari cupis **ROMEDIUM**, illam perpende **S. Augustini** sententiam: *Altus est DEUS; humi-* Psal. 35.  
*lias te, & descendit ad te: erigis te, & fugit à te.* Serm. de Ascens.



## Descriptio Jurisdictionis Ca- stri Fundi.

VIDE ICO-  
NIS: XVI.



Omitatus Tyrolis rarò naturæ opera sua variantis spectaculò, illam Regionē transeuntium oculos & mentes in stuporem rapit, dū in montibus valles in profundum dehiscere, & in vallibus montes in altum assurgere facit. In profundis vallibus elati montes superbiunt, & in superbis montibus submissæ valles ad humilia descendunt. In hac admiranda Provincia, Jurisdictio CASTRIFUNDANA sita in VALLE ANNANIA, quoad Spiritualia Episcopo Tridentino, quoad temporalia autem Serenissimis Principibus Tyrolis subiecta, est una ex principalioribus jurisdictionibus, quas dictus Comitatus in sui ambitus gremio concludit. Originem ejus vel potius magis antiquam possessionem à memoria hominum nobis manifestiorem, Burchlechnerus citatus à Comite Prandeis in sua Aquila Tyrolensi, à GOTTSCHALCO de CAGNO deducit, & ab hoc ad MAINHARDUM Comitem Tyrolis ejusque successores Austriæ Archi-Duces devolutam scribit.

Vixerant jam tunc ante trecentos annos Illustrissimi de THUN à nobilissimarum Familiarum parentelis, Principum servitijs, & divitiarum magnitudine POTENTES nuncupati, qui tam extraordinariâ jurisdictione pollebant (uti ex attestazione Illustrissimorum Procerum Comitatus Tyrolis in principio Libri allegatâ ostendi potest) ut consimili jure aliorum in hac Regione Procerum seu Magnatum nullus gaudere reperiatur.

Præ-

part: 2 pag. 26


ICONOGRAPH. XVI



J. et R. del.

IRISDICTIO CASTRI VNDI ET ARSI.

M. Rinaldi sculp.



Præfatis Dominis de THUN in principio sæculi 1400. Serenissimi Archi-Duces Austriæ præclarissimorum meritorum intuitu, præmij locò hanc jurisdictionem primis annis, simplicis in modum pignoris, postmodum autem eorum meritis incessanter crescentibus, in pignus venditium clementissimè consignârunt. Extendit se hæc Jurisdictio ad varia Oppida, Villas, Castella aliásque complures possessiones, cum Tridentino Principatu cõmixtas. Principaliorem in hoc territorio locum obtinent duo Castella, quorum unum quatuor turribus angularibus elegantissimè munitum VIGNEA appellatur, & ad Excellētissimi hujus Libri MECOENATIS allodialia bona spectat: alterum verò CASTELFUND nuncupatur, in quo Residentia, & tam civilium quàm criminalium causarum forum est. Sævijt in hanc fabricam ante viginti & aliquot annos immitis Vulcanus, & penè totam in cineres redegit, illam tamen per tempestivam & necessariam reparationem à totali ruinâ vindicare concessum est.

Jurisditionis Castrifundanæ Præses est Territorij Capitaneus, cum amplissima potestate & plenipotētia instructus, ad quem etiam Jus Appellationis adpertinet. Huic succedit Judex seu Vicarius in utroq; Jure versatissimus, & potissimùm Doctōrali Laureâ condecoratus, qui etiam simul primæ instantiæ competens caput repræsentat, reservato Jure Tertię instantiæ ad Excellentissimum Regimen Oenipontanum. Hunc sequuntur suis quisq; ordinibus, Procurator Castri, Cancellarius insigniter privilegiatus, Notarius &c. qui omnes junctò sibi non modicò clarissimorum J. U. Doctōrum, tanquam Advocatorum numerò, hoc Forum percelebre reddunt. Excellentissimus præsentis Libri Mecænas horum Jurium Patronus est, unde etiam Dominus Jurisdictionis Castrifundi & Arsjj intitulatur: cui ut longævam possessionem benigni Cælites largiantur animitus precor.

Porro quod Jus Patronatûs Capellæ S. ROMEDII in Valle Annania concernit: illud ad Illustrissimam Familiam Thunianam temporibus Illustrissimorum Dominorum CHRISTOPHORI & BERNARDINI de THUN pervenit: cum enim præfatæ Capellæ annui redditus non nisi ad 24. florenos aureos Camera ascenderent; illi eandem ex proprijs bonis, alijs 12. florenis aureis annuè, pendendis, liberaliter locupletârunt; unde etiam à LEONE X. prænominatis Dominis benefactoribus Jus Patronatûs in dictam Capellam concessum est, & sic facti sunt Capellæ Sancti ROMEDII Patroni, & illius sacrarum Reliquiarum Thesaurarij.

Caudete fortunati Comites de THUN quod in fundo vestro tam pretiosæ Reliquiæ reserventur. Habetis Thesaurum omni pretio Superiorem; Divus enim ROMEDIUS ad astra translatus, factus est *Lapis pretiosus Jerusalem celestis*, & Vobis omnibus gemmis cariores corporis sui exuvias reliquit. Habetis quoque in Beatissimi Viri ossibus potentissimam contra inimicos armaturam, Vobis præstò sunt formidanda hostibus tormenta bellica, quia de S. ROMEDIO dici potest: *Ossa ejus velut fistula aris*. Estis Capellæ S. ROMEDII devotissimi Patroni in terris, ille verò potentissimus Vester Patronus in cælis est. Illustrissimæ ergo Domui Vestræ de THUN solatio sit sequens anagramma, quod suggerit ROMEDIUS, videlicet;

## IRE DOMUS.

Latentem sensum sequentibus explico versibus.

In terris Domus est de THUN Patrona Capellæ ROMEDII, in cælis ille Patronus adest.

Sanctô ROMEDIO, pro THUN orante Patronô


Hæc vetus ad finem non valet IRE DOMUS.

*Expla-*






1




part: 2. pag: 29.

2




Iconismus XVII.


3



4




5




J. de Rossi del.

6



7



8



M. Knecht del.

part: 2. pag: 29.

Iconismus XVIII.

## *Explanatio Figurarum Iconismi XVII. & XVIII.*



Ubi fenestris ovalibus Capellæ, compedibus vincti, & catenis constricti exhibentur præcipui hæresiarchæ, quorum impia dogmata & funestos exitus illis subiecta exprimunt emblemata, sequentibus versibus à suprâ memorato Illustrissimo ac Literatissimo Antistite, tanquam illorum authore explanata.

Primus est Arius damnatus à Concilio Nicæno, quem repræsentat venenatus bufo disruptis visceribus crepans, cum hac inscriptione :

*Dum negat æqualem Natum bufo iste Parenti  
In Latrina ejus viscera dispereunt.*

Secundus est Simon Magus à Petra Ecclesiæ in Actibus Apostolorum prostratus; quem denotat Draco volans fulmine in terram dejectus. Huic correspondet talis inscriptio :

*Hic Draco dum volitat, sacrum Flammæque venale  
Dum petit à Petro, fulmine dejicitur.*

Tertius est Hussius in Concilio Constantiensi rogò adjudicatus, quem in flammis exprimit Salamandra hac adjuncta inscriptione :

*Distribuit Laicis Calicem dum mordicus iste  
Opportuna suo fit Salamandra rogo.*

**Q**uartus est Hieronymus Pragensis in eodem Concilio similiter ad flammam damnatus, quem indicat Vespertilio hâc notatus inscriptione:

*Involat ultrices hic vespertilio flammam,  
Unâ sub specie dum negat esse DEUM.*

**Q**uintus est Nestorius in Chalcedonenſi Concilio & Ephesino anathematizatus, quem ſignificat tigris, cujus protenſa lingua vermium corroſione abſumitur, quod declarat ſequens inſcriptio:

*Hæc blaſphema DEI Matrem negat eſſe MARIAM  
Tigris, & in lingua vermibus ulta perit.*

**S**extus eſt Manes à Concilio Quarto Lateranenſi anathematis fulmine percuffus, quem denotat ſylveſtris aper in vinea Domini à canibus laceratus, qui ſequenti inſcriptione perſtringitur:

*Eccleſiæ exſtirpans uvæ aper hic laceratur  
A canibus, geminos dum putat eſſe Deos.*

**S**eptimus eſt Lutherus, cujus craſſiſſimæ, & temulentæ hæreſes à Concilio Tridentino everſæ ſunt. Illius ſymbolum agit corvus in rapido gurgite ſubmerſus, adjunctis ſequentibus verſibus:


*Corvus hic extinxit flammam, animasque negavit  
Purgari, & Bacchi gurgite merſus obit.*

**O**ctavus eſt Calvinus, quem indicat ſpurciſſimus porcus à pediculis devoratus, qui ſimiliter à Concilio Tridentino condemnatus eſt. Latentem ſenſum prodit talis inſcriptio:

*Arbitrium liberum dum porcus denegat iſte,  
Cum multis pedibus vermibus eſca datur.*









Delinatio  
Sacelli S. ROMEDI Comitis à  
Thaur. Anachoretæ Vallis Anna  
niæ in Diœcesi Tridentina Apostoli  
quod in monumento pietatis Illu  
strissimus ac Excellentissimus



*foldout/map  
not digitized*



## *Continuatio Descriptionis Sacelli S. RÔMEDII.*

**H**Actenus imagines, figuras historicas, & Symbola in splendidissimo hoc Sacello contenta elucidavi, nunc ipsius fabricæ prosequor descriptionem. Et quidem, quòd laterales Capellæ parietes attinet, illi artificioso opere, ad similitudinem columnarum, vite eas cum pampinis, & uvis suis circumplectente condecorati sunt. Inter racemos aligeri Pusiones diversis gestibus ludunt, & puerilem petulantiam scitè imitantur. Insistunt illæ basi- bus lapideis artificiosâ massâ tam eleganter incrustatis, ut nigrum marmor albis distinctum maculis ad vivum exprimant, & non tantum curiosos oculos, sed etiam curiosè explorantis manum (postquam error innotuit) cum gustu fallant. Pergyrum Capellæ sex numerantur O- ratoria, quorum duo priora summo Altari vicina augendæ lucis, & decoris causâ exstructa, hujus regularis fabricæ sunt accessoria. Quatuor reliqua Herili devotioni cum summa commoditate peragendæ inserviunt; nam ad illa ex intimis Herilibus cubiculis immediatus patet acces- sus. Supra introitum Capellæ situs est Musicorum Cho- rus, Organô resonantissimô pro capacitate loci instru- ctus. Tandem à summis ad ima descendendo, ingentem splendorem Sacello addunt tria sumptuosa Altaria, qui- bus decenter exornandis nec artifex industriæ, nec Ex- cellentissimus Fundator expensis pepercit.

Summum Altare versùs meridiem situm, arte statu- aria affabrè elaboratum, potiore sui parte cæruleo colo- re imbutum, & Indicâ vernice obductum est, quæ tan- tum splendorem huic operi conciliat, ut pulchritudinem lapidis Lazuli æmuletur. In reliquis ornamentis & pro- jecturis hoc splendidissimum Altare Aurô obryzô in bra- cteolas ductô vestitum, & dives est.

Imago, quæ capacitatem Altaris implet, ex una parte spectandum exhibet Sanctum ROMEDIUM, ursô farcinularum suarum bajulô comitatum; Ex altera verò energumenos, ex quibus Vir Sanctus pessima ejicit dæmonia. Hanc iconem excellentis pictoris manu venustissimè efformatam, & non vulgari pretio comparatam Celsissimus Princeps JOANNES ERNESTUS, Archiepiscopus Salisburgensis, hujus Sacelli Pientissimus Consecrator pro augenda summi Altaris magnificentia liberaliter donavit. Coronidis locô illi impositum est scutum splendidissimum hanc continens inscriptionem:

*Sacra DEI muros inter translata Patroni*


*Lypsana, De Facto cum Conjuge structor honorat.*


In his versibus ROMEDIUS suggerit anagramma DEI MUROS, & per ly DE FACTO ad nomen de THUN Illustrissimus Fundator allusit. Supra Altare in superficie muri expressæ conspiciuntur binæ Geniorum effigies Gentilitium Sancti ROMEDII in signe tanquam Comitibus de THAUR sustentantium. His subjecta legitur sequens inscriptio:

*Clarus in insigni, sed Signis clarior extat.*

Tabulæ Altaris insistit splendidum Sacrarium, in quo Augustissimum Eucharistiæ Sacramentum argenteo Ciborio clausum asservatur. Structura hujus fabricæ adjunctis elegantissimis additamentis juxta longitudinem Altaris porrigitur. Tabulata illius cæruleo colore sunt saturata, ornamenta verò ex diversis Termitibus, floribus, fructibus, & Aligeris composita, valde curiosâ inventionem à peritissimo artifice ex stanno Anglicano ita sunt elaborata, ut ex Officina Aurifabri prodijisse credantur. Diebus autem Solemnioribus, quibus Sacro Sanctæ Eucharistiæ Sacramentum in argentea Monstrantia præsentia copiosi populi adorandum proponitur, pro majori splendore adhibetur sumptuosum Tabernaculum ex argento







*Sacelli facies Orientalis.*



*foldout/map  
not digitized*

gento finissimo probæ Augustanæ constans, & pondus quinquaginta septem Marcarum adæquans. Fabrica illius quatuor columnis comprehenditur, quarum bases ex fuso argento constant; & ipsa columnarum corpora pellucidam Saphyrum æmulantur, epistilijs autem illarum itidem ex argento fuso quatuor insident Angeli, grandiusculam coronam Imperatoriam apici Monstrantiæ imminentem sustinentes. Totum hoc præclarum opus aurò gemmisque factitijs tam eleganter est ornatum, ut splendori illius par in vicinis Provincijs rarò inveniatur.

Summo Altari in splendore impares non sunt binæ laterales Aræ, quarum una B. V. Auxiliatrici Passaviensi sacra est, cujus ectypon ex prototypo adeò ad vivum depictum est, ut ab unius artificis manu processisse credatur. Hanc piâ amabilitate plenissimam imaginem unâ manu sustinent, & alterâ Imperiali diademate coronant gemini altioris staturæ Aligeri, compluribus minoribus Genijs inter nubes Divæ Virgini famulantibus. Totius hujus Altaris fabrica unâ cum radijs infernè diffusis, quibus implicita se in gyros agit scheda argentea cum inscriptione : PROFER LUMEN CÆCIS. Tam sumptuosè deaurata est, ut eidem ad splendorem nihil deesse posse videatur. In eodem Altari devotioni Fidelium veneranda exponitur statua Beatissimæ Matris Dolorosæ, quæ in pretiosissima, argenteis phaleris ac projecturis, nec non versicoloribus gemmis ornata, & ex Ebena fabrefacta sella splendidissimè residet. Ornatus illius in aureis torquibus, annulis, gemmis, ac unionibus consistens, notabilis summæ pretii adæquat. Pretiosissimum hoc ab irrememorabili tempore Familiæ Thunianæ cymelium, & quasi sacrum Palladium est, cujus intuitu complures gratiæ eidem cælitùs obvenerunt. Ex lateribus hujus Altaris non pauca spectantur ex puro argento devotæ gratitudinis anathemata ab illis religiosè appensa, qui ope hujus Marianæ Iconis sanitatis perditæ restitutionem, & diversas alias gratias à

i

DEO



DEO obtinuerunt. Neque solo temporali, sed etiam spiritali thesauro præfatum Altare dives est, singulis enim diebus sabbatinis Christi Fidelibus, qui coram illo Beatæ MARIÆ Virginis Litanij recitandis, vel decantandis interfunt, centum dierum Indulgentiæ ex Thesauro Ecclesiæ dispensantur. Præterea Excellentissimus Dominus Comes ROMEDIUS ferventissimum promovendi Mariani Cultûs & Catholicæ devotionis zelum luculentissimè demonstravit, dum anno 1695. de consensu Sedis Apostolicæ, ad hanc Privilegiatam Aram Confraternitatem Sanctissimi Rosarij erexit, ope cujus tam opulentum conquistavit spiritalium gratiarum gazophylacium, *ut non sit finis thesaurorum ejus.*


Isaia. 2.


Te hic alloquor Comes Excellentissime! per devotionem Mariani Rosarij sacras rosas plantâsti, unde Tibi promittere audeo: *quidquid calcaverit pes tuus, rosa fiet.* Bonum præbet omem Tuum Nomen ROMEDIUS: nam anagrammaticè ID ROSEUM Altare, seu Rosetum Marianum promittit. MARIA *quasi plantatio Rosa in Jericho* Te in perpetuo Majore conservabit, *dum Rosei* anagrammaticè ex Tuo nomine fluent dies, & florida tempora. Erigendo Sodalitium Marianum plurimos Beatissimæ Virginis Cultores conscripsisti, ac optimò alijs prælucens exemplò Nomen Tuum Albò Marianò inscripsisti, piè igitur sperandum habes, pariter Nomen Tuum Aureis majusculis tanquam Rectoris scriptum fuisse *In Libro Vita.*

Ecclesi. 24.

Progredior nunc ad alteram lateralem Aram Divæ BARBARÆ Virgini & Martyri dedicatam. In illius supremo culmine singulæ Sanctissimæ Trinitatis Personæ ab artificiosa manu elaboratæ eminentissimum locum occupant. In medio Altaris sita est Imago sanctæ BARBARÆ ob picturæ elegantiam notabili pretio comparata. Latera hujus iconis claudunt cœlò devolantes Angeli, Defunctorum animas ex piacularibus flammis in ima Altaris parte eripientes. Potissima illius structura non parcâ manu au-  
rô







*Sacelli facies Occidentalis.*



*foldout/map  
not digitized*







rô obducta refulget, ita ut ornatissimæ Capellæ non modicum addat splendorem. Hæc elegantissima Ara pariter thesauro suo non caret, gaudet enim notabili parte Reliquiarum S. BARBARÆ Virginis & Martyris, quæ in affabrè elaborata Lypsanotheca (cui argentea ejusdē Sanctæ Statua insistens pretiū addit) inclusa reservatur. Dicta Altaria ad latus sita subsequuntur quatuor altioris amplitudinis portæ eodem artificio cum basibus columnarum nigro marmoris assimilatæ. Illa, quæ juxta Altare S. BARBARÆ conspicua est, herilibus personis ex terreno cubili ad Capellam introitum pandit, eâ commoditate, ut si illis liberit, solis reclusis januis intra cubile existentes per eandem Divina Officia in Sacello peragi solita, finè obstaculo observare possint. Ex opposita parte correspondet confimilis porta, intra cujus cavitatem Confessionale cernitur sacro Tribunali pœnitentiæ deputatum. Reliquæ duæ portæ aditum aperiunt ad bina rerum Sacrarum repositoria. Primarium illorum in splendore à Capella sua non deficit, sed revera tanquam accessorium suum sequitur principale, adeoque inter elegantiores Regni Bohemiæ sacristias meretur connumerari. Illius fornix artificioso cæmentarij labore exornatus, triade imaginum condecorata, quarum grandior (quæ sacristiæ meditullium occupat) Beatissimum S. ROMEDIUM à vita decedentis agonem repræsentat. Spectantur in illa Angeli, palmam cum corona Victori fortissimo deferentes. Et sanè gloriosus victor fuit ROMEDIUS, qui per bellissimas tentatus mulieres, non fuit imbellis miles, sed in hoc Bello non bello, de arcu & sagittis Cupidinis triumphavit. Victor pecuniæ fuit ROMEDIUS, licet enim teste Ecclesiaste *pecuniæ obediunt omnia*: nihilominus liberalissimus Eleemosynarius illi generosè rebellavit, & eandem ad manus pauperum tanquam ad exilium relegavit. Victor fuit mundi ROMEDIUS, quem pedibus conculcavit, & tandem (quæ maxima est victoria) victor sui ipsius. Proinde de Beatissimo Viro veri-

Cap. 10.

Cap. 1. rificatum fuit illud ex Jacobo Apostolo elogium: *Beatus Vir qui suffert tentationem, quoniam cum probatus fuerit accipiet coronam vitæ quam repromisit DEUS diligentibus se.*


In extremitatibus Sacristiæ depicta cernuntur campanarum in morte S. ROMEDII sponte sonantium, & Angelorum pro tumulando illius corpusculo sepulchrum parantium miracula: de quibus cū parte 1. pagina 141. jam actum sit, plura scribere supersedeo. Infra fornicem per circuitum spectantium oculos oblectat Imago Salvatoris nostri cum duodecim Apostolorum Collegio, quorum singulorum effigies famosus penicillus C A R O L I SECRETÆ, Bohemiæ Apellis artificiosè expressit. Lateralium parietum superficiem peritus Arcularius quernis tabulis affabrè contexit. Porro tribus hæc Sacristia instructa est majoribus armarijs, quorum maximum servandis longioribus summi Altaris antependijs deputatum, etiam Sacerdotibus ad Missæ Sacrificium accessuris pro assumendo Sacro ornatu inservit. Huic reconditorio superstructa sunt diversa Scrinia & Arculæ, fèris suis munitæ, quibus argentei calices, & pretiosa Monstrantia cum Ciborio, nec non reliqua ad Sacrificium Missæ pertinentia custodiuntur. Reliqua supereminens parietis nuditas egregijs ornamentis, & parergis manu periti Scriuarij sculpturatis, & Imaginem Nativitatis Dominicæ ambientibus est vestita. Ex illius utraque parte grandiores fenestræ lumen diurnum copiosè admittunt. Alterum reconditorium est Sacrorum Paramentorum (ut ità dicam) vestiarium. In illius superiore parte plurima reperiuntur pro appendendis Casulis, & Planetis sustentacula, eâ dexteritate constructa, ut in vertebis suis nullo penè negotio hinc inde gyrentur, ac consequenter necessarius pro qualitate festi, & Divini Officij ornatus absque tædio quærentis facillimè reperiri possit.

Ultra profusâ Excellentissimi Domini Fundatoris circa  
ca

part. 2.



pag. 35.





ca Divina liberalitatem Illustrissima Coniunx BARBARA FRANCISCA Nata Comitissa de SALM, matrimonialium virtutum speculum, & compendium pietatis, Divino cultui addicta, huic Sacello de Casulis seu Planetis & Pluvialibus non tantum sufficienter, sed etiam abundanter piâ largitate providit. Hæc Sacerdotalia ornamenta non solum ex vulgari constant materia, sed etiam complura ex illis aurô & argentô intertexta, ac opere Phrygio, divite acu, aurô picta reperiuntur. His per omnia correspondent Altarium antipendia consimili splendore fulgentia. In parte inferiore hujus repositorii asservatur lineus Altarium ac Sacerdotum Divina peragentium apparatus. Albæ uti & Rochetta cum superpelliceis ex tenera sindone confecta, limbis venustè intercurrentibus distincta, ac sumptuosis fimbrijs exornata, summam præferunt munditiam. Verbô, de lineis Sacerdotum, Ministrorum, & Altarium paramentis adeò Capellæ provisorium est, ut pro qualitate Sacræ ædis nihil amplius possit desiderari.

Tertium Armarium in Superiore scrinio custodit ar-argenteas lampades, thuribulum, candelabra, ampullas, urceolos, & reliquam Sacram ex argento suppellectilem. In inferiore autem reconditorio asservantur minora lateralium Altarium antipendia. In medio Sacrarij situs est focus (vulgò caminus Italicus) ad arcendam frigoris vehementiam accomodatissimus. Superiorem muri partem contegit CHRISTI in Cruce expirantis elegans imago, ad devotionem animi excitandam opportuna.

Inter reliqua nitidissimæ hujus Sacristiæ ornamenta eximium eidem decorem conciliat elegantissimum lavacrum, magnitudine & pulchritudine excellens, ac opus verè singulare. Totum illius corpus ex stanno finissimo argenti æmulo nitidissimè est constructum. Superior illius pars conchæ deauratæ assimilatur: inferior autem dimidiati cylindri formam gerens, speculi instar

tam nitidè politum est, ut spectantium oculos splendore suo feriat, & res in Sacristia existentes repræsentet. Ex umbilico lavacri caput leoninum aureo colore tinctum ex hiantè rictu, apertò epistomiò undas in subiectam pelvim eruçtat, & Sacerdotibus manus abluentibus mundam aquam subministrat. Denique in hac valde sumptuosa Capella & splendidissima Sacristia, nihil habet invidus oculus, quod fugillet, bene autem avarus animus invenit, quod concupiscat, & de tam pia Fundatoris liberalitate tenax Evclio sordidè doleat.

Porro introitus Capellæ duplici porta munitus est. Interior quæ capacitatem illius respicit, est tota ab imo usque ad summum è solidis clatris ferreis vario & venustissimo opere ductis fabrefacta. Inter hanc & exteriorem portam atrium sacelli situm est: janua exterior ex ligno querno affabre elaborata, in fronte præfert gentilitia Illustrissimarum Familiarum de **THUN & SALM** insignia. Ante portam in Capellæ frontispicio duæ grandioris molis columnæ sustinent podium lapideis cancellis à perito lato munitum. Tandem ut ab infimis ad summa, ex terra ad Cœlum ascendam: tectum hujus fabricæ ferreislaminis vestitum est, cui pro coronide imposita cernitur effigies S. Romedij, quem Ursus comitatur, cui ego hanc subjicio inscriptionem:

*Hostem Sancte Comes procul hinc Tuus urgeat Ursus,  
Ac omne à Choltitz arceat Arce malum.*

Descripsi rudi calamo Capellæ **S. ROMEDII** elegantissimam fabricam à Summo tecti culmine usque ad infimum limen portæ. Extra Sacelli ambitum progressus januam clausi, æquum igitur est, ut pariter meam claudam descriptionem.

Claudo, & laudo Illustrissimum ac Excellentissimum **FUNDATOREM**, illique omnia prospera & fortunata  
omi-

ominor. Ad hoc præstandum me animant complura bene ominosa anagrammata oraculis Delphicis veriora. Quæ licet non sint ex Tripode Appollinis prolata, sunt tamen ex sequenti fortunato Programme desumpta.

## *Romedius è Comitibus de Thun.*

Finaliter igitur Te alloquor *Illustrissime ac Excellentissime Domine Comes*. Extruxisti Oratorium & Domum orationis; confidenter itaque in illa Divinam taliter ora Majestatem. Benignissime DEUS, qui bonorum remunerator es, respice ad Capellæ muros, in honorem Nominis Tui & S. ROMEDII exstructos, ac illorum intuitu Sanctam Tuam mihi largire benedictionem. Effice \* *UT HODIE SIM MURO BENEDICTUS*. A Te procedit omnis benedictio. \* *DUM VIS BENEDICTUS ERIT HOMO*. Benedic igitur mihi & Filio meo, sicut benedixisti Abraham & Isaac. Benedic mihi \* *UT SIM DIU RE BENEDICTUS*. Et Te benedicam in sæcula.

\* *Afferi-  
sci deus-  
tant ana-  
gramma-  
ta super-  
ioris pro-  
gramma-  
tis.*

Adjungo etiam preces meas tanquam indignus quondam Sacelli S. ROMEDII Capellanus. O Liberalissime DEUS, apud quem nemo perdit mercedem suam, qui bonis operibus præmiū promissisti, & promittendo sponte factus es *Debitor* Creaturæ; apud te enim fidelissime DEUS omne promissum cadit in debitum. \* *SI HOC DEBES DOMINE VIRTUTUM*: Te suppliciter exoro, ut pientissimo hujus Capellæ Fundatori conferas præmiū temporale, & æternum. Largire illi prospera tempora in terris. \* *HIC SINE MORBO DIU MUTET* annos & sæcula, & nunquam in deterius mutetur. Firmissimè spero, quod Famulum Tuam ROMEDIUM usq; ad decrepitam senectutem \* *OB VIRTUTEM HOMINIS DEDUCES*. Non tangat illum tormentum mortis \* *IMO HUNC JUSTE DEBET MORS DIU* illæsum conservare, ut gratiâ Tuâ superstes diu permaneat, unico



Filio suo firmamen, Conjugi solamen, subditis tutamen,  
pauperibus juvamen, Amen.

Bene spera *Comes Excellentissime*. Non tantum au-  
dient, sed etiam exaudiet Dominus suas preces. Solatio  
Tibi fit optatissimum anagramma, quo DEUS votis Tuis  
respondet, quasi diceret: \* *HUIC DEUM TIMENTI*  
*ORBES SUBDO*. DEUS Tibi utrumque orbem tam  
*Genes. 27.* terrestrem, quam Caelestem subdet, quia *de rore Cali, &*  
*pinguedine terrae erit benedictio Tua*. De Te cum admira-  
*Psal. 127.* tione proclamabitur. *Ecce sic benedicetur Homo, qui timet*  
*Dominum*.

Quia verò benedictio Patrum etiam descendit in fili-  
os (nam in semine Abrahæ benedictæ sunt omnes gen-  
tes) ad Illustrissimum Dominum Junio**REM** ROMEDI-  
UM, re & nomine SECUNDUM me converto. Est il-  
le per Lineam maternam tenerrimus ex magno Flumine  
de SALM pisciculus. In hunc Illustrissimū Junio**REM**  
utriusque gloriosissimi stemmatis nobilissimus sanguis con-  
fluxit; unde rectè illi applicari potest hoc Sapientissimi  
*Prov. 17.* mortalium oraculum: *Gloria Filiorum Patres eorum*. Quod  
ut luculentissimò comprobem testimoniò, in præsentī  
adjecta tabula, Illustrissimam illius purissimæ Nobilitatis  
produco Genealogiam, & sequentibus votis per Ana-  
grammata, ex programme ROMEDIUS desumptis,  
meam termino scriptionem. Fiat Illustrissimus Domi-  
*Genes. 35.* nus Junior BENIAMIN, id est *Filius dexteræ*, vel potius  
Ambidexter. Verificetur de illo hæc Regis Salomonis  
sententia: *Longitudo dierum & anni vitæ in dextera ejus, in*  
*Sinistra autem ejus divitiæ & gloria*. Nunquam fiat Benoni  
id est *filius doloris*: sed jucundissimus Isaac, de cujus felici  
*Genes. 21.* nativitate lætata Sara Mater in hæc verba erupit: *Risum*  
\* *Aperisci fecit mihi DEUS, quicumque audierit corridebit mihi*. Cor-  
*Anagram-*respondet voto meo ROMEDIUS, hoc Anagrammate:  
*mata de-* \* *RISUM EDO*. Et rectè risum facit Excellentissimis  
*notant.* paren-

parentibus suis , qui in illo summum habentes solatium cum gaudio exclamant: \* *O RIDEMUS!* Non solum illis, sed etiam ob virtutes suas Summo Numini placens ROMEDIUS facit \* *RISUM DEO*. Proinde Divina Clementia Illustrissimi Junioris vota clementer exaudiat ita precantis. O! \* *ME DIUROS* cælestis benedictionis foecundet, ut pro conservatione meæ Lineæ & stemmatis \* *DIU MEROS* & egregios \* *DEM VIKOS*, & de Posteritate mea \* *DIU SERMO* habeatur. Bene spera Illustrissime Domine Junior! Ut enim hæc vota eveniant ego indignis meis precibus ita Divinam imploro Majestatem \* *O SIDERUM* Conditor DEUS hanc unicam Excellentissimorum Parentum gemmulam conserva, ut per plurimas annorum revolutiones salva, & incolumis perseverans exclamare valeat \* *DURO MEIS!*

*Vide mem-  
orabili-  
simam  
Anagram-  
maticam.*

Duret diutissimè sanus, & sospes ROMEDIUS,  
nec nisi post multa sæcula illum permit-  
tat \* *DEUS MORI*



*Ad Illustrissimum Dominum Juniorem Comitem*

## ROMEDIUM SECUNDUM.

**N**omine ROMEDIUS, Tu diceris esse SECUNDUS,  
 Nomine non solo, Re quoque talis eris.  
 Quando Te facient clementia sidera *Primum*,  
 Tunc etiam faustâ sorte *secundus* eris.  
 Quid prodest *primum* si non juvat esse *secundum*?  
 Plurima præ *primo* jura *secundus* habet.  
 Admiranda favet semper fortuna *secundo*,  
 Qui fuerit felix, ille *secundus* erit.  
 Ergo ROMEDIUS feliciter esto *secundus*,  
 Non solum *nomen* sed simul *omen* habe!

# VOTA CHRONOGRAPHICA AUTHORIS.

I.

*Ad Illustrissimum ac Excellentissimum Dominum, Dominum*

## ROMEDIUM CON- STANTINUM,

Comitem de THUN.

VIVat NestorIIs eXCeLLentIIsIMVs annIs,  
ILLI ContInVò prospera CVncta fLVant!

II.

*Ad Illustrissimam & Excellentissimam Dominam, Dominam*

## BARBARAM FRAN- CISCAM

de THUN, natam Comitissimam de SALM.

annIs InnVMerIs ter feLIX Barbara VIVe!  
barbara non noCeat fors tIbI, VIVe DIV!

III.

*Ad Illustrissimum Dominum, Dominum*

## *JunioREM* ROMEDIUM *secundũ*

Comitem de THUN.

obseqVlofa tIbI MIrè fortVna faVeblt,  
In terrIs feLIX, atqVe seCVnDVs erIs.

IV.

## *Ad totam Illustrissimam Triadem*

fILIVs, atqVe Pater, GenItrIX qVoqVe Barbara VIVat!  
Ista slt & Maneat ter beneDICTa trIas.

*Est*

*Est dulce Amici res videre prosperas.*

Comicus Græcus.

*Admodum Reverend. Religioso, Venerabili & Doctissimo Patri*

# AMANDO FRIE- DENFELS,

Sacri Ordinis Præmonstratenſis Regiæ Eccleſiæ Montis  
Sion (vulgò Strahow.) Canonico, & in celeberrimo Archi-Epiſcopa-  
li Collegio Pragenſi per quinque curſus Philoſophicos olim Profeſſo-  
ri fundatiſſimo, nunc emerito, Vitam S. ROMEDII doctè non mi-  
nus quàm Sanctè ſcribenti, & in publicam lucem plauſibiliter  
edenti, aggratulabundus applauſit infra ſcriptus  
Amicus.

*Cum Sancto Sanctus eris. Pſal. 17.*

De Sancto ſanctè diſcurris, ſcribis Amande,  
An tua mens ſancta eſt, an tua ſancta manus?  
Si tua mens humilis prohibet Te dicere ſanctum:  
At doctrina tamen Te probat eſſe *Virum*.  
Scriptor de Sanctis, qui ſanctè plurima ſcribit,  
De Sanctis aliquid participare ſolet.

*Aliud.*

Programma

## AMANDUS.

Anagramma

## AD NASUM.

Dum ſtemma *Eximijs* de THUN conceptibus ornas  
*Eximius* ſcriptor nonne vocandus eris?  
Quando *magnificas* Magnatum nomina, quòd ſis  
Magnificus Rhetor nemo negare poteſt.  
Quando malos mores tua pungit ſcriptio, multos  
AD NASUM calamò tangis Amande tuò.

Aliud.

# *De Authore Gloriam Illustrissimæ Domus de THUN scribente.*

Laudemus Viros Gloriosos. Eccli. 44.

**M** Agnorum Comitum magnalia scribit Amandus,  
Scribere de magnis non nisi magna potest.  
Hoc solum miror, quòd parvus corpore Scriptor,  
Non magnò claudat maxima gesta librò.  
Plus facit hic Author, quàm si prægrandis Homeri  
In nuce famosam clauderet Iliadem.

*Allusio ad nomen & cognomen Authoris*

## A M A N D U S Friedensfels/

**N** Ulla salus bello, pacem te poscimus omnes,  
Non bellum, sed pax semper AMANDA placet.  
Suavis, AMANDE geris cognomen amabile PACIS,  
Excludis Martem, Pacis Oliva placet.  
Efficiunt charum Te Nomen & Omen AMANDI,  
Bella gerant alij, Tu PETRA PACIS eris.

*Genuinus ego sum amicus, & amicum ut amicum novi.*

Antolog: Græc: l. i. c. 85.

*Ita Sincerus Amicus,  
Amico, amicissimè applaudit.*

**JOANNES IGNAT: FRANCISC: VOITA,**  
de Nigra Sylva, Philosophiæ & Medicinæ  
Doctor.

AUTHO.

# A U T H O R I I N G E N I O S I S S I M O *Gloriosum Sanctum* R O M E D I U M

deprædicanti,  
 & *Gloriosam Familiam de T H U N laudibus efferenti,*  
 Nec non morales digressiones in Lucem edenti.

**D**ivi ROMEDII dum vitam scribis Amande,  
 Laudèque *T h u n i a d u m* fers super astra Genus,  
 Quidquid & adjungis fugiendum, quid faciendum,  
 Stemmatis est ingens, sed Tua fama simul.  
 Tanta stupens digitum\* *A D N A S U M* tibi Mome repone,  
 Et\* *D A* captivas Zoile victæ\* *M A N U S*.

\* Denotat anagrammata ex Programmate Amandus.

## *Carmen Cabalisticum*

Pro Anno 1699.

*Claruit, æternum Tua Fama virebit Amande.*

PROBA.

C	3	Æ	6	T	100	V	200	A	1
L	20	T	100	V	200	I	9	M	30
A	1	E	5	A	1	R	80	A	1
R	80	R	80	F	6	E	5	N	40
V	200	N	40	A	1	B	2	D	4
I	9	V	200	M	30	I	9	E	5
T	100	M	30	A	1	T	100		

413 | 461. | 339. | 405. | 81. |

Summa Totius.

413.

461.

339.

405.

81.

Annus 1699.

m

*Ita Cordetennus vocet Servorum ob-  
 sequentissimus, & olim condiscipulus*

Joannes Christophorus  
 Zhudovsky de Eberberg Ta-  
 bul: Regni Bohem: Registra-  
 tor.

## SYNOPSIS

Eorum quæ in hoc Libro continentur.

## IN PRÆLIMINARIIS.

Dedicatio Operis.

Præfatio ad Illustrissimam Familiam de THUN.

Ad Benevolum Lectorem.

Censura Operis, &amp; licentia imprimendi.

Epitome Vitæ S. ROMEDI.

Protestatio Authoris.

Ejusdem submissio erga S. Matrem Ecclesiam.

Elegia ad S. JOANNEM NEPOMUCENUM.

\*\*\*\*\*

## S. ROMEDIUS.

Homo Nobilis.	-	-	pag. 1.
Bonus Miles Christi.	-	-	pag. 10.
Pater Pauperum.	-	-	pag. 20.
Peregrinus coram Domino.	-	-	pag. 38.
Prædicator, & Apostolus.	-	-	pag. 52.
Inimicus Mundi, amicus DEI.	-	-	pag. 67.
Christo confixus Cruci.	-	-	pag. 87.
Pelicanus Solitudinis.	-	-	pag. 106.
Architectus sapiens.	-	-	pag. 120.
Homo DEI.	-	-	pag. 136.

\*\*\*\*\*

*Illustrissima* DOMUS de THUN.


Domus Cedrina.	Gloria Thunianæ nobilitatis.	pag. 4
Domus Fortium.	Gloria Militaris Domûs Thunianæ.	pag. 13
Domus Aurea.	Gloria Beneficentiæ Thunianæ.	pag. 24
Domus Aaron.	Gloria Ecclesiastica Domûs Thunianæ.	p. 43
Domus Sapientiæ.	Gloria Sapientiæ Thunianæ.	pag. 56
Domus Proficiens.	Gloria Politica Domûs Thunianæ.	pag. 72
Domus Præclara.	Gloria Crucis in Domo Thuniana.	pag. 92
Domus Sanctificationis.	Gloria Religiosa Domûs Thunianæ.	p. 111
Domus Domini.	Gloria Pietatis Thunianæ.	pag. 124
Domus Æternitatis.	Gloria Perennis Domus Thunianæ.	p. 143

Di-



## Digressiones Morales.

1.	Quid est nobilitas sine virtute?	-	pag. 7.
2.	Quæ sit maxima Victoria?	-	pag. 17.
3.	Quid est Dives Avarus?	-	pag. 34.
4.	Quid est osculum?	-	pag. 48.
5.	Quid est sapientia hujus mundi?	-	pag. 63.
6.	Quid est Mundus?	-	pag. 79.
7.	Quæ sit Crux maxima?	-	pag. 98.
8.	An homo Solitarius semper sit solus?	-	pag. 116.
9.	Quid est templum DEI?	-	pag. 132.
10.	An rectè scribi possit ad mortuos?	-	pag. 156.



## ECTYPON.

### Capellæ S. ROMEDII.


Allusiones ad sanctissimam Trinitatem.	Pag. 3.
Explanatio Symbolorum S. ROMEDII.	pag. 4.
Explanatio Litteræ Thau.	pag. 5.
Explanationes figurarum ex Biblijs, à Pagin: 7. usque.	12.
Illustrissimæ Familiæ de SALM compendium.	pag. 13.
Explanationes Figurarum in quibus diversa repræsentantur insignia, à pagina 18. usque ad	pag. 23.
Explanatio Figurarum Arcem Thaur, Andex, Altam Guardiam, nec non Eremum S. ROMEDII repræsentantium.	pag. 24.
Descriptio Jurisdictionis Castri fundi.	pag. 26.
Explanatio Symbolorum quibus hæresiarchæ perstringuntur.	pag. 29.
Descriptio Sacristiæ.	pag. 35.



*Non est prudentis errantes odisse, alioquin ipse sibi odio erit.*  
Senec. i. de ira. c. 14.

**N**ihil magis humanum est, quàm errare, & nihil magis inhumanum quàm humanis erratis nolle condescendere. Centum oculos Argus habuit, nec tamen sic omnia vidit, quid ergo mirum, si nonnulla subterfugiant minus oculatum. Humanissime Lector, si in quædam errata Orthographica incideris, eâ benevolè excusare, & corrigere non dedigneris. Quæ mihi in ultimata revisione operis emendanda occurrerunt hic subnecto.

Pagina.	Linea.
2.	25. gygas, lege gigas.
5.	3. Patricius, lege Patritius.
7.	1. Margaritha, lege Margarita.
10.	2. contemnis, lege contemnīs.
11.	5. propinguus, lege propinquus.
12.	17. ipsos, lege ipsas.
	23. Sampsones, lege Samsones.
13.	20. 21. Sampsones, lege Samsones.
14.	17. pretiosi balthei, lege pretiosa balthea
21.	33. dicendis, lege dicentis.
27.	5. quærela, lege querela.
28.	15. oportunum, lege opportunum.
31.	3. supellectile, lege supellectile.
33.	7. tandem, lege tandem.
41.	18. consumationem, lege consummationem.
42.	11. accuratius, lege accuratius.
44.	8. Simonen, lege Simonem.
49.	27. absumisti, lege absumpisti.
66.	6. comes, lege comis.
146.	15. honestima, lege honestissima.
149.	17. statuarum, lege statuarum.
153.	14. expro, lege exopto.
160.	6. Sacretorum, lege secretorum.



*In Ectypo Capellæ.*

Pagina.	Linea.
2.	2. minimum, lege minima.
3.	24. dictuta, lege dictura.
8.	5. Eliseum, lege Eliseum.
17.	5. Joannem, lege Joannem.
18.	11. exixa, lege enixa.
23.	24. tyaram lege tiam.
34.	17. omem, lege omen.
37.	20. ar, in fine deleatur.
	26. accommodatissimus, lege accommodatissimus.

F I N I S.







